



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Postillati 118





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Postillati 118



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Postillati 118



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Postillati 118

1073


Post.

118

Biblioteca Nazionale
Centrale - Firenze

Compendio

ST 3475



Quinto. v. la città d'Orvieto al guardesi 61.

no Diario, e Lett. del M^{re} Legato. e Govern. Lett. It. t. 27. e 30.

UNIVERSVM
SACROSANCTVM
CONCILIVM

TRIDENTINVM,

OECVMENICVM, AC GENERALE,
LEGITIMÉ TVM INDICTVM,
TVM CONGREGATVM:

Sub S. D. N. Pont. Max. Paulo III. Anno 1545. 1546. & 1547.
Et sub Iulio III. Anno 1551. & 1552.

Et sub Sanctiss. D. N. Papa Pio Quarto. Anno,
1562. & 1563.

Nunc recens, multò quàm antea limatius, emen-
datusq; in lucem prodit.



BRIXIÆ.

CVRA ET IMPENSIS IO: BAPTISTAE BOZOLAE.
M. D. LXIII.

Dominiq. Mellini, Guid. F. 2

Handwritten text, likely a title or header, possibly including the name of the author or the title of the work.



Main body of handwritten text, appearing to be a list or a series of entries, possibly related to the postillati (marginal notes) mentioned in the caption.

Post. 118

AMPLISSIMO, AC

REVERENDISS.

D. DOMINICO BOLLANO,

PATRITIO VENETO,

DEI, ET APOST. SEDIS GRATIA,
Brixienſi Epifcopo, Duci, Marchioni, Co-
miti, Equitiq;

IO: BAPTISTA BOZOLA,
Felicitem. O. P.



INTER tot, tantaq; decora (Am-
plissime præſul) quibus, Dei populus,
in orbe, per ſecula, ornatus ſplendet:
Conciliorum maietas occurrit; illu-
ſtris, inclyta, atq; undiquaq; ſacro-
ſancta: Ad hæc, ſummæ utilitatis,
ſummæ neceſſitatis. Quid enim in
Chriſti Regno eſſe poteſt, authoritate
ſanctius; dignitate præclarius; utili-
tate fructuoſius? Nil mea quidẽ opi-
nionẽ, Chriſtiano, nil antiquius, nil commendabilius, nil exop-
tatiuſ, ſacroſancta Synodo eſſe ſolet. Atquẽ tempora noſtra
difficillima, turbulentiffima, facile efficiunt, ut Concilium hoc
Tridentinum, quod præſcis, autoritate, amplitudine, gratiaq;
par: ſuperiora ferẽ cuncta, hac una opportunitate ſuperet; fla-
gitatione, atq; neceſſitate. Quid quaſo à ſeculis, uel omnium
uotis magis expetitur, amplius flagitatum, magis neceſſarium?
In hanc Apoſtolicam Synodum, totius orbis oculi coniecti: om-
nium populorum uota, intenta. Hoc eſt (optime Antiſtes)

+ ii

Ex
ædizione,
transit ad
Nuncupa
tionem.

quod animum, mentem, operamq; meam, ad hoc ædendum opus, omni adoratione uenerandum, allexit, impulit, traxit. Ego omnium minimus, Ecclesiæ Romanæ deditus, & indignus seruus, Tridentinum Concilium amplector, ueneror, adoro. Ego pro uirili, patrum utilitati consulens, Tridenti primus officinam librariam aperui: Acta, chalcographis tradidi: Periculis, impense, laboribus, non peperci. Caterum nihil mihi longius uisum, quàm ut totius huius Concilij, ad hunc usq; diem acta, difinita, sancita, trium maximorum pontificum nomine & auctoritate, Pauli nimirum Tertij, Iulij Tertij, & nunc Pij Quarti Regnantis, in suum proprium corpus, cum suis ornamentis redacta, ordine digesta, ultimam tantummodò manum expectantia, prelis commissa, orbi publicarem. QVOD uerò hoc adorandæ sanctitatis opus, sub tui nominis gloria prodire uoluerim, DVO HAEC, in causa fuerunt. PRIMVM, quòd mihi huc illuc circumspectanti, nullum splendidius, nec integrius nomen, cui iustius, ac decentius, tantum opus inscriberem, occurrebat. Naturæ munera singularia, eximia industria opera, & uirtutum decora, in te cumulatè conspiciebam: non sine insignibus fortunæ ornamentis. Quis non audiuit, nobilissimæ stemmata Bollanæ domus, cum illustria forent, in primis togæ annis, longè illustriora à te uno facta? In illo grauissimo & sanctissimo uenetorum senatu (qui pristæ uirtutis, & gloriæ Romanæ, decus, & fastigium sustinet) in tanta florentissimorum iuuenum copia, adeò floruisti, adeò grauis & insignis extitisti, ut unus deligereris, qui summis in negotijs, in maximis munijs, in Britanniam, ad inclytum tum Regem, legatus ab illustribus. Dominio mittereris. Nec opinio, nec expectatio, illos clarissimos & sapientissimos fefellit, cum ita te gesseris, in illa difficillima provincia per duos annos uersatus; sic Regno toti gratus; Regi Henrico septimo charus; ut eques auratus creareris: Regiumq; Anglicani Regni insigne (quod Rosæ est) tuis, in perpetuam clarissimæ familiæ gloriam, insignibus adderetur. In Carnorum ciuitates, dominij uices tenens, missus; laborantibus illis annonæ penuria, cum nobilium animis & armis cuncta forent suspensa, populis tumultum spectantibus; talis ac tantus extitisti, ut uilitate annonæ reddita, ciuitatibus ac populis pace refarcita, dissidentium animis mira dexteritate sedatis; pro in-

gentibus meritis, apud illos, tuæ gentis insignia, clarissimo cum titulo & inscriptione, tibi erigerentur. Brixia nobilis & præpotens, quem iam habuit prætorem, uel nunc possidet præsulem, in quo sese plus ostentat? de quo plura prædicat? quem mirabilius suspicit? propensius amat? honorificentius colit, admiratur? Tu, ut quondam in toga clariß. sic nunc in Mitra ampliß. religiosissimus. Quis te uno, in purpura, grauior, iustior, humanior? Quis consilio pluris, & uirtute? Quis nunc in sacra sanctior corona, frugalior, temperantior? Dictu difficile, in seculi Gladio, an in pastoralis baculo, appositior, ornatior. Cum hîc prætoria potestate, excelsi ueneri dominij nomine, apud Brixianos, felicissimè fungereris: Clero postulante, populis exoptantibus; in eiusdem ciuitatis præsulatum, à prima sede dictus & datus es. Qui olim, clariß. Rector, ac dominus, rempublicam hanc, tanta æquitate moderabaris, ut alter salomon è cælis delapsus existimareris: modò spirituale caput; ac dignissimus pastor constitutus, tanquàm optimus pater, tanta beneuolentia, ac charitate, agnorum, & ouium tibi creditarum curam suscepisti: ut in tota diœcesi tua (quæ quidem amplissima est) talem custodiendi gregis ordinem institueris, tanquàm si ubiq; locorum præsens ipse existas. Apud tribunalia Augustus, uerendus: in sede pastoralis integer & pius: utranq; personam nostræ urbi mirabiliter repræsentas: nusquam non occurrens singularis, admirabilis, perfectus.

ALTERVM quod meum mouit animum: quòd cum à genitoribus discedo, quem magis colere, impensius uenerari, obseruareq; debeam, & soleam, habeo neminem. Tu mihi aliquando dominus clariß. Nunc parens indulgentissimus, amantiß. Etenim quid est, quod uoluerim & optauerim, quod mihi tua Reuerendissima Dominatio, non benignè concesserit, dederit? Quando à mea cecidi spe, nunquàm me, de te, mea fefellit opinio: per te, uotorum meorum semper compos factus. Memini itaq; semperq; meminero, libentissimeq; prædicabo, tua in me collata paterna beneficia. Quod possum facio: suspicio, ueneror, obseruo. Hoc sacrosanctum opus, quod pro communi Christianæ reipublicæ emendandum, ac sedulò imprimendum tradidi; nominis tui claritudini dedico: sub tuisq; felicissimis auspicijs, in Ecclesiarum manus exeat permitto, rogans atq; obsecrans, ut

tutor, patronus, ac Mecænas existere digneris. Cùm enim huic
sacrosanctæ Tridentinæ Synodo, ampliss. tua dominatio præsens
extiterit, existatq; haud segniter agens, plurimumq; in ea, sin-
gulari prudentia, ingenio, ac gravitate ualens: idoneus admo-
dum testis erit, hoc à me susceptum negotium, tot, tantorumq;
Reuerendissimorum patrum uoluntati obsequendo, conueniens,
sincerum, integrum, ueridicum esse. Quo fiet, ut pernecessariæ
huius doctrinæ, sanctionumq; iucundissimos, suauissimosq; fru-
ctus, Reuerendissimæ dominationis tuæ, cùm exemplo, tum hor-
tatu, complures sint percepturi. In me ergo, fidem, animum,
obseruantiam si respexeris, munusculum hoc, & obsequium,
quale quale, in protectionis suæ sinu excipere, & acceptum fer-
re, haud dedignaberis. Bene, feliciter, ac perpetuò ualeat, Re-
uerendissima tua Amplirudo.

Brixia, pridie nonas Nouembris. M. D. LXIII.

A D L E C T O R E M .



V M à nonnullis , qui Concilio inter-
fuerunt ; et à quamplurimis , qui non
adfuerunt ; rogatus fuerim : ut cun-
ctas , Sacrosanctæ Tridentinæ Syno-
di , quæ à fel. re. Paulo III. P. M.
ad Pium quartum usq; , Sessiones ce-
lebratæ fuerunt , corrogarem , atque
prelo committerem : uti studiosorum
omnium desiderio facerem satis : atq;
ut opus ipsum , undiquaq; perfectum,
ac consummatum efficerem : tum priscas , tum nouissimas Sessio-
nes collegi : utq; sessionum accessoria , ac contingentia , mihi sup-
peditarentur , omnem diligentiam adhibui . Siquidem in illorum ,
qui Concilio nunquam interfuerunt , optatis esse conspiciebam :
ut non modò Sessionum dogmata , et Canones , uerùm etiam , quæ
ad Sessionum celebritatem spectant , cognoscere possent : ac quæ-
cunq; ante , & post , acciderunt , ita scire , ac si ipsimet singula
uidere potuissent . Insuper , eruditos Theologos , atq; in corri-
gendi munere exactissimos , accersiui : qui è diuersarum impres-
sionum exemplaribus , atq; nouissimarum Sessionum prototypis ,
ipsis , nostras has , quàm expurgatissimas perficerent . Vtrum ue-
rò scopum attigerimus , nec ne : dydicent hi , qui hoc opus , cæ-
teris impressionibus comparauerint . Pius itaque & eruditus
Christianus , hîc nihil habet , quod desideret . Quod sparsim aliàs ,
nunc collectim : Quod per partes dissectum erat : nunc impressum
totum benignè habes lector . Placuit etiam , Tridenti descriptio-
nem subijcere , ut qui corporeis oculis non uiderunt , mentis sal-
tem intuitu illud (ut libuerit) contemplari queant .

D E C O M M E N D A T I O N E,
& Descriptione Tridenti.

Situs Tri-
denti.
Cōditor.
Antiqui-
tas.



IVITAS Tridentina, in consinibus Italiae & Germaniae, ad radices Alpium, in planicie quadam fertili, & altissimis montibus, penè undiq; septa, à Breno Gallorum Senonum duce, ante annos mille nongentos, sicut narrant historiographi, est condita: & à Theodorico Gothorum rege, optimis mænibus, & propugnaculis, postea cincta. Locus est ad res maximas

gerendas aptissimus: & gratissimū, ac uelut commune hospitium, in quo interquiescere possint, & fessas vires reparare, qui longo, et præcipiti itinere, per altissimos montium scopulos, à septentrione in Italiam ueniunt, & qui ab ea, in septentrionem conscendunt. Athesi laudatissimo fluuio ab occidente, & tribus alijs torrentibus ab oriente, est circumflua. Spatiosos habet uicos, aquarum rinulis circumquaque fluentibus, mundos, & nitidos: & magnas, ac commodissimas et placidissimas etiam supra suam magnitudinem domos. Castrum est illi bene munitum columnis, et testudineo opere fortiter sustentatum. Adiuncta q; sunt ei, palatium, elegantia, amplitudine, & diuitijs, cunctis admirandum, & uiridarium pulcherrimum, & amœnissimum, uarijs odoriferis herbis, & urbanis omnibus delitijs affatim consitum. Vini boni, est feracissima: optimoq; pane, & alijs omnibus ad uictum communem necessarijs, abundè fruitur. Et quod maximè est gloriae, strenuissimis, & bellicosissimis administrata est olim ducibus, & postea persanctis Episcopis & principibus Imperij. Templum habet, & religiosorum diuersorum ordinum cœnobium, pro sua magnitudine satis pia, & comoda. Ciues, partim sunt Itali, partim Germani; & omnes satis humanis, & honestis ac placidis sunt moribus. Annos circiter quadraginta, ab ascensione Christi, per Hermagoram Aquileiensem ciuem, & Episcopum, ac beati Marci Euangelistae discipulum, fidem Christianam recepit. Circa annum uerò salutis nostrae. 383. magnificentius nobilitata est, & maioribus gratiarum incrementis aucta. Ex magno quippe dono Dei, Episcopum

Athesis:

Fertilitas.

Religio.

Hermag.
pater fidei
Tridenti.

pum tum meruit habere patronum illum suum Romanum genere, sanctum Vigiliū, facundissimum, & accerrimum hereticorum impugnatores, & clarissimum christi martyrem. Et ob illius præ clara apud Deum merita, multis, ac magnis miraculis illustrata est. Sacrum ipsius totum corpus, penes se, magna ueneratione seruat, in prima sua Ecclesia, eius nomini, & honori consecrata. Fulget etiam martyrio, & integro uenerando corpusculo Symonis illius innocentissimi infantis, quem Iudæi, incolæ tum ipsius ciuitatis, odio Christi, & Christianorum, anno à partu uirginis septuagesimo quinto supra miliesimū quatercentenum, horrendis, & infandis supplicijs affecerunt. Cūque triginta ab hinc annis, & supra, Germania penè tota, uarijs ubique hæresum, & sectarum nouarum concussa sit fluctibus: opera tamen & uigilantia, illustrissimi, pientissimi, & humanissimi Cardinalis, Principis, & Episcopi ipsius Christophori Madrutij, & aliorum, qui eum antecesserunt, religiosissimorum antistitum, in ea, quam illibatam seruauerat à sua conuersione fide, immota perscuerat: & quæ sunt religionis nostræ, sicut ceteri populi Christiani firmiter, & constanter sectatur, ac tuetur. Quod autem nomen illius immortale esset, & in æternum commendaretur posteris: ad hæc tam multa ipsius præconia, & nunquam intermorituræ laudes, nouissimis his diebus, hoc tanquam auctarium accessit. Ibant iam res penè omnes Christianæ in præcipitium: & grandem in dies singulos minabantur ruinam. Et ecce ex mandato summi Christianorum omnium præsulis, & sedulis atque obnixis studiis potentissimi nostri Imperatoris, & Christianorum aliorum Regum, & Principum, sicut ad fidissimum, & tutissimum portum, Tridentum Ecclesia tota, pro salute omnium conuocatur: & ibidem œcumenicū Concilium, magna omnium fidelium lætitia, & spe, diuinis auspicijs celebrat. Quærant alii, quorum interest, & disputent curiosius, cur illam Tridentum sui conditores appellauerint. Ego Tridentū diuina providentia nuncupatam auguror: quod sicut Neptunum fabulosa antiquitas credidit Tridente suo, mare regere, & sæuientes fluctus componere: ita Deus optimus maximus, his nouissimis temporibus, turbatum huius mundi mare, & sæuissimis hæresum, & corruptissimorum morum fluctibus ubique concussū, per eā, uelut per quendam diuinum Tridentem, statuerit, ad tranquil-

S. Vigili
lii laudes.

S. Simonis marty
rium.

Constan
tia in fide.

Etymolo
gia Tri
denti.

A

DE COMMENDATIONE.

Congra
tulatione ad
Tridentum

litatem reducere: ac fidem ueram, & optima uitæ præcepta, & optatam pacem, & quietem, orbi Christiano restituere. Exulta igitur, & gloriare toto pectore Tridentum in domino: qui te, tot prærogatiuis illustrauit. Agnosce diuinam in te magnificentiam. Paruula quidem es inter Germanas alias Imperij ciuitates: si ciuium, & domorum tuarum numerum, & magnitudinem spectes: Sed nequaquam paruula es, imò omnibus penè illis, absit iniuria uerbo, multo certè angustior, & felicior, si ad dona in te Dei aspicias. Et uel uno hoc nomine, supra omnes illas summo iure gloriari potes, quòd tu illis leges dederis, tu illas instruxeris, tu illas docueris, & ad rectam fidem reuocaueris, uel certè in ea retinueris. Ex te nanque, in totum orbem Christianum, feliciter iam prodierunt pulcherrima, & utilissima fidei, & morum decreta, quibus populus Dei saluberrime instruatur, & regatur.

DE GENERALI CONCILIO
TRIDENTINO, PAUCA QVAEDAM:

ex uita, seu gestis. Pauli III. quæ appendicis loco,
Vitis Pontificum, per Platinam descrip-
tis, nuper adiecta, huc perti-
nere sunt uisa.



PAVLVS III. inito magistratu, offi-
cio suo (quantum in se erat) satisfac-
turus: propter discordiam fidei inter
Germanos componendam, quæ iam
tum magis ac magis apud eos ingra-
uescebat: Concilium generale, diu mul-
tumq; desideratum, & per antecesso-
res aliquot suos, uel impeditum, uel
dissimulatum, uel minùs sedulò cura-
tum, indixit: eiq; locum aptum Man-
tuam primò, post rationabilibus de causis Vicentiam assignauit:
delecto ad id negotij optimo ac prudentissimo uiro, D. Petro Vor-
stio, episcopo Aquis: qui principibus rebusq; publicis, per Ger-
maniam, & alibi constitutis, uniuersale Concilium futurum in-
dicaret. Verùm ea res difficilem aded successum habuit: ut omissa
etiam Vicentia, quòd hæc schismaticis à suo nido longiùs abes-
set: electoque nouo medio propè inter Italiam & Germaniam, ge-
neralis Concilij loco, uix tandem decimo postmodum anno, uniuers-
salis apud Tridentum synodus inchoaretur. Nam qui generalem
synodum ad illud usq; tempus, quasi per appellationem inuocâ-
rant: eius copia facta, ita se tum gesserunt: ut nequiter ac menda-
citer eos concilium inuocasse, nihilq; minùs quàm hoc fieri uoluis-
se, appareret. Quorsum .n. tot ambagibus & cauillis, æcumenicæ
ipsius synodi, uel infirmandæ uel tollendæ gratia, usi fuerunt, Na-
tionale interim, suprâ quàm dici potest affectantes, nisi ut schis-
matici, priuatim inter se quod uellent, decernerent: refugæque in
tenebris degentes, lucem non de nihilo fugisse uiderentur? Mo-
dò nanque locum, modò præsidem, modò aliud atque aliud ca-
lumniabantur: quasi præiudicando dicerent, id quod complures
ex ipsis dixisse feruntur: Nisi Concilium, leges ipsorum accep-
târît: se leges Concilij neutiquàm accepturos. Neq; uerò minùs
culpandi erant hi, qui Præbendis Ecclesiasticis, tanquàm asini

A ii

VITA SEV GESTIS PAULI III.

Amos. 6.

clitellis (suauiter tamen) onerati: malitiosè neruòs huc suos intendebant: ut quod sibi præ alijs potissimùm ut fieret, curandum erat: id ipsi, ne fieret, impedirent: aut certè, ut maturaretur, non instarent: nihil interim patientes (iuxta Prophetam) super contritione Ioseph, neq; in sua casurum aliquando capita formidantes, quòd durantibus ipsorum seu culpa, seu ignauia, tantis fidei discordijs: tot animarum millia, pro quibus dominus noster Iesus Christus sanguinem suum fudit, crucisq; tormentum subiuit, miserabiliter adeò, sempiternèq; perirent. Per has itaq; difficultates, concilium generale dilatum: uix tandem, in fine anni. 1545. cœptum, & in menses aliquot anni 1547. continuatum, ac deinde rursum à Paulo III. Bononiam traslatum, eà tantùm quæ hîc sequuntur, sex modò sessionibus sub Paulo. III. habitis, confecit: uniuersis qui zelo fidei laborant, & pacem Ecclesiæ exoptant, eiusdem concilij tridentini iam iterum (uidelicet in Maio, anni 1551.) à Iulio III. eodem in loco congregati, salutarem expectantibus finem.

Sacrosanctus Concilij Tridentini Senatus Illustrissimis Cardinalibus sex, Pontificij Legatione quatuor, trius Patriarchis, Archiepiscopis triginta duobus, Episcopis Tridentis viginti octo, clauatibus quingue, Ordinum Ministris Generalibus septem, sacrosanctæ Theologiæ Doctrinis Episcoporum procuratoribus, Legum, Principum, Herum publicarum legatis pœne innumeris constitit. Senatusque fusius de doctrina Lib. 6. cap. 17. n. 5. pag. 40. v. Catalogum in Calce.

3
V N I V E R S A L I S
C O N C I L I I T R I D E N T I N I
A C T A P R I O R A .

P A V L V S E P I S C O P V S , S E R V V S
seruorum Dei, ad futuram rei memoriam.



VVM P R O P H E T A E
uox, nostris in auribus iugiter inso-
net: Clama, ne cesses: idque præci-
puum munus, ex onere, nostris in-
iuncto humeris, licet his impari, no-
bis incumbere agnoscamus: ipsa præ-
sentium temporum calamitate, ac hæ-
resum undiq; pullulantium pernicie,
in intimis adeò pulsamur precordijs:
ut nobis ipsis, pro sancta uniuersali

Esaiæ. 58.

Ecclesia, ac Dominici gregis, nostræ curæ crediti, salute: nun-
quàm satis operæ, laboris, ac sollicitudinis, adhibere posse ui-
deamur. Tot igitur, ac tantis turbinibus, aliquando sedandis,
nullum æquè salutiferum, ac præsentissimum remedium, compe-
riri, semper existimamus: quàm sanctissimi œcumenici concilij
celebrationem indicere: ad sananda scilicet catholicæ Ecclesiæ
vulnera: ab impijs, infidelibus, reprobisq; hæreticis, eidem
inflicta. Vna igitur hac ratione, sacratissimam synodum, à no-
bis Tridenti iam dudum indictam, hodierna luce aperiri manda-
uimus: eam sine optimo, Spiritu sancto adiuuante, conclusum iri:
& optatam orbi Christiano salutem allaturam deniq; sperantes.
Oecumenicum autem cùm sit concilium hoc, decet à cunctis Chri-
stifidelibus, humili & contrito corde, deuotisq; precibus cele-
brari: ut, quos adesse coràm opus fuerit, hi multorum orationi-
bus adiuti, gratius, in rebus catholicæ fidei, dictaq; uniuersa-
lis Ecclesiæ reformationis, ibi peragendis, omnipotenti Deo ex-
hibere ualeant obsequium. Quamobrè omnes Christi fideles hu-
iusmodi hortamur, ac in domino requirimus: ut posteaquàm
hæ nostræ literæ, ad eorum manus peruenerint: & per locorum
ordinarios publicatæ fuerint: diligenter peccatorum suorum per-
scrutatione et examine preuijs: se ad eorum confessionem, in heb-

domada, earundem literarum publicationem immediate sequen-
ti de more Ecclesie subeundam, praearent: et illa confiteantur:
quartaque, ac sexta feriis ipsius hebdomadae, nec non die sabba-
ti ieiunent. Dominica uero die proxime sequenti, sacratissimam
corporis Domini Nostri Iesu Christi Eucharistiam sumant: Deum
ex intimis cordis, pro Christianorum omnium pace, & pro salu-
tifero & tranquillo, ac fructuoso eiusdem sacrosancti Ocumeni-
ci Concilii progressu, & perfectione orantes. Ac, ut praefatos
christi fideles, ad hoc etiam, praemijs caelestibus inuitemus: om-
nibus, & singulis christi fidelibus ipsis, qui praemissa adimple-
uerint: processionibus, ac supplicationibus, Quarta & Sexta
ferijs, ac Sabbati die praedictis, eo ordine qui in alma Vrbe no-
stra Romae obseruatus extitit, publice habendis, interfuerint:
aut qui aduersa ualeitudine, seu alio impedimento legitimo deten-
ti, ac Abbatissae, Priorissae, & Monasteriorum quorumcunq;
Moniales, etiam sub clausura existentes, & eisdem processioni-
bus interesse nequeunt, si eleemosinam, iuxta eorum deuotio-
nem & facultatem, alicui pauperi Christi, pie fuerint elargiti:
aut si inopes extiterint, Dominicam orationem, cum salutatione
Angelica, quinquies recitauerint: & praemissorum loco, pias ad
Deum preces, deuote effuderint: eiusdem omnipotentis Dei beni-
gnitate, ac misericordia, beatorumq; eius Apostolorum Petri
& Pauli auctoritate freti: plenissimam omnium peccatorum
suorum ueniam, remissionem, misericorditer in domino concedi-
mus, & elargimur. Et ut haec omnia, ad plurium notitiam per-
uenire ualeant, simulq; Deus ipse misericors, a quam plurimis
exoretur: omnibus Patriarchis, Archiepiscopis, Episcopis, &
alijs Ecclesiarum Praelatis, ut cum primum eadem praesentes li-
tera, ad eorum manus peruenerint, eas, seu earum transsumptum,
manu alicuius praelati, seu personae in dignitate Ecclesiastica con-
stitutae subscriptum, ubiq; per eorum prouincias, Ecclesias, ci-
uitates, & dioeceses, absq; ullo questu, cum gratijs, concessionibus,
& indulgentijs, ibidem contentis, gratis publicari faciant,
in uirtute sanctae obedientiae praecipiendo mandamus: constitu-
tionibus, ordinationibus apostolicis, et alijs contrarijs non obsta-
ntibus quibuscunque. Volumus autem, quod huiusmodi processio-
nes, et supplicationes, unica tantum nice, in ciuitatibus, terris, ca-
stris, et locis, et in Eccl. in quibus praecipua animarum cura iniun-

Et reperitur, duntaxat fiant, et habeantur: presentibus, postquam in urbe, ac provincijs, Eccl. ciuitatibus, et diæcesibus prædictis, publicatæ fuerint, ac iiii. & vi. feriæ, ac dies sabbati huiusmodi præterierint, minimè ualituris. Dat. Romæ, apud S. Petrum M.D.XLV. Idibus Decembris. Pontificatus nostri, Anno. XII.

L. DE TORRES. B. MOTT A.

ADMONITIO, ATQVE HORTATIO, Legatorum Sedis Apostolicæ, ad patres in Concilio Tridentino, lecta in prima Sessione.



ATRES Reuerend. &c. Cum ipsa muneris nostri ratio, qui in hac sancta Synodo Præsentium, & Sedis Apostolicæ Legatorum personam gerimus, hoc postulatura uidetur: ut, crescentibus negocijs, quæ in hoc sacro consensu, ad Dei gloriam, & Ecclesiæ utilitatem sunt expedienda: sæpius apud uos cohortandi, & commonendi causa, uerba faciamus: tum uerò in hac prima Sessione, quæ felix (ut speramus) principium, ipsi Concilio est datura, minimè hoc à nobis prætermittendum duximus. Eò uerò libentiùs hoc officio fungimur: quòd, cum uos, uel hortamur, ut ea faciatis, quæ digna tanto conuentu sint, uel à contrarijs dehortamur: nosmetipsos etiam hortamur, ac dehortamur: qui in eadem quasi naui, uobiscum sumus, iisdemq; periculis, quibus uos, iisdem tempestatibus subijcimur. Nosmetipsos (inquam) excitamus ad uigilandum: ne, uel in scopulos incidamus: qui plurimi proculdubio in hoc cursu sese offerent: uel magnitudine negotiorum, tanquam fluctuum, obrui, nos negligentia nostra patiamur: uerum spe, & fide erecti, eò nauigationem dirigamus, quò maximè portus salutis, ad Dei gloriam, in Christo Iesu, sese ostendet. Igitur, ut ab eò incipiamus, de quò maximè in hoc principio admonendi omnes sumus: unusquisq; nostrum, ante oculos sibi in primis proponere debet, quæ nam sint, quæ ab hoc sacro Concilio expectentur: ex quo quisq; facillè intelliget, quantū sibi oneris incumbat. Sunt uerò ea (ut omnia summam cōplectamur) quæ in bulla indictmentis Concilij cōtinentur: nempe hæresū extirpatio: disciplinæ ecclesiasticæ, et morū reformatio: ac tandē pax externa totius Eccl. Hæc ergo sunt, quæ nos curare, uel potius pro quibus assi-

ADMONITIO PER LEGATOS APOST.

duè orare, ut Dei benignitate fiant, oportet: atque illud est, de quo ante omnia, in ipso Concilij exordio, omnes, & singulos qui huc conuenimus, primùm autem nos ipsos, qui in tam sancto ministerio præsidemus, admonendos duximus: ne unquā cogitemus, uel per singulos, qui hic adsunt, uel per uniuersum Concilium, etiam si omnes Pastores, ex uniuerso terrarū orbe, huc coirent: tantis malis, quibus nunc grex Christi est oppressus, prouideri posse. Si enim putamus hoc à nobis perfici posse, aut ab alio, quā ab ipso Christo, quem Deus pater unicum nobis seruatorem, & pastorem dedit: cui etiam omnem potestatem dedit: erramus sanè in fundamento, omnium actionum nostrarum: & diuinam iram magis prouocabimus. Adiungimus enim ad superiora mala: quæ propterea nobis acciderunt, quòd ipsum fontē aque uiuæ reliquimus: hoc alterum maximum peccatum, quòd nostra uel prudentia, uel potentia, iisdem malis mederi uelimus: ut meritò de nobis dicatur: quod propheta in persona Dei, ueterem populum accusans, dicit. Duo mala fecit populus hic: me dereliquerunt fontem aquæ uiuæ: & foderunt sibi cisternas, non ualentes continere aquas. Tales uerò cisternæ sunt omnia consilia, quæ à nostra prudentia, non afflata spiritu diuino, proficiuntur: quæ, non modò populos in pietate & obedientia, tanquā aquas in cisternis, continere non ualent: sed quòd magis his artibus retinere eos laboramus, eò uiolentius tanquā torrentes à nobis defluunt, & discedunt: Vt superiorum annorum experientia, multis in locis, satis nos docere potest: & nunc admonere, unicam tantū uiam, medendis his malis relictam: si nostra omnia remedia inutilia esse agnoscentes, & ualere potius ad augenda, quā ad tollenda mala, ad Christi potentiam, quem dexteram suam Deus pater appellat, ad Christi sapientiam, qui est sapientia patris, in omnibus, nos, qui patrum personam gerimus, fide & spe confugiamus: huius nos in omnibus ministros esse agnoscamus.

1 Cor. 1. Hic uerò queritur (inquit Apostolus) inter dispensatores, ut fidelis quis inueniatur. Hoc autem nunc nobis agendum est, ut ministros nos in omnibus idoneos præbeamus. Erimus uerò idonei: si nos, ex nobis, minimè idoneos esse, iudicauerimus. Quis enim (inquit idem Apostolus) ad hæc idoneus? ut, qui ne cogitare quidem aliquid ex nobis, quasi ex nobis, simus sufficientes. Verū, hoc fateri, nō satis est nobis: hoc dicere potuit apostolus, et per hanc

Micr. 2.

1 Cor. 1.

1 Cor. 4.

1 Cor. 2.

1 Cor. 3.

hanc portam ingredi, ad obeundum munus suum: & in eo, se ministrum fidelem, ac idoneum, ostendere: qui simul dicere potuit, de ministerio suo loquens: Nihil mihi conscius sum. Nobis uerò, qui, si uerum fateri uolumus, aliter dicere non possumus, quin nobis conscij simus in administrando munere, nobis imposito, in plurimis defecisse: & horum etiam malorum, ad quæ corrigenda uocamur, non minima ex parte causam extitisse: non satis est hic fateri, ad tantum munus, nos impares esse. Quid ergo nobis agendum, ut idonei hoc tempore Christi ministri in Ecclesia instauranda esse possimus? Idem prorsus, quod Christus ipse Episcopus animarum nostrarum fecit: cum uenit ad fundandam, & formandam Ecclesiam suam. Idem sanè patres faciendū erit nobis, quod ipsa sapientia patris fecit: cum uenit, ut multos filios in gloriam adduceret. Id quod nobis item propositum nunc esse debet. Is enim, cum oppressos peccatis omnes inuenisset: omnia omnium peccata in seipsum transtulit, seq; unum ante Deum pro omnibus reum, & nocentem constituit, ac pœnam nobis debitam sustinuit, tanquam omnia flagitia, & omnia scelera, quæ nos commiseramus, ipse commisisset: cum tamen ab omni labe peccati purissimus esset: quippe qui peccatum non fecit, neq; unquam inuentus est dolus in ore eius. Quod uerò Christus, pro immensa sua charitate erga Deum Patrem, & pro misericordia erga nostrum genus fecit: hoc nunc, ut ipsi faciamus, iustitia ipsa à nobis flagitat, ut omnium horum malorum, quibus grex Christi est oppressus, nos Pastores coram tribunali misericordiæ Dei reos constituamus, atq; omnium peccata in nos ipsos, non tam pie, quàm iuste transferentes, quia reuera horum malorum magna ex parte nos causa sumus, diuinam misericordiam per Iesum Christum imploremus. Quod uerò dicimus, nos pastores his malis, quibus Ecclesia est oppressa, causam dedisse: si quis hoc acrius, & magis per exaggerationem quandam uerborum, quàm uerè dictum existimet: hoc quidem ipsa rerum experientia, quæ mentiri non potest, comprobabit. Respiciamus ergo paulum ad ipsa mala, quibus Ecclesia opprimitur: ac simul etiam ad nostra peccata. Sed quis hæc numerare ualeat? quæ, simul cum reliquis malis, multitudine superant arenam maris, & usq; ad Cælum clamant. Circumscribamus ergo tantam multitudinem nostrorum malorum illis limitibus, quibus hoc Concilium, quod capitalibus ma-

1. Cor. 4.

B

lis medendis est uocatum, ea circumscripsit. Sunt uero illa tria, quae supra commemorauimus: haereses: lapsam morum disciplinam: & intestinum, atq; externum bellum. Hic ergo uideamus, & consideremus: cum tam multis annis Ecclesia his calamitatibus uexetur: unde nam ipsa originem habuerunt: num illis nos quodammodo principium, num fomentum, dederimus? Primum uero examinemus initium haeresum, quae haec nostra aetate passim pullularunt: quibus si negare uolumus nos principium dedisse, quia nullius haereseos ipsi authores fuimus: tamen, cum peruersae de fide sententiae, tanquam uesperes quaedam sint, & spinae, quae in agro Domini, qui nobis colendus commendatus est, ortae sunt: & si illa quidem sua sponte, ut solent aliquando uitiosae herbae: pullularunt: tamen, qui non coluit, quem debuit agrum: qui non seminauit: qui pullulantes per se, non statim curam adhibuit, ut extirparet: non minus quidem principium illis dedisse, dicendus est, quam si ipsa seminauerit: praesertim, cum haec omnia à negligentia agricola ortum ducant, & incrementum habeant. Hic ergo se ipsos excutiant, qui sunt agricolae in agro Domini, conscientiam suam interrogent: quo modo in eo colendo, quo modo in seminando se gesserint: quod, qui fecerint, his praesertim temporibus, quibus paucissimi agro Domini colenda incumbunt, non multum (credimus) dubitabunt: num ad ipsos pullulantium passim in Ecclesia haeresum, culpa pertineat. Haec uero monendi tantum causa dicta satis sint de his, quae, ad primum caput pertinent. Veniamus ad secundum, quod lapsam morum disciplinam, & abusus (ut uocant) complectitur. Hic uero, nihil attinet, diu inuestigare: qui nam tantorum malorum authores fuerint: cum, praeter nos ipsos, ne nominare quidem ullum alium actorem possimus. Quare ad tertium accedamus: quod impedimenta pacis Ecclesiae in se continet: qualia sunt, arma, uel domestica, uel externa: haec enim iam pridem pacem Ecclesiae perturbarunt, & adhuc perturbant. De quibus hoc tantum dicimus: si (quod Deus ipse certissimis signis ostendit) haec arma, flagella eius sunt, quibus nos affligit: quia duorum priorum capitum rei sumus, in quibus nos excusari non possumus: etiam horum armorum, praecipuam nos causam esse, negare non possumus. Eiusmodi uero flagella, Deum ob eam causam immittere censemus: ut nos peccantes castiget: & peccata ipsa qui-

bus maiestatem eius maxime offendimus, nobis ante oculos ponat. Hic uero quisquis aliquando animaduertit, quibus modis Ecclesia, armorum uolentia uexata fuerit: secum ipse consideret, quanam illa sint, in quibus precipue Ecclesia propter ipsa arma detrimentum patiatur. Nec uero hic refert, de quorum armis loquamur: siue de intestinis nostrorum Principum: siue de externis Turcarum armis, quæ superioribus annis nos magnis calamitatibus affecerunt: siue de eorum, qui ab obedientia suorum Pastorum discesserunt, & ipsos à suis sedibus expulerunt. Hoc enim summatim dicimus de omni genere armorum, si qui illa contra nos tractarunt, à suis Ecclesiis Pastores fugarunt: ordines confuderunt: Laicos autem in Episcoporum locum succurrunt: Ecclesiæ bona diripuerunt: cursum uerbi Dei impediuerunt: hic (inquam) dicimus, nihil horum esse, quod in libro abusu Pastorum maxima illorum pars, qui hoc nomen sibi uendicant, per se factum esse, si legere libuerit, non scriptum aperitis uerbis inueniat. Nostram enim ambitionem, nostram auaritiam, nostras cupiditates, his omnibus malis populum Dei prius affecisse, statim inueniet: atque harum uirum, ab Ecclesiis Pastores fugari: easque pabulo uerbi priuari: bona Ecclesiarum, quæ sunt bona pauperum, ab illis tolli: indignis sacerdotia conferri: & illis, qui nihil à Laicis præterquam in uestis genere, ac ne in hoc quidem differunt, dari. Quid enim horum est, quod negare possimus, per hos annos, à nobis factum esse? Quare, si Turca, si Heretici hoc idem aduersus nos faciunt: quid hic aliud, quam flagitia nostra, & simul iustum Dei iudicium uidemus? iudicium uero plenum misericordia: si enim pro meritis nos castigaret, iam pridem sicut Sodoma, & Gomorrha fuisset. Cur uero hæc nunc commemoramus? an ut uos confundamus? absit: sed magis, ut nos ceu Patres, & fratres charissimos: primum autem nosmetipsos admoneamus: quo pacto hæc, quibus nunc affligimur, flagella, & grauiora: quæ impendent, nisi resipiscamus, uitare possimus: ut effugiamus tremendum illud Dei iudicium, omnibus quidem non resipiscantibus tremendum, maxime uero illis, qui præsumunt. Iudicium enim graue (inquit scriptura) his qui præsumunt, fiet. Iudicium uero incipere nunc uidimus à domo Dei: dum enim nunc eijciuntur Sacerdotes, dum conculcantur ab hominibus, quid aliud hoc indicat, quam diuinum in nobis iudicium,

B ii

Esa. 1.

Sap. 5.

1. Pet. 4.

Math. 5.

quod prædixit Christus, cum diceret, Sacerdotes suos esse sal terræ, quod si sal euauerit, ad nihil ualere ultra, nisi ut eijciatur foras, & conculcetur ab hominibus? Hæc uerò omnia nos nunc patimur: quod si propter iustitiam, ut nostri maiores, beati nos quidem: at nunc iuste quidem, quia sal euauit, minime autem propter iustitiam patimur: in omnibus enim nostris afflictionibus uidemus iudicium Dei. Atque utinam quidem illud uideremus: hoc enim initium esset, omnia Dei iudicia, & flagella effugiendi: atque in gratiam, & ueram gloriam ingrediendi. Quæ res fecit, ut in his commemorandis acriores, & longiores fuerimus: nisi enim hæc bene cognita, & perspecta fuerint, frustra intramus in Concilium: frustra inuocamus Spiritum sanctum: qui primum ingressum in animam hominis semper facere solet, per ipsius hominis condemnationem: ut condemnet mundum de peccato. Quare, nisi ille Spiritus nos apud nosmetipsos primum condemnauerit: nondum, illi ingressum esse ad nos, affirmare possumus: ac ne ingressurum quidem, si peccata nostra audire recusamus. Idem enim dicitur nobis, quod populo ueteri per Prophetam Ezechielem est dictum: cum, nondum agnitis suis sceleribus, Deum per Prophetam interrogare uellent. Sic autem ait Prophetam. Venerunt uiri Israel ad interrogandum Dominum: & sederunt coram me. Hæc autem dicit Dominus. Nunquid ad interrogandum me uenistis? Viuo ego dicit Dominus, quia non respondebo uobis. Sequitur autem. Si iudicas eos: abominationes patrum illorum ostende illis. In quibus uerbis ostendit Deus: quare noluerit respondere illis, quia nondum scilicet abominationes suas, & patrum suorum audierant. Quare cum idem Dei spiritus sit, qui tum dabat responsa: & quem nunc nos sedentes coram Domino, inuocamus: quid nobis faciendum sit, ut propitia responsa habeamus, ex his uidetis: & simul quam necessario nos, qui præsidemus in hoc sacro confesso, à detegendis nostris peccatis, sermonis exordium uobiscum duximus. Quia uerò nonnullos nunc uidemus, sua primum peccata, & nostri ordinis grauiter deflentes: atque dei misericordiam omnibus uotis implorantes: ideo quidem in maxima spe sumus, ad nos uenisse, quem inuocamus, Dei spiritum. Hoc uerò maximum pignus, diuinæ misericordiæ habemus: nempe ipsam hanc inchoationem Concilij: in quo nunc conuenimus, ad erigendam, & instaurandam, penè collapsam ecclesiam: ut uetus populus, post diuturnam captiui-

Ezech. 20.

tatem, apud externos reges, redijt Hierosolymam, ad instaurandū templum. In illius uerò populi statu, in illorum leta ad patriam profectiōe, & templi instauratiōe: nostri quidem temporis, & nostri status, in hoc præsertim Concilio, imaginem intueri possumus: & in ducum eiusdem populi exemplo, uestrum, qui Duces estis populo Dei, ad cælestem patriam concedenti, officium uidere. Quare omnes uos magnopere hortamur: ut sæpius ad memoriā reuocetis, quæ in Esdræ, quæ in Nehemiæ, quæ etiam in Danielis libris sunt scripta: in quibus consilia omnium Ducum populi explicantur: quæ hunc unum semper scopum habuerunt, ut sua, & populi, atque Patrum peccata confitentes, ad pænitentiam, et implorationem diuinæ misericordiæ omnes excitarent. Quod cū populus faceret: tum quidem omnia illis feliciter successere. Eadem uerò consilia nobis, si felicem successum, & exitum expectare uolumus, in instauranda Ecclesia: ob quam causam lati huc in spiritu conuenimus: sequenda erunt: atque eò quidem magis, quò etiam maiora nobis certamina impendent, instauraturis Ecclesiam: quàm illis, instauraturis templum. Si enim illis multi, quòminus id perficeretur, se opposuere: si multi etiam, cū opus impedire non possent, eos irriserunt: hoc quidem sic habetote, nobis nec irrisores defuturos, nec qui maximis uiribus à cæpto opere nos deterreant, & auocent: habebimus uerò non modò colluētationem cum carne, & sanguine, sed cum spiritualibus nequitijs in cælestibus. Verū his omnibus potētior est is, in cuius nomine, hoc opus sumus aggressi. Quare in eo confidamus: ipsum precibus inuocemus: & ipse omnia perficiet. Quia uerò hoc Concilium cum deliberantium, tum uerò iudicantium, speciem refert: in quo & deliberatur de ijs, quæ ad uniuersalis Ecclesiæ bonum pertinent, & etiam iudicatur tam de rebus, quàm de personis: sedemus enim tanquam iudicantes duodecim tribus Israel, quibus comprehenditur uniuersus populus Dei: idè hic maximè locus uidetur nos ipsos admonendi, ut caueamus ab his, quæ uel consultandi, uel iudicandi uim, in nobis deprauare solent. Hac uerò sunt ipsæ animi passiones: quæ idè etiam perturbationes uocantur, quia rectum, & uerum de rebus iudicium & sensum perturbant, ac peruertunt. In quibus maximè illa sunt cauenda, quæ rectè monet Ethnicus ille consilijs abijcienda, cū dicit. Omnes homines qui de rebus dubijs consultant: ab ira: odio: amicitia: uacuos esse

Ephe. 6.

debere. Nam, cum in hac omne genus hominum sit propensum: tū
uerò ij maxime, qui principibus seruiunt: tales enim uehementio-
res habent affectiones: facillime autem ad gratiam loquuntur,
uel ad odium: prout scilicet ipsos existimant Principes affectos
esse, à quibus mercedem expectant. Cum uerò de principibus lo-
quimur: tam de his, qui Ecclesiastici uocantur, quam qui secula-
res, loquimur. Ac licet quidem nos Principes Christianos habe-
re agnoscamus & gaudeamus, id quod in ueteri, & iam recens
fundata Ecclesia Patres nostri non habuerunt: tamen ante om-
nia nobis in hoc Concilio semper est animaduertendum, hunc non
esse locum laudandi aliquem, nisi solum Deum in Christo Iesu, at-
que illum solum iustificandi: omne autem genus hominum con-
demnandi, primum uerò nos ipsos, qui hac loquimur, ut cum Da-
niele dicamus. Nobis confusio, faciei: Regibus nostris, Principi-
bus nostris, & patribus nostris, qui peccauerunt: tibi autem Do-
mino Deo nostro misericordia, & propitiatio: quia recessimus à te,
& non audiuius uocem Domini Dei nostri, ut ambularemus in
lege eius, quam posuit nobis per seruos suos prophetas. Et om-
nis Israel prauaricati sunt legem tuam: & declinauerunt, ne
audirent uocem tuam: & stillauit super nos maledictio, & dete-
statio. Hic uerò nunc locus esset, ut eiusdem prophetæ exem-
plum sequentes, cuius uerba modò recitauimus, non solum no-
stra qui Sacerdotes sumus, sed populi, sed principum coram Deo,
& Ecclesia eius, peccata confiteremur: proque omnibus ueni-
am imploraremur. Sic uerò dicit Daniel. Cumq; adhuc loque-
rer, & orarem, & confiterer peccata mea, & peccata populi mei:
nomine populi, hoc loco omnium ordinum personas complectens,
ut eius confessio, quam modò recitauimus, declarat. Qua in re,
quid nobis, qui pro salute uniuersæ Ecclesiæ tantis malis oppres-
se, huc conuenimus, faciendum sit, satis indicare uidetur: nimi-
rū, ut nostra & simul Principum, ac populi peccata flentes, cō-
fiteamur. Id quod planè in spiritu mæroris satis nunc abundè fa-
cimus: uerbis uerò uberius faceremus, si ipsi Principes adessent,
qui suam nobiscum confessionem, & lachrymas coniungerent.
Eiusmodi uerò quasi funiculis peccatorum, ut Prophetæ loquun-
tur, Sacerdotum ac principum, atque ipsius populi peccata sunt
colligata: ut, difficile sit, de unius ordinis peccatis inquirere, quin
reliquorum simul ordinum peccata appareant. Sic uerò omnes.

Baſuch. 1.

Daniel. 9.

ordines, una orationis serie, accusans, in ueteri populo dicit Ezechiel in persona Dei. Sacerdotes eius contempserunt legem meam: & polluerunt sanctuaria mea: inter sacrum, & profanum non habuerunt distantiam. Principes eius in medio illius, quasi lupi rapientes prædam ad effundendum sanguinem: ad perdendas animas: & auarè sectanda lucra. Populi terræ calumniabantur calumniam. Hæc ille. Quæ utinam ad illa solùm tempora pertinerent: ac non nostri quoque temporis imaginem referrent. Vtinam, cum de corruptela morum Sacerdotum loquimur, huic, maximam occasionem, maximam materiam & auctoritatem, ipsos principes, atque ipsum populum dedisse, negare possemus. Sed repræmamur nunc uerba, usque ad tempus magis opportunum: fontes autem communium lachrymarum aperiamus. Redeamus uerò ad eos, quos cæpimus admonendos, præsertim Episcopos: qui cum mandatis Principum huc uenerunt. Sic uerò illos admonemus: ut omni, qua possunt fide, & diligentia, suis principibus seruiant, uerum, ut Episcopos decet: sic illis seruiant, ut serui dei, non ut serui hominum. Nolite, inquit Apostolus, serui hominum esse. Primum uerò seruiant uni Regi Christo, cui Deus Pater, omnem potestatem dedit: deinde uerò propter eum, omnibus: maximè autè principibus, cui honorem, honorem, cui tributum, tributum. Hortamur autem, ut principibus seruiant ad honorem: quemadmodum eorum mandata uerbis ipsis præ se ferunt: in quibus nihil ferè, nisi honorificum & ad publicam utilitatem spectans, proponitur. Sic uerò in summa seruiant: ut eorum officium in primis spectet ad honorem Dei, & utilitatem huius Concilij, quod propter publicum bonum est conuocatum. Quare ut ab hoc maximè dehortamur omnes, qui hic sententias coram Deo, & Angelis eius, atque coram uniuersa Ecclesia sumus dicturi, ne ad gratiam hominis alicuius loquamur: sic etiam multò magis, ne ad odium cuiusquæ sententiam proferamus: etiam si contra nos aduersarij, uel inimici, & hostis personam gerat: denique ut ab omni inter nos contentione abstineamus, maximè optamus, & in Domino hortamur. Hæ enim sunt, quæ contristant, & repellunt, quem inuocauimus Spiritum sanctum: sine quo nihil omnino facere poterimus, quod ad bonum, & pacem Ecclesie cedat. Cum enim (inquit Apostolus) sint inter uos contentiones, nonne homines estis, & secundum hominem ambulatis? Cum uerò homines eos appel-

Ezech. 22.

1. Cor. 7.

Rom. 13.

1. Cor. 3.

ADMONITIO PER LEGATOS APOST.

lat: spiritus Dei expertes intelligit. In omnibus autem, quæ ad reformationem Ecclesiæ pertinent: ob quam causam cōuenimus: imitari nos oportet illum, qui eam primū formauit: de quo ad ipsum opus ingrediente, sic in persona Dei, Propheta loquitur.

Esa. 42. Ecce seruus meus, quem elegi: dilectus meus, in quo benè complacuit animæ meæ: dedi spiritum meum super eum: iudicium gentibus nunciabit: non contendet, neq; clamabit: arundinem quassatam non confringet, & linum fumigans non extinguet. Hunc uerò spiritum pacis, charitatis, & mansuetudinis, cū semper apud omnes, & cum omnibus ostendere debeamus: tum uerò maximè in hoc sacro confessu: in quo conuenimus, ut per gratiam ipsius spiritus, contentionibus, quæ nimis diu Ecclesiā uexarunt, finis tandem imponatur. Quare ne ipsi ullam contentionis ansam alicui demus, qui pacificorum personam gerimus, maximè est cauendum. Hoc uerò, & cætera omnia incommoda, & impedimenta pacis, unico modo, euitabimus, atque ad optatum pacis portum, perueniemus: si precibus ab humili, & contrito corde profectis, ipsum Christi spiritum, Qui est pax nostra, inuocauerimus: ut in hoc Concilio præsideat: ut lucem cordibus nostris infundat: utq; nos in omnibus ad ipsius honorem & ueram Ecclesiæ utilitatem regat, & dirigat. Ad tales enim ipse dicit. Adhuc te loquente, ecce adsum. Quare ut huiusmodi orationibus assidue incumbamus, quanta possumus charitate, uos in Domino hortamur: ut uno ore, atq; uno Spiritu, Deum Patrem in CHRISTO Iesu glorificemus: qui est Deus benedictus in secula. AMEN.

Prima

PRIMA SESSIO, SEV

APERTIO CONCILII.

IN NOMINE SANCTISSIMÆ TRINITATIS, sequuntur ordinationes, constitutiones, acta, & decreta, facta in sacrosancta, Occumenica, & generali, Tridentina Synodo: presidentibus in ea, nomine sanctissimi in Christo Patris, & D. N. D. Pauli, diuina prouidentia Papæ Tertij, Reuerendissimis & Illustris. D. D. Ioanne Maria de Monte, Episcopo Prænestino: & Marcello Ceruino, sanctæ Crucis in Hierusalem presbytero: ac Reginaldo Polo Anglo, Diacono sanctæ Mariæ in Cosmedin: sanctæ Romanæ Ecclesiæ Cardinalibus, & Apostolica sedis de latere Legatis.



NOMINE DOMINI AMEN.

Anno à natiuitate eiusdem Domini nostri: M. D. XLV: Indictione tertia: die uerò Dominica tertia aduentus Domini: in qua fuit festum sanctæ Lucie: & .xiii. Mensis Decembris: Pontificatus sanctissimi in Christo patris, & Domini nostri, Domini Pauli diuina prouidentia Papæ Tertij, anno eius. xii: pro felici inchoatione sacrosanctæ æcumenicæ & generalis Tridentinæ Synodi, fuit facta processio generalis, in ciuitate Tridentina, ab Ecclesia sanctissima & indiuiduæ Trinitatis, ad Ecclesiam Cathedralem: assistentibus in ea tribus sedis apostolicæ legatis, & R. & Illust. D. Christophoro Madrucio, tituli sancti Cæsarei sanctæ Romanæ Ecclesiæ presbytero Cardinali, & Episcopo Tridentino: necnon R. patribus dominis Archiepiscopis, Episcopis, Abbatibus: Doctores, ac illustribus, & nobilibus uiris infra scriptis: cum multis alijs doctores, tum in Theologia, tum in utroq; iure: etiam cum magno numero Varonum, Comitum: necnon cum clero & populo dictæ Ciuitatis. Qua finita, præfatus R. & illust. Dominus Cardinalis de Monte, primus legatus, celebravit missam, de sancto spiritu, in sancta cathedrali Ecclesia: & R. pater Dominus Episcopus Bithuntinus, habuit orationem. Deinde finita missa, dictus R. D. de Monte, Cardinalis, dedit benedictionem populo. Postmodum comparuit coram eisdem R. Legatis, & prælatis, egregius uir, magister Zorrilla, Secretarius Illustris. D. Didaci de Mendoza, oratoris Cæsarei, & catholicæ maiesta-

x Cornelius Muspy

C

PRIMA SESSIO.

tis: & præsentauit literas excusatorias, super eius absentia, quæ fuerunt lectæ alta uoce. Interea lectæ fuerunt bullæ indicationis Concilij. Postmodum præfatus Reuerendiß. de Monte Legatus, uertit se ad patres Concilij, dicens. Placet ne uobis, quod declaretur, sacrosanctam Synodum Tridentinam, apertam esse, & inchoatam? Qui omnes responderunt, placet. Iterum Legatus & primus Præsidens. Placet ne uobis Patres, quod prima Sessio, proximè futura, celebretur die VII. Mensis Ianuarij, anni M. D. XLVI. à natiuitate? Qui responderunt omnes, placet. Postremò idem Reuerendissimus de Monte, Benedixit Synodum: & deinde cantores cantauerunt, Te Deum. Super quibus omnibus. D. Hercules Seuerolus, ipsius Concilij promotor, petijt à D. Claudio de la Casa, Clerico Verduþensis diocesis, & notario eiusdem Concilij, & ab alijs notarijs, unum uel plura fieri instrumentum, seu instrumenta.

SEQUUNTUR NOMINA PRÆLATORUM, qui interfuerunt apertioni ipsius Concilij.

Reuerendiß. P. D. Archiepiscopi.

Aquen. Panormitanus. Vpsalen. Armacanus.

Episcopi.

Hypporigiensis. Feltrensis. Cauensis. Fesulanus. Caputagen. Sancti Marci. Gienen. Hispanus. Stabienensis. Pacensis. Astoricens. Sydoniensis. Termularum. Zantianensis. Siracusanus. Agathen. Aquinaten. Bituntinus. Bigorniensis. Bellicastrensis. Britonoriensis. Clodiensis. Ioannes Fonseca Episcopus Castelli maris hispanus.

Fuerunt præsentēs Illustres D.

Castel alto Capitaneus ciuitatis Tridentinæ, & D. Antonius Queta: oratores serenissimi Romanorum Regis.

Interfuerunt etiam Generales ordinum

Mendicantium.

Ordinis Minoris. Ordinis Conuentualium. Ordinis Heremitarum sancti Augustini. Ordinis beatæ Mariæ de monte Carmelo. Ordinis beatæ Mariæ seruorum: cum multis, tum secularibus, tum regularibus doctõribus.

Angelus Massarellus, sacri Concilij secretarius, manu propria.

SECUNDA SESSIO.

ANNO A NATIVITATE DOMINI
M. D. XLVI. Indictione iiii. die iouis septima, mensis Ianuarij: Pontificatus in Christo patris & D. D. N. Pauli diuina
providentia Papa Tertij, anno eius xii. Reuerendus pater Dominus Episcopus Castelli maris, celebrauit missam de spiritu sancto, in Ecclesia Cathedrali, & in loco sessionis. Qua finita, Reuerendus pater Dominus Episcopus sancti Marci, habuit orationem. Deinde Reuerendissimi Cardinales, & alij praelati, acceperunt pluuialia, & Mitras: fueruntq; cantata letania. Postea Reuerendissimus Cardinalis de Monte, benedixit Synodum: & fuerunt facta ceremonia, in Sessionibus publicis fieri solita. Deinde Reuerendus pater D. Episcopus Castellimaris, legit decretum: quo lecto, interrogauit Patres, utrum hac placerent: qui responderunt, placent: cum aliquibus additionibus per aliquos ex patribus additis. Deinde interrogauit eos. Placet, quod proxima Sessio, fiat iiii. Februarij, proximè futura? qui responderunt, placent.

**Coriolanus marty*

SEQUUNTUR NOMINA PRAELATORUM, qui interfuerunt huic Sessioni, & in primis.

Antedicti Legati.

Archiepiscopi.

Aquensis. Vpsalensis. Panormitanus. Armacanus.

Episcopi.

Hypporiginensis. Cauensis. Feltrensis. Gienensis, nunc Cardinalis. Placentinus. Foroiulien. Claramontanus. Fesulanus. Caputaquensis. Sancti Marci. Soranus. Motulensis. Stabiensis. Sydonien. Termularum. Agathen. Lancianen. Syracusanus. Vigornien. Bituntinus. Bellicastrensis. Pacensis. Astoricensis. Britonorien-
sis. Aquinatensis. Clodiensis. Canariensis. Castellimaris.

Oratores Regis Romanorum.

Castel alto, & Antonius de Queta.

Tres abbates, ordinis sancti Benedicti.

Generales ordinum Mendicantium.

Minoris obseruantiae, & alter Conuentualium Heremitarum sancti Augustini. Generalis ordinis Carmelitarum, & sanctae Mariae seruorum. Et Claudius Layus Sabaudus, & Presbiter

C ii

reformatus, procurator R.D.C. Augustensis, & plures uarones.

D E C R E T U M S E C V N D A E

S E S S I O N I S.

Modus uiuendi in loco Concilij.



A C R O S A N C T A T R I D E N T I
na Synodus, in spiritu sancto legitime congregata: in ea Præsidentibus eisdem Apostolica sedis legatis: agnoscens cum beato Iacobo apostolo, quod, Omne datum optimum, & omne donum perfectum, de sursum est, descendens à

patre luminum: Qui ijs, qui postulant à se sapientiam, dat omnibus afluenter, & non impropert eis: & simul sciens, quod Initium sapientiae, est timor Domini: statuit, & decreuit, omnes & singulos Christi fideles, in ciuitate Tridentina congregatos, exhortandos esse, prout exhortatur: ut se à malis & peccatis, haecenus commissis emendare, ac de cetero in timore Domini ambulare, & desideria carnis non perficere, orationibus instare, saepius confiteri, eucharistiae sacramentum sumere, ecclesias frequentare: precepta denique dominica (quantum quisque poterit) adimplere, necnon quotidie pro pace Principum Christianorum ac unitate ecclesiae, priuatim orare uelint: Episcopos uero, & quoscunque alios in ordine sacerdotali constitutos, œcumenicum Concilium in ea ciuitate celebrantes, ut assidue in Dei laudibus incumbere, hostias, laudes, & preces offerre, sacrificium missae quolibet saltem die dominico (in quo Deus lucem condidit & à mortuis resurrexit, ac spiritum sanctum in discipulos infudit) peragere satagant: facientes, sicut idem spiritus sanctus, per Apostolum præcipit, obsecrationes, orationes, postulationes, gratiarum actiones, pro sanctissimo D. N. Papa, pro Imperatore, pro regibus, & cæteris, qui in sublimitate constituti sunt, ac pro omnibus hominibus: ut quietam & tranquillam uitam agamus, pace fruamur, & fidei incrementum uideamus. Præterea, hortatur: ut ieiunent, saltem singulis sextis ferijs, in memoriam passionis Domini: & eleemosinas pauperibus erogent: in Ecclesia autem cathedrali, singulis quintis ferijs, celebretur missa de spiritu sancto, cum letanijs, & alijs orationibus ad hoc institutis, in alijs uero ecclesijs, eadem die

Iacobi. 1.

Eccl. 1.
Psalm. 110.

Actor. 2.

1. Tim. 2.

dicantur ad minus letania, & orationes: tempore autem, quo sacra peraguntur, colloquutiones, & confabulationes non fiant, sed ore & animo, celebranti assistant.

Et quoniam Oportet Episcopos esse irreprehensibiles, sobrios, castos, domui suae bene praepositos, hortatur etiam: ut ante omnia, quilibet in mensa, seruet sobrietatem, moderationemque ciborum: demum, cum in huiusmodi loco, saepe otiosi sermones oriri soleant: ut in ipsorum Episcoporum mensis, diuinarum scripturarum lectio admisceatur. Familiares uero suos, unusquisque instruat & erudiat: ne sint rixosi, uinosi, impudici, cupidi, elati, blasphemi, & uoluptatum amatores: uitia demum fugiant, & uirtutes amplectentur: & in uestitu, & cultu, & omnibus actibus, honestatem praesferant, sicut decet ministros ministrorum Dei.

1. Tim. 3.

Tit. 1.

Ad haec, cum huius sacrosancti Concilij, praecipua cura, sollicitudo, & intentio sit: ut propulsatis haesum tenebris, (quae per totam nos operuerunt terram) catholice ueritatis lux (Iesu Christo Qui uera lux est annuente) candor, puritasque refulgeat, & ea quae reformatione egent, reformentur.

Io. 1.

Ipsa Synodus hortatur omnes catholicos, hic congregatos, & congregandos, atque eos praesertim, qui sacrarum literarum peritiam habent: ut sedula meditatione, diligenter secum ipsi cogitent, quibus potissimum uis, & modis, ipsius Synodi intentio dirigi, & optatum effectum sortiri possit: quod maturius & consultius dam-nari damnanda, & probanda probari queant: ut per totum orbem, omnes uno ore, & eadem fidei confessione, glorificent deum, & patrem Domini nostri Iesu Christi. In sententijs uero dicendis, (iuxta Toletani Concilij statutum) in loco benedictionis, confidentibus dominis sacerdotibus, nullus debeat, aut immodestis uocibus perstrepere, aut tumultibus perturbare: nullis etiam falsis, uanisue, aut obstinatis disceptationibus contendere: sed quicquid dicatur, sic mitissima uerborum prolatione temperetur, ut nec audientes offendantur, nec recti iudicij acies, perturbato animo inflectatur.

11. Ca. 1.

Insuper ipsa sacra Synodus, statuit, & decreuit: quod si forte contigerit, aliquos debito in loco non sedere: & sententiam, etiam sub uerbo placet proferre: congregationibus interesse: et alios quoscunque actus facere: Concilio durante: nulli propterea praedictum generetur, nullique nouum ius acquiratur.

Angelus Massarellus, sacri Concilij Secretarius, manu propria.

TERTIA SESSIO.

*+ Tagliavia
Ambrosius Politi
cognome
Catharinus*
ANNO A NATIVITATE DOMINI,
M.D. XLVI. quarto mensis Februarij: fuit sessio generalis. &
celebrata missa de Spiritu sancto, per Archiepiscopum Panormi-
tanum, magister Ambrosius Catharinus habuit orationem: &
R. P. D. Archiepiscopus Turritanensis, legit decretum: & inter-
rogavit Patres, an placeret: responderuntque, sed aliqui, cum cer-
tis additionibus, placet.

SEQUUNTUR NOMINA PRAELATO-
rum, qui interfuerunt huic sessione: & in primis.

Antedicti Legati, & Praesidentes.

Cardinales.

R. D. Cardinalis sancti Caesarei, & Episcopus Tridentinus, ac ad-
ministrato Briginensis.

R. D. Petrus Pacecus, Cardinalis, & Episcopus Ginen.

Archiepiscopi.

Aquensis. Turritanus. Acheruntinus. Vpsalen. Panormitanus.
Armacanus.

Episcopi ijdem, qui in praecedenti sessione.

& adhuc.

Basionensis, & Fabensis.

Oratores Regis Romanorum, ijdem, qui in praee-
denti sessione.

Abbates ijdem, qui in praecedenti.

Generales ordinum, ijdem qui in praecedenti.

Angelus Massarellus sacri Concilii secretarius.

PRIMUM DECRETUM, PUBLI-
catum in tertia sessione, Tridentinae synodi: die Iouis. iiii.

Februarii, M. D. XLVI.

Confessio Fidei.



IN NOMINE SANCTÆ
& indiuiduæ Trinitatis, Patris, & Filij, &
Spiritus sancti: Hæc sacrosancta, Oecumenica,
& generalis Tridentina synodus, in spiritu san-
cto legitimè congregata, in ea præsentibus
eisdem tribus Apostolicæ sedis Legatis: magni-
tudinem rerum tractandarum cōsiderans, præsertim earum quæ
duobus illis capitibus de extirpandis hæresibus, et moribus resor-
mandis continentur, quorum causa præcipue est congregata: A-
gnoscebat autem cum Apostolo, Non esse sibi colluctationem, ad-
uersus carnem & sanguinem, sed aduersus spirituales nequitias
in cœlestibus: cum eodem, omnes, & singulos, in primis hortatur,
ut cōfortentur in Domino: & in potētia uirtutis eius: in omnibus
scutum fidei, in quò possint omnia tela nequissimi ignea extingue-
re, atque galeam spei salutis, accipiant, cum gladio spiritus, quod
est uerbum Dei. Itaque, ut hæc pia eius sollicitudo, principium, &
progressum suum, per Dei gratiam habeat: ante omnia statuit, &
decreuit, præmittendam esse confessionem fidei: patrum exempla
in hoc sequuta, qui sacratioribus Concilijs, hoc scutum, contra om-
nes hæreses, in principio suarum actionum apponere consueuerunt.
Quò solo, aliquando, & infideles ad fidem traxerūt: hæreticos ex-
pugnarunt: & fideles confirmarunt. Quare symbolum fidei, quo
sancta Romana ecclesia utitur: tanquam principium illud, in quo
omnes, qui fidem Christo profitentur, nec non conueniunt: ac fun-
damentum firmum, & unicum, contra quod portæ inferi, nunquā
præualebunt: & totidem uerbis, quibus in omnibus ecclesiis legi-
tur, exprimendum esse censuit: quod quidem eius modi est.

Ephe. 6.

Mat. 16.

C R E D O in unum Deum, Patrem omnipotentem: factorem
cæli, & terræ, uisibilium omnium & inuisibilium. & in unum
Dominum Iesum Christum, filium Dei unigenitum: & ex patre
natum ante omnia secula: Deum de Deo, lumen de lumine: Deum

T E R T I A S E S S I O .

uerum, de deo uero. Genitum non factum: consubstantiali patri:
per quem omnia facta sunt. Qui propter nos homines, & propter
nostram salutem, descendit de cœlis. & incarnatus est de Spiritu
sancto, ex Maria uirgine, & homo factus est. Crucifixus etiam
pro nobis, sub pontio Pilato, passus, & sepultus est. & resurrexit
tertia die, secundum scripturas. & ascendit in cœlum, sedet ad de-
xteram patris, Et iterum uenturus est, cū gloria iudicare uiuos,
& mortuos. Cuius regni non erit finis. & in Spiritum sanctum
Dominum, & uiuificantem, qui ex patre, filioque procedit: qui cū
patre, & filio simul adoratur, & conglorificatur: qui loquutus
est per prophetas. & unam sanctam, catholicam, & Apostolicam
Ecclesiam. Cōfiteor unum Baptisma, in remissionem peccatorum.
& expecto resurrectionem mortuorum. & uitam uenturi seculi.
Amen.

S E C U N D U M D E C R E T U M Eiusdem Sessionis.

Ratio absentium, & indictio futurae sessionis.

Eadem sacrosancta, œcumenica, & generalis, Tridentina syno-
dus, in spiritu sancto legitime congregata: in ea presidentibus eis-
dem tribus, Apostolica sedis, Legatis: intelligens multos prœla-
tos, ex diuersis partibus, accinctos esse itineri: nonnullos etiam
in uia esse, quod huc ueniant: cogitansque, omnia ab ipsa sacra sy-
nodo decernenda, eò maioris apud omnes existimationis, & hono-
ris uideri posse, quod maiori fuerint, & pleniori patrum concilio,
& præsencia sancita, & corroborata: statuit, & decreuit, futurā
sessionem, post præsentem, celebrandam esse die Iouis, quæ subse-
quetur Dominicam, latere, proximè futuram: interim tamen, nō
differri discussionem, & examinationem eorum, quæ ipsi synodo
discutienda, & examinanda, uidebuntur.

Quarta.

QVARTA SESSIO.

ANNO A NATIVITATE DOMINI,
M. D. XLVI. Indictione quarta: die uero Iouis, octaua mensis
Aprilis: pontificatus, sanctissimi in Christo patris, & D.N.D.
Pauli, diuina prouidentia Papæ tertij, Anno eius. xii. Præsiden-
tibus eisdem tribus Apostolicæ sedis legatis: R. P. D. Saluator
Alepus, Archiepiscopus Turretanensis, celebrauit missam de san-
cto spiritu, in Ecclesia Cathedrali, & loco sessionis. Deinde Gene-
ralis Seruorum, habuit orationem. Qua finita: R. Cardinales, &
prælati, acceperunt pluuialia, & mitras: & cantores inceperunt
cantare antiphonam, Exaudi nos domine, quoniam benigna est
misericordia tua. Qua finita, Diaconus clamauit, orate. quo dicto
omnes prælati, flexerunt genua, & orarunt: deinde subdiaconus
clamauit erigite. tunc. R. de Monte, primus præsident, dixit hanc
orationem. Adsumus Domine sancte spiritus. Qua finita, idem
Diaconus, dixit iterum, orate: & paulo post dixit, erigite. Deinde
idem præsident dixit hanc orationem. Mentibus nostris, quæsu-
mus Domine aspirando. &c. Quibus peractis cantores inceperunt
letanias: et cum uenerunt ad illum locum, ut donum Apostolicum,
præsidentes, qui flexis genibus erant surrexerunt. & R. Cardina-
lis de monte, primus præsident, uertit se ad congregationem, dans
benedictionem: & dixit, ut hanc sanctam synodum: cantores re-
sponderunt, Te rogamus audi nos. Completis uero letanijs: Dia-
conus dixit, Flectamus genua: & subdiaconus respondit, Erigite.
deinde idem. R. præsident, dixit hanc orationem, Da quæsumus Ec-
clesiæ tuæ, misericors Deus, ut spiritu sancto congregata. Quibus
peractis, Diaconus cantauit Euangelium, Attendite à falsis pro-
phetis. Quo finito: præfatus Reuerendissimus præsident, incepit
hymnum, Veni creator spiritus. Quo finito: idem Reuerendissimus
præsident, dixit hanc orationem: Deus qui corda. Deinde præfatus
Dominus Archiepiscopus, legit decretum: et quæsiuit ex patribus
utrum hæc placerent: qui omnes responderunt, placet, cum aliqui-
bus additionibus: postremo, utrum placeret, q̄ prima futura sessio
celebraretur die Iouis, post festum Pentecostes: qui responderunt,
placet.

Item hæc sancta synodus, statuit, & decreuit, proximam futu-
ram sessionem, tenendam, & celebrandam esse, feria quinta, post

D

Q V A R T A

sacratissimum festum proximum Pentecostes.

Quo quidem decreto, ut præmittitur, lecto: postquã patres in Cõcilio præsentēs responderunt, placet: D. Angelus Massarellus, ipsius Concilij secretarius, legit deputationem Oratorum, Cæsareæ, & catholicæ maiestatis, in personam Illustrium domini Didaci de Mendoza, & domini Francisci à Toletò, ad Concilium Tridentinũ: ad faciendũ ea, quę Cæsarea maiestas faceret, si præsens esset.

N O M I N A P R A E L A T O R U M,
qui interfuerunt huic sessione.

In primis antedicti præsidentes, & Legati, Sessionis secundę. Cardinales ijdem qui in præcedenti Sessione.

Archiepiscopi.

Aquensis, Turritanus, Corcirensis, Senensis, Materanus, & Acheruntinus, Vpsalensis, Panormitanus, Armacanus.

Episcopi.

Senogalliensis, Asculanus, Cauensis, Feltrensis, Aciensis, Placentinus, Gadditanensis, Torcellanensis, Sibiricensis, Pientinus, Claramontanus, Chironensis, & Milopotamensis, Reatinus, Fesularum, Sancti Marci, Caputaquensis, Maioricensis, Aquensis, Soranus, Vasionensis, Motulanensis, Castellimaris, Fanensis, Motonensis coadiutor Veronensis, Termularum, Agathensis, Lancianensis, Siracusanus, Caprulanus, Vigorniensis, Bituntinus, Corsulanensis, Bellicastrensis, Pacensis, Astoricensis, Britonoriensis, Aquinatenensis, Oscensis, Bergomensis, Clodiensis, Canariensis.

Oratores.

*Illustris Dominus Franciscus à Toletò,
Orator & procurator, inuictissimi Caroli quinti, Romani Imperatoris.*

Procuratores.

*D. Claudius Zayus procurator, R. D. Cardinalis & Episcopi Augustensis.
Abbates, & Generales ordinum ijdem, qui in præcedenti sessione.
Angelus Massarellus, sacri Concilij secretarius.*

PRIMUM DECRETVM, QVARTAE
Sessionis. v. Aprilis, celebratae Con-
cilij Tridentini.

M. D. XLVI.

Receptio, & numeratio, librorum sacrorum, ue-
teris, & noui testamenti.



ACROSANCTA, œcumenica, & generalis, Tridentina Synodus, in spiritu sancto legitime congregata: præsidentibus in ea tribus Apostolicæ sedis Legatis: hoc sibi ante omnia perpetuò proponens, ut, sublatis omnibus erroribus, puritas ipsa Euangelij in Ecclesia conseruetur: quod promissum ante per prophetas, in scripturis sanctis, Dominus noster, Iesus Christus, Dei filius, proprio ore, primum promulgauit: deinde, per suos Apostolos, tanquam fontem omnis salutaris ueritatis, & morum disciplinæ, omni creaturæ prædicari iussit: perspicuensq; hanc ueritatem, & disciplinam, contineri in libris scriptis: & sine scripto, traditionibus, quæ ipsius Christi ore, quæ ab Apostolis acceptæ, aut ab ipsis apostolis, spiritu sancto dictante, quasi per manus traditæ, ad nos usq; peruenerunt: orthodoxorum patrum exempla sequuta, omnes libros, tam ueteris, quam noui testamenti, (cum utriusq; unus Deus sit author) necnon traditiones ipsas, tum ad fidem, tum ad mores pertinentes, tanquam uel ore tenus à Christo, uel à spiritu sancto dictatas, & continua successione in ecclesia catholica conseruatas, pari pietatis affectu, ac reuerentia suscipit, ac ueneratur. Sacrorum uerò librorum indicem, huic decreto ascribendum, censuit: ne cui dubitatio suboriri possit, qui nam sint, qui ab ipsa synodo suscipiantur. Sunt uerò infrascripti. Testamenti ueteris: Quinq; libri Moysei: scilicet, Genesis, Exodus, Leuiticus, Numeri, Deuteronomium. Deinde Iosue, Iudicum, Ruth. Quatuor Regum, Paralypomenon duo. Esdræ duo, primus scilicet & secundus: qui dicitur, Nehemias. Thobias, Iudith, Hester, Iob: psalterium Dauidicum, centum quinquaginta psal-

D ii

morum: parabola Salomonis, Ecclesiastes, Canticum canticorum, Sapientia, Ecclesiasticus. Isayas, Hieremias, Baruch, Ezechiel, Daniel. Duodecim prophetae minores: scilicet, Osee, Ioel, Amos, Abdias, Ionas, Micheas, Nahum, Habacuch, Sophonias, Aggeus, Zacharias, Malachias. Duo Machabeorum: primus, scilicet, & secundus. Testamenti noui, quatuor Euangelia: scilicet, secundum Matheum, Marcum, Lucam, & Ioannem. Acta Apostolorum, a Luca Euangelista conscripta. Quatuordecim Epistolae, beati Pauli Apostoli: scilicet, ad Romanos, ad Corinthios duae, ad Galathas, ad Ephesios, ad Philipenses, ad Colossenses, ad Thessalonicenses duae, ad Timotheum duae, ad Titum, ad Philemonem, ad Hebraeos. Petri Apostoli duae. Ioannis Apostoli tres. Iacobi Apostoli una. Vna Iudae Apostoli. Apocalypsis Ioannis Apostoli.

Si quis autem, libros ipsos integros, cum omnibus suis partibus, prout in Ecclesia catholica legi consueuerunt, & in ueteri uulgata latina editione habentur, pro sacris & canonicis non susceperit: & traditiones praedictas, sciens, & prudens, contempserit: anathema sit. Omnes itaque intelligant, quo ordine, & uia, ipsa Synodus, post iactum fidei confessionis fundamentum, sit progressura: & quibus potissimum testimonijs, ac praesidijs, in confirmandis dogmatibus, & instaurandis in Ecclesia moribus, sit usura.

S E C V N D V M D E C R E T V M

Quartæ sessionis.

Receptio vulgatę editionis: & modus interpretandi,
& imprimendi sacram scripturam.

I N S V P E R E A D E M S A C R O S A N-
cta synodus, considerans, non parum utilitatis accedere posse Ec-
clesiæ Dei, si ex multis latinis æditionibus, quæ circumferuntur,
sacrorum librorum, quænam pro authentica habenda sit, innot-
scat: statuit, et declarat. ut, hæc ipsa uetus, & uulgata editio, quæ,
longo tot seculorum usu, in ecclesia ipsa probata est, in publicis
lectionibus, disputationibus, prædicationibus, aut expositionibus,
pro authentica habeatur, & q̃ eam nemo reijcere, quouis prætex-
tu, audeat, uel præsumat.

Canon alius.

Præterea, ad coercenda petulantia ingenia: decreuit: ut nemo,
sue prudentiæ innixus, in rebus fidei, & morum, ad ædificationē
doctrinę christianę pertinentium, sacram scripturam ad suos sen-
sus contorqueat: aut contra eum sensum, quem tenuit, & tenet
sancta mater Ecclesia, cuius est iudicare, de uero sensu, & inter-
pretatione, sanctarum scripturarum, aut etiā contra unanimem
cōsensum patrum, ipsam scripturam sacram interpretari audeat,
etiā si huiusmodi interpretationes, nullo unquam tempore, in lu-
cem edende forent. Qui contrauerint, per ordinarios declaren-
tur, & pænis à iure statutis puniantur.

Canon alius.

Sed & impressoribus, modum, in hac parte (ut par est) impone-
re uolens: qui iam sine modo, hoc est, putantes sibi licere, quic-
quid libet: sine licentia superiorum, & ecclesiasticorum, ipsos sa-
cre scripturæ libros, & super illos annotationes, & expositiones,
quomodolibet indifferentes, sæpe tacito, sæpe etiam ementito præ-
lo: & (quod est grauius) sine nomine authoris, imprimunt: alibi
etiā impressos libros huiusmodi temerè uenales habēt: decreuit,

*In his duobus cano-
nibus facta est mentio
in Indice a deputatis
conuicti contra solam rem
solam sessionem
Pont: Sieda.*

Q V A R T A S E S S I O .

et statuit, ut, posthac, sacra scriptura, potissimum uerò hæc ipsa uetus, & uulgata editio, quàm emendatissimè imprimatur: nulliq; liceat imprimere, uel imprimi facere, quo suis libros, de rebus sacris, sine nomine authoris: nec illos in futurum uendere, aut etiam apud se retinere, nisi primum examinati, probatiq; fuerint ab ordinario: sub pœna anathematis, et pœnæ in canone conci. nouissimi Lateran. appositæ. Et si regulares fuerint, ultra examinationem & probationem huiusmodi, licentiam quoq; à suis superioribus impetrare teneantur: recognitis per eos libris, iuxta formam istarum ordinationum. Qui autem scripto eos communicant, uel euulgant (nisi antea examinati, probatiq; fuerint) eisdem pœnis subiaceant, quibus Impressores: & qui eos habuerint, uel legerint, nisi authorem prodiderint, pro authoribus habeantur. Ipsa uerò huiusmodi librorum probatio, in scriptis detur, atq; idè in fronte libri, uel scripti, uel impressi authenticè appareat. Idq; totum, hoc est & probatio, & examen, gratis fiat: ut probanda probentur, & improbanda reprobandur.

Post hæc, temeritatem illam reprimere uolens, qua ad prophana quæq; conuertuntur: & uerba torquentur: & sententiæ sacræ scripturæ, ad scurrilia, scilicet, fabulosa, uana, adulationes, detractationes: superstitiones impias: et diabolicas incantationes: diuinationes: sortes, libellos etiam famosos: mandat, & præcipit, ad tollendam huiusmodi irreuerentiam, & contemptum, ne de cætero quisquam quomodolibet, uerba sacræ scripturæ, ad hæc, & similia, audeat usurpare: ut omnes, eius generis corruptores, temeratores, & uiolatores uerbi Dei, iuris, & arbitrij pœnis per episcopos coerceantur.

Item hæc sacrosancta synodus statuit, & decreuit, proximam futuram sessionem, tenendam, & celebrandam esse, feria quinta post sacratissimum festum proximum pentecostes.

QVINTA SESSIO.

A N N O A N A T I V I T A T E D O M I N I .

M. D. XLVI. Indictione. iiii: die uero Iouis, decima septima, mensis Iunii: pontificatus sanctissimi in Christo patris, & D. N. D. Pauli, diuina prouidentia Papæ tertij, anno eius duodecimo: Præsidentibus eisdem tribus Apostolicæ sedis Legatis: reuerendus pater dominus Alexander de Pyccolominibus, Senensis, Episcopus Pientinus, in Tuscia, celebrauit missam de sancto spiritu, in cathedrali ecclesia, & loco sessionis. Deinde magister Marcus Laurens, Calaber, frater Ordinis Prædicatorum, habuit orationem. Qua finita. reuerendissimi Cardinales, & alij prælati, acceperunt pluuialia, & mitras: fueruntq; factæ cæremoniæ in alijs sessionibus fieri solitæ: lectum fuit etiam decretum.

Indictio future sessionis.

Item hæc sacrosancta synodus, statuit, & decreuit: primam futuram sessionem, tenendam et celebrandam esse, die Iouis, feria. v. post festum. B. Iacobi Apostoli.

N O M I N A , C O G N O M I N A , E T P A T R I A E ,
Prælatorum, qui interfuerunt quintæ sessioni.

Præsidentes, & Legati.

R. Et Illustrissimus. D. D. Ioannes Maria, Episcopus Prenestinus, de Monte. Aretinus.

R. Et illustrissimus. D. D. Marcellus, tituli sanctæ crucis, in Hierusalem presbyter, Cerninus. Politianus.

R. Et illustrissimus. D. D. Reginaldus sanctæ Mariæ in Cosmedin diaconus, Polus. Anglicus.

Sanctæ Romanæ ecclesiæ Cardinales, sacri Concilij præsidentes, et Apostolici de latere Legati.

Cardinales.

R. Et illustrissimus. D. D. Petrus paceus, sanctæ Romanæ ecclesiæ presbyter Cardinalis, & Episcopus Gienens. Hispanus.

Oratores.

Illustrissi. D. Don Didacus Hurtadus, de Mendoza. Hispanus.

Illustr. D. Don. Franciscus à Toletis. Hispanus.

Q V I N T A

Oratores, & procuratores, inuictissimi. D. D. Caroli quinti, Romanorum Imperatoris, ac Hispaniarum. & c. Regis.

Archiepiscopi.

R. D. Antonius Filholi, archiepiscopus Aquensis. Gallus.
 R. D. Saluator Alexius Sassarus, archiepisc. Torritā. Hispanus.
 R. D. Iacobus Cauchus, archiepiscopus Corciren. Venetus.
 R. D. Franciscus Bandineus, archiepiscopus Senen. Senensis.
 R. D. Ioannes Michael Sarracenus, archiepiscopus Materanus,
 & Acheruntinus. Neapolitanus
 R. D. Sebastianus Lecauela, archiepiscopus Pariensis, & Na-
 xien. Græcus.
 R. D. Olaus magnus, archiepiscopus Vpsalen. Gothus.
 R. D. Petrus Tagliania, archiepisc. Panormita. Siculus.
 R. D. Robertus Vaucop, archiepiscopus Armacan. Scotus.

Episcopi.

R. D. Marcus Vigerius, episcopus Senogallien. Sauonen.
 R. D. Philo Rouerella, episcopus Asculan. Ferrarien.
 R. D. Robertus de Croy, episcopus Cameracē. Germanus.
 R. D. Ioannes Thomas de sancto Felicio, episcopus Canen. Neapol.
 R. D. Thomas Campegius, episcopus Feltren. Bononiensis.
 R. D. Benedictus de Nobilibus, episcopus Acien. Lucensis.
 R. D. Quintius de Rusticis, episcopus Militen. Romanus.
 R. D. Cathalanus Triultius, episcopus Placenti. Mediolanen.
 R. D. Hieronymus Fuscherus, episcopus Torcellan. Venetus.
 R. D. Antonius de Numai, episc. Isernien. Foroliuinen.
 R. D. Hieronymus Theodolis, episc. Gadditan. Foroliuinen.
 R. D. Ioannes Lucius Staphileus, episc. Sibinicen. Illiricus.
 R. D. Alexander Pycholomineus, episc. Pientin. Senen.
 R. D. Guilhelmus à Prato, episc. Claramontan. Gallus.
 R. D. Dionysius Græcus, episc. Chironen. et Milopotamen. Græcus
 R. D. Marcus Algerius de Columna, episc. Reatin. Reatin.
 R. D. Braccius Martellus, episc. Fesularum. Florentin.
 R. D. Coriolanus Martiranus, episc. sancti Marci. Neapolitan.
 R. D. Henricus Ioffredus, episc. Caputaquen. Neapoli.
 R. D. Baptista Campegius, episc. Maioricen. Bononien.
 R. D. Hieronymus Vida, episc. Alben. Cremonen.
 R. D. Eliseus Theodinus, episc. Soran. Arpinas.
 R. D. Iacobus Cortesius à Prato, episc. Vasionen. Rom.
 R. D. Baldassar

R. D. Baldassar de Heredia, episc. Boffanen.	Sardus.
R. D. Angelus Paschalis, episc. Motulan.	Dalmatus.
R. D. Ioannes Fonseca, episc. Castellimaris.	Hispanus.
R. D. Petrus Bertanus, episc. Fanen.	Mutinen.
R. D. Ludonicus Simonetta, episc. Pisaurien.	Mediolan.
R. D. Aloysius Lypomanus, episcopus Motonen. coadiutor Ve-	ronen.
	Venetus.
R. D. Vincentius de Durantibus, episc. Termula.	Brixien.
R. D. Andreas Centanus, episc. Nemasien.	Venetus.
R. D. Ioannes Petrus Ferretus, episc. Milen.	Ravennatē.
R. D. Claudius de la Guishe, episc. Agathen.	Gallus.
R. D. Ioannes de Salazar de Burgos, episc. Lācianen.	Hispanus.
R. D. Fabius Mignanellus, episc. Lucerin.	Senensis.
R. D. Hieronymus de Bononia, episc. Siracusan.	Siculus.
R. D. Egidius Falsetta, episc. Caprulan.	Cingulan.
R. D. Ricardus Patus, episc. Vigornien.	Anglicus.
R. D. Cornelius Mussus, episc. Bituntin.	Placentin.
R. D. Iacobus Iacobellus, episc. Bellicastren.	Roman.
R. D. Franciscus de Navarra, episc. Pacen.	Hispanus.
R. D. Didacus de Alaba, episc. Astorican.	Hispanus.
R. D. Thomas Casellus, episc. Britonorien.	Rossanen.
R. D. Iulius Contarenus, episc. Bellunen.	Venetus.
R. D. Galeatius Florimantius, episc. Aquinaten.	Suessan.
R. D. Petrus de Augustinis, episc. Oscan.	Hispanus.
R. D. Bernardus Diaz, episc. Calagurritan.	Hispanus.
R. D. Gregorius Castagnola, episc. Milen.	Græcus.
R. D. Antonius de Cruce, episc. Canarien.	Hispanus.

Procuratores.

R. D. Claudius Zayus, procurator Reuerendissimi, & Illustrissi-	
mi D. D. Othonis Truchses, sanctæ Romanæ Ecclesiæ Cardi-	
nalis, & Episcopi Augustensis.	Sabaudiēsis
R. P. Ambrosius Pelargus, ordinis Prædicatorum, procurator	
Reuerendissimi. D. D. Archiepiscopi Treueren. sacri imperij	
Electoris.	Germanus.

Abbates.

R. D. Isidorus Clarius, abbas Pontidæ, Bergomen.	Brixien.
R. D. Christostomus Gimilianensis, Abbas sanctæ Trinitatis de	
Caieta.	Calaber.

E

Generales Ordinum.

R. P. Hieronymus Seripandus, Generalis Ordinis Eremitarum
sancti Augustini. Neapolitan.

R. P. Nicolaus Audetus, Generalis Ord. Carmelitarum Cyprus.

R. P. Augustinus Bonucius, Generalis sanctae Mariae seruo-
rum. Aretinus.

Angelus Massarellus, sacri Concilij Secretarius.

PRIMUM DECRETUM QUINTAE

Sessionis Tridentini Concilij, xvii. mensis Iunii.

M. D. XLVI. celebrata.

De peccato Originali.

Hebr. 11



T fides nostra catholica, sine qua impossibile est placere Deo: purgatis erroribus, in sua sinceritate integra, & illibata, permaneat: & ne populus Christianus, omni uento doctrinae circumferatur: cum serpens ille antiquus, humani generis perpetuus hostis, inter plurima mala, quibus Ecclesia Dei, his nostris temporibus perturbatur, etiam de peccato originali, eiusque remedio, non solum uetera, sed etiam noua dissidia excitauerit: sacrosancta, œcumenica, & generalis, Tridentina Synodus, in spiritu sancto legitime congregata: praesidentibus in ea eisdem tribus Apostolicæ sedis legatis: iam, ad reuocandos errantes, & nutantes confirmandos, accedere uolens: sacrarum scripturarum, & sanctorum patrum, ac probatissimorum Conciliorum testimonia, & ipsius Ecclesiæ iudicium & consensum sequuta: hæc, de ipso peccato originali, statuit, fatetur, ac declarat.

Si quis Adam, primum hominem, non confitetur: cum mandatum Dei, in Paradiso, fuisset transgressus: statim sanctitatem, & iustitiam, in qua positus erat, amisisse: incurrisseque per offensam prauaricationis huiusmodi, iram, & indignationem Dei: atque ideo mortem, quam antea illi comminatus fuerat Deus: & cum morte, captiuitatem sub eius potestate, qui mortis deinde habuit imperium, hoc est diaboli: solumque Adam, per

illam prauaricationis offensam, secundum corpus, & animam, in deterius commutatum fuisse: anathema sit.

Si quis Adæ prauaricationem, sibi soli, & non eius propagini, asserit nocuisse: acceptam à Deo sanctitatem, & iustitiam, quam perdidit, sibi soli, & non nobis, eam perdidisse: aut inquinatum illum, per inobedientiæ peccatum, mortem, & penas corporis tantum, in omne genus humanum transfudisse: non autem & peccatum, quod mors est animæ: anathema sit: Cum contradicat Apostolo, dicenti. Per unum hominem peccatum intrauit in mundum, & per peccatum mors, & ita in omnes homines pertransit, in quo omnes peccauerunt.

Si quis hoc Adæ peccatum: quod origine unum est: & propagatione, non imitatione, transfusum: & in omnibus inest, unicuique proprium: uel per humanæ naturæ uires, uel per aliud remedium asserit tolli, quàm per medium unius mediatoris Christi Iesu Domini nostri, qui nos Deo reconciliauit in sanguine suo, factus nobis iustitia, sanctificatio, & redemptio: aut negat ipsum Iesu Christi meritum, per baptismi sacramentum, in forma Ecclesiæ, ritè collatum, tam adultis, quàm paruulis applicari: anathema sit. Quia non est aliud nomen, sub cælo datum hominibus, in quo oporteat nos saluos fieri. Vnde illa uox, Ecce agnus Dei, ecce qui tollit peccata mundi. Et illa: Quicumque baptizati estis, Christum induistis.

Si quis paruulos, recentes ab uteris matrum, baptizandos negat, etiam si fuerint à baptizatis parentibus orti: aut dicit in remissionem quidem peccatorum eos baptizari: sed nihil ex Adam trahere originalis peccati, quod regenerationis lauacro necesse sit expiari, ad uitam æternam consequendam: unde sit consequens, ut in eis forma baptismatis, in remissionem peccatorum, non uera, sed falsa intelligatur: anathema sit. Quoniam nō aliter intelligendum est id, quod dixit Apostolus: Per unum hominem, peccatum intrauit in mundum: & per peccatum mors, & ita in homines omnes mors pertransiit, in quo omnes peccauerunt: nisi quemadmodum Ecclesia catholica, ubique diffusa, semper intellexit. Propter hanc enim regulam fidei, ex traditione Apostolorum, etiam paruuli, qui nihil peccatorum in semetipsis adhuc committere potuerunt: ideo in remissionem peccatorum ueraciter baptizantur, ut in eis regeneratione mundetur, quod ge-

E ii

contra Pelagium

contra Julianum
v. Pallav. lib. 3. 1. 4.

Rom. 5.

contra Pelagium
et Catellinum, et
Hilary.

contra Petrum
et Bruc.

Act. 4.

Io. 1.

Gal. 3.

contra Pelagium, et alios
mentes.

Hæc ratio sumitur ex cōcilio Mil-leuitano.
Rom. 5.

Ioan. 3.

neratione contraxerunt: Nisi enim quis renatus fuerit, ex aqua, & spiritu sancto: non potest introire in regnum Dei.

Rom 8.

Col. 3.

Rom. 8.

2. Tim. 2.

Col. 3.

contra Iulianum?

Si quis per Iesu Christi Domini nostri gratiam, quæ in baptismo confertur, reatum originalis peccati, remitti negat: aut etiam asserit, non tolli totum id, quod ueram, & propriam rationem peccati habet: sed illud tantum radi, aut non imputari: anathema sit. In renatis autem nihil odit deus: quia nihil est damnationis ijs, qui uerè consepulti sunt cum Christo, per baptismum, in mortem: qui non secundum carnem ambulant: sed, ueterem hominem exuentes, & nouum induentes, qui secundum deum creatus est: innocentes, immaculati, puri, innoxij, ac deo dilecti, effecti sunt: heredes quidem dei, coheredes autem christi: ita ut nihil prorsus eos ab ingressu cæli remoretur. Manere autem in baptizatis concupiscentiam, uel fomitem, hæc sancta synodus fatetur, ac sentit: quæ quidem, cum ad agonem relicta sit, nocere, non consentientibus, & uiriliter, per Iesu Christi gratiam, repugnantibus, non ualet: quinimò, qui legitime certauerint, coronabuntur. Hanc concupiscentiam, quam aliquando apostolus peccatum appellat: sancta synodus declarat, Ecclesiam catholicam, nunquam intellexisse, peccatum appellari, quod uerè, & propriè, in renatis, peccatum sit: sed quia ex peccato est, & ad peccatum inclinatur. Si quis autem contrarium senserit: anathema sit.

Declarat tamen, hæc ipsa sancta synodus, non esse sue intentionis, comprehendere in hoc decreto, ubi de peccato originali agitur, beatam, & immaculatam uirginem Mariam, dei genitricem: sed obseruandas esse constitutiones fælicis recordationis, Sixti Papæ Quarti, sub pœnis in eis constitutionibus contentis, quas in nouat.

*N.
sanctissimam et beatissimam
Virginem Mariam
Mariam hoc non comprehendit
decretum.*

DECRETVM REFORMATIONIS, PV-
blicatum eadem quinta Sessione Tridentini Con-
cilij, decima septima mensis Iunij.

Anno M. D. XLVI.

Q V I N T A S E S S I O
S V B P A V L O.

De lectione, & prædicatione sacrae scripturae.

Eadem sacrosancta Synodus, pijs, summorum Pontificum, & probatorum Conciliorum, constitutionibus inherens: easq; amplectens: & illis adiiciens: ne caelestis ille sacrorum librorum Thesaurus, quem spiritus sanctus summa liberalitate hominibus tradidit, neglectus iaceat: statuit, & decreuit: quod, in illis Ecclesijs, in quibus præbenda, aut præstimonium, seu aliud quonvis nomine nuncupatum stipendium, pro lectoribus sacrae Theologiae deputatum, reperitur: Episcopi, Archiepiscopi, Primates, & alij locorum ordinarij, eos, qui præbendam, aut præstimonium, seu stipendium huiusmodi obtinent, ad ipsius sacrae scripturae expositionem, & interpretationem, per seipsos, si idonei fuerint: alioquin per idoneum substitutum ab ipsis Episcopis, Archiepiscopis, Primatibus, & alijs locorum ordinarijs, eligendum, etiam per subtractionem fructuum, cogant, & compellant. De cæterò uerò, præbenda, præstimonium, aut stipendium huiusmodi, non nisi personis idoneis, & qui per se ipsos, id munus explere possint, conferantur: & aliter facta prouisio, nulla sit, & inualida.

In Ecclesijs autem metropolitanis, uel cathedralibus, si ciuitas insignis, uel populosa fuerit: ac etiam in collegiatis, existentibus in aliquo insigni oppido: etiam nullius diœcesis: si ibi clerus numerosus fuerit, ubi nulla præbenda, aut præstimonium, seu stipendium huiusmodi deputatum reperitur: præbenda quomodocunq; præterquam ex causa resignationis, primò uacatura, cui aliud onus incompatible iniunctum non sit, ad eum usum, ipso facto perpetuò constituta, & deputata, intelligatur. & quatenus in ipsis ecclesijs, nulla, uel non sufficiens, præbenda foret: metropolitanus, uel Episcopus ipse, per assignationem fructuum

alicuius simplicis beneficij: eiusdem tamen debitis supportatis oneribus: uel per contributionem beneficiatorum suæ ciuitatis, & diœcesis: uel aliâs prout commodius fieri poterit: de capituli consilio, ita prouideat, ut ipsa sacræ scripturæ lectio habeatur: ita tamen ut quæcunq; aliæ lectiones, uel consuetudine, uel quauis alia ratione, institutæ propter id minimè prætermittantur.

Ecclesiæ uerò, quarum, annui prouentus, tenues fuerint: & ubi tam exigua est cleri & populi multitudo, ut theologiæ lectio in eisdem commodè haberi non possit: saltem magistrum habeant, ab Episcopo, cum consilio capituli, eligendum: qui clericos, aliosq; scholares pauperes, grammaticam gratis doceat: ut deinceps ad ipsa sacræ scripturæ studia, annuente Deo, transire possint. Ideoq; illi magistro grammatices: uel alicuius simplicis beneficij fructus, quos tandiu percipiat, quandiu in docendo perstiterit, assignentur, dum tamen beneficium ipsum, suo debito non fraudetur obsequio: uel ex capitulari, uel episcopali mensa, condigna aliqua merces persoluatur: uel aliâs Episcopus ipse aliquam rationem innuat suæ Ecclesiæ, & diœcesi, accomodam: ne pia hæc, utilis, atq; fructuosa promissio, quouis quæsito colore, negligatur.

In monasterijs quoq; monachorum: ubi commodè fieri queat: etiam lectio sacræ scripturæ habeatur. Qua in re si abbates negligentes fuerint, episcopi locorum, in hoc, ut sedis apostolicæ delegati, eos ad id opportunis remedijs compellant.

In conuentibus uerò aliorum regularium, in quibus studia commodè uigere possunt, sacræ scripturæ lectio similiter habeatur: quæ lectio, à capitulis generalibus, uel provincialibus, assignetur dignioribus magistris.

N In Gymnasijs etiam publicis, ubi tam honorifica, & cæterorum omnium maximè necessaria lectio, hætenus instituta non fuerit, religiosissimorum Principum, ac rerum publicarum pietate, ac charitate, ad catholicæ fidei defensionem, & incrementum, & sanæ doctrinæ conseruationem, & propagationem, instituatur: & ubi instituta foret, & negligeretur, restituatur.

Et, ne sub specie pietatis, impietas disseminetur, statuit eadem sancta Synodus: neminem, ad huiusmodi lectionis officium, tam publicè, quàm priuatim, admittendum esse: qui prius ab Episcopo loci, de uita, & moribus, & scientia examinatus, & appro-

batus non fuerit : quod tamen , de lectoribus in claustris monachorum , non intelligatur.

Docentes uerò ipsam sacram scripturam , dum publice in scholis docuerint : & scholares , qui in ipsis scholis student : priuilegijs omnibus , de perceptione fructuum praeendarum , & beneficiorum suorum , in absentia , à iure communi concessis , plenè gaudeant , & fruantur.

Quia uerò Christianae reipublicae , non minus necessaria est praedicatione Euangelij , quàm lectio , & hoc est praecipuum Episcoporum munus : statuit , & decreuit , eadem sancta Synodus : omnes Episcopos , Archiepiscopos , primates , & omnes alios Ecclesiarum praelatos , teneri per seipsos , si legitime impediti non fuerint , ad praedicandum sanctum Iesu Christi Euangelium.

Si uerò contigerit , Episcopos , & alios praedictos , legitimo detineri impedimento , iuxta formam generalis concilij , uiros idoneos assumere teneantur , ad huiusmodi praedicationis officium salubriter exequendum . Siquis autem , adimplere contempserit , districtè subiaceat ultioni .

Archipresbyteri quoq; plebani , & quicunq; parrochiales , uel alias curam animarum habentes ecclesias quocunq; modo obtinentes , per se uel per alios idoneos , si legitime impediti fuerint , diebus saltem Dominicis , & festis solennibus , plebes sibi commissas , pro sua & earum capacitate , pascant salutaribus uerbis : docendo ea , quae scire , omnibus necessarium est , ad salutem : annuntiandoq; eis , cum breuitate , & facilitate sermonis , uitia , quae eos declinare : & uirtutes , quas sectari oporteat : ut poenam aeternam euadere , et celestem gloriam consequi , ualeant . Id uerò si quis eorum praestare negligat : etiam si ab episcopi iurisdictione , quauis ratione , exemptum se esse , praetenderet : etiam si ecclesiae quouis modo exemptae dicerentur , aut alicui monasterio , etiam extra diocesim existenti , forsan annexae , uel unitae : modò re ipsa in diocesi sint : prouida pastoralis episcoporum sollicitudo non desit , ne illud impleatur : Paruuli petierunt panem : & non erat , qui frangeret eis . Itaq; , ubi ab episcopo moniti , trium mensium spatio , suo muneri defuerint : per censuras ecclesiasticas , seu alias , ad ipsius episcopi arbitrium , cogantur : ita ut etiam , si sic ei expedire uisum fuerit , ex beneficiorum fructibus , alteri , qui id prestet , honesta aliqua merces persoluantur : donec principalis ipse , resipiscens , officium suum impleat .

Thre. 4.

Si quæ uerò parrochiales ecclesiæ reperiuntur, subiectæ monasterijs, in nulla diœcesi existentibus: si abbates, & regulares prælati, in prædictis, negligentes fuerint: à metropolitanis, in quorum prouincijs diœceses ipsæ sitæ sunt, tanquam, quò ad hoc sedis apostolicæ delegatis, compellantur. Neq; huius decreti executionem, consuetudo uel exemptio, aut appellatio, aut reclamatione, siue recursus impedire ualeat: quousq; desuper à competenti iudice, (qui summarie, & sola facti ueritate inspecta, procedat) cognitum, & decisum fuerit.

Regulares uerò cuiuscunq; ordinis, nisi à suis superioribus, de uita, & moribus, & scientia, examinati, & approbati fuerint: ac de eorum licentia, etiam in ecclesijs suorum ordinum, prædicare non possint: cum qua licentia, personaliter, se coram episcopis præsentare, & ab eis benedictionem petere, teneantur, antequam prædicare incipiant.

In ecclesijs uerò quæ suorum ordinum non sunt, ultra licentiâ suorum superiorum, etiam episcopi licentiam habere teneantur: sine qua, in ipsis ecclesijs non suorum ordinum, nullo modo prædicare possint. Ipsam autem licentiam gratis episcopi concedant.

N. in his rebus.

Si uerò (quod absit) prædicator, errores, aut scandala, disseminauerit in populum, (etiam si in monasterio sui, uel alterius ordinis, prædicet) Episcopus ei prædicatione interdicit. Quòd si hæreses prædicauerit: contra eum, secundum iuris dispositionem, aut loci consuetudinem, procedat: etiam si prædicator ipse, generali, uel speciali priuilegio, exemptum se esse prætenderet: quo casu, Episcopus, autoritate apostolica, & tanquam sedis apostolicæ delegatus procedat. Curent autem Episcopi, ne quis prædicator, uel ex falsis informationibus, uel aliâs, calumniosè uexetur: iustamque de eis conquerendi, occasionem habeat.

Caueant præterea Episcopi, ne aliquem, uel eorum, qui cum sint nomine regulares, extra claustra tamen, & obedientiam religionum suarum uiuunt: uel presbyterorum secularium: nisi ipsis noti sint, & moribus, atq; doctrina probati: etiam priuilegiarum quorumlibet prætextu, in sua ciuitate, uel diœcesi: prædicare permittant: donec ab ipsis Episcopis, super ea re, dicta sedes Apostolica consulatur: à qua, priuilegia huiusmodi, nisi tacita ueritate, & expresso mendacio, ab indignis extorqueri, uerissimile non est.

Quæstores uerò eleemosinarij: qui etiam quæstuarij uulgò dicuntur

cuntur: cuiuscunq; conditionis existant: ullo modo, nec per se, nec per alium, predicare presumant, & contrasacientes, ab episcopis, & ordinariis locorum: privilegiis quibuscunq; non obstantibus: opportunis remediis omnino arceantur.

Item sacrosancta synodus, statuit, & decreuit: primam futuram sessionem, celebrandam esse die Iouis, feria quinta, post festum beati Iacobi Apostoli.

Præfata sessioni interfuerunt Cardinales quatuor: Archiepiscopi nouem: & Episcopi quinquaginta: Abbates ordinis sancti Benedicti duo: Generales duo ordinum Mendicantium.

Prorogata est futura sessio propter bella, & tumultus suscitatos in Germania, per Lazgrauium, & Ducem Saxonie: contra inuictissimum Imperatorem Carolum quintum, propugnatorem et defensorem fidei, et religionis Christianæ, usq; ad. xiii. Ianuarii.

Sessio prorogata.



*Contra hanc legem
cipius addit hanc
Hodanus dicit, sc.
Calvinus Picardus
etampad i et quing
Rantex additor.*

SEXTA SESSIO.

IN NOMINE DOMINI IESU CHRISTI,
amen. Anno à natiuitate eiusdem Domini. M. D. XLVII:
Indictione. v. Pontificatus sanctissimi in Christo. R. & D. N. D.
Pauli, diuina prouidentia Papæ tertii, anno eius terdecimo:
die uero Iouis, decimatertia mensis Ianuarii: Tridenti, in eccle-
sia cathedrali, in loco eminentiori ipsius ecclesiæ, ad Concilium
celebrandum & sessiones habendas deputato, celebrata est sexta
publica sessio, sacrosancti æcumenici, & generalis Concilii Tri-
dentini: præsentibus in ea, nomine eiusdem sanctissimi D. N. Pa-
pæ, reuerendissimis patribus, & Illustris. D. Ioanne Maria
de Monte, Episcopo Prænestino, & Marcello tituli sanctæ Cru-
cis in Hierusalem presbytero, sanctæ Romanæ ecclesiæ Cardina-
libus, & apostolicis de latere legatis. In qua quidem sessione, post
celebratam missam de spiritu sancto, per R. P. D. Archiepiscopum,
Spalatren. & habita oratione, per reuerendum. P. D. Episcopum
Salpensensem: necnon peractis, per. R. & Illustris. D. Cardinalem
de Monte præfatum, solitis cæremoniis: publicatum est decretum
de iustificatione, tenoris infra scripti, uidelicet.

DECRETVM DE IUSTIFICATIONE, FA-
ctum Tridenti, in sexta sessione, die xiii. Ianuarii.

M. D. XLVII.



Vm hoc tempore, non sine multarum animarū
iactura, & graui ecclesiasticæ unitatis detri-
mento, erronea quædam disseminata sit, de iusti-
ficatione, doctrina: ad laudem, & gloriam, om-
nipotentis Dei, Ecclesiæ tranquillitatem, &
animarum salutem: sacrosancta æcumenica, et
generalis, Tridentina Synodus, in spiritu sancto legitime con-
gregata: præsentibus in ea, nomine sanctissimi in Christo pa-
tris, & domini nostri, domini Pauli, diuina prouidentia Papæ
tertii, reuerendissimis dominis. D. Ioanne Maria episcopo Præne-
stino de Monte, & Marcello tituli sanctæ Crucis in Hierusalem
presbytero, sanctæ Romanæ Ecclesiæ Cardinalibus, & Apo-
stolicis de latere Legatis: exponere intendit, omnibus Christi fide-
libus, ueram, sanamq; ipsius iustificationis doctrinam: quàm sol

iustitiæ Christus. Iesus, fidei nostræ autor, & consummator docuit: Apostoli tradiderunt: & catholica ecclesia, spiritu sancto suggerente, perpetuò retinuit: districtius inhibendo, ne deinceps audeat quisquam aliter credere, prædicare aut docere, quàm præfenti decreto statuitur, ac declaratur.

De naturæ, & legis, ad iustificandos homines,
imbecillitate. Cap. I.

Primum declarat sancta Synodus, iustificationis doctrinam, probè, & sincerè, intelligendam oportere: ut unusquisq; agnoscat, & fateatur, qd cùm omnes homines, in prævaricatione Adæ, innocentiam perdidissent, facti immundi: & (ut Apostolus inquit) Natura filij iræ: quemadmodum in decreto de peccato originali exposuit, usq; ad eò serui erant peccati, & sub potestate diaboli, ac mortis: ut non modò gentes, per uim naturæ, sed ne Iudæi quidem, per ipsam etiam literam legis Moysi, inde liberari, aut surgere possent: tametsi in eis librum arbitrium minimè extinctum esset, uiribus licèt attenuatum, & inclinatum.

Ephe. 2.

De dispensatione, & mysterio, aduentus Christi.

Cap. II.

Quo factum est, ut cælestis Pater, pater misericordiarum, & Deus totius consolationis, Christum Iesum filium suum, & ante legem, & legis tempore, multis sanctis patribus declaratum, ac promissum: cùm uenit beata illa plenitudo temporis: ad homines miserit. Vt & Iudæos, qui sub lege erant, redimeret: & gentes, quæ non sectabantur iustitiam, iustitiam apprehenderent: atq; omnes, adoptionem filiorum reciperent. Hunc proposuit Deus propitiatorem, per fidem, in sanguine ipsius, pro peccatis nostris: non solùm autem pro nostris: sed etiam pro totius mundi.

Gal. 4.

Ephe. 1.
1. Ioan. 2.

Qui per Christum iustificantur. Cap. III.

Verùm, & si ille pro omnibus mortuus est, non omnes tamen mortis eius beneficium recipiunt: sed ij duntaxat, quibus meritum passionis eius communicatur. Nam, sicut reuera homines, nisi ex semine Adæ propagati nascerentur, non iniusti: cùm, ea propagatione, per ipsum, dum concipiuntur, propriam iniustitiã contrahant: ita, nisi in Christo renascerentur, nunquam iustifi-

F ii

Col. 3.

tarentur: cum, ea renascentia, per meritum passionis eius, gratia, qua iusti sunt, illis retribuatur. Pro hoc beneficio, Apostolus gratias nos semper agere hortatur patri: qui, dignos nos fecit, in partem sortis sanctorum, in lumine: & eripuit de potestate tenebrarum: transtulitq; in Regnum Filij dilectionis suae: in quo habemus redemptionem, & remissionem peccatorum.

Insinuatur descriptio iustificationis impij, & modus eius, in statu gratiae. Cap. II II.

Io. 3.

Quibus uerbis, iustificationis impij descriptio insinuatur: ut sit translatio ab eo statu, in quo homo nascitur filius primi Adae, in statum gratiae, & adoptionis filiorum Dei, per secundum Adam, Iesum Christum saluatorem nostrum. Quae quidem translatio, post euangelium promulgatum, sine lauacro regenerationis, aut eius uoto, fieri non potest: sicut scriptum est. Nisi quis renatus fuerit, ex aqua, & Spiritu sancto, non potest introire in regnum Dei.

De necessitate preparationis ad iustificationem, in adultis: & unde sit. Cap. V.

Zach. 1.
Thre. 5.

Declarat praeerea ipsius iustificationis exordium, in adultis, a Dei, per Christum Iesum, preueniente gratia, sumendum esse: hoc est, ab eius uocatione, qua, nullis eorum existentibus meritis, uocantur: Vt qui per peccata a Deo auersi erant: per eius excitantem, atq; adiuuantem gratiam, ad conuertendum se, ad suam ipsorum iustificationem, eidem gratiae liberè assentiendo, & cooperando, disponantur. Ita ut tangente deo cor hominis, per spiritus sancti illuminationem: neq; homo ipse nihil omnino agat, in inspirationem illam recipiens: quippe qui illam, & abicere potest: neq; tamen, sine gratia Dei, mouere se ad iustitiam coram illo, libera sua uoluntate, possit. Vnde in sacris literis cum dicitur: Conuertimini ad me, & ego conuertar ad uos: libertatis nostrae admonemur. cum respondemus: Conuerte nos Domine ad te & conuertemur: Dei nos gratia preueniri confitemur.

Modus preparationis. Cap. VI.

Disponuntur autem ad ipsam iustitiam, dum excitati diuina gratia, & adiuti, fidem ex auditu concipientes, liberè mouentur in Deum: credentes uera esse, quae diuinitus reuelata, & pro

missa sunt: atq; illud in primis, à Deo iustificari impiū, per gratiā eius, per redēptionē, quæ est in Christo Iesu. Et tamen peccatores se esse intelligentes, à diuinæ iustitiæ timore: quo utiliter concutiuntur, ad considerandam Dei misericordiam: se conuertendo, in spem eriguntur: fidentes, deum sibi, propter Christum, propitium fore: illumq; tanquā omnis iustitiæ fontem, diligere incipiunt: ac propterea mouentur aduersus peccata, per odium aliquod, & detestationem: hoc est, per eam pœnitentiam, quam ante baptismum agi oportet: deniq; proponunt suscipere baptismum, inchoare nouam uitam, & seruare diuina mandata. De hac dispositione scriptum est: accedentem ad Deum, oportet credere, quia est: et, q̄ inquirentibus se remunerator sit: & confide fili, remittuntur tibi peccata tua: & Timor Domini, expellit peccatum: & pœnitentiam agite, & baptizetur unusquisque uestrum, in nomine Iesu Christi, in remissionem peccatorum uestrorum: & accipietis donum spiritus sancti: & Euntes ergo, docete omnes gentes, baptizantes eos in nomine Patris, & filij, & spiritus sancti: docentes eos seruare, quecunq; mandauimus uobis: deniq; Præparate corda uestra Domino.

Heb. 11.
Mat. 9.
Eccl. 1.
Act. 2.

Lucæ. 24.
Math. 28.
1. Reg. 7.

Quid sit iustificatio impij, & quæ eius causæ.

Cap. VII.

Hanc dispositionem, seu præparationem, iustificatio ipsa consequitur: quæ non est sola peccatorum remissio: sed, & sanctificatio, & renouatio interioris hominis, per uoluntariam susceptionem gratiæ, & donorum. Vnde homo, ex iniusto, fit iustus: et ex inimico, fit amicus: ut sit hæres, secundum spem, uitæ æternæ. Huius iustificationis causæ sunt: finalis quidem, gloria Dei, & Christi, ac uita æterna: efficiens uerò, misericors Deus, qui gratuito abluit, & sanctificat, signans, & ungens spiritu promissionis sancto, qui est pignus hereditatis nostræ: meritoria autem, dilectissimus unigenitus suus; dominus noster Iesus Christus, qui cum essemus inimici: propter nimiam charitatem, qua dilexit nos, sua sanctissima passione, in ligno crucis, nobis iustificationem meruit: & pro nobis Deo patri satisfecit: instrumentalitem, sacramentum baptismi, quod est sacramentum fidei, sine qua, nulli unquam iustificatio contigit. Demum unica formalis causa est, iustitia Dei: non qua ipse iustus est: sed qua nos iu-

Eph. 1.

Eph. 2.

Rom. 5.

Iacob. 2.
Gal. 5.

Matt. 19.

nos facit, qua uidelicet ab eo donati, renouamur spiritu mentis nostræ, & non modò reputamur, sed uerè iusti nominamur, & sumus: iustitiam in nobis recipientes, unusquisq; suam: secundum mensuram, quam spiritus sanctus partitur singulis, prout uult: & secundum propriam cuiusq; dispositionem, & cooperationem. Quamquam enim nemo possit esse iustus, nisi cui merita passionis, domini nostri Iesu Christi, communicantur: id tamen, in hac impij iustificatione, fit: dum eiusdem sanctissimæ passionis merito, per spiritum sanctum, charitas Dei diffunditur in cordibus eorum, qui iustificantur: atq; ipsis inhaeret. Vnde, in ipsa iustificatione, cum remissione peccatorum, hæc omnia, simul infusa, accipit homo, per Iesum Christum, cui inseritur per fidem, spes, & charitatem. Nam fides, nisi ad eam spes accedat, & charitas: neq; unit perfecte cum christo; neq; corporis eius, uiuum membrum efficit. Qua ratione, uerissime dicitur Fidem, sine operibus, mortuam, & ociosam esse: & in Christo Iesu, neq; circumcisionem aliquid ualere, neq; præputium, sed fidem quæ per charitatem operatur. Hanc fidem, ante baptismi sacramentum ex apostolorum traditione, catholicum ab ecclesia petunt: cum petunt fidem, uitam æternam præstantem: quam, sine spe, & charitate, fides præstare non potest. Vnde, & statim uerbum Christi audiunt: Si uis ad uitam ingredi, serua mandata. Itaq; ueram, & Christianam iustitiam, accipientes: eam ceu primam stolam, pro illa, quam Adam, sua inobedientia: sibi, & nobis perdidit, per Christum Iesum illis donatam, candidam, & immaculatam, iubentur, statim renati, conseruare: ut eam perferant, ante tribunal domini nostri Iesu Christi, & habeant uitam æternam.

Quomodo intelligatur, impium, per fidem, & gratis, iustificari. Cap. VIII.

Rom. 5.

Heb. 11.

Cum uerò Apostolus dicit: iustificari hominem, per fidem, & gratis: ea uerba in eo sensu intelligenda sunt, quem perpetuus ecclesiæ catholicæ consensus tenuit, et expressit: ut. s. per fidem, ideo iustificari, dicamur: quia fides est humanæ salutis initium, fundamentum, & radix omnis iustificationis: sine qua impossibile est placere Deo, & ad filiorum eius consortium peruenire. Gratis autem iustificari, ideo dicamur: quia nihil eorum, quæ iustificationem

precedunt, siue fides: siue opera, ipsam iustificationis gratiam promeretur. Si enim gratia est, iam non ex operibus: alioquin, (ut idem apostolus inquit) gratia iam non est gratia.

Rom. 11.

Contra inanem hæreticorum fiduciam. Cap. IX.

Quamuis autem necessarium sit credere, neq; remitti, neq; remissa fuisse unquam peccata, nisi gratis, diuina misericordia, propter Christum: nemini tamen fiduciam, & certitudinem remissionis peccatorum suorum iactanti, & in ea sola quiescenti, peccata dimitti, uel dimissa esse, dicendum est: cum apud hæreticos, & schismaticos, possit esse: imò nostra tempestate, sit, & magna contra ecclesiam catholicam contentione prædicetur, uana hæc, & ab omni pietate remota, fiducia. Sed neq; illud asserendum est: oportere eos, qui uerè iustificati sunt, absq; ulla omnino dubitatione, apud semetipsos statuere, se esse iustificatos: neminemq; à peccatis absolui, ac iustificari, nisi eum, qui certò credat, se absolutum, & iustificatum esse: atq; hac sola fide, absolutionem, & iustificationem perfici: quasi, qui hoc non credit, de dei promissis, deq; mortis, & resurrectionis Christi efficacia dubitet. Nam, sicut nemo pius, de dei misericordia, de Christi merito, deq; sacramentorum uirtute, & efficacia, dubitare debet: sic quilibet, dum seipsum, suamq; propriam infirmitatem, & indispositionem, respicit, de sua gratia formidare, ac timere potest: cum nulus scire ualeat, certitudine fidei, cui non potest subesse falsum, se gratiam dei esse consequutum.

De, acceptæ iustificationis, incremento. Cap. X.

Sic ergo iustificati, & amici Dei, ac domestici facti: euntes de uirtute in uirtutem, renouantur (ut apostolus inquit) de die, in diem: hoc est, mortificando membra carnis suæ, & exhibendo ea arma iustitiæ, in sanctificationem, per obseruationem mandatorum Dei, & ecclesiæ, in ipsa iustitia, per Christi gratiam, accepta, cooperante fide, bonis operibus crescunt, atq; magis iustificantur: sicut scriptum est: Qui iustus est, iustificetur adhuc. Et iterum: Ne uerearis usq; ad mortem iustificari. Et rursus: uideatis, quoniam ex operibus iustificatur homo, & non ex fide tantum. Hoc uerò iustitiæ incrementum petit sancta Ecclesia, cum orat: Da nobis domine, fidei, spei, & charitatis, augmentum.

Ephe. 2.
Psal 83.
2. Cor. 4.

Apoc. 22.
Eccl. 18.
Iaco. 2.

De observatione mandatorum: deq; illius necessitate,
& possibilitate. Cap. XI.

Nemo autem quantumuis iustificatus, liberum se esse ab observatione mandatorum, putare debet: nemo temeraria illa, & à patribus, sub anathemate, prohibita uoce, uti: Dei præcepta, homini iustificato, ad observandum, esse impossibilia. Nam deus impossibilia non iubet: sed, iubendo, monet, & facere, quod possis, & petere quod non possis, & adiuuat, ut possis. Cuius mandata, graua non sunt: Cuius iugum, suaue est: & onus leue. Qui enim sunt filij Dei, Christum diligunt: qui autem diligunt eum, ut ipsemet testatur, seruant sermones eius: quod utiq; cum diuino auxilio, præstare possunt. Licet enim in hac mortali uita, quantumuis sancti, & iusti, in leuia saltem, & quotidianâ, quæ etiam uenialia dicuntur peccata, quandoq; cadant: non propterea desinunt esse iusti. Nam iustorum illa uox est, & humilis, & uerax: Dimitte nobis debita nostra. Quo fit, ut iusti ipsi, eò magis se obligatos, ad ambulandum in uia iustitiæ, sentire debeant: quò, liberati iam à peccato, serui autem facti deo, sobriè, iustè & piè uiuentes, proficere possunt, per Christum Iesum: per quem accessum habuerunt in gratiam istam. Deus namq; sua gratia semel iustificatos non deserit: nisi ab eis prius deseratur. Itaq; nemo sibi, in sola fide, blandiri debet: putans, fide sola, se heredem esse constitutum, hereditatemq; consequuturum, etiam si Christo non compatiatur, ut & conglorificetur. Nam & Christus ipse (ut inquit Apostolus) cùm esset filius Dei, didicit, ex his, quæ passus est, obedientiam, & consummatus, factus est omnibus, obtemperantibus sibi, causa salutis æternæ. Propterea apostolus ipse monet iustificatos, dicens: Nescitis, quòd ij, qui in stadio currunt, omnes quidem currunt: sed unus accipit brauium? sic currite, ut comprehendatis. Ego igitur sic curro, non quasi in incertum: sic pugno, non quasi aërem uerberans: sed castigo corpus meum, & in seruitutem redigo: ne fortè, cùm alijs prædicauerim, ipse reprobus efficiar. Item princeps Apostolorum Petrus. Satagite, ut per bona opera, certam uestram uocationem, & electionem faciatis: hæc enim facientes, non peccabitis aliquando. Vnde constat, eos orthodoxæ religionis doctrinæ aduersari: qui dicunt, iustum in omni bono opere, saltem uenialiter peccare: aut (quod est intolerabilius) pœnas

1. Io. 5.
Mat. 11.
Io. 14.

Mat. 6.

Tit. 2.

Heb. 5.

1. Cor. 9.

1. Pet. 1.

pœnas æternas mereri: atq; etiam eos, qui statuunt, in omnibus operibus iustos peccare: si in illis suam ipsorum socordiam excitando, & sese in stadio ad currendum cohortando, cum hoc, ut in primis glorificetur Deus, mercedem quoq; intuentur æternam: cum scriptum sit. Inclinaui cor meum, ad faciendas iustificationes tuas, propter retributionem. Et de Mose dicat Apostolus: quod respiciebat in remunerationem.

Psal. 118.

Heb. 11.

Prædestinationis, temerariam præsumptionem, cauendam esse.
Cap. XII.

Nemo quoq; , quandiu in hac mortalitate uiuitur, de arcano diuinæ prædestinationis mysterio, usq; aded præsumere debet, ut certò statuatur, se omnino esse in numero prædestinatorum: quasi uerum esset, quod iustificatus, aut amplius peccare non possit: aut si peccauerit, certam sibi resipiscenciam promittere debeat. Nam (nisi ex speciali reuelatione) sciri non potest: quos Deus sibi elegerit.

De perseuerantiæ munere. Cap. XIII.

Similiter de perseuerantiæ munere, de quo scriptum est, Qui perseuerauerit usq; in finem, hic saluus erit: quod quidem aliunde haberi non potest, nisi ab eo, qui potens est, eum, qui stat, statuere, ut perseueranter stet: & eum qui cadit restituere: nemo sibi certi aliquid, absoluta certitudine, polliceatur: tametsi, in Dei auxilio, firmissimam spem collocare, & reponere, omnes debent: Deus enim (nisi ipsi, illius gratiæ defuerint) sicut cœpit opus bonum, ita perficiet: operans, uelle, & perficere. Veruntamen, qui se existimant stare, uideant, ne cadant. Et, cum timore, ac tremore, salutem suam operentur: in laboribus, in uigijs, in eleemosynis, in orationibus, & oblationibus, in ieiunijs, in castitate. Formidare enim debent: scientes, quod in spem gloriæ, & nondum in gloria, renati sunt, de pugna, quæ super est, cum carne, cum mundo, cum diabolo: in qua uictores, esse non possunt, nisi cum dei gratia: Apostolo obtemperent dicenti: Debitorum sumus, non carni, ut secundum carnem uiuamus: si enim secundum carnem uixeritis, moriemini: si autem spiritu, facta carnis, mortificaueritis, uiuetis.

Matt. 10.
& 24.Phil. 1.
1. Cor. 8.

Rom. 8.

De lapsis, & eorum reparatione. Cap. XIII.

Ioan. 10.

Qui uerò, ab accepta iustificationis gratia, per peccatum exciderunt, rursus iustificari poterunt: cum, excitante Deo, per pœnitentiæ sacramentum, merito Christi, amissam gratiam recuperare procurauerint. Hic enim iustificationis modus, est lapsi reparationis: quam, secundam post naufragium deperditæ gratiæ tabulam, sancti patres aptè nuncuparunt. Etenim pro his, qui post Baptismum in peccata labuntur, Christus Iesus Sacramentum instituit pœnitentiæ, cum dixit: Accipite Spiritum sanctum: quorum remiseritis peccata, remittuntur eis, & quorum retinueritis, retenta sunt. Unde, dicendum est: Christiani hominis pœnitentiā, post lapsum, multò aliam esse à Baptismali: eamq; continere, non modò cessationem à peccatis, & eorum detestationem, aut cor contritum, & humiliatum: uerum etiam eorundem sacramentalem confessionem, saltem in uoto, & suo tempore faciendam, & sacerdotalem absolutionem: itemq; satisfactionem, per ieiunia, eleemosynas, orationes, & alia pia spiritualis uitæ exercitia: non quidem pro pœna æterna, quæ, uel sacramento, uel sacramenti uoto, una cum culpa, remittitur: sed pro pœna temporali: quæ (ut sacræ literæ docent) non tota semper, ut in Baptismo fit, dimittitur illis, qui gratiæ dei, quam acceperunt, ingrati: spiritum sanctum contristauerunt, & templum Dei uiolare non sunt ueriti. De qua pœnitentia scriptum est: Memor esto, unde excideris: age pœnitentiā, & prima opera fac. Et iterum: Quæ secundum Deum tristitia est, pœnitentiā in salutem stabilem operatur: rursus, pœnitentiā agite: & facite fructus dignos pœnitentiæ.

Apoc. 2.

1. Cor. 7.

Matt 3.

Lu. 3.

Quolibet peccato mortali, amitti gratiam, sed non fidem. Cap. XV.

Rom. 16.

Aduersus etiam hominum quorundam callida ingenia, Qui, per dulces sermones, & benedictiones, seducunt corda innocentium, asserendum est: non modò infidelitate, per quam & ipsa fides amittitur: sed etiam quocunq; alio mortali peccato, quamuis non amittatur fides, acceptam iustificationis gratiam amitti: diuinæ legis doctrinam defendendo, quæ à regno Dei, non solùm infideles excludit, sed & fideles quoq;: fornicarios, adulteros, molles, masculorum concubitores, fures, auaros, ebrios

quando fides amittitur, et quando non.

Quoniam Salata docet: 1. Tim. 1. 2. sat habentes etiam fidem licet labiantur gravibus peccatis ad salutem futuram renovabit.

fos, maledicos, rapaces: ceterosq; omnes, qui letalia committunt peccata. A quibus, cum diuina gratiæ adiumento, abstinere possunt: & pro quibus, à gratia Christi separantur.

De fructu iustificationis: hoc est, de merito bonorum operum: deq; ipsius meriti ratione. Cap. XVI.

Hac igitur ratione, iustificatis hominibus: siue, acceptam gratiam, perpetuò conseruauerint: siue, amissam recuperauerint: proponenda sunt apostoli uerba: *Abundantes in omni opere bono: scientes, quòd labor uester, non est inanis in Domino: Non enim iniustus est Deus: ut obliuiscatur operis uestri, & dilectionis, quam ostendistis in nomine ipsius. Et Nolite amittere confidentiam uestram, quæ magnam habet remunerationem. Atq; ideo, bene operantibus usq; in finem, & ideo sperantibus, proponenda est uita æterna: tanquam gratia, filiis Dei, per Christum Iesum, misericorditer promissa: & tanquam merces, ex ipsius Dei promissione, bonis ipsorum operibus, & meritis, fideliter reddenda. Hæc est enim illa corona iustitiæ, quam post suum certamen, & cursum repositam sibi esse aiebat Apostolus, à iusto indice sibi reddendam: & non solum sibi: sed & omnibus, qui diligunt aduentum eius. Cùm enim ille Christus Iesus, tanquam caput in membra, tanquam uitis in palmites, in ipsos iustificatos iugiter uirtutem influat: quæ uirtus, bona eorum opera semper antecedit, comitatur, & subsequitur: & sine qua, nullo pacto, Deo grata, & meritoria, esse possent: nihil ipsis iustificatis amplius deesse credendum est: quò minus plenè, illis quidem operibus, quæ in Deo sunt facta, diuinæ legi, pro huius uitæ statu satisfecisse, & uitam æternam, suo etiam tempore (si tamen in gratia decesserint) consequendam, uerè promeruisse censeantur: Cùm Christus saluator noster dicat: Si quis biberit ex aqua, quam ego dabo ei, non sitiet in æternum: sed fiet in eo fons aquæ salientis in uitam æternam. Itaq; neq; propria nostra iustitia, tanquam ex nobis propria statuitur: neq; ignoratur, aut repudiatur iustitia Dei. Quæ enim iustitia nostra dicitur, quia per eam nobis in hærentem iustificamur: illa eadem Dei est, quia à deo nobis infunditur, per Christi meritum.*

Neq; uerò illud omittendum est: quòd, licet bonis operibus, in sacris literis usq; adeò tribuatur: ut etià, qui uni ex minimis suis,

1. Cor. 15.
Heb. 6.

Heb. 10.

2. Tim. 4.

Io. 4.

Mat. 10.

G ii

2. Cor. 4. potius aqua frigida dederit, promittat Christus, cum non esse sua mercede cariturum: & Apostolus testetur: Id, quod in presenti est, momentaneum & leue, tribulationis nostrae: supra modum, in sublimitate, aeternum gloriae pondus operari in nobis. Absit tamen, ut Christianus homo, in seipso, uel confidat, uel gloriatur: & non in domino: cuius tanta est, erga omnes homines, bonitas: ut eorum uelit esse merita, quae sunt ipsius dona. Et quia in multis offendimus omnes: unusquisque, sicut misericordiam, & bonitatem, ita seueritatem, & iudicium, ante oculos habere debeat: neque seipsum aliquis (etiam si nihil sibi conscius fuerit) iudicare: quoniam omnis hominum uita, non humano iudicio examinanda, & iudicanda est: sed Dei: qui illuminabit abscondita tenebrarum: & manifestabit consilia cordium: & tunc laus erit unicuique a Deo: Qui (ut scriptum est) reddet unicuique, secundum opera sua.
- Iacob 3.
1. Cor. 4.
- Matt. 16.
Rom. 6.

Post hanc catholicam, de iustificatione, doctrinam: quam nisi quisque fideliter, firmiterque, receperit, iustificari non poterit: placuit sanctae synodo, hos canones subiungere: ut omnes sciant, non solum quid tenere, & sequi: sed etiam quid uitare, & fugere, debeant.

Canones.

- 1 Si quis dixerit: hominem, suis operibus: quae, uel per humanae naturae uires: uel per legis doctrinam, fiant: absque diuina, per Christum Iesum, gratia: posse iustificari, coram Deo: anathema sit.
- 2 Si quis dixerit: ad hoc solum, diuinam gratiam, per Christum Iesum, dari: ut facilius homo iuste uiuere, ac uitam aeternam promereri possit: quasi, per liberum arbitrium, sine gratia, utrumque, sed agere tamen, & difficulter possit: anathema sit.
- 3 Si quis dixerit: sine praeueniente, Spiritus sancti, inspiratione, atque eius adiutorio, hominem credere, sperare, diligere, aut poenitere posse, sicut oportet, ut ei iustificationis gratia conferatur: anathema sit.
- 4 Si quis dixerit: liberum hominis arbitrium, a Deo motum, & excitatum, nihil cooperari, assentiendo Deo excitanti, atque uocanti: quo, ad obtinendam iustificationis gratiam, se disponat, ac praeparet: nec posse dissentire, si uelit: sed, uelut inanime quoddam, nihil omnino agere, mereque passiuè se habere: anathema sit.
- 5 Si quis, liberum hominis arbitrium, post Adae peccatum,

amissum, & extinctum esse dixerit: aut rem esse de solo titulo, imò
titulum sine re: figmentum deniq; à sathana inuectum in eccle-
siam: anathema sit.

finzione

6 Si quis dixerit: non esse in potestate hominis: vias suas malas
facere: sed mala opera, ita ut bona, Deum operari: non permis-
sive solum, sed etiam proprie, & per se: adeò, ut sit eius propri-
um opus, non minus proditio Iudæ, quàm uocatio Pauli: ana-
thema sit.

7 Si quis dixerit: opera omnia, quæ ante iustificationem fiunt,
quacunq; ratione facta sint, uerè esse peccata, uel odium Dei me-
reri: aut quando uehementius quis nititur, se disponere ad gra-
tiam: tantò eum grauius peccare: anathema sit.

*Adrianus Baid. v. p.
Sicut dicitur. Iud. 1.
I. p. 3. p. 11. et c.*

8 Si quis dixerit: gehennæ metum: per quem ad Dei misericor-
diam, de peccatis dolendo, confugimus: uel, à peccato, abstinemus:
peccatum esse, aut peccatores peiores facere: anathema sit.

9 Si quis dixerit: sola fide impium iustificari, ita, ut intelligat,
nihil aliud requiri, quod, ad iustificationis gratiam cōsequendam
cooperetur: & nulla ex parte, necesse esse, eum, sua uoluntatis
motu, preparari, atq; disponi: anathema sit.

10 Si quis dixerit: homines, sine Christi iustitia, per quam no-
bis meruit, iustificari: aut per eam ipsam formaliter iustos esse:
anathema sit.

11 Si quis dixerit: hominem iustificari, uel sola imputatione iu-
stitiæ Christi: uel sola peccatorum remissione: exclusa gratia, &
charitate, quæ in cordibus eorum, per spiritum sanctum diffun-
datur, atq; illis inhæreat: aut etiam gratiam, qua iustificamur,
esse tantum fauorem Dei: anathema sit.

12 Si quis dixerit: fidem iustificantem, nihil aliud esse, quàm fi-
duciam diuinæ misericordiæ, peccata remittentis, propter Chri-
stum: uel, eam fiduciam, solam esse, qua iustificamur: anathema sit.

13 Si quis dixerit: omni homini, ad remissionem peccatorum as-
sequendam, necessarium esse, ut credat, certò, & absq; ulla hæ-
sitatione: propriæ infirmitatis, & indispositionis, peccata sibi
esse remissa: anathema sit.

14 Si quis dixerit: hominem à peccatis absolui, ac iustificari, ex
eo, quòd se absolui, ac iustificari certò credat: aut, neminem uerè
esse iustificatum, nisi qui credit, se esse iustificatum: & hac sola
fide, absolutionem, & iustificationem, perfici: anathema sit.

- 15 Si quis dixerit: hominem renatum, & iustificatum, teneri, ex fide, ad credendum, se certò esse in numero prædestinatorum: anathema sit.
- 16 Si quis, magnum illud, usque in finem perseverantiæ donum, se certò habiturum, absoluta, & infallibili certitudine, dixerit: nisi hoc ex speciali revelatione didicerit: anathema sit.
- 17 Si quis, iustificationis gratiam, non nisi prædestinatis ad uitam, contingere dixerit: reliquos uerò omnes qui uocantur, uocari quidem, sed gratiam non accipere, utpotè, diuina potestate, prædestinatos ad malum: anathema sit.
- 18 Si quis dixerit: Dei præcepta, homini etiam iustificato, & sub gratia constituto, esse ad obseruandū impossibilia: anathema sit.
- 19 Si quis dixerit: nihil præceptum esse in euangelio, præter fidem: cætera, esse indifferentia, neq; præcepta, neq; prohibita, sed libera: aut decem præcepta nihil pertinere ad christianos: anathema sit.
- 20 Si quis, hominem iustificatum, & quantumlibet perfectum, dixerit non teneri ad obseruantiam mandatorum Dei, & Ecclesiæ: sed tantum ad credendum: quasi uerò Euangelium, sit nuda, & absoluta promissio uitæ æternæ: sine conditione obseruationis mandatorum: anathema sit.
- 21 Si quis dixerit: Christum Iesum à Deo hominibus datum fuisse, ut redemptorem, cui fidant: non etiam, ut legislatorem, cui obediant: anathema sit.
- 22 Si quis dixerit iustificatum, uel sinè speciali auxilio Dei, in accepta iustitia perseverare posse: uel cum eo non posse: anathema sit.
- 23 Si quis, hominem, semel iustificatum, dixerit, amplius peccare non posse: nec gratiam amittere: atq; ideo eum, qui labitur, et peccat, nunquam uerè fuisse iustificatum: aut contrà, posse in tota uita, peccata omnia, etiam uenialia, uitare: nisi ex speciali Dei priuilegio: quemadmodum, de beata uirgine Maria tenet ecclesia: anathema sit.
- 24 Si quis, dixerit: iustitiam acceptam non conseruari, atq; etià non augeri coram Deo, per bona opera: sed opera ipsa, fructus solummodò, & signa esse, iustificationis adeptæ: non autem ipsius augendæ causam: anathema sit.
- 25 Si quis, in quolibet bono opere, iustum saltem uenialiter speculare, dixerit: (aut quod intolerabilius est) mortaliter: atque

†. De Cath. viii. 140

- ideo pœnas æternas mereri: tantumq; ob id non damnari, quia Deus, ea opera bona non imputet ad damnationem: anathema sit.
- 26 Si quis dixerit: iustos non debere, pro bonis operibus, quæ in Deo fuerint facta, expectare, & sperare, æternam retributionem à Deo, per eius misericordiam, & Iesu Christi meritum: si bene agendo, & diuina mandata custodiendo, usq; in finem perseuerauerit: anathema sit.
- 27 Si quis dixerit: nullum esse mortale peccatum, nisi infidelitatis: aut nullo alio, quantumuis graui, et enormi (præterquam infidelitatis) peccato, semel acceptam gratiã amitti: anathema sit.
- 28 Si quis dixerit: amissa per peccatum gratia, simul et fidem semper amitti: aut fidem, quæ remanet, non esse ueram fidem, licet nõ sit uiua: aut eum, qui fidem sine charitate habet, non esse christianum: anathema sit.
- 29 Siquis dixerit: eum, qui post baptismum lapsus est, non posse per Dei gratiam resurgere: aut posse quidem, sed sola fide, amissam iustitiam recuperare, sine sacramento pœnitentiæ: prout sancta Romana, & uniuersalis ecclesia, à Christo domino, & eius apostolis edocta, hucusq; professa est, seruauit, & docuit: anathema sit.
- 30 Si quis, post acceptam iustificationis gratiam, cuilibet peccatori pœnitenti, ita culpam remitti, & reatum æternæ pœnæ deleri, dixerit: ut nullus remaneat reatus pœnæ temporalis exoluendæ: uel in hoc seculo: uel in futuro, in purgatorio: antequam ad regna cœlorum, aditus patere possit: anathema sit.
- 31 Si quis dixerit: iustificatum peccare, dum intuitu æternæ mercedis bene operatur: anathema sit.
- 32 Si quis dixerit: hominis iustificati bona opera, ita esse dona Dei: ut non sint etiã bona ipsius iustificati merita: aut ipsum iustificatum, bonis operibus, quæ ab eo, per Dei gratiam, & Iesu Christi meritum (cuius membrum uiuum est) fiunt: non uerè mereri augmentum gratiæ, uitam æternam, & ipsius uitæ æternæ (si tamen in gratia discesserit) consecutionem, atq; etiam gloriæ augmentum: anathema sit.
- 33 Si quis dixerit: per hanc doctrinam catholicam, de iustificatione. à sancta synodo, hoc præsentì decreto expressam: aliqua ex parte, gloriæ Dei, uel meritis Iesu Christi, domini nostri, derogari: & non potius ueritatem fidei nostræ, dei deniq;: ac Iesu Christi gloriam, illustrari: anathema sit.

S E X T A
DECRETVM REFORMATIONIS, PVBLICA
tum in eadem sexta Sessione, Tridentini Concilij,
decimatertia Ianuarij, Anno

M. D. XLVII.

Sexta sessio, sub Paulo:

De residentia.

E A D E M sacrosancta synodus, eisdem Praesidentibus, & Apostolicae sedis Legatis: ad restituendam collapsam admodum ecclesiasticam disciplinam: deprauatosque in clero, & populo Christiano, mores emendandos: se accingere uolens: ab his, qui maioribus ecclesiis praesunt, initium censuit esse sumendum. Integritas enim praesidentium, salus est subditorum. Confidens itaque per Domini, ac Dei nostri misericordiam, prouidamque, ipsius Dei in terris uicarij, solertiam, omnino futurum: ut ad ecclesiarum regimen (onus quippe angelicis humeris formidandum:) qui maxime, digni fuerint: quorumque prior uita, ac omnis aetas, a puerilibus exordijs, usque ad perfectiores annos, per disciplinae stipendia ecclesiastica, laudabiliter acta, testimonium praebeat: secundum uenerabiles beatorum patrum sanctiones, assumantur. Omnes, Patriarchalibus, Primatialibus, Metropolitanis, & cathedralibus Ecclesiis quibuscunque, quouis nomine, ac titulo praefectos, monet ac monitos esse uult: ut, attendentes sibi, & uniuerso gregi (in quo spiritus sanctus posuit eos, regere Ecclesiam Dei, quam acquisiuit sanguine suo) uigilent. sicut Apostolus precipit: in omnibus laborent: & ministerium suum impleant. Implere autem illud, se nequaquam posse sciant: si, greges sibi commissos, mercenariorum more deserant: atque ouium suarum (quarum sanguis de eorum est manibus requirendus a supremo iudice) custodiae minime incumbant: cum certissimum sit, non admitti pastoris excusationem, si lupo oues comedit, & pastor nescit. At nihilominus, quia nonnulli (quod uehementer dolendum est) hoc tempore reperiuntur: qui propriae etiam salutis immemores, terrenaque caelestibus, ac diuinis humana, praefidentes: in diuersis curijs uagantur; aut in negotiorum temporalium sollicitudine (ouili derelicto, atque ouium sibi commissarum cura neglecta) se detinent

Ad. 20.

2. Tim. 4.

nent occupatos. Placuit, sacrosanctæ synodo: antiquos canones, qui temporum, atq; hominum incuria, penè in desuetudinem abierunt, aduersus non residentes promulgatos, innouare: quemadmodum uirtute præsentis decreti innouat: ac ulterius, pro firmiore eorundem residentia, & reformandis in ecclesia moribus, in hunc, qui sequitur, modum, statuere, atq; sancire.

Primus Canon.

Si quis, à Patriarchali, Primatiali, Metropolitana, seu cathedrali ecclesia, sibi, quocunque titulo, causa, nomine, seu iure commissa: quacunque ille, dignitate, gradu, & præeminentia, præfulgeat: legitimo impedimento, seu iustis & rationabilibus causis cessantibus: sex mensibus continuis, extra suam diocesium morando, absuerit: quartæ partis fructuum unius anni, fabricæ ecclesiæ, & pauperibus loci, per superiorem ecclesiasticum applicandorum, pœnam ipso iure incurrat. Quod si, per alios sex menses, in huiusmodi absentia perseuerauerit: aliam quartam partem fructuum, similiter applicandam, eo ipso amittat. Crescente uerò contumacia: ut seueriori sacrorum canonum censuræ subijciatur: metropolitanus, suffraganeos episcopos absentes: metropolitanum uerò absentem, suffraganeus episcopus antiquior residens, sub pœna interdicti, & ingressus Ecclesiæ, eo ipso incurrenda: infra tres menses, per literas, seu nuntium, Romano Pontifici denunciare teneatur. Qui, in ipsos absentes (pro ut cuiusque minor, aut maior contumacia exegerit) suæ supremæ sedis autoritate, animaduertere: & ecclesiis ipsis, de pastore utilioribus, prouidere, poterit: sicut in Domino nouerit salubriter expedire.

Canon. I I.

Episcopis inferiores, quæuis beneficia ecclesiastica, personalem residentiam, de iure, siue consuetudine, exigentia, in titulum, siue commendam, obtinentes: ab eorum ordinarijs (quemadmodum eis, pro bono ecclesiarum regimine, & diuini cultus augmento, locorum, et personarum qualitate pensata, expediens uidebitur opportunis iuris remedijs, residere cogantur: nulliq; priuilegia, seu indulta perpetua, de non residendo, aut de fructibus, in absentia percipiendis, suffragentur. Indulgentijs uerò,

H

& dispensationibus temporalibus: ex ueris, & rationabilibus causis tantum, concessis: & coram ordinario loci, legitime probandis: in suo robore permansuris. Quibus casibus, nihilominus officium sit Episcoporum, tanquam in hac parte à sede Apostolica delegatorum, providere: ut, per deputationem idoneorum Vicariorum, & congruæ portionis fructuum assignationem, cura animarum nullatenus negligatur: nemini, quò ad hoc, priuilegio, seu exemptione quacunque, suffragante.

Canon. I I I.

Ecclesiarum prælatis, ad corrigendum subditorum excessus, prudenter, & diligenter, intendant. & nemo clericus, secularisne, cuiusuis ordinis personalis, uel regularis, extra monasterium degens: etiam sui ordinis priuilegiij prætextu: tutus censeatur: quò minus, si deliquerit, ab ordinario loci (tanquam super hoc à sede apostolica delegato) secundum canonicas sanctiones, uisitari, puniri, & corrigi, ualeat.

Canon. I I I I.

Capitula, cathedralium, & aliarum maiorum ecclesiarum, illarumque personæ, nullis exemptionibus, consuetudinibus, sententijs, iuramentis, concordijs, (quæ tantum suos obligent aucthores, non etiam successores) tueri se possint: quò minus à suis episcopis, & alijs maioribus prælatis, per se ipsos solos, uel illis quibus sibi uidebitur adiunctis: iuxta canonicas sanctiones: toties quoties opus fuerit, uisitari, corrigi, & emendari, etiã auctoritate apostolica, possint, & ualeant.

Canon. V.

Nulli episcopo liceat, cuiusuis priuilegiij prætextu, pontificalia in alterius diœcesi exercere: nisi, de, ordinarij loci, expressa licentia: & in personas, eidem ordinario subiectas tantum. Si secus factum fuerit, episcopus, ab exercitio pontificalium: et sic ordinati, ab executione ordinum: sint ipso iure suspensi.

Præterea, indicta fuit proxima futura sessio, ad diem Iouis, feria quinta, post primam Dominicam subsequentis quadragesimæ: die uidelicet tertia, mensis Martij Anno. M. D. XLVII.

Angelus Massarellus, sacri Concilij Secretarius.

N O M I N A, E T C O G N O M I N A,

Et patria, praelatorum, qui interfuerunt

sextæ sessioni.

Cardinales Præsidentes, & Legati.

D. D. Ioannes Maria de Môte, episcopus Prænестinus. Aretinus.

D. D. Marcellus, tituli sanctæ Crucis in Hierusalem, Presbyter, Cerninus. Politianus.

Cardinales.

D. D. Christophorus madrucius, tituli sancti Cæsari in palatio, presbyter Cardinalis, & episcopus Tridentinus, ac administrator Brixinensis. Germanus.

D. D. Petrus Pazecus, presbyter Cardinalis, episcopus Gienensis. Hispanus.

Archiepiscopi.

R. D. Andreas Cornelius, archiepisc. Spalatren. Venet.

R. D. Antonius Filholi, archiepisc. Aquen. Gallus.

R. D. Saluator Alexius sassarus, archiep. Turri. Hispanus.

R. D. Ludoui. Chieriegatus, archiep. Antibaren. Vicent.

R. D. Iacobus Caucus, archiep. Corciren. Venetus.

R. D. Ioannes Michael Sarracenus, archiepisc. Materanus, & Acheruntinus. Neapolitanus

R. D. Sebastianus Lecauela, archiep. Naxien. Græcus.

R. D. Olaus Magnus, archiepisc. Vpsalen. Gothus.

R. D. Petrus Tagliauia, archiep. Panormit. Siculus.

R. D. Robertus Vanchop, archiep. Armacan. Schotus.

Episcopi.

R. D. Marcus Vigerius, episc. Senogallien. Sauonen.

R. D. Philo Rouerella, episc. Asculan. Ferrarien.

R. D. Thomas Campegius, episc. Feltren. Bononien.

R. D. Benedictus de Nobilibus, episc. Asciens. Lucensis.

R. D. Quintius de Rusticis, episc. Militen. Romanus.

R. D. Antonius de Numai, episc. Iserniensis. Foroliuen.

R. D. Hiero. Theodolus, episc. Gadditan. Foroliuien.

R. D. Hiero. Fuscherus, episc. Torcellanus. Venetus.

R. D. Ioannes Lucius Staphileus, episcopus Sibenicensis. Dalm.

R. D. Guilhelmus à Prato, episc. Claramonta. Gallus.

H i i

- R. D. Dionysius Gracus, episc. Chiron. & Millo-*
potamensis. Cracus.
R. D. Braccius Martellus, episc. Fesularum. Florenti.
R. D. Coriolanus Martiranus, episc. s. Marci. Neapol.
R. D. Henricus Iofredus, episc. Caputaquen. Neapol.
R. D. Elisens Theodinus, episc. Soranus. Arpinas.
R. D. Iacobus Cortesius à Prato, episc. Vasionen. Rom.
R. D. Baldasar de Heredia, episc. Rosan. Sardus.
R. D. Alexander de Vrsis, episc. Emönien. Venetus.
R. D. Angelus Paschalis, episc. Motulanus. Dalmatus.
R. D. Baldasar Limpus, episc. Portuen. Portugallen.
R. D. Ioannes Fonscca, episc. Castellimaris. Hispanus.
R. D. Petrus Bertonus, episc. Fanen. Mutinensis.
R. D. Ioannes Campegius, episc. Parentinus. Bononien.
R. D. Ludouicus Simonetta, episc. Pisaurien. Mediolan.
R. D. Aloysius Lipomanus, episc. Motonen. coa-
diutor Veronensis. Venetus.
R. D. Philippus Archintus, episc. Salutarum. Vicarius san-
ctis. D. N. Papæ in urbe. Mediolanensis.
R. D. Ioannes Petrus Ferretus, episc. Mylen. Ravenaten.
R. D. Claudius de la Guishe, episc. Agathen. Gallus.
R. D. Ioannes Salazar, episc. Lancianen. Hispanus.
R. D. Hieronymus de Bononia, episc. Siracusa. Sicul.
R. D. Ricardus Patus, episc. Vigorniensis. Anglicus.
R. D. Cornelius de Mullis, episc. Bituntinus. Placentin.
R. D. Marcus Matiperius, episc. Corsulan. Venetus.
R. D. Iacobus Iacobellus, episc. Bellicastren. Roman.
R. D. Franciscus de Nauarra, episc. Pacen. Hispanus.
R. D. Didacus de Alaba, episc. Astoricen. Hispanus.
R. D. Thomas Caselus, episc. Britonorien. Rosanen.
R. D. Galeatius Florimantius, episc. Aquinaten. Suesan.
R. D. Petrus de Augustinis, episc. Osce. Hispanus.
R. D. Philippus Bonus, episc. Famaugust. Venetus.
R. D. Ioannes baptista Cicada, episcopus Albiga-
nen. auditor cameræ Apostolicæ. Gienens.
R. D. Thomas de Stella, episc. Salpen. Venetus.
R. D. Bernardus Diaz, episc. Calagurritan. Hispanus.
R. D. Gregorius Castagnola, episc. Mylen. Cracus.

- R. D. Antonius de la Cruz, episc. Canarien. Hispanus.
 R. D. Sebastianus Pighinus, episc. Alyphan. auditor rotæ
 Romanæ. Regiensis.
 R. D. Ambrosius Catharinus politus, episcopus Mino-
 riensis. Senen.
 Procuratores absentium.
 R. D. Claudius Zayus procurator. R. D. D. Othonis
 Truchses, Cardinalis, & Episcopi Augusten. Sabaud.
 R. P. Ambrosius Pelargus, ordinis prædicato-
 rum, procurator. R. D. D. Archiepiscopi Treue-
 ren. Electoris Imperij Romani. Germanus.
 Abbates.
 R. D. Lucianus de Othonibus, abbas Pomposiæ Ferrari-
 ensis. Mantuanus.
 R. D. Christophorus Gimilianensis, abbas san-
 ctissimæ Trinitatis de Caieta. Calaber.
 Generales.
 R. P. Franciscus Romanus, Generalis ordinis
 prædicatorum. Aretinus.
 R. P. Bonaventura Pius, generalis ordinis mi-
 norum Conventualium. Costacciarus.
 R. P. Hieronymus Seripandus, generalis ordi-
 nis Eremitarum sancti Augustini. Neapolitan.
 R. P. Nicolaus Audetus, ordinis Carme. Cyprus.
 R. P. Augustinus Bonucius, generalis ordinis
 sanctæ Mariæ servorum. Aretinus.

Angelus Massarellus, sacri Concilij Secretarius.

S E P T I M A

S E S S I O.

I N N O M I N E D O M I N I A M E N :
*Anno à natiuitate eiusdem Domini. M. D. XLVII. Indictio-
 ne quinta: Pontificatus, sanctissimi in Christo patris, & Do-
 mini nostri, Domini Pauli, diuina prouidentia Papæ iii. an-
 no eius tertiodecimo: die uerò Iouis, tertia mensis Martij.
 Tridenti, in Ecclesia Cathedrali, in loco eminentiori ipsius Ec-
 clesiæ, ad Concilium celebrandum, & Sessiones habendas depu-
 tato: celebrata est septima publica Sessio, sacrosancti æcumeni-
 ci, & generalis, Concilij Tridentini: præsentibus in ea, no-
 mine prælibati sanctissimi Domini nostri, Papæ, Reuerendissi-
 mis patribus, & Illustriss. D. Ioanne Maria de Monte, Episco-
 po prænestino: & Marcello, tituli sanctæ Crucis, in Hierusa-
 lem presbytero: sanctæ Romanæ Ecclesiæ Cardinalibus, et Apo-
 stolicis de latere legatis. In qua quidem Sessione: post celebra-
 tam missam de Spiritu sancto, per Reuerendissimum D. D. Ar-
 chiepiscopum Corciren. (non fuit enim habita oratio, quia R. R.
 D. Episcopus sancti Marci Neapolitan. qui eam habiturus erat,
 erat raucus:) necnon post peractas, per Reuerendissimum, &
 Illustrissimum. D. Cardinalem de Monte, Præsidentem præfa-
 tum, solitas ceremonias: publicata fuerunt duo decreta, seu
 certi canones, super sacramentis in genere, & super baptismo,
 & confirmatione, in specie: necnon certi alij canones, super re-
 sidentia: tenorum infracriptorum.*

**N O M I N A, E T C O G N O M I N A, E T P A-
 triæ, prælatorum, qui interfuerunt
 septimæ Sessioni.**

Præsidentes, & Legati.

**D. D. Ioannes Maria de Monte, episcopus Prænesti-
 nus.**

Aretinus.

**D. D. Marcellus, tituli sanctæ Crucis, in Hierusalem, Presby-
 ter, Ceruinus.**

Politianus.

Sanctæ Romanæ Ecclesiæ Cardinales, sacri Concilij Præsiden-

tes, & Apostolici de latere Legati.

Cardinales.

D. D. Petrus Pazecus, presbyter Cardinalis, Episcopus Gienensis. Hispanus.

Archiepiscopi.

R. D. Andreas Cornelius, archiepisc. Spalatren. Venet.

R. D. Saluator Alexius Sassarus, archiep. Turri. Hispanus.

R. D. Ludoui. Chieriegatus, archiep. Antibaren. Vicent.

R. D. Iacobus Caucus, archiep. Corciren. Venetus.

R. D. Ioannes Michael Sarracenus, archiepiscopus Materanus, & Acheruntinus. Neapolitanus.

R. D. Sebastianus Lecacla, archiep. Naxien. Græcus.

R. D. Olaus magnus, archiepi. Vpsalen. Gothus.

R. D. Petrus tagliauia, archiepi. Panormit. Siculus.

R. D. Robertus uauchop, archiepi. Armacan. Schotus.

Episcopi.

R. D. Marcus uigerius, episcopus Senogallien. Sauonen.

R. D. Philo rouerella, episcopus Asculan. Ferrariën.

R. D. Thomas campegius, episcopus Feltren. Bononien.

R. D. Benedictus de nobilibus, episcopus Ascien. Lucensis.

R. D. Quintius de rusticis, episcopus Militen. Romanus.

R. D. Cathalanus triultius, episcopus Placentin. Mediolanen.

R. D. Hiero. Fuscherus, episcopus Torcellanus. Venetus.

R. D. Hiero. de Theodolis, episcopus Gadditan. Foroliuën.

R. D. Antonius de Numai, episcopus Iserniensis. Foroliuën.

R. D. Marcus antonius Crucius, episcopus Tibuti. Tiburt.

R. D. Ioannes Lucius staphileus, episcopus Sibinicē. Illiricen.

R. D. Guilhelmus à prato, episcopus Claramonta. Gallus.

R. D. Dionysius græcus, episcopus Chironensis, & Millopota-
mensis. Græcus.

R. D. Braccius martellus, episcopus Fesularum. Florenti.

R. D. Hieronymus vida, episcopus Alben. Cremonen.

R. D. Elifus theodinus, episcopus Soranus. Arpinas.

R. D. Iacobus cortefius à prato, episcopus Vasionē. Roman.

R. D. Petrus francis. Ferretus, episcopus Vercel. Hiporigi.

R. D. Baldassar limpus, episcopus Portuen. Portugallen.

R. D. Baldassar de heredia, episcopus Bosan. Sardus.

R. D. Angelus paschalis, episcopus Motulanus. Dalmatus.

R.D. Alexander de urfis, episcopus Emonien.	Venetus.
R.D. Georgius cornelius, episcopus Taruisin.	Venetus.
R.D. Ioannes fonseca, episcopus Castellimaris.	Hispanus.
R.D. Petrus bertonus, episcopus Fanen.	Mutinen.
R.D. Ioannes campegius, episcopus Parentinus.	Bononien.
R.D. Ludouicus simonetta, episcopus Pisaurien.	Mediolanen.
R.D. Aloysius lypomanus, episcopus Motonen.	
coadiutor Veronensis.	Venetus.
R.D. Philippus archintus, episcopus Salutarum,	
Vicarius sancti S. D. N. Papæ in urbe.	Mediolanen.
R.D. Ioannes petrus ferretus, episcopus Mylen.	Rauenaten.
R.D. Claudius della guische, episcopus Mirapicen.	Gallus.
R.D. Ioannes salazar, episcopus Lancianen.	Hispanus.
R.D. Hieronymus de Bononia, episcopus Siracusa.	Sicul.
R.D. Egidius falsetta, episcopus Caprulan.	Cingulan.
R.D. Ricardus patus, episcopus Vigorniensis.	Anglicus.
R.D. Cornelius mussus, episcopus Bituntinus.	Placentin.
R.D. Marcus malperius, episcopus Corsulan.	Venetus.
R.D. Iacobus iacobellus, episcopus Bellicastren.	Roman.
R.D. Franciscus de nauarra, episcopus Pacen.	Hispanus.
R.D. Didacus de alaba, episcopus Astoricen.	Hispanus.
R.D. Thomas Caselus, episcopus Britonorien.	Rosanen.
R.D. Galeatius florimontius, episcopus Aquinate.	Suesanen.
R.D. Petrus de Augustinis, episcopus Oscen.	Hispanus.
R.D. Philippus bonus, episcopus Famaugust.	Venetus.
R.D. Ioannes baptista cicada, episcopus Albiganen.	
auditor cameræ Apostolicæ.	Gienen.
R.D. Thomas de stella, episcopus Salpen.	Venetus.
R.D. Gregorius Castagnola, episcopus Mylen.	Cræcus.
R.D. Bernardus diaz, episcopus Calagurritan.	Hispanus.
R.D. Petrus donatus cesius, episcopus Narnien.	de Cesis.
R.D. Antonius de cruce, episc. Canarien.	Hispanus.
R.D. Sebastianus pighinus, episcopus Alyphan.	
auditor rotæ Romanæ.	Regiensis.
R.D. Ambrosi. catharinus politus, episcop. Minor.	Senen.
Procuratores.	
R.D. Claudius Zayus, procurator. R. & Illu. D. D.	
Orthonis Truchses, sanctæ Romanæ Ecclesiæ	
	presbyteri

presbyteri cardin. & episco. Augusten. Sabaud.
 R. P. Ambrosius Pelargus, ordinis prædicatorum
 procurator. R. & illustriss. D. D. Archiepisc.
 Treueren. Electoris Imperij Romani. Germanus.
 Abbates,
 R. D. Lucius de Othonibus, abbas pomposæ ferrar.
 Mantuanen. R. D. Christophorus Cimilianen.
 Abbas sanctæ Trinitatis de Caieta. Calaber.
 Generales,
 R. P. Franciscus Romæus, generalis ord. præd. Aretin.
 R. P. Bonaventura pius, Generalis ordinis minorum conuentua-
 lium. Costacciarus.
 R. P. Hieronymus Seripandus, Generalis ordinis Eremitarum
 sancti Augustini. Neapolitan.
 R. P. Nicolaus Audetus, Generalis ord. Carmelit. Cyprus.
 R. P. Augustinus Bonucius, Generalis ordinis sanctæ Mariæ
 Sernorum. Aretinus.
 Angelus Massarellus, sacri Concilij secretarius.

DECRETVM DE SACRAMENTIS
 Ecclesiæ, publicatum, in sacrosancta, æcumenica, & gene-
 rali Tridentina Synodo, septima sessione, die tertia
 Martij. M. D. XLVII.

De Sacramentis.



AD CONSUMMATIONEM
 salutaris de Iustificatione doctrinæ, (quæ, in
 præcedenti proxima sessione, uno omnium pa-
 trum consensu, promulgata fuit:) consenta-
 neum uisum est: de sanctissimis Ecclesiæ sacra-
 mentis agere: per quæ, omnis uera iustitia, uel
 incipit, uel incepta augetur, uel amissa reparatur. Propterea,
 sacrosancta, æcumenica, & generalis, Tridentina synodus, in
 spiritu sancto legitime congregata: præsidentibus in ea, eisdem
 apostolicæ sedis legatis: ad errores eliminandos, et extirpandas
 hæreses: quæ, circa sanctissima ipsa sacramenta, ac nostra tem-

pestate : tum de damnatis olim , à patribus nostris , hæresibus , suscitata : tum etiam de nouo adinuenta sunt : quæ catholica ecclesiæ puritati , & animarum saluti , magnoperè officiant : sanctorum scripturarum doctrine , Apostolicis traditionibus , atq; aliorum conciliorum , & patrum consensui adhærendo : hos præsentés canones statuendos , et decernendos , censuit : reliquos , qui supersunt , ad cæpti operis perfectionem , deinceps , diuino spiritu adiuuante æditura.

Canones de sacramentis in genere.

- 1 Si quis dixerit : sacramenta nouæ legis , non fuisse omnia , à Iesu Christo , domino nostro , instituta : aut esse plura , uel pauciora quàm septem : uidelicet , baptismum , confirmationem , eucharistiam , pœnitentiam , extremam unctionem , ordinem , & matrimonium : aut etiam aliquod horum septem non esse uerè , & propriè sacramentum anathema sit. *v. anathema apponitur. 296.*
- 2 Si quis dixerit : ea ipsa nouæ legis sacramenta , à sacramentis antiquæ legis , non differre : nisi , quia cæremoniæ sunt aliæ , & alij ritus externi : anathema sit.
- 3 Si quis dixerit : hæc septem sacramenta , ita esse inter se paria , ut nulla ratione aliud sit alio dignius : anathema sit.
- 4 Si quis dixerit : sacramenta nouæ legis , non esse ad salutem necessaria : sed superflua : & sine eis , aut eorum uoto , per solam fidem , homines à Deo gratiam iustificationis adipisci : licet omnia singulis necessaria non sint : anathema sit. *v. anathema apponitur. 297.*
- 5 Si quis dixerit : hæc sacramenta , propter solam fidem nutriendam , instituta fuisse : anathema sit.
- 6 Si quis dixerit : sacramenta nouæ legis , non continere gratiã , quam significant : aut gratiam ipsam , non ponentibus obicem , non conferre : quasi signa tantum externa sint acceptæ , per fidem gratiæ , uel iustitiæ : et notæ quædam Christianæ professionis , quibus apud homines discernuntur fideles ab infidelibus : anathema sit.
- 7 Si quis dixerit : non dari gratiam , per huiusmodi sacramenta , semper , & omnibus , quantum est ex parte Dei , etiam si ritè ea suscipiant : sed aliquando , & aliquibus : anathema sit.
- 8 Si quis dixerit : per ipsa nouæ legis sacramenta , ex opere operato , non conferri gratiam : sed solam fidem , diuinæ promissionis , ad gratiam consequendam , sufficere : anathema sit.

- 9 Si quis dixerit: in tribus sacramentis, baptismo, scilicet, confirmatione, & ordine, non imprimi characterem in anima: hoc est signum quoddam spirituale, & indelebile: unde ea iterari non possunt: anathema sit.
- 10 Si quis dixerit: Christianos omnes, in uerbo, & in omnibus sacramentis administrandis, habere potestatem: anathema sit.
- 11 Si quis dixerit: in ministris, dum sacramenta conficiunt, & conferunt, non requiri intentionem, saltem faciendi, quod facit ecclesia: anathema sit.
- 12 Si quis dixerit: ministrum, in peccato mortali existentem (modo omnia essentialia, quæ ad sacramentum conficiendum, aut conferendum pertinent, seruauerit) non conficere, aut conferre sacramentum: anathema sit.
- 13 Si quis dixerit: receptos, & approbatos ecclesiæ catholicæ ritus, in solemnī administratione sacramentorum adhiberi consuetos: aut contemni: aut, sine peccato, à ministris pro libito omit-
ti: aut in nouos alios, per quemcunq; ecclesiarum pastorem, mutari posse: anathema sit.
- 1 Si quis dixerit: baptismum Ioannis, habuisse eandem uim, cum baptismo Christi: anathema sit.
- 2 Si quis dixerit: aquam ueram, & naturalem, non esse de necessitate baptismi: atq; ideo uerba illa, Domini nostri Christi Iesu: Nisi quis renatus fuerit, ex aqua, & spiritu sancto: ad metaphoram aliquam retorserit: anathema sit.
- 3 Si quis dixerit: in ecclesia Romana, quæ omnium ecclesiarum mater est, & magistra, non esse ueram de baptismi sacramento doctrinam: anathema sit.
- 6 Si quis dixerit: baptismum, qui etiam datur ab hæreticis, in nomine patris, & filij, & spiritus sancti: cum intentione faciendi, quod facit ecclesia: non esse uerū baptismum: anathema sit.
- 5 Si quis dixerit: baptismum, liberum esse: hoc est, non necessarium ad salutem: anathema sit.
- 6 Si quis dixerit: baptizatum, non posse, etiam si uelit, gratiam amittere: quantumcunq; peccet: nisi nolit credere: anathema sit.
- 7 Si quis dixerit: baptizatos, per baptismum ipsum, solius tan-

tum debitores fidei fieri: non autem uniuersę legis Christi seruanda: anathema sit.

8 Si quis dixerit: baptizatos, liberos esse ab omnibus sanctę ecclesię pręceptis: quę, uel scripta, uel tradita sunt: ita, ut ea obseruare, non teneantur: nisi se, sua sponte, illis submittere uoluerint: anathema sit.

9 Si quis dixerit: ita reuocandos esse homines, ad baptismi suscepti memoriam: ut uota omnia, quę post baptismum sunt, ui promissionis in baptismo ipso iam facta, irrita esse intelligant: quasi, per ea, & fidei, quam professi sunt, detrahatur: & ipsi baptismi: anathema sit.

10 Si quis dixerit: peccata omnia, quę post Baptismum sunt, sola recordatione, & fide, suscepti baptismi, uel dimitti, uel uenialia fieri: anathema sit.

11 Si quis dixerit: uerę, & ritę, collatum baptismum, iterandum esse illi, qui apud infideles, fidem Christi negauerit, cū ad pęnitentiam conuertitur: anathema sit.

12 Si quis dixerit: neminem esse baptizandum, nisi ea etate, qua Christus baptizatus est: uel in ipso mortis articulo: anathema sit.

13 Si quis dixerit: paruulos, eod quod actum credendi non habent, suscepto baptismi, inter fideles, computandos non esse: ac propterea, cū ad annos discretionis peruenerint, esse baptizandos: aut prestare, omitti eorum baptismi, quā eos, non actum proprio credentes, baptizari, in sola fide Ecclesię: anathema sit.

14 Si quis dixerit: huiusmodi paruulos baptizatos, cū adoleuerint, interrogandos esse: an ratum haberi uelint, quod patri ni, eorum nomine, dum baptizarentur, polliciti sunt: &, ubi se nolle responderint, suo esse arbitrio relinquendos: nec alia interim pęna, ad Christianam uitam cogendos: nisi ut ab eucharistia, aliorumq; sacramentorum, perceptione, arceantur, donec resipiscant: anathema sit.

De confirmatione. Canon primus.

1 Si quis dixerit: confirmationem baptizatorum, otiosam ceremoniam esse: & non potius uerum, & proprium sacramentū: aut olim nihil aliud fuisse, quā catechesim quandam, qua adulescentię proximi, fidei suę rationem, coram Ecclesia, exponerent: anathema sit.

*anabaptista lauram
baptismi recipiunt
pro adultis. v. t. n. n. n.
interdico apponatur
742 et 743. n. n. n.
V. n. n.*

non se nauerunt

- 2 Si quis dixerit: iniurios esse spiritui sancto, eos, qui, sacro confirmationis chrismati, uirtutem aliquam tribuunt: anathema sit.
- 3 Si quis dixerit: sanctæ confirmationis, ordinarium ministrum, non esse solum Episcopum: sed quemuis simplicem sacerdotem: anathema sit.

DECRETVM SECVNDVM, DE REFORMATIONE, publicatum in eadem septima Sessione, Concilij Tridentini, die uero tertia mensis Martij, Anno. M. D. XLVII.

Septima Sessio, sub Paulo.

Eadem sacrosancta synodus, eisdem presidentibus, & Legatis: inceptum, reformationis, & residentiae negotium: ad Dei laudem, & Christianæ religionis incrementum, prosequi intendens: ut sequitur, statuendum censuit: salua semper, in omnibus, sedis apostolicæ, autoritate.

Canon Primus.

Ad cathedralium Ecclesiarum regimen: nullus, nisi ex legitimo matrimonio natus, & ætate matura: grauitate morum, literarumq; scientia (iuxta constitutionem Alexandri tertij (quæ incipit, Cum in cunctis) in Concilio Lateranensi promulgatam) præditus, assumatur.

Canon. II.

Nemo, quacumq; etiam dignitate, gradu, aut præeminentia, præfulgens: plures metropolitanas, seu cathedrales Ecclesias, in titulum siue commendam, aut alio quouis nomine: contra sacrorum canonum instituta, recipere, & simul retinere, præsumat: Cum ualdè sælix sit ille censendus: cui, unam Ecclesiam, benè, ac fructuose, & cum animarum sibi commissarum salute, regere, contigerit. Qui autem, plures Ecclesias: contra præsentis decreti tenorem, nunc detinent: una, quam maluerint, retenta: reliquas, infra sex menses, si ad liberam sedis Apostolicæ dispositionem, pertineant: aliàs, infra annum, dimittere teneantur: alioquin, Ecclesiæ ipsæ (ultimò obtenta duntaxat excepta) eo ipso uacare censeantur.

S E P T I M A

Canon. III.

Inferiora beneficia, præsertim curam animarum habentia: personis dignis, & habilibus, & quæ in loco residere, ac per se ipsos, curam ipsam exercere ualeant: iuxta constitutionem Alexandri tertij, in Lateranensi, (quæ incipit, quia nonnulli:) & aliam Gregorij decimi, in generali Lugdunensi Concilio (quæ incipit, Licet canon:) æditam, conferantur. Aliter autem facta collatio, siue prouisio, omnino irritetur: & ordinarius collator, pœnas constitutionis Concilij generalis (quæ incipit, Graue nimis) se nouerit incursum.

Canon. IIII.

Quicumq; de ceterò, plura curata, aut aliàs incompatibilia beneficia Ecclesiastica: siue per uiam unionis ad uitam, seu commendæ perpetuæ: aut alio quocunq; nomine, & titulo: contra formam sacrorum canonum: & præsertim constitutionis Innocentij tertij (quæ incipit, De multa:) recipere, ac simul retinere præsumpserit: beneficijs ipsis, iuxta ipsius constitutionis dispositionem, ipso iure, etiam præsentis canonis uigore, priuatus existat.

Canon. V.

Ordinarij locorum, quoscunq; plura curata, aut aliàs incompatibilia beneficia Ecclesiastica, obtinentes: dispensationes suas exhibere, districtè compellant: & aliàs procedant, iuxta Constitutionem Gregorij decimi, in generali Lugdunensi Concilio æditam, (quæ incipit, Ordinarij:) quam eandem, sancta synodus, innouandam censuit, & innouat: addens insuper: quòd ipsi ordinarij, etiam per idoneorum Vicariorum deputationem, & congruæ portionis fructuum assignationem, omnino provideant: ut animarum cura nullatenus negligatur: & beneficia ipsa, debitis obsequijs minimè defraudentur: appellationibus, priuilegijs, exemptionibus, quibuscunq; etiam cum iudicum specialium deputatione, & illorum inhibitionibus, in præmissis, nemini suffragantibus.

Canon. VI.

Vniones perpetuæ, à quadraginta annis citrà factæ, examinari ab ordinarijs: tanquam à sede apostolica delegatis, possint. & quæ, per subreptionem, uel obreptionem, obtentæ fuerint:

irritæ declarentur. Illæ uerò, quæ, à dicto tempore citrà, concessæ: nondum in toto, uel in parte, sortitæ sunt effectum: & quæ deinceps, ad cuiusvis instantiam, fient: nisi eas, ex legitimis, aut aliàs rationabilibus causis, coram loci ordinario (uocatis quorum interest) uerificandis: factas fuisse constiterit: per subreptionem obtentæ, præsumantur: ac propterea (nisi aliter à sede apostolica declaratum fuerit) uiribus omnino careant:

Canon. VII.

Beneficia Ecclesiastica, curata: quæ cathedralibus, collegiatis: seu alijs Ecclesiis, uel monasterijs, beneficijs, seu collegijs, aut pijs locis quibuscunq; , perpetuè unita, & annexa, reperiuntur: ab ordinarijs locorum, annis singulis uisitentur. Qui sollicitè providere procurent: ut, per idoneos Vicarios, etiam perpetuos: (nisi ipsis ordinarijs, pro bono Ecclesiarum regimine, aliter expedire uidebitur:) ab eis, cum tertiæ partis fructuum: aut maiori, uel minori, arbitrio ipsorum ordinariorum, portione: etiam super certa re assignanda: ibidem deputandos: animarum cura laudabiliter exerceatur. appellationibus, priuilegijs, exemptionibus, etiam cum iudicum deputatione, & illorum inhibitionibus quibuscunq; , in præmissis, minimè suffragantibus.

Canon. VIII.

Locorum ordinarij, ecclesias quascunq; , quomodolibet exemptas, auctoritate apostolica, singulis annis uisitare teneantur: et opportunis iuris remedijs providere, ut quæ reparatione indigent, reparentur, & cura animarum, si qua illis immineat, alijsq; debitis obsequijs, minimè defraudentur: appellationibus, priuilegijs, consuetudinibus, etiam ab immemorabili tempore præscriptis, iudicum deputationibus, uel illorum inhibitionibus, penitus exclusis.

Canon. IX.

Ad maiores ecclesias promoti, munus consecrationis, infra tempus à iure statutum, suscipiant: & prorogationes, ultra sex menses, concessæ nulli suffragentur.

Canon. X.

Non licet capitulis ecclesiarum, sede uacante, infra annum,

à die uocationis, ordinandi licentiam, aut literas dimissorias, seu reuerendas (ut aliqui uocant:) tam ex iuris communis dispositione, quam cuiusuis priuilegij aut consuetudinis uigore: aliqui, qui beneficij ecclesiastici recepti, siue recipiendi, occasione, arctatus non fuerit concedere. Si secus fiat: capitulum contrariens, ecclesiastico subiaceat interdicto. Et sic ordinati: si in minoribus ordinibus constituti fuerint: nullo priuilegio clericali, praesertim in criminalibus, gaudeant: in maioribus uerò, ab executione ordinum, ad beneplacitum futuri praelati, sint ipso iure suspensi.

Canon. X I.

Facultates, de promouendo, à quocunq; non suffragentur, nisi si habentibus legitimam causam: ob quam, à propriis episcopis ordinari non possint, in literis exprimendam: Et tunc non ordinentur, nisi ab episcopo, in sua diocesi, residente: aut pro eo pontificalia exercente, Et diligenti praeuio examine.

Canon. X I I.

Facultates, de non promouendo: praeterquam in casibus, à iure expressis, concessæ: ad annum tantum suffragentur.

Canon. X I I I.

Præsentati, seu electi, uel nominati, quibusuis ecclesiasticis personis, etiam sedis apostolicæ nuntiis: ad quauis ecclesiastica beneficia, non instituantur, nec confirmentur, neq; admittantur: etiam prætextu, cuiusuis priuilegij, seu consuetudinis, etià ab immemorabili tempore præscriptæ: nisi fuerint prius à locorum ordinarijs examinati, Et idonei reperti: Et nullus, appellationis remedio, se tueri possit, quod minus examen subire teneatur. Præsentatis tamen, electis, seu nominatis, ab uniuersitatibus, seu collegijs generalium studiorum, exceptis.

Canon. X I I I I.

In exemptorum causis, constitutio Innocentij quarti (quæ incipit, Volentes) in generali concilio Lugdunensi ædita, seruetur: quam eadem sacrosancta synodus innouandam censuit, Et innouat: addendo insuper, quòd, in ciuilibus causis, mercedum, Et
misera-

miserabilium personarum, clerici seculares, aut regulares, extra monasterium degentes, quomodolibet exempti: etiam, si certum iudicem, à sede apostolica deputatum, in partibus habeant: in alijs uerò, si ipsum iudicem non habuerint, coram locorum ordinarijs, tanquam in hoc ab ipsa sede delegatis: conueniri, & in remedio, ad soluendum debitum, cogi, & compelli, possint: priuilegijs, exemptionibus, conseruatorum deputationibus, & eorum inhibitionibus, aduersus præmissa, nequaquam ualituris.

Canon. X V.

Curent ordinarij: ut hospitalia quæcunq; à suis administratoribus, quocunq; illi nomine censeantur: etiam quomodolibet exemptis: fideliter, & diligenter, gubernentur: constitutionis concilij Vienenensis (quæ incipit, Quia contingit) forma seruata. Quam quidem constitutionem, eadem sancta synodus, innouandam duxit, & innouat: cum derogationibus in ea contentis.

Item hæc sacrosancta synodus, statuit, & decreuit: proximam futuram sessionem, habendam, & celebrandam esse, die Iouis, feria quinta, post sequentem Dominicam in albis: quæ erit uigesima prima mensis Aprilis, præsentis anni.

Et quia ego Angelus Massarellus, Sancto seuerinas, utriusq; iuris doctor, & prothonotarius apostolicus, ac sacri Tridentini Concilij secretarius, publicationi superscriptorum decretorum, manu aliena, mihi fida, scriptorum, interfui: & ea, cum originalibus, quæ penes me sunt, collata sunt, & cum eis concordant: ideo, superscripta decreta singula, manu mea propria, obsignaui: ac, de eis omnibus, ad quorum manus peruenerint, fidem facio indubitatam.

Hucusq; progressum fuit concilium Tridentinum, sub Paulo Bononiam translaturum (ex alium).
tertio, à quo postea concilium idem Bononiam translatum: illic, ad tempus, est intermissum. Interim uerò, Paulus tertius, uiam uniuersæ carnis ingressus, successorem habuit Iulium tertium. Sub quo postea, conuocatum est iterum, in eadem Ciuitate Tridentina: & uocati omnes, qui solent interesse Concilio, ad primam diem Maij. M. D. L. I. Qua die, adfuit præsens, Legatus Crescentius, cum nonnullis Episcopis: nihil tamen actum est, propter paucitatem episcoporum, usq; ad .xi. Octobris, eiusdem anni: qua die, celebrata est tertia sessio, sub Iulio Pontifice.

K

SESSIO OCTAVA.



DECRETVM SANCTVM, ET publicatum, in octaua Sessione, habita die. xi. mensis Martij. M. D. XLVII. super translatione concilij, ex tridento, ad ciuitatem Bononien. rogante Reuerendiß. & illustriß. D. Cardinale de Monte, ipsius Concilij presidente, & Legato, patrum sententias, sub infrascripta forma, uidelicet.

PLACET NE VOBIS, DECERNERE, & declarare, de huiusmodi morbo allegatis: ex præmissis, & alijs, ita manifestè, & notoriè, constare: ut prælati in hac ciuitate, sine uitæ discrimine, commorari: & in ea iccirco inuerti minimè retineri possint, & debeant? Itemq; attento recessu multorum prælatorum, post proximè præteritam Sessionem: & attentis protestationibus aliorum quamplurium prælatorum, in congregationibus generalibus factis: hinc omnino, timore ipsius morbi, abire uolentium, qui iustè detineri non possunt: & ex, quorum discessu, concilium, uel dissolueretur, uel, ex paucitate prælatorum, bonus eius progressus impediretur: & attento etiam imminente periculo uitæ, & alijs causis, per aliquos ex patribus, in ipsis congregationibus allegatis, utpotè notoriè ueris, & legitimis. Placet ne uobis, similiter decernere, & declarare, pro conseruatione, & prosecutione ipsius concilij, & securitate uitæ ipsorum prælatorum: Concilium ipsum, ad ciuitatem Bononiæ, ueluti ad locum magis paratum, salubrem, & idoneum, pro tempore transferendum esse: & ex nunc transferri: & ibidem sessionem iam indictam, statuta die uigesima prima Aprilis, celebrandam esse, & celebrari? Et successiuè ad ulteriora procedendum, donec sanctissimo Domino nostro, & sacro concilio, expedire uidebitur: ut ad hunc, seu alium locum: & communicato etiam consilio, cum inuictissimo Cæsare, & Christianissimo rege, & alijs, regibus, ac principibus Christianis, ipsum concilium reduci possit, & debeat?

Decretū suprascrip. placuit longè maiori parti patrū: cōtradictibus tamen, & palàm reclamantibus, patribus infrascript.

N O M I N A, C O G N O M I N A, E T

patriæ, prælatorum, qui interfuerunt
translationi Concilij.

Præsidentes & Legati.

Reuerendiſſ. & Illuſtriſſ. Dominus Dominus Ioannes Maria
epiſcopus præneſtinus de Monte. Aretinus.

R. & Illuſtriſſ. D. D. Marcellus, tituli ſanctæ Crucis, in Hieru-
ſalem præſbyter, Ceruinus. Politianus.

Sanctæ Romane eccleſiæ Cardinales, ſacri Concilij præſidentes,
& apoſtolici de latere Legati.

Archiepiſcopi.

R. D. Andreas Corneliuſ, archiepiſcopus Spalatrenſis. Venet.

R. D. Ludouic. Chieregatus, archiepiſcopus Antibian. Vincent.

A. D. Ioannes Michael Sarracenuſ, Archiepiſcopus Matera-
nuſ, & Acheruntinuſ. Neapolitan.

R. D. Sebaſtianuſ Lecaueſa, archiep. Naxien. Græcuſ.

R. D. Oluſ magnuſ, archiep. Vpſallen. Gothuſ.

R. D. Robertuſ Vauchop, archiep. Armacan. Schotuſ.

Epicoſci.

R. D. Philoſ Rouerella, epiſcopuſ Aſculan. Ferrarien.

R. D. Thomas Campegiuſ, epiſcopuſ Feltrenſis. Bononien.

R. D. Benedictuſ de Nobilibuſ, epiſcopuſ Aſcienſis. Lucenſiſ.

R. D. Quintiuſ de Ruſticis, epiſcopuſ Militenſis. Romanuſ.

R. D. Antoniuſ de Numaiſ, epiſcopuſ Iſernienſiſ. Foroliuian.

R. D. Cathalanuſ Triultiuſ, epiſcopuſ Placenti. Mediol.

R. D. Hiero. Fuſcheruſ, epiſcopuſ Torcellanuſ. Venetuſ.

R. D. Hiero. de Theodoliſ, epiſcopuſ Gæddicenſis. Foroliuian.

R. D. Ioanneſ luciuſ Staphileuſ, epiſcopuſ Sibinicæ. Illiricen.

R. D. Hieronymuſ Vida, epiſcopuſ Albenſis. Cremonen.

R. D. Iacobuſ Cortefiuſ à Prato, epiſc. Vaſionenſis. Rom.

R. D. Alexander de Vrſiſ, epiſc. Emonienſis. Venetuſ.

R. D. Georgiuſ corneliuſ, epiſcopuſ Taruiſinſis. Venetuſ.

R. D. Ioanneſ Campegiuſ, epiſc. Parentinuſ. Bononien.

R. D. Ludouicuſ Simonetta, epiſc. Piſaurienſis. Mediolan.

R. D. Aloyſiuſ Lipomanuſ, epiſc. Motonenſis. coa-
diutor Veronenſiſ. Venetuſ.

K i i

Ambo ſunt Rom. 87.

O C T A V A

- R. D. Philippus Archintus, episc. Salutiarum. Vicarius sanctis. D. N. Papæ in urbe. Mediolanensis.
- R. D. Ioannes Petrus Ferretus, episc. Mylen. Raenaten.
- R. D. Egidius falsetta, episcopus Caprulan. Cingulan.
- R. D. Ricardus Patus, episc. Vigorniensis. Anglicus.
- R. D. Marcus Maliperius, episc. Corsulan. Venetus.
- R. D. Iacobus Iacobellus, episc. Bellicastren. Roman.
- R. D. Thomas Caselus, episc. Britonorien. Rosanen.
- R. D. Ioannes baptista Cicada, episcopus Albiganen. auditor cameræ Apostolicæ. Cienen.
- R. D. Philippus Bonus, episc. Famaugust. Venetus.
- R. D. Gregorius Castagnola, episc. Mylen. Græcus.
- R. D. Petrus donatus cesius, episcopus Narnien. de Cesis.
- R. D. Sebastianus pighinus, episcopus Alyphan. auditor rotæ Romanæ. Regiensis.
- R. D. Ambrosi. catharinus politus, episcop. Minor. Senen.
- R. D. Lucianus de Othonibus, Abbas pomposiæ Ferrarien. Mantuan.
- R. D. Chrysostomus Gimilianen. Abbas sancti. Trinitatis de Caieta. Calaber.
- R. P. Franciscus Romanus, Generalis ordinis prædicatorum. Aretinus.
- R. P. Hieronymus Seripandus, generalis ordinis Eremitarum sancti Augustini. Neapolitan.
- R. P. Augustinus Bonucius, generalis ordinis sanctæ Mariæ servorum. Aretinus.
- Angelus Massarellus, sacri Concilij Secretarius.

Patres, qui non consenserunt in translatione Concilij.

R. & Illuf. D. D. Petrus Pacceus. S. R. E. presbyter Cardinalis, & episcopus Gienen. Hispanus.

Archiepiscopi.

R. D. Saluator Alexius Sassarus, Archiepiscopus. Turritan. Hispanus.

R. D. Petrus Tagliavia, archiep. Panormit. Siculus.

Episcopi.

R. D. Marcus Vigerius, episc. Senogallien. Sauonen.

R. D. Braccius Martellus, episc. Fesularum. Florenti.

R. D. Coriolanus Martirani, episc. s. Marci. Neapol.

R. D. Baldasar de Heredia, episc. Rosan. Sardus.

R. D. Ioannes Fonscca, episc. Castellimaris. Hispanus.

R. D. Ioannes Salazar, episc. Lancianen. Hispanus.

R. D. Hieronymus de Bononia, episc. Siracusana. Sicul.

R. D. Franciscus de Navarra, episc. Pacen. Hispanus.

R. D. Didacus de Alaba, episc. Astoricen. Hispanus.

R. D. Petrus de Augustinis, episc. Oscan. Hispanus.

R. D. Bernardus Diaz, episc. Calagurritan. Hispanus.

R. D. Antonius de cruce, episc. Canarien. Hispanus.

R. D. Baldasar Limpus, episc. Portuen. Portugallen.

R. D. Claudius della guische, episcopus Mirapicen. Gallus.

R. D. Galeatius florimantius, episc. Aquinaten. Suesanen.

SESSIO NONA,

QVAE EST PRIMA, SACRI
CONCILII BONONIEN.

*Decretum, publicatum in prima Sessione Bononien.
celebrata die Iouis. XXI. Mensis Aprilis.*

Anno. M. D. XLVIII.



HÆC Sacrosancta, œcumenica, & genera-
lis, synodus: quæ dudum in ciuitate Tridenti
congregata erat: nunc Bononiæ, in spiritu san-
cto, legitimè congregata: præsentibus in ea,
nomine sanctissimi in Christo patris, & Domi-
ni nostri, Domini Pauli, diuina prouidentia
Papæ tertij, eisdem Reuerendissimis Dominis, Dominis, Ioan-
ne Maria Episcopo Prænestino, de Monte: & Marcello, tituli
sanctæ Crucis, in Hierusalem presbytero: sanctæ Romanæ Ec-
clesiæ Cardinalibus, & Apostolicis de latere Legatis: conside-
rans, quòd die undecima mensis Martij, præsentis anni, in ge-
nerali publica Sessione, in eadem Ciuitate Tridenti, & in loco
consueto celebrata: omnibusq; agendis, de more, peractis: ex
causis, tunc instantibus, urgentibus, & legitimis: interueni-
ente etiam authoritate, sanctæ sedis Apostolicæ, eisdem Reue-
rendissimis Præsentibus, etiam specialiter concessa: decreuit,
& ordinauit, Concilium, ex eo loco, in hanc ciuitatem, transfe-
rendum esse, sicuti transtulit: itemq; Sessionem, pro præsentis die,
uigesima prima Aprilis, illic indictam (ut de sacramentorum,
& reformationis materijs, de quibus tractandum proposuerat,
Canones sancirentur, & promulgarentur:) in hac ipsa ciuita-
te Bononiæ, celebrari debere. Consideransq;, nonnullos ex pa-
tribus, qui in hoc Concilio interesse consueuerunt, his superio-
ribus, maioris ebdomadæ, etiam solennitatis paschalis, diebus,
in proprijs Ecclesijs occupatos: aliquos etiam, alijs impedimen-
tis detentos, huc nondum accessisse: quos tamen breui affutu-
ros sperandum est: ac propterea factum esse, ut non ea, quam

sancta synodus desiderabat, praelatorum frequentia; potuerint
materie ipsæ sacramentorum, & reformationis examinari, &
discuti: ut omnia maturo consilio, cum dignitate, & gravi-
tate debita fiant: bonum, opportunum, & expediens censuit, cen-
setq;: Sessionem prædictam, quæ hoc ipso die (ut præfertur) ce-
lebranda erat: ad diem Iouis, infra octauam pentecostes pro-
ximè futuram, quò ad ipsas materias expediendas, differen-
dam, & prorogandam esse: quemadmodum differt, ac prorogat.
Quam diem, & rei gerendæ maximè opportunam: & patribus
præsertim absentibus, percommendam: indicauit, & indicat.
Hoc tamen adiecto: quòd terminum ipsum, ipsa sancta syno-
dus, pro eius arbitrio, & uoluntate: sicuti rebus Concilij pu-
tauerit expedire: etiam in priuata congregatione restringere,
& imminuere, possit, & ualeat.

NOMINA, COGNOMINA, ET PATRIÆ, prælatorum, qui interfuerunt primæ Sessioni Bononiensi.

Præsidentes, & legati: ydem qui in præcedenti Sessione.

Archiepiscopi.

R. D. Iacobus Caucus, Archiep. Corciren. Venetus.

Et alij qui in præcedenti Sessione: præter Olaum Magnum.

Episcopi.

R. D. Marcus Antonius Cæpegius, episc. Grosctan. Bonon.

R. D. Dionysius Græcus, Episcopus Chiron. & Millopota-
mensis. Græcus.

R. D. Ioannes baptista Campegius, episc. Maioricens. Bonon.

R. D. Petrus Boristius, episc. Aquen. Flandrus.

R. D. Augustinus Zannetus, episc. Sebasten. Bonon.

R. D. Eliseus Theodinus, episc. Soranus. Arpinas.

R. D. Vincentius de Durantibus, episc. Thermula. Brixien.

R. D. Cornelius Mussus, episc. Bituntinus. Placentin.

R. D. Galeatius Florimantius, episc. Aquinaten. Sueffan.

R. D. Camillus Mantuanus, episc. Satuanen. Placentin.

Et alij omnes qui in præcedenti Sessione, demptis his decem:
Episcopo Feltrensi. Torcellano. Gaddicen. Albenen. Emonien.
Parentino. Pisaurien. Albiganen. Mylen. Narnien. Exceptis
etiam illis, qui non consenserunt translationi Concilij. præter
Galeatium Florimantium, episc. Aquinaten. Sueffan.

Abba.

R. D. Chrisostomus Gimilianen. Abbas sanctissimæ

Trinitatis de Caieta.

Calaber.

Generales Ordinum, ydem qui in præcedenti.

Et adhuc R. P. Bonauentura Pius, Generalis Ordinis minorum
conuentualium. Costacciarus.

Angelus Massarellus, sacri Concilij Secretarius.

Sessione

S E S S I O D E C I M A ,

Q V A E E S T S E C V N D A

B O N O N I E N .

*Decretum, publicatum in secunda Sessione Bononien.
celebrata, die secunda, mensis Iunij.*

M . D . X L V I I .



*Q*UAMVIS Hæc sacrosancta, Oecumenica, & generalis Synodus, Sessionem: quæ die uigesima prima, mensis Aprilis proximè præteriti, super sacramentorum, & reformationis, materijs, in hac inclyta Ciuitate Bononiæ, ex Decreto, in urbe Tridentina, in publica Sessione, die undecima mensis Martij promulgato, celebranda erat: propter aliquas causas, ac præsertim propter absentiam nonnullorum patrum, quos breui affuturos sperabat, ad hunc præsentem diem differendam, & prorogandam esse, decreuerit: Volens tamen cum his, qui non uenerunt, etiam adhuc benignè agere: Eadem sacrosancta Synodus, in spiritu sancto legitimè congregata: præsentibus in ea, eisdem sanctæ Romanæ Ecclesiæ Cardinalibus, & apostolicæ sedis Legatis: statuit, & decernit, Sessionem ipsam: quam hac die, secunda mensis Iunij, præsentis anni, millesimi quingentesimi quadragesimi septimi, celebrare decreuerat: ad diem Iouis, post festum Natiuitatis Beatæ Mariæ Virginis, quæ erit, decima quinta, mensis Septembris, proximè futuri: quò ad prædictas, & alias materias expediendas: differendam, & prorogandam esse, quemadmodum differt, & prorogat. Ita tamen, quòd prosequutio discussionis, & examinationis: tam eorum, quæ ad dogmata: quam ad reformationem: pertinent: interim non omittatur: & terminum ipsum, ipsa sancta synodus, pro eius libito, & uoluntate, etiam in priuata congregatione, abbreviare, & prorogare, liberè possit, & ualeat.

L

D E C I M A

R. *Praelati, qui interfuerunt secundæ Sessioni
Bononiensi.*

Præsidentes, & Legati.

R. & Illustriss. D. D. Ioannes Maria, episcopus Traneſtinus de
Monte. Aretinus.

R. & Illustriss. D. D. Marcellus, tituli sanctæ
Crucis, in Hierusalem presbyter, Ceruinus. Politianus.
Sanctæ Romanæ ecclesiæ Cardinales, sacri Concilij Præsiden-
tes, & Apostolici de latere Legati.

R. D. Archiepiscopi.

Antibaren. Corcirenſis. Materan. & Acheruntinus. Naxien.
Vpsallen. Armachanus.

D. D. Episcopi.

Asculan. Feltrē. Ascien. Militē. Bononiē. Ifernien. Sibinicen.
Grosſetan. Chironen. & Millopotamensis. Maioricen. Aquen.
Sebaſteensis. Soranus. Vasionen. Motulanus. Parentinus. Pi
saurienſis. Motonen. Ieracensis. Salutarum. Mylensis. Ther
mular. Caprulanensis. Vigornienſis. Gauillicensis. Bituntinus.
Corſulan. Bellicaſtren. Venusin. Britonorien. Aquinaten.
Famauguſtan. Lauelen. Mylen. Alyphan. Minorien.

Abbates.

R. D. Chriſtoſtomus gimilianensis, abbas sanctiſſimæ Trinitatis
de Caieta. Calaber.

Generales Ordinum.

R. P. Bonauentura pius, Generalis ordinis minorum conuentua-
lium. Costacciarus.

R. P. Auguſtinus Bonucius, generalis ordinis sanctæ Mariæ
Seruorum. Aretinus.

Angelus Maſſarellus, sacri Concilij Secretarius.

SESSIONIS VNDECIMÆ PROROGATIO.

Acta in generali congregatione: habita die mercurij. xiii. mensis Septembris, millesimi quingentesimi quadragesimi septimi: super prorogatione, undecimæ sessionis Bononien.



IN NOMINE DOMINI NOSTRI Iesu Christi amen. Anno, à Natiuitate eiusdem, millesimo quingentesimo quadragesimo septimo: indictione quinta: die uero mercurij, decimaquarta, mensis septembris: pontificatus, sanctissimi in Christo patris, et Domini nostri, Domini Pauli, diuina prouidentia, Papæ tertij, anno tertiodecimo: Bononia, in domo Campegiorum, & solitæ residentie, reuerendissimorum, et illustrissimorum dominorum, sacri concilij presidentium, et apostolicorum de latere Legatorum, & in aula ubi generales congregationes fieri consueuerunt: hora circiter uigesima prima: habita fuit congregatio generalis patrum ipsius sacri concilij. In qua quidem congregatione, primum, more solito, reuerendissimus, & illustrissimus dominus Ioannes maria, episcopus prænestinus, Cardinalis de monte: ipsius sacri concilij præsident, & legatus: inuocauit auxilium sancti spiritus, legens alta, et intelligibili uoce, infra scriptam orationem: uidelicet. *Oratio.* Adsumus domine sancte spiritus, adsumus quidem peccati immanitate detenti: sed in nomine tuo specialiter aggregati. Veni ad nos, & esto nobiscum, et dignare illabi cordibus nostris. Doce nos, quid agamus: quò gradiamur: & ostende, quid efficere debeamus: ut, te auxiliante, tibi complacere in omnibus, ualeamus. Esto salus, & effector iudiciorum nostrorum: qui solus, cum Deo patre, et eius filio, nomen possides gloriosum. Non patiaris, perturbatores esse iustitiæ: qui summam diligis æquitatem. Non in sinistrum nos ignorantia trahat: non fauor inflectat: non acceptio munerum, uel personæ, corrumpat: sed iunge nos efficaciter tibi, solius tuæ gratiæ dono: ut simus in te unum: & in nullo aberremus à uero: quatenus in nomine tuo collecti, sic, in cunctis, teneamus, cum moderamine pietatis,

L ii

iustitiam: ut hîc, à te, in nullo dissentiat sententia nostra: & in futuro, pro bene gestis, consequamur præmia sempiterna. Quæ oratione absoluta: idem reuerendissimus, & illustriss. D. Cardinalis de monte, præsidens, et legatus præfatus, alloquutus fuit patres, his uerbis: uidelicet.

Dies crastina, sanctissimi patres (ut dominationes uestre sciunt) erit ea dies, quæ statuta fuit à nobis, ad sessionem celebrandam. Quot, quantisque; & quàm diuersis circumueniamur angustiis, difficultatibus; & impedimentis: nemo est, qui non uideat. Nondum uenerunt prælati complures: (quos scimus arripuisse iter:) ac præsertim piæ: & inclytæ nationis gallicanæ. Aliqui uenerunt hodie, heri, nudius tertius, nudius quartus: denique tam de repente, ut non potuerint seipsos, et animum suum, informare, in materia tam graui, ampla; & diffusa: prout est hæc sacramentorum ecclesiæ: & abusu innumerabilium, qui in ministerio ipsorum sacramentorum irrepsit. Sed quid loquimur, de absentibus, aut de ijs, qui nuper uenerunt: cum illi, qui semper fuerunt præsentibus: & tota æstate uersati sunt in disputationibus, & examinationibus: & in audiendo priuatim, & publicè, minores theologos: adhuc parati non sint, neque esse potuerint? His difficultatibus accedit, atrocitas insperari casus, Illustriss. Lucis placentiæ: qui nos ita detinet occupatos, in tuenda libertate ciuitatum ecclesiæ: ut nos ipsi, neque per horam quidem, uel punctum temporis, liberi simus. Lætatur, & gratias agimus deo: quòd in decreto, proximæ præteritæ sessionis, fuerit addita illa clausula, in fine: prorogandi, & restringendi, terminum, etiam in priuata congregatione, &c. per quam certè magna cura, & sollicitudine leuamur: cum non oporteat, nos imparatos ad ecclesiam accedere, ut sessionem celebremus. Itaque, ne diutiùs dominationes uestras perplexas detineamus: consilium nostrum est (quid dicimus consilium? quinimò necessitas) ut beneficio illius decreti, & clausulæ, nos inuenimus: prorogando nunc terminum Sessionis, & omittendo crastina die celebrationem. Cupimus intelligere, utrum placeat dominationibus uestris consilium nostrum. Hoc puncto absoluto, agemus de tempore.

Super qua re, rogatis. sententijs patrum: placuit omnibus, Sessionem ipsam, quæ die crastina celebranda erat, prorogari.

Deinde idem R. & Illuf. D. Cardinalis de monte, præfatus, & legatus præfatus, profequendo sermonem suum, dixit infcripta uerba: uidelicet.

Multum cogitauimus, de tempore huius prorogationis: nullam tandem inuenimus in mente nostra rationem: in qua possumus figere pedem, pro aliquo die certo. Certi esse non possumus, quando erimus parati, in materijs nostris: ita, ut super ipsis, possit promulgari decretum. Scimus, quod cum essemus Tridenti: & crederemus, spatio quindecim dierum, expediri posse decretum iustificationis: coacti fuimus, insudare in eo, septem continuis mensibus: non intermittendo unam diem: & habendo sæpe duas congregationes, in uno, & eodem die. Vbi agitur de fide, de dogmatibus, de confundendis hæreticis: oportet nos, cum pede plumbeo, procedere: & interdum, in unius uerbuli discussione, longo tempore immorari. Occurrunt nobis etiam aliæ difficultates permultæ: sed quæ nos acrius, & uehementius urget, est: quia eam uidemus esse conditionem temporum, & ita esse tempora præparata, & disposita, ad producendas res nouas: ut nesciamus, neque pro firmo, & constanti, asserere possumus: utrum necessitas nobis futura sit, celebrandi Sessionem, perendie, ex aliquo nouo, & insperato emergenti, & incidenti: uel hinc ad octo dies, uel ad unum mensem, uel plures. Propterea, sumus huius sententiæ: ut, si uelimus cautè, & prudenter agere, debeamus facere prorogationem ipsam, ad beneplacitum Concilij. Hoc modo, & hac ratione, erit semper sacro Concilio liberum, & integrum: ut possit celebrare Sessionem, tunc, & quando, nouerit, ita honori Diuino, & rationibus ipsius Concilij, & reipublicæ, expedire. Sic deniq; putamus, ex usu esse præsentis temporis. Sciunt patres, nos semper habuisse oculos, ad conseruandum ius, & auctoritatem concilij: & ad bene dirigendum, & ordinandum ipsum Concilium: credere debent, nos non mutasse animum: & propterea possunt habere aliquam fidem in nobis, & quod ad hoc, se nobiscum conformare: habentes pro certo, quod nos bene considerabimus, quid deceat, & expediat, in præsentem, rerum, & temporum, statu. Vna tantum ratio, posset fortè aliquid scrupuli inycere, in mente alicuius: uidelicet, quia, si patres scirent diem certum Sessionis, possent aliqui ex eis, melius consulere rebus suis proprijs, una ratione, uel alia. Credi-

mus, quòd hæc hæsitatio, haud longo tempore durabit: & quòd unusquisq; post non multos dies, uidere poterit: quem cursum, & quem progressum, sit, sancta hæc synodus, habitura. Et nihilominus, capiendo rem in quemcunq; sensum, etiam asperiorum: & in quocunq; euentu: possunt patres sperare, & sibi polliceri, de nobis, quòd non erimus secundiores, quàm hætenus fuerimus: & quòd ita semper publica dirigemus: ut, privata patrum commoditatis, rationem (quantum fieri poterit) habeamus. Sit igitur conclusio: quòd huius sententiæ, & opinionis, sumus: ut, si patribus ita uideatur, & placeat, hæc prorogatio fiat, ad beneplacitum Concilij. Unusquisq; dicat liberè, more solito, sententiam suam: prout, reipublicæ Christianæ, honori Concilij, commoditati patrum, putauerit expedire: & spiritus sanctus suggererit ei. Quæcunq; à nobis dicta sunt, nulla alia ratione, dicta esse, censeri uolumus: quàm pro maiori patrum informatione: quia multi à nobis petierunt, ut, quid in hac re sentiremus, patribus aperire uellemus.

Postea, patres dixerunt sententias suas: & omnibus placuit, Sessionem ipsam (quæ die crastina, iuxta decretum, publicatum in proxima præcedenti Sessione, die Iunij, præsentis anni, celebranda erat) prorogari, ad beneplacitum sacri Concilij. Et ita fuit conclusum, decretum, & firmatum. Deinde, dimittitur congregatio: & patres omnes recesserunt, circa horam uigesimam tertiam.

INTERFVERUNT, HVIC SESSIONI,
patres præcedentis Sessionis, præterquam sequentes.

Archiepiscopi.

R. D. Archiepiscopus Antibaren.

Venetus.

R. D. Archiepiscopus Corciren.

Venetus.

Episcopi.

R. D. Episcopus Asculan.

Ferrariën.

R. D. Episcopus Militen.

Romanus.

R. D. Episcopus Soranus.

Arpinas.

Orator Christianissimi Regis.


Illustrissimus. D. Claudius Durse.

Gallus.

EX APENDICE, VITIS

PONTIFICVM APLATINA

descriptis, adiecta paucula de Iulio. III.



V L I V S I I I. patria Areti-
nus: Ioannes Maria de mōte, ante pon-
tificatum appellatus: mortuo Paulo
tertio, post diuturnam patrum in con-
clavi disceptationem, præter omnium
expectationem, omnium tandem con-
sensu, ex Prænestino episcopo, & bono-
niensi tunc legato: summus pontifex desi-
gnatur: anno domini 1550. 7. Idus Fe-
br. Iulij tertij adscito sibi nomine. pau-

loq: post coronatur, in solennibus cathedræ diui Petri serijs, Vir
cū eruditus et eloquens, tum rerum non mediocriter expertus:
quorum alterum quidem testatur oratio, quam iniior adhuc, in
quinta Sessione Lateranen. Concilij, sub Iulio secundo habuit: alte-
rum verò, q̄ Auditoris Apostolicæ cameræ munus, cum laude
administrauit, abundè ostendit. Erat illi patruus, Antonius de
Monte, Rotæ auditor: qui, Cardinalis sanctæ Prædix sub Iulio
II. factus, Archiepiscopatum Sipontinum, nepoti resignauit.
Is porrò deinceps longè post Cardinalium collegio à Paulo tertio
ascriptus: Pauli nomine, licèt non solus, Concilio Tridentino per
Paulum incepto. legatus præsedet, Pontifex factus, mox Iubi-
leum celebrat: utpote, qui in annum quinquagesimum sui electio-
ne incidisset. Statimq; magnam de se spem præbet, componenda-
rum per Europam controuersiarum, præsertim religionis: quibus
miserrimè per triginta annos, & ampliùs, distracta est in uarias
sectas Germania. Nam primo pōtificatus sui anno, ad decimum-
octauum Calend. Decemb. edito Romæ diplomate, Concilium æcu-
menicum: quod dudum Tridenti inchoatum erat: sed aliquanto
post tempore suspensum: Apostolica auctoritate indixit, ad ipsas
Calend. Maij 1551. eadem in ciuitate, & resumendum, & con-
tinuandum. Quod diploma, non multo post, ad Carolum quin-
tum à pontifice missum: cū Imperij comitia Augustæ ageren-

tur: in procerum etiam confesso, mandato Imperatoris, mense Ianuario est publicatum. Quod quidem concilium, si tam feliciter successerit, quam ab omnibus bonis merito debet optari: futurum speramus per Dei gratiam, ut, sublati dissidijs, & sectis, omnes, uno ore, & concordi fide, unanimes, laudemus Deum, & patrem domini nostri Iesu Christi: qui spiritu suo, illuminauerit cæca aberrantium corda, ad unitatem fidei reducens, quos uel misera ignorantia, uel pernitiosa philautia, uel ceruicosa pertinacia, infeliciter detinuit hætenus in errore captiuos.

BVLLA APOSTOLICA,
CONTINUANDVM CONCILIVM

TRIDENTINVM

Indicens.



IVLIVS EPISCOPVS SERVVS SERV-
uorum Dei, ad futuram rei memoriam. Cum,
ad tollenda religionis nostræ, dissidia: quæ in
Germania, longo tempore, non sine, totius
Christiani orbis, perturbatione, & scandalo,
uiguerunt: bonum, opportunum, & expedi-
ens esse uideatur: sicuti etiam charissimus in Christo filius noster,
Carolus, Romanorum Imperator, semper Augustus, nobis,
per suas literas, & nuncios, significari fecit: ut sacrum, æcu-
menicum, & generale, Concilium, per felicitis recordationis Pau-
lum Papam tertium, prædecessorem nostrum, indictum: & per
nos, tunc, Cardinalatus honore, fungentes: atq; ipsius præde-
cessoris nomine, unà cum duobus alijs S. R. E. Cardinalibus, ipsi
Concilio præsidentes: inceptum, ordinatum, & continuatum:
in quo plures, publicè, solennes habitæ fuerunt sessiones: plura-
q; tam in causa fidei, quam reformationis, promulgata decre-
ta: multaq; etiam, ad utramq; causam, pertinentia, examina-
ta, & discussa: ad ciuitatem Tridentinam, reducatur. Nos, ad
quos, ut summos pro tempore pontifices, spectat, generalia Con-
cilia indicare, & dirigere: ut Ecclesiæ pacem, & Christianæ fi-
dei, at

dei, atq; orthodoxæ religionis incrementum, ad omnipotentis Dei laudem, & gloriam, procuremus: & quantum in nobis est, tranquillitati ipsius Germaniæ: quæ sanè provincia, retro actis temporibus, in uera religione, ac sacrorum Conciliorum, & sanctorum patrum doctrina excolenda, exhibendaq; maximis pontificibus, Christi redemptoris nostri in terra Vicarijs, debita obedientia, & reuerentia, nulli Christianorum prouincia fuit unquam secunda: paternè consulamus: sperantes, per ipsius Dei gratiam, & benignitatem, futurum: ut reges omnes, ac principes Christiani, iustis, pijsq; nostris in hac re uotis, annuant, faueant, atq; assistant. Venerabiles fratres, Patriarchas, Archiepiscopos, Episcopos, & dilectos filios abbates, omnesq; alios, & singulos: qui, de iure, uel consuetudine, uel privilegio, Concilijs generalibus interesse debent: quosq; idem prædecessor noster, in suis, indictionis, & alijs quibuscunq; de super confectis, & publicatis literis, Concilio interesse uoluit: per uiscera misericordiæ domini nostri Iesu Christi, hortamur, requirimus, & monemus: ut proximis futuris kalen. Maij. M. D. LI: quem diem, ad ipsum Concilium, in eo, in quo nunc reperitur statu, resumendum, & proseguendum: præuia matura deliberatione, ex certa nostra scientia, & de apostolicæ auctoritatis plenitudine, ac, uenerabilium fratrum nostrorum. S. R. E. Cardinalium, consilio, & assensu, statuimus, decernimus, & declaramus: in ipsa ciuitate Tridenti (legitimo cessante impedimento) conuenire, & se congregare: ac ipsius Concilij continuationi, & prosecutioni, omni mora postposita, incumbere uelint. Nos enim operam sedulò daturi sumus: ut, eodem tempore, in eadem ciuitate, nostri omnino adsint Legati: per quos: si per atatem nostram, ualetudinemq; & sedis apostolicæ necessitates, personaliter adesse nequinerimus: spiritu sancto duce, ipsi Concilio præsedebimus: Quacunq; ipsius Concilij translatione, & suspensione, caterisq; contrarijs, non obstantibus quibuscunq;: ac præsertim illis, quibus, idem prædecessor noster, in suis literis prædictis: quas, cum omnibus, & singulis in eis contentis clausulis, & decretis, in suo robore permanere uolumus, atq; decernimus, & quatenus opus sit innouamus: uoluit ob stare. Irritum nihilominus decernentes, & inane: si secus, super his, à quoquàm, quauis auctoritate, scienter, uel igno-

M

B V L L A A P O S T O L I C A .

rauter, contigerit attentari. Nulli omnino hominum liceat, hanc
 paginam, nostrorum, hortationis, uoluntatis, innouationis,
 & decretorum, infringere: uel ei, ausu temerario, contraire.
 Si quis autem, hoc attentare præsumpserit: indignationem om-
 nipotentis Dei, ac beatorum Petri, & Pauli, Apostolorum
 eius, se nouerit incursum. Datum Romæ, apud Sanctum Pe-
 trum: anno incarnationis dominicæ. M. D. L. Decima octaua
 Kalen. Decemb. Pontificatus nostri, anno primo.

M. Car. Crescentius.

Ro. Amaseus.

R. Per Romulum secre.

R. de sancta Maria.



D futuram rei memoriam. Superioribus diebus, de, uenerabilium fratrum nostrorum, sanctæ Romanæ Ecclesiæ Cardinalium, consilio, ex causis tunc expressis, Apostolica auctoritate decreuimus: quod sacrum, æcumenicum, et uniuersale Concilium: Tridentum, ubi olim inceptum fuerat, reduci: & ibi (adiuuante domino) terminari deberet: tempusq; , ad illud resumendum, & proseguendum, Kalendaris Maij, proximè futuri, præfigimus: omnesq; : & singulos, quomodolibet in eo interesse debentes, hortati fuimus, & monuimus: ut, dicto tempore, Tridenti esse uellent: prout in nostris, sub plumbum desuper expeditis literis, plenius continetur. Ne autem, propterea quod dictæ literæ nondum publicatæ fuerunt, aliqui ignorantiam rei, ullo modo, prætexere possint: sed omnes, plenam illius notitiam habeant: dicta auctoritate, per præsentem, ordinamus: quod, tam prædictæ, quàm præsentem literæ, per aliquem ex nostris cursoribus, in basilicis sancti Petri de Vrbe, & sancti Ioannis Lateranensis, dum ibi diuina celebrantur, publicè, ac alta, & intelligibili uoce, legantur. Et, postquam lectæ fuerint: ualuis ipsarum basilicarum affigantur: & ibi aliquandiu dimittantur: & , relicta postea illarum copia, amoueantur. Decernentes, publicationem sic faciendam, omnes, & singulos, ipsius Concilij celebrationi quomodolibet interesse debentes, perinde arctare, ac si eis personaliter intimatæ fuissent. Quodq; ipsarum literarum trasumptis, etiam impressis, manu alicuius Notarij subscriptis: ac sigillo, personæ in dignitate Ecclesiastica constitutæ, munitis: eadem prorsus fides adhibeatur: quæ ipsis originalibus adhiberetur. Ac hortantes, & in domino requirentes, omnes, & singulos uenerabiles fratres nostros, patriarchas, & archiepiscopos: ad quos ipsarum literarum exempla impressa transmitti curabimus: ut, pro suo officio, & debito, id, eorum suffraganeis, & alijs minoribus prælatis, & abbatibus, notificent: Contrarijs non obstantibus quibuscunq; . Datum Romæ, apud sanctum Petrum, sub annulo piscatoris, die. XXVII. Decembris. M. D. L. I. Pontificatus nostri anno primo.

M ii

M A N D A T V M

M A N D A T V M I V L I I T E R T I I,
Summi Pontificis, in reductione Concilij, ad
ciuitatem Tridentinam.

Iulius episcopus, seruus seruorum Dei, dilecto fi-
 lio Marcello, tit. S. Marcelli, presb. Cardinali,
 Crescentio nuncupato: nostro, & apostolica se-
 dis ad concilium Tridentinū legato de latere: et
 uenerabilibus fratribus, Sebastiano pighino, ar-
 chiepisc. Sipontino, ac Aloysio Lipomano, episco-
 po Veronen: nostris, & ipsius sedis, ac in dicto concilio, unā cū
 eodem Marcello Cardinali, & legato, nomine nostro ad præsidentū
 nuntijs, salutem, & Apostolicam benedictionem. Ad pruden-
 tis patris familias officium, spectat: ea, quæ per seipsum commodè
 efficere non potest: ut per alios idoneos fiant, diligenter curare.
 Dudum siquidem, cū, ex certis, tum expressis causis; bonum,
 opportunum, & expediens esse uideretur: ut sacrum, œcumeni-
 cū, & generale concilium, per felicis recordationis Paulum pa-
 pam tertium, prædecessorem nostrum indictum, ad ciuitatem
 Tridentinam reduceretur: Nos sperantes, per omnipotentis dei
 gratiam, & benignitatem, futurum: ut, reges omnes, & prin-
 cipes Christiani, iustis, pijsq; nostris, (in hac re) uotis annue-
 rent, fauerent, & assisterent: uenerabiles fratres nostros, pa-
 triarchas, archiepiscopos, & episcopos, ac dilectos filios abba-
 tes, omnesq; alios, & singulos: qui de iure, uel consuetudine,
 aut priuilegio, concilijs generalibus interesse debent: hortati fui-
 mus, requisuimus, & monuimus: ut proximè futuris Kalen-
 dis maij: quam diem, ad ipsum concilium, in eo, in quo reperi-
 tur statu, resumendum, præuia matura deliberatione: ex certa
 nostra scientia, & de apostolica potestatis plenitudine, ac uene-
 rabilium fratrum nostrorum, sanctæ Romanæ ecclesiæ Cardina-
 lium consilio, & assensu: statuimus, decreuimus, & declarau-
 imus: in ipsa ciuitate Tridentina, (legitimo cessante impedi-
 to,) conuenire, & se congregare, ac ipsius concilij continuatio-
 ni, & prosecutioni, omni mora postposita, incumbere, uellent:
 prout, in alijs nostris inde confectis literis, plenius continetur.
 Nos igitur, qui etate nostra iam ingrauescente, & alijs multi-
 pliciter impediti, ad dictam ciuitatem ad præsens personaliter

accedere, & ipsi concilio, iuxta desiderium cordis nostri, interesse, nequimus: uolentes resumptionem, continuationem, & prosecutionem concilij huiusmodi, ex nostra absentia, non impediri: Te fili Marcelle cardinalis, fide feruentem: prudentia, scientia, ac rerum usu conspicuum: nostrum, & apostolica sedis, ad concilium huiusmodi, legatum de latere: ac uos fratres, Sebastiane Archiepiscopo, & Aloysi episcopo: pietate, & doctrina, ac rerum experientia, insignes: nostros, & ipsius sedis, ad dictum concilium, unâ tecum fili Marcelle, cardinalis & legatæ, nomine nostro præsidendum, nuncios: cum speciali, & expresso mandato: necnon rati habitationibus, alijs clausulis in similibus apponi solitis: de simili eorundem fratrum nostrorum consilio, apostolica autoritate, tenore præsentium, constituimus, & deputamus: uosq; ad dictam ciuitatem Tridentinam, tanquam pacis angelos destinamus: ac uobis, nomine, & autoritate, nostris, eidem concilio præsidendi, ac illud reassumendi, continuandi, dirigendi, & prosequendi: necnon in illo, pro uestra pietate, & sapientia, ea omnia, quæ in præmissis, & circa ea necessaria & aliâs quomodolibet opportuna esse, ac aliâs ad laudem, et honorem dei pertinere noueritis: (etiam si magis speciale mandatum exigant:) iuxta nostrarum prædictarum, ac indictionis, & aliarum ipsius prædecessoris super præmissis confectarum, & publicatarum literarum formam: faciendi, & exercendi, plenam, & liberam autoritatem: & tenore, prædictis: concedimus potestatem, & autoritatem, Hoc itaq; munus uobis iniunctum, ita implere studeatis: ut sperati fructus, inde proueniant: uosq; a nobis commendationem, & a deo, bonorum operum retributore, sælicitatis æternæ gloriam, consequi mereamini. Datis, pontificatus nostri, anno secundo.

M A N D A T V M

I M P E R A T O R I S.



CAROLVS V. diuina fauente clementia, Romanorum Imp. Aug. ac Rex Germaniæ, Hispaniarum, utriusq; Sicilia, Hierusalem, Hungariæ, Dalmatiæ, Croaciæ. etc. Archidux Austriæ, Dux Burgundiæ, Brabantię. Comes Habsburgs, Flandriæ, & Tirolis. & c. Quum beatissimus in Christo pater, & . D. D. N. Iulius III. diuina prouidentia, S. R. ac uniuersalis ecclesiæ Pont. Max. D. N. R. sacrum, æcumenicum, & generale Concilium: per sanctitatis suæ prædecessorē felicis recor. Paulum, papam. III. indictū, et inceptū, et aliquandiu intermissum: ad tollenda religionis nostræ dissidia: quæ, in Germania, longo tēpore, maxima totius orbis Christiani perturbatione, uiguerunt: denuo ad ciuitatem Triden. renocauerit: ac, per literas sue sanctitatis, ad calend. Maias, proximē præteritas, conuocauerit. Nos uerò, ob aduersam ualeitudinem, cum qua aliquandiu iam continuè fermè conflictamur, tñm alijs negotijs impediti: quum eidem concilio, uti cupiebamus, personaliter interesse non possimus. Ne tamen muneri nostro, in re tam ardua, defuisse uideamur: opere præteritum duximus, mandatarios, & procuratores nostros, eò oblegare: ac proinde confisi de fide, probitate, et rerum experientia, ac, erga sacrosanctam religionem nostram orthodoxam, zelo, & pietate, uenerabilium deuotorum, ac generositate nobilium fidelium, nobis dilectorum, Hugonis, comitis à Monfort, don Francisci à Toletto, prioris monasterij reuallensis, & Guillelmi à pietania, Archidiaconi campaniæ, consiliarium nostrorum: eosdem, tam ratione Imperialis nostræ dignitatis, quam sustinemus, quàm regnorum, & prouinciarum, hereditario iure, nobis spectantium: coniunctim, & separatim fecimus, creauimus, constituimus, & ordinauimus: atq; ex nunc, tenore præsentium, ex certa animi nostri scientia, et omnibus alijs melioribus, medio, uia, iure et causa, quibus ualidiùs, et efficacius possumus, et debemus: solenniter facimus, et creamus, cōstituimus, et ordinamus nostros, ueros, legitimos, et indubitatos oratores, & mandatarios: dantes eis, & cuilibet eorum in solidum, amplam facultatem, & potestatem, ut omnes simul: aut tres, duo, uel

unus ipsorum : nomine nostro , in dicto Concilio œcumenico comparere : in omnibus sessionibus nostrum locum , uti oratores , & mandatarij nostri , habere : res , & negotia religionis , & fidei , & alia quæcunq; in prædicto concilio tractanda : undè cum alijs ibidem stantibus , reipublicæ christianæ principibus , eorūque legatis , oratoribus , mandatarijs : consultare , agere , & tractare , illisq; omnibus , & per omnia , adesse : consilium , uotum , & decretum , nostro nomine , dare , impartiri , ac interponere : aliq; omnia tractare , procurare , agere , concludere , & exercere debeant , & possint : quæ ad Dei gloriam , fidei unionem , & exaltationem , & reipublicæ christianæ honorem , commodum , & augmentum , pertinere : & in ipso concilio expedire , uisa fuerint : & quæ nos ipsi agere , tractare , procurare , & facere possemus , si , præmissis omnibus , & singulis , personaliter interestemus : etiam si talia essent , quæ mandatum exigenter magis speciale , quàm præsentibus & expressum : ponentes idcirco præfatos oratores , & mandatarios nostros , quò ad præmissa , in locum & uicem personæ nostræ : promittentes , in uerbo nostro Cæsareo , nos habituros ratum , & gratum quicquid per ipsos oratores , mandatarios nostros , aut tres , duo , uel unum ipsorum , ad modum prænarratum , actum , procuratum , & gestum fuerit : dolo , & fraude penitus semotis . Harum testimonio literarum , sigilli nostri appensione , munitarum . Datis , in ciuitate nostra Imp. Augusta uindelicæ , die I. mensis Iulij , anno M.D.LI. Imperij nostri XXXI. & regnorum nostrorum XXXVI.

C A R O L I.

Ad mandatum , Cæsareæ , & catholicæ M. proprium.

Ioannes Burger.

O R A T I O , O R A T O R I S I M P E R I I ,
post præsentationem sui mandati .

Ostquàm, intermissum annis aliquot sacrosanctū Concil: (Illustris. D., R. præsules, P. amplissimi) ad fidei, et religionis Christianæ incrementum, hæreses extirpandas, morumq; reformatio nem, non modò utilissimum, uerum, & necessarium: à sanctissimo Patre, Iulio tertio, pontifice maximo, Cæsar inuictissimus, in hac ciuitate Tridentina, prosequendum impetravit: omnes, tam imperij Romani, quàm re-

RESPON. SYNODI.

gnorum suorum, & patrimonialium prouinciarum, præsules hortari, monere, frequenter etiam orare, ut, ad Concilium se conferrent, non destitit: quod equidem, & præsulum in hoc conuentu frequentia, & illustrissimorum sacri Romani imperij electorum præsentia, uel me tacente, attestatur. Nec his contentus Cæsar: quò maiorem: testatoremq; , animi sui, erga sacram synodum, propensionem, ostenderet: præter fidelissimum, & iamdudum hoc munere fungentem, dominum Illustrissimum Franciscum à Toletò, unum ex hispaniarum regnis, ex patrimonialibus suis prouincijs: alterum me quoq; , licèt indignum, ex Germania, ad ipsius uices, unà cum illo, hic gerendas, oratorem, ac mandatarium constituit. Vnde magnum, animi Caroli, Cæsaris inuictissimi, erga religionem Christianam, ac germanicæ nationis salutem, extat argumentum. Vt uerò uoluntati clem. domini mei, morem gererem, eiusq; iussis obtemperarem: omis- sis rebus omnibus, huc me, quàm diligentissimè potui, contuli. Quamobrè ego uos, præsules reuerendissimi, ac patres amplis- simi, precor: ut, iuxta Cæsarei mandati tenorem, in eius me oratorem recipiatis. dixi.

RESPONSVM SYNODI, AD ORATOREM
IMPERATORIS.

Illustres Domini.



MANDATVM Cæsareæ maiestatis, quod mo-
dò à dominationibus uestris exhibitum est, &
coram patribus recitatum fuit: huic sanctæ
Synodo iucundissimū nuncium attulit. Quan-
tū enim, in hoc tam uniuersæ Christianæ rei-
pub. saluari opere, de p̃ssima huius religione,
& potentissimi principis animo, sibi polliceri possit: facile, tum
ex ipsius mandati lectione, tum ex personarum uestRARUM de-
stinatione, intellexit. Quare, & dominationes uestras: quas,
ob singularem earum prudentiam, & religionis studium, magno
sibi adiumento fore sperat: grato, et beneuolo animo amplectitur:
et mandatū suū Cæsareæ maiestatis, quantum de iure potest, liben-
tissimè admittit. Et, cū de his omnibus, sancta Synodus, Deo be-
nedictō gratias agat: simul, et diuinam clementiā, pro salute eius-
dem maiestatis, & fælici rerum ipsius euentu, assidue precabitur.

Sacri

SACRI GENERALIS

CONCILII TRIDENTINI, SVB IV-

VLIO TERTIO, PONTIFICE

maximo, celebrati, Sessio prima, *et seq.*

facta die Maij prima,

M. D. L I.



IN nomine sanctæ, & indiuiduæ Tri-
nitatis, Patris, & filii, & Spiritus
sancti, amen. Anno, à natiuitate
Domini, millesimo quingentesimo quin-
quagesimo primo, Indictione nona,
die uerò Veneris, prima mensis Maij,
pontificatus, Sanctissimi Domini no-
stri Iulij, diuina prouidentia Pape ter-
tij, anno secundo: R. & Illu. D. Mar-
cellus, sanctæ Romanæ Ecclesiæ pres-

byter Cardinalis, de crescentiis: pralibati sanctissimi. D. N. Papæ de latere Legatus: ac R. D. Sebastianus pighinus, archie-
piscopus sipontinus, & Aloysius Lypomanus, Episcopus Veron-
nen. Apostolicæ sedis nuntii: unà cum reliquis reuerendis pa-
tribus, qui Tridenti aderant: de mane conuenerunt, in Ecclesia
cathedrali sancti uigiliij, ciuitatis Tridentinæ: in qua celebra-
runt primam Sessionem, huius sacri Concilii Tridentini. sub eo-
dem sanctissimo D. N. Iulio. Vbi, celebrata prius de spiritu san-
cto solenni missa: peractisq; consuetis cæremoniis: lectæ fuerunt
literæ eiusdem sanctissimi D. N. Papæ, super re assumptione, &
prosecutione, sacri, æcumenici, & generalis, concilii Tridenti-
ni. Deinde, R. D. Archiepiscopus Turritanus, conuersus ad pa-
tres: alta & intelligibili uoce, legit hæc duo, quæ sequuntur,
decreta.

PRIMUM DECRETVM.

R. & Illu. D. & Reuerendi patres, placet ne uobis, ad lau-
dem & gloriam, sanctæ & indiuiduæ trinitatis, patris, & fi-
N

S E S S I O

lij, & spiritus sancti: ad incrementum, & exaltationem fidei, & religionis Christianæ: sacrum, æcumenicum, & generale Concilium Tridentinum: iuxta formam, & tenorem literarum sanctissimi D. N. reassumi debere, & procedendum esse ad ulteriora?

S E C V N D V M D E C R E T V M.

R. & Illustris. Domini, reuerendiq; patres: placet ne uobis, proximè futuram Sessionem, habendam, & celebrandam esse, in Calendis Septembris? Quibus quidem lectis decretis: responsum est à patribus, placet. Et successiue ab ipso Reuerendissimo, & Illustris. Domino Legato, declaratum est: Concilium ipsum resumptum esse: & procedendum esse ad ulteriora.

Ego Angelus Massarellus, sacri Concil. Secretarius, scripta omnia, ita, ut notata sunt, acta fuisse: in quorum fidem, manus mea propria subscripsi.

Idem Angelus Massarellus Secretarius.

E X H O R T A T O R I A O R A T I O,

Reuerendissimorum sacri Concilij Tridentini præsidum nomine recitata Cal. Septem.

M. D. L I.



V M post restitutam huc Synodum, patres amplissimi, recens, ijsq; peropportunos, ac nobis optatissimus, duorum clarissimorum Germaniæ præsulum, & eorundem sacri Romani Imperij principum electorum, aduentus, magnam spem attulerit nobis: fore, ut non solum multi eiusdem nationis Episcopi, illorum exemplo, excitati: uerum etiam alij quamplurimi, uarijs ex locis, propediem huc adsint: atq; ita, sacrum hoc Concilium, ad Dei omnipotentis honorem, prosequi, & peragere liceat. Nunc deniq; nostras esse partes duximus, pro loco, ac persona, quam sustinemus: ut, in

principio, & tanquàm limine actionum nostrarum, pauca uerba, uestri simul, & nostri hortandi, atq; admonendi causa, faciamus. Et si enim uos, pro uestra pietate, & sapientia, ac studio salutis animarum: in tam graui Christianae reipubl. tempore, ac necessitate: bonorum sacerdotum, & pastorum officio fungi, paratos esse, minimè dubitamus: tamen tanta est earum rerum, quas, praeclarè inchoatas, Deo adiuuante, persequi, & ad exitum adducere instituiamus, magnitudo: ut nulla, quæ nos uehementiùs excitet, & officij nostri sæpius admoneat, supernacanea uideri debeat oratio. Tollendæ enim nobis, ut scitis, atq; extirpandæ sunt hæreses: quibus, non sine maxima animarum iactura, longè, lateq; disseminatis, & indies longiùs serpentibus, miserandum in modum, Ecclesia scissa, lacerata, & perturbata est. Corrigenda, & reformanda est Ecclesiastica disciplina: quæ iamdiù deprauata, atq; corrupta, harum ipsarum hæresum, magna ex parte causa, origoq; extitit. Postremò agendum est, de sedandis regum inter se, principumq; discordijs: quibus effectum est, ut Christiana respublica, maximas intus, & foris, calamitates acceperit: & impiorum hostium aucta potentia: nostris autem fractis, & debilitatis uiribus: salus iam, & libertas Christianorum omnium, atq; adeò ipsa fides, & religio, in summum, & extremum penè discrimen, adducta sit. Unde autem nostræ hortationis initium aptius duxerimus: quàm ut nos, tantis, ac tam arduis rebus, non modò perficiendis, sed ne aggrediendis quidem, impares esse intelligamus? Quis enim oculos, ad tantarum rerum molem inspiciendam, attollens: inde eosdem, ad humanarum uirium exiguitatem considerandam, deiciens: hoc non intelligat: nequaquam, tanto oneri subeundo, ac sustinendo, infirmitatem humanam posse sufficere? Nec uerò hoc, deterrendi uestri causa, dicimus: sed, ut nostram imbecillitatem agnoscetes, ad Dei opti. max. opem, & misericordiam, nobis confugiendum esse, statuamus. Ex eo enim, omnis (ut inquit apostolus) sufficientia nostra est. Itaq; in illo, nostra omnis nobis spes, & fiducia, collocanda, & reponenda est: qui omnibus, dummodò in fide postulent, affluenter dat, & non improperat. Agitur ipsius religionis causa: agitur ecclesiæ salus: quæ tantopere dilexit, ut eam filij sui unigeniti, passione et morte redimendam putauerit. Et superioribus temporibus illi numquam defuit: ita nec

2. Cor. 3.

N ii

Esa. 59.

Esa. 52.

Mat. 18.

hoc quidem tempore , aut in posterum , unquam est desuturus .
 Iacta sunt , eo authore , harum rerum ferè omnium fundamenta .
 Profectò , cuius impulsu , atq; auxilio , opus iam institutum , &
 cæptum est : eodem quoq; uires subministrante , & nobiscum si-
 mul operante , absoluetur . Non est abbreviata manus domini ,
 ut ecclesiæ suæ opitulari non possit : neq; minuta clementia , ut no-
 lit . Cuius quidem propitiæ uoluntatis , erga nos , cum alia mul-
 ta , tum hoc non minimum testimonium habemus : quòd hos duos
 germaniæ præsules , authoritate , prudentia , pietate præstantissi-
 mos , in eam mentem impulit : ut tam opportuno tempore : mul-
 tis , et magnis , quibus impediabantur , difficultatibus , consilio ,
 & uirtute superatis : ad hanc sacrosanctam synodum accederent .
 Nos modò , contrito , & humiliato corde , supplices , eius opem
 assiduè imploremus : quemadmodum paulò ante , more maiorum ,
 atq; instituto fecimus . Intimo animi dolore , peccata nostra in-
 gemiscamus : atq; , in bonis operibus , & dignis pœnitentiæ fru-
 ctibus , ambulantes : animas nostras , & corda , spiritui sancto ,
 tanquam sedes , ac templa munda , præbeamus : memores eius ,
 quod scriptum est : Mundamini , qui fertis uasa Domini . Maxi-
 ma semper , ut uos minimè præterit patres , generalium concilio-
 rum uis : maxima fuit authoritas . Nec enim dubium est : quin
 eis (modò rectè , & ordine , habeantur) spiritus sanctus ipse præ-
 sideat . Etenim , si dominus noster , ubicunq; duo , aut tres , in
 nomine eius , fuerint congregati , in medio eorum se futurum esse
 confirmauit : quis eum , & sanctum ipsius spiritum , abesse pu-
 tet , ab huiusmodi plurimorum patrum , & sacerdotum conuen-
 tu iusto , atq; legitimo : qui , quemadmodum hic noster , propter
 causam fidei , & religionis : propter correctionem morum : pro-
 pter pacem deniq; et tranquillitatem ecclesiæ : sit coactus ? Itaq;
 talium conciliorum scita : non hominum magis , quàm dei ipsius ,
 existimantur esse decreta . horum exemplum nobis , primis illis
 ecclesiæ temporibus , spiritu sancto pleni , apostoli prodiderunt .
 Ad hoc remedium , maiores nostri deinceps , grauissimis ecclesiæ
 temporibus , confugerunt . Hoc , Arrianam illam sectam , toto
 terrarum orbe diffusam , tam inueteratam , tantis studijs , opibusq;
 potentissimorum principum defensam : Hoc , Macedonij , Nesto-
 rij , et Eutychetis hæresim , innumerabilesq; alias , sustulerunt . Hoc ,
 sæpè sacerdotum , & populi uitam , ac mores reformarunt . Hoc ,

seditionibus, & discordijs, aliquando agitatam ecclesiam, inquietum, & tranquillum statum, redegerunt. Quare, magna spe, magno animo, patres, tam pias actiones, & tam christiano nomini salutare, persequamur. Hoc munus, hæ partes, hoc officium nostrum est: qui, hanc ob causam, ex tam distantibus, ac remotis regionibus, in hanc urbem conuenimus: ac primum quidem, æterni Dei honor, & gloria, & sanctissimæ ipsius fidei, ac religionis, causa, nos moueat. Nam, cum propter prauos, & corruptos mores, Dei uenerationem, cultum, & charitatem, ubiq; imminuta, tum uerò hæresibus, & impietate dogmatum, ueritatem, & synceritatem fidei, nusquam ferè non contaminatam, atq; pollutam, uideamus: Quis tam ingratus, ac tam immemor diuinorum munerum, ac beneficiorum erit: qui non Dei benedicti cultum, & gloriam, non ceteris modò rebus anteponat, sed uita, & anima sua, habeat chariorem? Qui, ut reliqua eius in humanum genus beneficia, quæ sunt innumerabilia, & longè maxima, omittamus: tantoperè nos, figmentum manuum suarum, luteum, amauit: quanquàm inimici ei essemus, & eo impiè relicto, ac repudiato, muta, & fragilia quædam si mulachra coleremus: tamen, per unigeniti filij sui mortem crudelissimosq; cruciatus, nos sibi reconciliauerit: & Sathanæ dominatu, ac peccatorum mole oppressos, æternisq; supplicijs addictos, liberarit: atq; in filios, sibi in spem æternæ gloriæ, & cælestis hæreditatis, adoptarit. Quòd si eius honori, & gloriæ, fideles omnes tantoperè inseruire oportet: quantò maiore studio, nos, quos ille sibi sacerdotes elegit, eius cultum, & religionem tueri, defendere, & conseruare debemus? Salus præterea nos moueat animarum, pro quibus agnus ille immaculatus, D. N. Iesus Christus, suum in ara crucis sanctiss. & preciosiss. sanguinem effudit: quæ, cum fidei, & custodiæ nostræ commissæ, & commendatæ fuerint, earum incolumitati à nobis, cura, & sollicitudine prouidendum est: si officio nostro satisfacere: si nostri ipsorum salutis, consulere uolumus. Væ enim ijs, qui dei opus negligenter faciunt. Væ nobis; si tam necessario tempore, officio ac muneri nostro defuerimus. Quas per Ezechielem minas Dominus pastoribus, oues sibi commissas negligentibus, intentauit? quàm acriter, quàm seuerè, quàm atrociter, gregem suum, se, de eorum manu, requisitum esse, denunciavit? Qui, cum primò

Hier. 43.

C. 34.

- Ezech. 34. eorum negligentiam, his uerbis, accusasset: Quod infirmum fuit, non consolidastis: & quod ægrotum non sanastis: & quod confractum, non alligastis: & quod abactum, non reduxistis: & quod perierat, non quæstistis: Hæc paulò post adiunxit. Viuo ego: quòd pro eo, quòd facti sunt greges mei in rapinam & oues meæ in deuorationem omnium bestiarum agri: ecce ego ipse, super pastores, requiram gregem meum, de manu eorum. Quæ eadem ferè, quamquàm alijs uerbis, per Hieremiam minatus est. Utinam uerò, patres (hæc magno animæ, diceremus cum dolore) utinam hæc tam uehemens increpatio, in nostra tempora, minimè conueniret: non tantum ouium numerum desideraremus: non grex domini tantoperè disiectus, ac laceratus fuisset. Heu, quis tantam eius dissipationem, Dissipationem autem? imò uerò stragem, ac uastitatem, satis dignè possit deplorare? superat omnem, non orationis modò copiam, sed uim etiam doloris, tantæ, & tam luctuosæ cladis magnitudo. Expergiscamur igitur. Expergiscamur, per uiscera misericordiæ domini nostri Iesu Christi. Et quoniam ijs quæ interierunt, ouibus, amplius subuenire non possumus: demus saltem operam, ut tum ab ouili dominico adductas recuperemus, tum illas, quæ inde non exierunt, diligentius in posterum custodiamus. Non de salute tantùm eorum agitur: nostra quoq; ipsorū salus agitur. Neque perire illæ: incuria nostra, possunt: quin id animabus nostris exitiosum futurum sit. Earum à nobis rationem, in tremendo illo iudicio, is reposcet: qui illas sanguine suo redemptas, nobis pascendas, custodiendasq; commisit. Hinc nos uiuentis dei minæ commoueat: cuius in manus incidere, horrendum est, si officio nostro defuerimus. Inde parata nobis, laboris, & sollicitudinis nostræ, merces excitet: si fuerit per nos Dominici gregis saluti prospectum, atq; consultum. Omittimus laudem, quæ ab omnibus non huius modò ætatis hominibus, sed ab omni posteritate, sacro huic concilio, sine dubio maxima tribuetur: & eam omittimus, propterea quòd minimè decet, nos, inanem istam, & falsam gloriam aucupari: aut in ea, ullum, rectè factorum, fructum ponere: Quod, qui faciunt, ij (ut Dominus in Euangelio inquit) mercedem iam suam receperunt. De uera illa, & solida, & sempiterna gloria, loquimur: quæ bonis operibus à Christo domino nostro, promissa, & præparata est.
- Hier. 2.
- Mat. 6.

Etenim, si ijs, qui proximum suum esurientem, aut sitientem, aut nudum, cibo, potu, ueste, aut alijs huiusmodi charitatis officijs, iuuerint, regnum ab eo cæleste promissum est: quantò illud magis sperare is debet, qui proximi, & fratris sui animam, ex ipsis sathanæ faucibus eripuerit? Quid? qui non de uno, aut altero fratre, sed de cuncto fidelium cætu, & uniuersa republica christiana, optimè fuerit meritus: ipsamq; dei religionem, consilijs, & laboribus suis, instaurauerit: quantò maiora, ab illo omnium bonorum operum autore, & eodem remuneratore, præmia consequetur? Hæc sunt, quæ spectare, quæ intueri, quæ proposita habere, & possumus, & debemus. Hæc sunt, genere ipso ineffabilia: magnitudine, infinita: diuturnitate, perpetua, & sempiterna. Quamobrè incumbamus patres, toto pectore, (ut aiunt,) ad sananda christianæ reipub. uulnera: incumbamus: quanta maxima possumus cura, & diligentia, ad eas actiones: ex quibus, ad deum honor: ad ecclesiam, salus: ad nos, æterna gloria, & felicitas peruentura est. Incredibile est, quibus piorum omnium uotis expetitur: qua letitia ceptum: qua expectatione rursus restitutum huc fuerit instauratumque concilium. Persuasum, ijs est, & rectè persuasum, hoc unum esse remedium: quo ecclesiæ nauis, iam diù hæresum, & discordiarum procellis agitata, atque quassata: &, cùm, ui tempestatis, tum nautarum etiam negligentia, propè obruta: è periculo eripi, & tuto in portu possit collocari. Hæc ne eorum uota inania, has spes fallaces, hanc uoluptatem irritam, patiemur euadere? Quid reliquum erit ampliùs, quod sperent? quid supererit, quod expectent? Si ullo unquam tempore, bonorum, & sapientium sacerdotum, ecclesia, fidem, auxiliumque implo-
rauit: hoc tempore patres, hoc tempore maximè implorat: afflictæ, uexatæ, laceratæ, tot spoliata præsidys, tot charissimis filijs orbatæ, supplex deo, & uobis, manus tendit: filios suos, è sinu sibi ereptos, recuperare, pia parens desiderat: & cùm eorum desiderio angitur, tum de reliquorum etiam salute est sollicita. Quas illa Deo grates aget? quanta præ letitia, ac, uoluptate exultabit, si quod optat, per uos fuerit consecuta? quam ea res, non huic solùm, quæ in terris est: uerùm etiam illi cælesti ecclesiæ, grata, incūda, optatāq; accidet? Etenim si uel uno peccatore in terris penitentiā agente, beatq; illę mentes, tantopere in cælo

Luc. 13.

Gal. 6.

gaudent: quid tot populis, ad ueritatis lucem, & rectam uiuendi rationem reuocatis, futurum esse censemus? Ipsum profectò cælū, Eccl. hac unione, & religionis, ac disciplinæ Ecclesiast. instauratione, latabitur. Et terra, ob factoris sui gloriam, iubilabit: ac, domino nobis placato, atq; propitio, lætiores posthac dies, sæliciora tempora, uberiores terræ fructus, erunt. Reliquum est, patres amplissimi, ut uos, pro officio nostro admoneamus: tametsi grauitas, & sapientia uestra, minimè admonitionem nostram desideret: ut hæc, quæ pro totius Ecclesiæ salute agere molimur, in spiritu lenitatis, & mansuetudinis, quemadmodum sanctæ huic Synodo dignum est, agantur. Faceßat hinc omnis, huius sacrosancti cætus maiestate, indigna contentio. Faceßat omne odium, omnis uerborum immoderatio. Sit summa inter nos, ut debet charitas, summa animorum consensio, summa concordia. Nemo nostrum, quæ sua sunt, quærat: sed quæ Iesu Christi. Deniq; meminerimus huic conuentui, Deum ipsum, nostrorum consiliorum, & actionum omnium, spectatorem, ac iudicem esse affuturum. Cui salus est, & honor, in secula seculorum.

A M E N.

DECRETVM SECVNDÆ

SESSIONIS, CALENDIS

Septembribus, Tridenti habitæ.

M. D. LI.



ACROSANCTA, œcumenica, & generalis, Tridentina Synodus, in spiritu sancto legitime congregata: quæ in proxima præterita Sessione, sequentem hanc hodie habendam, & ad ulteriora procedendum esse, decreuerat: cum ob inclytæ Germaniæ nationis (cuius præcipue causa agitur) absentiam, procedere hæcenus distulerit: de, uenerabilium in Christo fratrum, & filiorum suorum, Moguntini, & Triuiensis, Archiepiscoporum, ac sacri Romani Imperij Principum electorum, & complurium ipsius, aliarumq; prouinciarum Episcoporum, sub hanc ipsam diem, aduentum, in domino exultans: & dignas, ipsi omnipotenti Deo, agens gratias: firmamq; spem concipiens, quàm plurimos, tam ipsius Germaniæ, quàm aliarum nationum prælatos, & sui officij debito, & hoc exemplo commotos, propediem esse uenturos: futuram sessionem, ad quadragesimam diem, quæ erit. xi. mensis Octobris proximè sequentis, indicit. Et Concilium ipsum, in statu, in quo reperitur, proseguendo: cum, in præteritis sessionibus, de septem sacramentis nouæ legis, in genere: & in specie, de baptis-
mate, & confirmatione diffinitum fuerit: statuit, & decreuit: de sanctissimæ eucharistiæ sacramento: necnon quod ad reformationem attinet, de reliquis, quæ ad faciliorem, & commodiorem prælatorum residentiam, pertinent, agi, & tractari, debere. Ac monet, & hortatur omnes patres: ut interim. D. N. Iesu Christi exemplo, quantum tamen humana fragilitas patietur, ieiunijs, & orationibus uacent. Vt tandem placatus (qui in secula sit benedictus Deus) corda hominum, ad uerè suæ fidei agnitionem, & sanctæ matris Ecclesiæ unitatem, ac rectè uiuendi normam, reducere dignetur.

Concordat cum originali. In cuius fidem, ego Angelus Massarellus, sacri Concilij, Secretarius, subscripsi manu propria.

O

SESSIO HABITA

XI. OCTOBRI S.

CELEBRAVIT AUTEM MISSAM
summam, Episcopus Maioricensis. Orationemq;
habuit Archiepiscopus Turritanus.

Decretum, de Sanctissimo Eucharistiae sacramento, publi-
catum in tertia Sessione Tridentina, sub
Iulio Papa tertio die XI. Octobris

M. D. L I.



ACROSANCTA, œcumenica, & genera-
lis, Tridentina Synodus, in Spiritu sancto le-
gitime congregata: presidentibus in ea, eisdem,
sanctæ sedis apostol. legato, & nuncijs.

Etsi in eum finem, non absque peculiari
scilicet, ductu, & gubernatione conuenerit:
ut ueram, & antiquam, de fide, & sacramentis, doctrinam
exponeret: & ut hæresibus omnibus, & alijs grauissimis incom-
modis, quibus dei Ecclesia misere nunc exagitur, & in mul-
tas & uarias partes scinditur, remedium asferret: hoc præsertim
iam inde à principio in uotis habuit, ut stirpitus conuelleret xi-
zaniæ execrabilium errorum, & schismatum, quam inimicus
homo ijs nostris calamitosis temporibus, in doctrina fidei, usu,
& cultu sacrosanctæ eucharistiæ superseminauit. Quam alioqui
saluator noster, in Ecclesiâ suâ, tanquam symbolum reliquit, eius
unitatis, & charitatis: qua Christianos omnes, inter se coniun-
ctos, & copulatos esse, uoluit. Itaq; eadem sacrosancta synodus,
sanam, & sinceram illam, de uenerabili hoc, & diuino encha-
ristiæ sacramento, doctrinam tradens: quam semper catholica
Ecclesia, ab ipso Iesu Christo, domino nostro, & eius apostolis
erudita, atq; à Spiritu sancto, illi omnem ueritatem indies sug-
gerente, edocta, retinuit: & ad finem usq; seculi conseruabit:
omnibus Christi fidelibus interdicit: ne posthac de sanctissima eu-
charistia, aliter credere, docere, aut prædicare audeant: quàm
ut est, hoc præsentis decreto, explicatum, atq; diffinitum.

De reali presentia, domini nostri Iesu Christi, in
eucharistiæ sacramento. Cap. I.

Principiò docet sancta synodus, & aperte, ac simpliciter pro-
fiteretur: in almo sanctæ eucharistiæ sacramento, post panis, &
uini consecrationem D. N. Iesum Christum, uerum deum, atq;
hominem, uerè, realiter, ac substantialiter, sub specie illarum
rerum sensibilibus contineri. Nec enim hæc inter se pugnant, ut
ipse saluator noster, semper ad dexteram patris in cœlis assideat,
iuxta modum existendi naturalem: & ut multis nihilominus
alijs in locis, sacramentaliter præsens, sua substantia nobis ad-
sit: ea existendi ratione, quam, etsi uerbis exprimere uix possu-
mus: possibilem tamen esse deo, cogitatione per fidem illustrata,
assequi possumus: & constantissimè credere debemus. Ita enim
maiores nostri omnes, quotquot in uera Christi Ecclesia fuerunt:
qui de sanctissimo hoc sacramento disseruerunt, apertissimè pro-
fessi sunt: hoc tam admirabile sacramentum, in ultima cœna, re-
demptorem nostrum instituisse: cum post panis, uiniq; benedi-
ctionem: se, suum ipsius corpus, illis præbere, ac suum sangui-
nem: differtis, ac perspicuis uerbis testatus est. Quæ uerba, à
sanctis euangelistis commemorata, & à diuo paulo postea repe-
tita: cum propriam illam, & apertissimam significationem præ-
ferant, secundum quam à patribus intellecta sunt: indignissi-
mum sanè flagitium est: ea, à quibusdam contentiosis, & pra-
uis hominibus, ad fictitios, & imaginarios tropos, quibus ue-
ritas carnis, & sanguinis Christi negatur, contra uniuersum
Ecclesiæ sensum detorqueri: quæ, tanquàm columna, & firma-
mentum ueritatis, hæc, ab impijs hominibus excogitata com-
menta, uelut sathanica, detestata est: grato semper, & memore
animo, præstantissimum hoc Christi beneficium agnoscens.

De ratione institutionis huius sanctissimi
Sacramenti. Cap. II.

Ergo saluator noster: discessurus ex hoc mundo ad patrem, sa-
cramentum hoc instituit: in quo diuitias diuini sui, erga homi-
nes, amoris uelut effudit: Memoriam faciens mirabilium suo-
rum. Et, in illius sumptione, colere nos sui memoriam præce-
cepit: suamq; annunciare mortem: donec ipse ad iudicandū mun-
dum ueniat. Sumi autem uoluit sacramentum hoc, tanquàm spi-

O ii

*1. Pallav. St. Konz.
3.1.5.*

*contra Geierum
ind.*

Psal. 110.
Mat. 26.
1 Cor. 11.

Io. 6

*contra Pelagianos
et Amianos*

Eph. 4.

ritalem animarum cibum: quo alantur, & confortentur uiuentes, uita illius, qui dixit: Qui manducat me, & ipse uiuet propter me: & tanquam antidotum, quo liberemur a culpis quotidianis, & a peccatis mortalibus praeseruemur. Pignus praeterea id esse uoluit, futurae nostrae gloriae, & perpetuae felicitatis, a Deo: quae symbolum unius illius corporis, cuius ipse caput existit: cuique nos tanquam membra, arctissima, fidei, spei, & charitatis connexione, astrictos esse uoluit: ut id ipsum omnes diceremus, neque essent in nobis schismata.

De excellentia sanctissimae eucharistiae, super reliqua sacramenta. Cap. III.

Lucæ. 22

Marci. 14.

*+ v. d. in Comment. h. i.
et format. h. i. n. fuit:
m. d. h. i. p. g. c. a. a. u.
p. pag. 210.*

Commune hoc quidem est sanctissimae eucharistiae, cum ceteris sacramentis, symbolum esse, rei sacrae, & inuisibilis gratiae formam uisibilem: uerum, illud in ea excellens, & singulare reperitur: quod reliqua sacramenta, tunc primum sanctificandi uim habent, cum quis illis utitur: at in eucharistia ipsa, sanctitatis autor, ante usum est. Nondum enim eucharistiam de manu domini, apostoli susceperant: cum uerè tamen ipse affirmaret, corpus suum esse, quod praebebat. Et semper haec fides, in ecclesia dei, inueniuit: statim post consecrationem, uerum domini nostri corpus, uerumque eius sanguinem, sub panis & uini specie, unà cum ipsius anima, et diuinitate existere: sed corpus quidem sub specie panis, & sanguinem sub uini specie, ex uerborum & ipsius autem corpus sub specie uini, & sanguinem sub specie panis, animamque sub utraque, uel naturalis illius connexionis & concomitantiae, qua partes christi domini, qui iam ex mortuis resurrexit, non amplius moriturus, inter se copulantur: diuinitatem porro, propter admirabilem illam eius, cum corpore, & anima, hypostaticam unionem. Quapropter, uerissimum est, tantundem sub altera specie, atque sub utraque, contineri: totus enim & integer Christus, sub panis specie, & sub quauis ipsius speciei parte: totus item sub uini specie, & sub eius partibus, existit.

De transubstantiatione. Cap. IIII.

Quoniam autem Christus, redemptor noster, corpus suum, id, quod sub specie panis offerebat, uerè esse dixit: ideo persuasum semper, in ecclesia dei, fuit: idque nunc denuo, sancta haec syno-

*et unde inueniuntur
h. i. p. g. c. a. a. u.*

duſ declarat: per conſecrationem panis, & uini, conuerſionem fieri totius ſubſtantię panis, in ſubſtantiam corporis Chriſti, Domini noſtri: & totius ſubſtantię uini, in ſubſtantiam ſanguinis eius: quę conuerſio conuenienter, et proprię à ſancta catholica eccleſia, tranſubſtantiatio eſt appellata.

De cultu, & ueneratione, huic ſanctiſſimo ſacramento exhibenda. Cap. V.

Nullus itaq; dubitandi locus relinquitur: cū omnes Chriſti fideles, pro more, in catholica eccleſia, ſemper recepto: latrĩa cultum: qui uero deo debetur: huic ſanctiſſimo ſacramento, in ueneratione adhibeant. Neque enim minùs eſt adorandum: quòd fuerit à domino, ut ſumatur, inſtitutum. Nam illum eundem deum, præſentem in eo, aſſeſſe credimus: quem pater æternus, introducens in orbem terrarum, dicit: Et adorent eum omnes angeli Dei: quem Magi procidentes, adorauerunt: quem deniq; in Galilea, ab Apoſtoliſ adoratum fuiſſe, ſcriptura teſtatur.

Heb. 1.
Ps. 96..
Mat. 2
Mat. 28.

Declarat præterea ſancta ſynodus: pię, & religioſę admodum, in dei eccleſia, inductum fuiſſe hunc morem: ut ſingulis annis, peculiari quodam, & feſto die, præcelſum hoc, & uenerabile ſacramentum, ſingulari ueneratione, ac ſolennitate, celebraretur: utq; in proceſſionibus, reuerenter, & honorificę, illud peruias, & loca publica, circumferretur. Aequiſſimum eſt enim, ſacros aliquos ſtatutos eſſe dies: cū chriſtiani omnes, ſingulari, ac rara quadam ſignificatione, gratos, & memores teſtentur animos, erga communem dominum, & redemptorem, pro tam ineffabili, & planę diuino beneficio: quo mortis eius uictoria, & triumphus repræſentatur. Ac ſic quidem oportuit, uictoricem ueritatem, de mendacio, & hæreſi, triumphum agere: ut eius aduerſarij, in conſpectu tanti ſplendoris, & in tanta uniuerſę eccleſię lætitia poſiti: uel debilitari, & fracti, tabeſcant: uel pudore affecti, & confuſi, aliquando reſipiſcant.

De aſſeruando Eucharistię ſacramento, & ad inſirmos deferendo. Cap. VI.

Conſuetudo aſſeruandi in ſacrario ſanctam eucharistiã, a deo antiqua eſt, ut eam, ſæculum etiam Niceni concilij, agnouerit. Porro, deferri ipſam ſacram eucharistiã ad inſirmos, &

in hunc usum in ecclesiis conseruari: præterquàm quòd cum summa aq̃uitate, & ratione, coniunctum est: tum multis in concilijs præceptum inuenitur: & uetustissimo catholice ecclesiæ more, est obseruatum. Quare sancta hæc synodus, retinendum omninò salutare hunc & necessarium morem, statuit.

De præparatione, quæ adhibenda est: ut dignè quis sanctam eucharistiam percipiat. Cap. VII.

1 Cor. 11.

Si non decet, ad sacras ulla functiones quempiam accedere, nisi sanctè: certè, quò magis sanctitas, & diuinitas, cælestis huius sacramenti, uiro christiano comperta est: eò diligentius cauere ille debet, ne absq; magna reuerentia, & sanctitate, ad id percipiendum, accedat: præsertim cùm illa, plena formidinis, uerba, apud apostolum legamus: Qui manducat, & bibit, indignè: iudicium sibi manducat, & bibit: non diiudicans corpus domini. Quare communicare uolenti, reuocandum est in memoriam eius, præceptum: Probet autem seipsum homo. Ecclesiastica autem consuetudo declarat, eam probationem necessariam esse: ut nullus sibi conscius mortalis peccati, quantumuis sibi contritus uideatur, absque præmissa sacramentali confessione, ad sacram eucharistiam accedere debeat: quod à christianis omnibus, etiam ab ijs sacerdotibus, quibus, ex officio, incubuerit celebrare, hæc sancta synodus, perpetuò seruandum esse, decreuit: modò non desit illis copia confessoris. Quòd si, necessitate urgente, sacerdos, absq; præuia confessione, celebrauerit: quamprimum confiteatur.

De usu admirabilis huius sacramenti. Cap. VIII.

Quò ad usum autem, rectè, & sapienter, patres nostri, tres rationes, hoc sanctum sacramentum accipiendi, distrinxerunt. Quosdam enim docuerunt, sacramentaliter duntaxat id sumere: ut peccatores. alios tantum spiritualiter: illos nimirum, qui uoto, propositum illum cælestem panem edentes, fide uiua, quæ per dilectionem operatur, fructum eius, & utilitatem sentiunt. tertios porrò, sacramentaliter simul et spiritualiter. ij autè sunt, qui ita se prius probant, & instruunt: ut, uestem nuptialem induti, ad diuinam hanc mensam accedant. In sacramentali autem sumptione, semper in ecclesia Dei, mos fuit, ut laici, à sacerdo-

Demum uerò, paterno affectu, admonet sancta synodus, hortatur, rogat, obsecrat, per uiscera misericordiae Dei nostri: ut omnes, & singuli, qui christiano nomine censentur, in hoc unitatis signo, in hoc uinculo charitatis, in hoc concordiae symbolo, iam tandem aliquando conueniant, & concordent. Memoresq; tantae maiestatis & tam eximij amoris, Iesu Christi domini nostri: qui, dilectam animam suam, in nostrae salutis pretium: & carnem suam, nobis dedit ad manducandum: haec sacra mysteria, corporis, & sanguinis eius, ea fidei constantia, & firmitate, ea animi deuotione, ea pietate & cultu, credant, et uenerentur: ut panem illum supersubstantialem, frequenter suscipere possint. Et is, uerè eis sit animae uita, & perpetua sanitas mentis: cuius uigore confortati, ex huius miserae peregrinationis itinere, ad caelestem patriam peruenire ualcant: eundem panem angelorum, quem modò sub panis uelaminibus edunt, absque ullo uelamine manducaturi.

Quoniam autem non est satis ueritatem dicere, nisi & detegantur, & refellantur errores: placuit sanctæ synodo, hos canones subiungere: ut omnes, iam agnita doctrina catholica, intellegant quoq; quæ illis hæreses caueri, uitariq; debeant.

Eucharistiæ.

*v. Annat³ in mioro appariti. § 293. Promptuar. Cat. H. Staplito
ni 2016. Pallav. Primus canon. St. Lore. 2. 12. 1/3. 1. 2.*

Symplius Ca: Si quis negaverit: in sanctissimo Eucharistiae sacramento con-
tineri, uerè, realiter, & substantialiter, corpus, & sanguinem,
109 unà cum anima, et diuinitate, domini nostri Iesu Christi: ac pro-
inde totum Christum: sed dixerit, tantummodò esse in eo, ut in
figura: aut uirtute: anathema sit.
Signat. de sacram. dip. 1. §. 6. p. 104.

Armeni Beren-
garius Falles An-
Decan. Al. iun.
Lor. Mich. 10. Octo:
Camp. 12.

Canon. II.

Si quis dixerit: in, sacrosanctæ eucharistiæ sacramento, re-
manere substantiam panis, & vini, unâ cum corpore, & san-
guine domini nostri Jesu Christi; negaueritq; mirabilem illam,
et æternam. *De Sacram. Euchar. l. 9. tit. 5. c. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.*

Vithorus Calceus
 De: Wiclephus. l.
 Medull. Theolog.
 De: Commendat.

S E S S I O

& singularem conuersionem, totius substantiæ panis, in corpus, & totius substantiæ uini, in sanguinem: manentibus duntaxat speciebus panis, & uini: quam quidem conuersionem, catholica Ecclesia, aptissime, transubstantiationem appellat: anathema sit.

Canon. III.

v. Tr. Cath. Verit. 122. Armeni Comment. Hist. Dogmat. 2. Sacram. Disput. 9. q. 4. c. 1. 121. Si quis negauerit: in uenerabili sacramento eucharistiæ, sub unaquaq; specie: & sub singulis, cuiusq; speciei, partibus: separatione facta, totum Christum contineri: anathema sit. *Armeni*

Canon. IIII.

v. Triumph. Cath. Verit. 120. Si quis dixerit: peracta consecratione, in admirabili eucharistiæ sacramento, non esse corpus, & sanguinem, domini nostri Iesu Christi: sed tantum in usu, dum sumitur: non autem ante, uel post: & in hostijs, seu particulis consecratis, quæ post communionem reſeruantur, uel supersunt, non remanere uerum corpus Domini: anathema sit. *Martini But. 2. c. 1. 121.*

Canon. V.

v. Tr. Cath. Verit. 122. Armeni Comment. Hist. Dogmat. 2. Sacram. Disput. 9. q. 4. c. 1. 121. Si quis dixerit: uel præcipuum fructum, sanctissimæ eucharistiæ, esse remissionem peccatorum: uel ex ea, non alios effectus provenire: anathema sit. *Armeni*

Canon. VI.

v. Propriarium Cath. Armeni. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000. Si quis dixerit: in sancto eucharistiæ sacramento, Christum, unigenitum Dei filium, non esse cultu latriæ, etiam externo, adorandum: atq; ideo nec festiua peculiari celebritate uenerandum: neq; in processionibus, secundum laudabilem, & uniuersalem Ecclesiæ sanctæ ritum, & consuetudinem, solenniter circumgeſtandum: uel non publicè, ut adoretur, populo proponendum: & eius adoratores, esse idolatras: anathema sit. *Cicconi*

Canon. VII.

v. Tr. Cath. Verit. 120. Si quis dixerit: non licere, sacram eucharistiam in sacrario reſeruari: sed statim post consecrationem, astantibus necessariò distribuendam: aut non licere, ut illa ad infirmos honorificè deferatur: anathema sit. *v. Armeni Comment. Hist. Dogmat. 2. Sacram. Disput. 9. q. 4. c. 1. 121.* *Canon.*

Canon. VIII.

Si quis dixerit: Christum, in eucharistia exhibitum, spiritaliter tantum manducari: & non etiam sacramentaliter, ac realiter: anathema sit.

Canon. IX.

Si quis negauerit: omnes, & singulos Christi fideles, utriusque sexus: cum ad annos discretionis peruenerint: teneri, singulis annis, saltem in Paschate, ad communicandum: iuxta præceptum sanctæ matris ecclesiæ: anathema sit.

Canon. X.

Si quis dixerit: non licere sacerdoti celebranti, seipsum communicare: anathema sit.

Canon. XI.

Si quis dixerit: solam fidem, esse sufficientem præparationem, ad sumendum sanctissimum eucharistiæ sacramentum: anathema sit. Et, ne tantum sacramentum, indignè, atque ideo in mortem, & condemnationem sumatur: statuit, atque declarat, ipsa sancta Synodus: illis, quos conscientia peccati mortalis grauat, quantumcunque etiam se contritos existiment, habita copia confessoris, necessariò præmittendam esse confessionem sacramentalem. Si quis autem, contrarium docere, prædicare, uel pertinaciter asserere, seu etiam publicè disputando defendere, præsumpserit: eo ipso excommunicatus existat.

*Lutherus
Dr. Carl. Vuit. 1539.*

D E C R E T U M S U P E R R E F O R -
mationem, publicatum, Sessione habita XI.

Octobris. M. D. LI.

Eadem sancta Tridentina synodus, præsentibus in ea, eisdem, sanctæ sedis apostolicæ, Legato, & Nuncijs: intendens nonnulla statuere: quæ ad iurisdictionem pertinent Episcoporum: ut, iuxta proximæ Sessionis decretum, illi, in commissis sibi Ecclesijs, eo libentiùs resideant, quò facilius, & commodius, sibi subiectos regere, & in uitæ, ac morum honestate, continere poterint: illud primùm eos admonendos censet: ut, se pastores,

P

2. Tim. 4

non præcursores, esse meminerint: atq; ita præesse sibi subditis oportere: ut non in eis dominantur: sed illos, tanquàm filios, & fratres diligant: elaborentq; , ut hortando, & monendo, ab illicitis deterreant: ne, ubi deliquerint, debitis eos pœnis coercere, cogantur. Quos tamen, si quid per humanam fragilitatem peccare contigerit: illa apostoli est ab eis seruanda præceptio: ut illos arguant, obsecrent, increpent, in omni bonitate, & patientia: cùm saepe plus, erga corrigendos, agat benivolentia, quàm austeritas: plus exhortatio, quàm comminatio: plus charitas, quàm potestas. Sin autem, ob delicti grauitatem, uirga opus fuerit: tunc cum mansuetudine rigor, cum misericordia iudicium, cum lenitate seueritas adhibenda est: ut, sine asperitate, disciplina populis salutaris, ac necessaria, conseruetur: & , qui correcti fuerint, emendentur: aut si resipiscere noluerint, ceteri (salubri in eos animaduersionis exemplo) à uitijs deterreantur: Cùm sit diligentis, & p̃i simul, pastoris officium, morbis ouium, leuia primùm adhibere fomenta: post, ubi morbi grauitas, ita postulet, ad ueriora, & grauiora remedia descendere: sin autem nec ea quidem proficiant illis submonendis, ceteras saltem oues à contagionis periculo liberare.

Cùm igitur rei criminum, plerunq; ad euitandas pœnas, & Episcoporum subterfugienda iudicia, quærelas, & grauamina simulent: & , appellationis diffugio, iudicis processum impediunt: ne remedio, ad innocentiae præsidium instituto, ad iniquitatis defensionem abutantur: atq; ut huiusmodi eorum calliditati, & tergiversationi occurratur: ita statuit, & decreuit.

Canon. I.

In causis uisitationis, & correctionis, siue habilitatis, & inhabilitatis, necnon criminalibus, ab episcopo, seu illius in spiritibus uicario generali: ante diffinitiuam sententiam, ab interloctoria, uel alio quocunq; grauamine, non appelletur: nec episcopus, seu uicarius, appellationi huiusmodi, tanquàm friuolæ, deferre teneatur: sed ea, ac quacunq; inhibitione, ab appellationis iudicio emanata, necnon, omni stylo, & consuetudine, etiam immemorabili, contraria non obstante, ad ulteriora ualeat procedere: nisi grauamen huiusmodi per diffinitiuam sententiam reparari, uel ab ipsa diffinitiuâ appellari, non possit: qui-

bus casibus, sacrorum, & antiquorum canonum statuta, illibata persistant.

Canon. II.

*dicta
Legalis
omnino
ut ligna
Italica*
A sententia episcopi, uel ipsius in spiritualibus uicarij generalis, in criminibus, appellationis causa (ubi appellationis locus fuerit:) si apostolica auctoritate, in partibus, eam committi contigerit: metropolitano, seu illius etiam uicario in spiritualibus generali: aut si ille aliqua de causa suspectus foret, uel ultra duas legales dictas distet, seu ab ipso appellatum fuerit, uni ex uicinioribus episcopis, seu illorum uicarijs, non autem inferioribus iudicibus, committatur.

Canon. III.

Reus, ab episcopo, aut eius uicario in spiritualibus generali, in criminali causa, appellare coram iudice possit: ei, ad quem appellauit, acta primæ instantiæ omnino producat: & iudex nisi illis uisis, ad eius absolutionem minimè procedat: is autem, à quo appellatum fuerit, intra xxx. dies, acta ipsa postulanti gratis exhibeat: alioqui absque illis, causa appellationis huiusmodi, prout in iustitia sua asserit, terminetur. Cum uerò tam grauiam nonnunquam sint delicta, ab ecclesiasticis commissa personis: ut, ob eorum atrocitatem è sacris ordinibus deponendæ, & curiæ sint tradendæ seculari: in quo secundum sacros canones, certus episcoporum numerus requiritur: quos si omnes adhibere difficile esset, debita iuris executio differretur: si quando autem interuenire possent, eorum residentia intermitteretur: propterea statuit, & decreuit.

Canon. IIII.

Episcopo, per se, seu illius uicarium in spiritualibus generalem, contra clericum in sacris etiam presbyteratus ordinibus constitutum, etiam ad illius condemnationem, necnon uerbalem depositionem: & per seipsum etiam, ad actualem, atq; solennem degradationem ab ipsis ordinibus, & gradibus ecclesiasticis: in casibus, in quibus aliorum episcoporum præsentia, in numero à canonibus diffinitio requiritur: & absq; illis procedere liceat: adhibitis tamen, & in hoc sibi assistentibus, totidem abbatibus, usum mitræ et baculi, ex priuilegio apostolico habentibus: si in ciuitate, aut diœcesi reperiri, & commodè interesse, possint.

P ii

Alioquin alijs personis, in ecclesiastica dignitate constitutis, quæ ætate graues, ac iuris scientia commendabiles, existant.

Et quoniam post perfectas causas, quæ tamen satis probabiles uidentur, interdum accidit: ut nonnulli eiusmodi gratias extorqueant, per quas, pœnæ, illis, episcoporum iuxta seueritatem inflictæ, aut remittuntur omnino, aut minuuntur: cum non ferendum sit, ut mendacium, quod tantoperè Deo displicet, non modò ipsum impunitum sit, uerùm etiam alterius delicti ueniam impetret mentienti: idcirco, ut sequitur, statuit, et decreuit.

Canon. V.

Episcopus apud ecclesiam suam residens, de surreptione, et obreptione gratiæ: quæ super absolutione alicuius publici criminis, uel delicti, de quo ipse inquirere cæperat: aut remissione pœnæ, ad quam criminofus per eum condemnatus fuerit: falsis precibus impetratur: per seipsum, tanquam sedis apostolicæ delegatus, etiam summarie cognoscat: ipsamq; gratiam, postquam per falsi narrationem, aut ueri taciturnitatem, obtentam esse, legitime constiterit, non admittat.

Quoniam uerò subditi episcopo: tametsi iure correpti fuerint, magnoperè tamen eum odisse: & tanquàm iniuria affecti sint, falsa illi crimina obijcere, solent: ut quoquo pacto possint, ei molestiam exhibeant: cuius uexationis timor, plerunq; illum, ad inquirenda, & punienda eorum delicta, segniores reddit: idcirco, ne ij, magno suo, & ecclesiæ incommodo, gregem sibi creditum relinquere: ac, non sine episcopalis dignitatis diminutione, uagari, cogantur, ita statuit, & decreuit.

Canon. VI.

Episcopus: nisi ob causam, ex qua deponendus, siue priuandus ueniret: etiam si ex officio, aut per inquisitionem seu denuntiationem, uel accusationem, siue alio quouis modo procedatur: ut personaliter compareat, nequaquam citetur, uel moneatur.

Canon. VII.

Testes in causa criminali, ad informationem, uel iudicia, seu aliàs in causa principali, contra episcopum: nisi testes, & bonæ conuersationis, existimationis, & famæ fuerint, non re-

cipiantur: & si, odio, temeritate, aut cupiditate, aliquid deposuerint, grauibz pœnis multentur.

Canon. VIII.

Causæ episcoporum, cùm, pro criminis obiecti qualitate, comparere debeant: coram pontifi. maximo referantur, ac per ipsum terminentur.

DECRETVM PRO ROGATIONIS,
diffinitionis quatuor articulorum de sacramento Eucharistiae, et salui conducti, protestantibus dandi,
publicatum in sessione. XI. Octob.

M. D. LI.

Eadem sancta synodus, errores omnes, qui super hoc sanctissimo sacramento repullularunt, tanquam uerpres ex agro domini co euellere, ac omnium fidelium saluti prospicere, cupiens, quotidianis precibus, deo omnipotenti piè oblati: inter alios ad hoc sacramentum pertinentes articulos, diligentissima ueritatis catholice inquisitione tractatos: plurimis, accuratissimisq; pro rerum grauitate disputationibus habitis: cognitis quoque præstantissimorum theologorum sententijs: hos etiam tractabat. An necessarium sit ad salutem, & diuino iure præceptum: ut singuli Christi fideles, sub utraq; specie, ipsum uenerabile sacramentum accipiant: & nec minùs sumat, qui sub altera, quàm, qui sub utraq; communicat: & an errauerit sancta mater ecclesia laycos, & non celebrantes sacerdotes, sub panis specie duntaxat communicando. Et an paruuli etiam communicandi sint. Sed quonià ex nobilissima Germaniæ prouincia, ij, qui se protestantes nominant, super his ipsis articulis, antequàm diffiniantur, audiri à sancta synodo cupiunt: & eam ob causam, fidem publicam ab illa postularunt: ut, ipsis tutò huc uenire & in hac urbe commorari, ac liberè coram synodo dicere, atq; proponere quæ senserint, & postea, cùm libuerit: recedere liceat: sancta ipsa synodus, licèt magno desiderio, eorum aduentum, multos antea menses, expectarit: tamen ut pia mater, quæ ingemiscit, et parturit, summo perè id desiderans, ac laborans, ut in hjs, qui christiano no-

S E S S I O

mine censentur, nulla sint schismata, sed quemadmodum eundem omnes Deum, & redemptorem agnoscunt, ita idem dicant, idem credant, idem sapiant: confidens in Dei misericordia: & sperans fore, ut illi in sanctissimam, & salutarem, unius fidei, spei, charitatisq; concordiam redigantur: libenter eis, in hac re, morem gerens: securitatem, & fidem, ut petierunt, publicam, quam saluum conductum uocant, quod ad se pertinet, eius, qui infra-scriptus erit, tenoris, dedit, atq; concessit: & eorum causa, diffinitionem illorum articulorum, ad secundam sessionem, distulit. Quam ut illi commodè ei interesse possent, in diem festum conuersionis .D. Pauli: quæ erit uigesima quinta die, mensis Ianuarij, anni sequentis: indixit. Illudq; præterea statuit: ut in eadem sessione, de sacrificio missæ agatur: propter magnam utriusq; rei, connexionem: Interè, sessione proxima, de pœnitentiæ, & extremæ unctionis sacramentis, tractandum. Illam autem die festo. D. Catherinæ uirginis, & martyris (qui erit uigesima quinta Nouembris) habendam esse decreuit. Simulq; in utraq; materia reformationis prosequatur.

SALVVS CONDVCTVS, DATUS
protestantibus, in sessione habita XI. Octobris.

M. D. L I.



ACROSANCTA generalis Tridentina synodus, in spiritu sancto legitime congregata: præsentibus in ea, eisdem, sanctæ sedis Apostolicæ, Legatis & Nuntijs.

Omnibus, & singulis, siue Ecclesiasticis, siue secularibus personis, uniuersæ Germaniæ, cuiuscunq; gradus, status, conditionis, & qualitatis sint: quæ ad œcumenicum hoc, & generale Concilium accedere uoluerint: ut de ijs rebus, quæ in ipsa synodo tractari debent, omni libertate conferre, proponere, & tractare: ac, ad ipsum œcumenicum Concilium, liberè, & tuto uenire, & in eo manere, & commorari: ac articulos, quot illis uidebitur, tam scripto, quam uerbo, offerre, proponere: & cum patribus, siue ijs, qui ab ipsa sancta Synodo delecti fuerint, conferre: & absq; ullis conuictijs,

& contumelijs disputare: necnon quando illis placuerit, recedere possint, & ualeant: publicam fidem, & plenam securitatem, quam saluum conductum appellant: cum omnibus, & singulis clausulis, & decretis necessarijs, & opportunis: etiam si specialiter, & non per uerba generalia exprimi deberent, quæ pro expressis haberi uoluit: quantum ad ipsam sanctam Synodum spectat, concedit. Placuit præterea sanctæ synodo: ut, si pro maiori libertate, ac securitate eorum, certos, tam pro commissis, quam pro committendis, per eos delictis, iudices eis deputari cupiant: illos sibi beneuolos nominent: etiam si delicta ipsa, quantumcunq; enormia, ac hæresim sapientia, fuerint.

Angelus Massarellus, Secretarius.

R. PATRES, ET ORATORES:
qui adfuerunt in Sessione, quæ habita fuit,
it, undecima Octobris.

R. Marcellus tituli sancti Marcelli, Cardinalis Crescentius, Legatus Concilij à latere, patria Romanus.

Præsidentes Concilij.

Sebastianus Pighinus, archiep. Sipontinus.

Resan.

Aloysius Lypomanus, Episc. Veronen.

Venetus.

Christophorus Madrucius, tituli sancti cesarei in palatio. S. Rom. eccle. ~~cardinalis~~ & princeps Trident. de Madrutio.

Electores, & principes, sacri Rom. Imp.

Sebastianus ab Huysteyn, archiep. Maguntin.

Germ.

Ioannes Comes ab Iisemburh, archiep. Treueren.

Germanus.

Adolphus Schanburg, archiep. Colonien.

German.

Oratores Imperatoris.

Hugo Comes à Monfort, & Rotensfels, orator Imperij.

Germanus.

Franciscus à Toletto, prior Reconuallensis, orator Caesaris.

Hispanus.

Guilhelmus à Piëtania, Archidiaconus Campaniæ, orator flandriæ.

Flandrus.

S E S S I O

Oratores regis Romanorum.

Paulus de Gregorianis episc. Zagabrien.

Hunga.

Federicus Mansia, episc. Vienenfis.

Germanus.

Archiepiscopi.

Archiepiscopus Turritanus. Antibaren. Vpsalen. Panormi-
tanus. Granaten. Calaritan.

Episcopi.

Episcopus Feltrensis. Senobricensis. s. Marci. Maioricens. Ca-
marinensis. Castellimaris. Lancianensis. Alguerensis. Mitienfis.
Siracusan. Bigorniensis. Bellicastrenfis. Bizont. Auriensis. Pa-
censis. Argentin. Constantien. Oſcen. Clodien. Solonen. Cala-
gurrivan. Eluenfis. Ecneden. Monopothanus. Legion. Oueten.
Triden. Iacoren. Gnichxersis. Astoricens. Verdunien. Salaminen.
Bosen. Mutinen.

Abbates & generales.

Gerardus Hamericurth, abbas Bortini, ordinis Carmeli-
tarum.

Germanus.

Marcus de Brixida, abbas sancti uitalis, de Rauēna, ordinis
sancti Benedicti.

Italus.

Eusebius de Parma, abbas sancte Marię gratiarum, diœces.
Placen. eiusdem ordinis.

Italus.

Christophorus Patauinus, generalis ordinis sancti Au-
gustini.

Italus.

Oratores Marchionis Brandeburgensis.

Christophorus, de Strassen.

Ioannes Hofmannus.

Angelus Massarellus, sacri Concilij, Secretarius.

Ioannes baptista Castellus, promotor Concilij: Ita-
lus.

Bononien.

Ludonicus Firmanus, magister cæremoniarum.

Italus.

Doctrina

DOCTRINA DE

SANCTISSIMIS, POENITENTIAE,

& extrema unctionis sacramentis: publicata in

Sessione quarta Tridentina, die uige-

sima quinta Nouembris.

M. D. LI.



ACROSANCTA, œcumenica, & genera-
lis, Tridentina Synodus, in spiritu sancto le-
gitime congregata: præsidentibus in ea, eisdem,
sanctæ Apostolicæ sedis, Legato, & Nuncijs:
quamvis in decreto de iustificatione, multus
fuerit, de poenitentia sacramento, propter lo-
corum cognationem, necessaria quadam ratione, sermo interpo-
situs: tanta nihilominus, circa illud, nostra hac ætate, diuer-
forum errorum, est multitudo: ut non parum publicæ utilitatis
retulerit, de eo exactiorem, & pleniorẽ diffinitionem tradidisse:
in qua, demonstratis, & conuulsis, spiritus sancti præsidio,
uniuersis erroribus, catholica ueritas, perspicua, & illustris
fieret: quam nunc, sancta hæc Synodus, Christianis omnibus,
perpetuò seruandam proponit.

De necessitate, & institutione, sacramenti
poenitiæ. Cap. I.

Si ea, in regeneratis omnibus, gratitudo erga Deum esset: ut
iustitiam, in baptismo, ipsius beneficio, & gratia, susceptam,
constanter tuerentur: non fuisset opus, aliud, ab ipso baptismo,
sacramentum, ad peccatorum remissionem, esse institutum. Quo-
niam autem Deus, diues in misericordia, cognouit figmentum
nostrum: illis etiam uitæ remedium contulit, qui sese postea in
peccati seruitutem, & demonis potestatem tradidissent: sacra-
mentum uidelicet poenitiæ: quo lapsis, post baptismum, bene-
ficiũ mortis Christi applicatur. Fuit quidem poenitentia uni-
uersis hominibus, qui se mortali aliquo peccato inquinassent,
quouis tempore, ad gratiam, & iustitiam, assequendam neces-

2

Ezech. 18

Lucæ 13

Act. 2

Ioan. 20

saria: illis etiam, qui baptismi sacramento ablui petiuiſſent: ut, peruerſitate abiecta, & eliminata, tantam Dei offenſionem, cum peccati odio, & pio animi dolore, deteſtarentur. Vnde propheta ait, Conuertimini, & agite pœnitentiam ab omnibus iniquitatibus ueſtris: & non erit uobis in ruinam iniquitas. Dominus etiam dixit: Niſi pœnitentiam egeritis, omnes ſimiliter peribitis. Et princeps Apoſtolorum Petrus, peccatoribus baptiſmo initiandis, pœnitentiam commendans dicebat: Pœnitentiam agite, & baptizetur unusquisq; ueſtrum. Porro nec ante aduentu Chriſti, pœnitentia erat ſacramentum: nec eſt, poſt aduentum illius, cuiquàm ante baptiſmum. Dominus autem ſacramentum tunc præcipuè inſtituit, cum à mortuis excitatus, inſuflauit in diſcipulos ſuos, dicens: Accipite Spiritum ſanctum: quorum remiſeritis peccata, remittuntur eis: & quorum retinueritis, retenta ſunt. Quo tam inſigni factò, & uerbis tam perſpicuis, poſteſtatem remittendi, & retinendi peccata: ad reconciliandos fideles, poſt baptiſmum, lapſos: Apoſtolis, & eorum legitimis ſucceſſoribus, fuiſſe communicatam, uniuerſorum patrum conſenſus ſemper intellexit. Et Nouatianos, remittendi poſteſtatem olim pertinaciter negantes, magna ratione, Eccleſia catholica, tanquàm hæreticos exploſit, atq; condemnauit. Quare ueriſſimum hunc illorum uerborum Domini ſenſum, ſancta hæc ſynodus probans, & recipiens: damnat eorum commentitias interpretationes: qui, uerba illa, ad poſteſtatem prædicandi uerbum Dei, & Chriſti Euangelium annunciandi: contra huiusmodi ſacramenti inſtitutionem: falſò detorquent.

De differentia ſacramenti pœnitentiæ, et baptiſmi. C. II.

1 Cor. 5

Ceterum hoc ſacramentum, multis rationibus, à baptiſmo differre dignoſcitur. Nam præterquàm quòd materia, & forma, quibus ſacramenti eſſentia perficitur, longiſſimè diſſident: conſtat certè, baptiſmi miniſtrum, iudicem eſſe, non oportere: cum Eccleſia in neminem iudicium exerceat, qui non priùs in ipſam, per baptiſmi ianuam, fuerit ingreſſus: Quid enim mihi (inquit Apoſtolus) de his, qui foris ſunt iudicare? Secus eſt de domeſticis, quos Chriſtus Dominus lauacro baptiſmi, ſui corporis membra ſemel effecit: nam hos, ſi ſe poſtea crimine aliquo contaminauerint, non iam repetito baptiſmo ablui, cum id, in

Ecclesia catholica, nulla ratione liceat: sed ante hoc tribunal, tanquam reos, sisti uoluit: ut, per sacerdotum sententiam: non semel, sed quoties ab admissis peccatis, ad ipsum pœnitentes confugerint, possent liberari. Alius est præterea baptismi, & alius pœnitentiæ fructus: per baptismum enim Christum induentes, noua prorsus in illo efficimur creatura, plenam & integram peccatorum omnium remissionem consequentes: ad quam tamen nouitatem, & integritatem, per sacramentum pœnitentiæ, sine nostris magnis fletibus, & laboribus, diuina id exigente iustitia, peruenire nequaquam possumus: ut meritò pœnitentia, laboriosus quidam baptismus, à sanctis patribus dictus fuerit. Est autem hoc sacramentum pœnitentiæ, lapsis post baptismum, ad salutem necessarium: ut, nondum regeneratis, ipse baptismus.

De partibus, & fructu, huius sacramenti. C. III.

Docet præterea sancta synodus, sacramenti pœnitentiæ formam, in qua precipue ipsius uis sita est, in illis ministri uerbis positam esse: ego te absoluo &c. Quibus quidem, de ecclesiæ sanctæ more, preces quedam laudabiliter adiunguntur: ad ipsius tamen formæ essentiam nequaquam spectant: neq; ad ipsius sacramenti administrationem, sunt necessaria. Sunt autem quasi materia huius sacramenti, ipsius pœnitentis actus, nempe contritio, confessio, et satisfactio: qui, quatenus in pœnitente, ad integritatem sacramenti, ad plenamq; & perfectam peccatorum remissionem, ex Dei institutione, requiruntur: hac ratione, partes pœnitentiæ dicuntur. Sanè uero res, & effectus, huius sacramenti: quantum ad eius uim, & efficaciam pertinet: reconciliatio est cum Deo: quam interdum in uiris pijs, & cum deuotione hoc sacramentum percipientibus, conscientia pax, ac serenitas, cum uehementi spiritus consolatione, consequi solet. Hæc de partibus, & effectu, huius sacramenti, sancta synodus tradens, simul eorum sententias damnat: qui, pœnitentiæ partes, incussos conscientia terrores, & fidem, esse contendunt.

De contritione. Cap. II II.

Contritio, quæ primum locum inter dictos pœnitentis actus habet: animi dolor, ac detestatio est, de peccato commisso: cum proposito non peccandi de cætero. Fuit autem quouis tempore, ad impetrandam ueniam peccatorum, hic contritionis motus, ne-

Qui

Ezech. 18.

Psal. 50.

Psal. 6

Esa. 38

que uera sit contritio que
q3 ipse pariat, ad absque
hi sacramenti suspensum
Voto.

Attitio quid.

Attitionis impotentia
et efficacia qualis.
v. Giord. lib. 1. f. 23
90.

cessarius: & in homine post baptismum lapsa, ita demum preparat ad remissionem peccatorum: si cum fiducia diuinæ misericordiæ, & uoto præstandi reliqua, coniunctus sit, quæ ad rite suscipiendum hoc sacramentum requiruntur. Declarat igitur sancta synodus, hanc contritionem: non solum cessationem à peccato, & uitæ nouæ propositum, & inchoationem: sed ueteris etiam odium continere, iuxta illud: Projicite à uobis omnes iniquitates uestras, in quibus prauaricati estis: & facite uobis cor nouum, & spiritum nouum. Et certè, qui illos sanctorum clamores considerauerit: Tibi soli peccaui, & malum coram te feci: Laboraui in gemitu meo, lauabo persingulas noctes lectum meum: Recogitabo tibi omnes annos meos, in amaritudine animæ meæ: & alios huiusmodi generis: facile intelliget, eos, ex uehementi quodam ante actæ uitæ odio, & ingenti peccatorum detestatione, manasse. Docet præterea: etsi contritionem hanc aliquando charitate perfectam esse contingat, hominemq; Deo reconciliare, priusquam hoc sacramentum actu suscipiatur: ipsam nihilominus reconciliationem, ipsi contritioni, sine sacramenti uoto, quod in illa includitur, non esse ascribendam. Illam uero contritionem imperfectam, quæ attritio dicitur: quoniam, uel ex turpitudinis peccati consideratione, uel ex gehennæ, & pœnarum metu, communiter concipitur: si uoluntatem peccandi excludat, cum spe ueniæ: declarat, non solum non facere hominem hypocritam: uerum etiam donum dei esse, & spiritus sancti impulsu: non ad huc quidem inhabitantis, sed tantum mouentis, quo pœnitens adiutus, uiam sibi ad iustitiam parat: & quamuis sine sacramento pœnitentiæ, per se, ad iustificationem perducere peccatorem nequeat: tamen eum ad dei gratiam, in sacramento pœnitentiæ impetrandam disponit. Hoc enim timore utiliter concussi Ninuitæ, ad Ionæ prædicationem, plenam terroribus, pœnitentiam egerunt: & misericordiam à domino impetrarunt. Quamobrem falsò quidam calumniantur catholicos scriptores, quasi tradiderint sacramentum pœnitentiæ, absq; bono motu suscipientium, gratiam conferre: quod nunquam ecclesia Dei docuit, nec sensit: sed & falsò docent, contritionem esse extortam, & coactam: non liberam, & uoluntariam.

De confessione.

Cap. V.

Ex institutione sacramenti pœnitentiæ iam explicata, uni-

uersa ecclesia semper intellexit, institutam etiam esse à Domino, integram peccatorum confessionem: & omnibus post baptismum lapsis, iure diuino, necessariam existere. Quia dominus noster Iesus Christus, è terris ascensurus ad cælos, sacerdotes, sui ipsius, uicarios reliquit, tanquàm præsides, & iudices: ad quos omnia mortalia crimina deferantur, in quæ Christi fideles ceciderint: quò, pro potestate clauium, remissionis, aut retentionis peccatorum sententiam pronuncient. Constat enim sacerdotes iudicium hoc incognita causa, exercere non potuisse: neq; æquitatem quidem, illos, in pœnis iniungendis, seruare potuisse: si in genere dumtaxat, & non potius in specie, ac sigillatim, sua ipsi peccata declarassent. Ex his colligitur: oportere, à pœnitentibus omnia peccata mortalia, quorum, post diligentem sui discussionem, conscientiam habent, in confessione recenserì: etiam si occultissima illa sint: & tantum aduersus duo ultima decalogi præcepta commissa: quæ nonnunquam animum grauius sauciant, & periculosiora sunt his, quæ in manifesto admittuntur. Nam uenialia, quibus à gratia Dei non excludimur, & in quæ frequentius labimur: quanquàm rectè, & utiliter, citraque omnem præsumptionem, in confessione dicantur: quod piorum hominum usus demonstrat: taceri tamen citra culpam, multisq; alijs remedijs expiari, possunt. Verùm, cum uniuersa mortalia peccata, etiam cogitationes, homines iræ filios, & Dei inimicos reddant: necessarium est omnium etiam ueniam, cum aperta, & uerecunda confessione, à Deo quærere. Itaque dum omnia, quæ memoriæ occurrunt, peccata, Christi fideles confiteri audent: proculdubio omnia diuinæ misericordiæ, ignoscenda, exponunt. Qui uerò secus faciunt, & scienter aliqua retinent: nihil diuinæ bonitati, per sacerdotem remittendum, proponunt. Si enim erubescat agrotus, uulnus medico detegere, quod ignorat: medicina non curat. Colligitur præterea, etiam eas circumstantias in confessione explicandas esse, quæ speciem peccati mutant: quòd sine illis peccata ipsa, neq; à pœnitentibus integrè exponantur, nec iudicibus innotescant: & fieri nequeat, ut de grauitate criminum rectè censere possint: & pœnam, quam oportet, pro illis, pœnitentibus imponere. Vnde alienum à ratione est, docere: circumstantias has, ab hominibus ociosis, excogitatas fuisse: aut unam tantum circumstantiam confitendam esse: nempe peccasse in fratrem. Sed & im-

N. ad Confessione Venialium peccatorum.

Cogitationes qualescunque prauas et in animi assensu peccata esse non debent.

pium est, confessionem, quæ hac ratione fieri præcipitur, impossibile dicere: aut carnificinam illam conscientiarum appellare. Constat enim, nihil aliud, in ecclesia, à pœnitentibus exigiqua, ut, postquam quisq; diligentius se excusserit, & conscientia suæ sinus omnes, & latebras explorauerit: ea peccata confiteatur, quibus se dominum, & Deum suum, mortaliter offendisse, meminert. Reliqua autem peccata, quæ diligenter cogitanti non occurrunt, in unuersum, eadem confessione inclusa esse intelliguntur. Pro quibus, fideliter, cum propheta, dicimus: ab oculis meis munda me Domine. Ipsa uerò, huiusmodi confessionis, difficultas, ac peccata detegendi uerecundia, grauis quidem uideri posset: nisi tot, tantisq; commodis, & consolationibus, releuaretur: quæ omnibus, dignè ad hoc sacramentum accedentibus, per absolutionem certissimè conferuntur. Cæterum, quò ad modum confitendi, secretò, apud solum sacerdotem: et si Christus non uenerit, quin aliquis in uindictam suorum scelerum, & sui humiliationem, cum ob aliorum exemplum, tum ob ecclesiæ offensæ ædificationem, delicta sua publicè confiteri possit: non est tamen hoc diuino præcepto mandatum, nec satis consultè, humana aliqua lege, præciperetur: ut delicta præsertim secreta, publica essent confessione aperienda. Vnde, cum à sanctissimis, & antiquissimis, patribus, magno unanimiq; consensu, secreta confessio sacramentalis: qua ab initio ecclesia sancta usa est, & modò etià utitur: fuerit semper commendata: manifestè refellitur inanis eorum calumnia, qui eam à diuino mandato alienam: & inuentum humanum esse: atque à patribus, in Concilio Lateranen. congregatis, initium habuisse: docere non uerentur. Nec enim, per Lateranen. concilium, ecclesia statuit: ut Christi fideles confiterentur: quod, iure diuino, necessarium, & institutum esse, intellexerat: sed, ut præceptum confessionis, saltem semel in anno, ab omnibus, & singulis, cum ad annos discretionis peruenissent, impleretur. Vnde iam in uniuersa ecclesia, cum ingenti animarum fructu, fidelium obseruatur mos ille salutaris confitendi: sacro illo, & maximè acceptabili tempore quadragesimæ: quem morem hæc sancta synodus maximè probat, & amplectitur, tanquàm piè & meritò, retinendum.

De ministro, & absolutione, huius sacramenti.

Cap. V 1.

Circa ministrum autem huius sacramenti, declarat sancta synodus, falsas esse, & à ueritate euangelij penitus alienas, doctrinas omnes: quæ ad alios quosuis homines, præter episcopos, & sacerdotes, Clauium ministerium pernitiōse extendunt: putantes, uerba illa Domini, Quæcunq; alligaueritis super terrā, erunt alligata et in cælo: et quæcunq; solueritis super terrā, erunt soluta, & in cælo: & Quorum remiseritis peccata, remittuntur eis: & quorum retinueritis, retenta sunt: ad omnes Christi fideles, indifferenter, & promiscuè, contra institutionem huius sacramenti, ita fuisse dicta: ut quiuis potestatem habeant, remittendi peccata: publica quidem, per correptionem, si correptus acquieuerit: secreta uerò, per spontaneam confessionem, cui cunque factam. Docet quoq; etiam sacerdotes, qui peccato mortali tenentur, per uirtutem spiritus sancti in ordinatione collatam, tanquam Christi ministros, functionem remittendi peccata exercere: eosq; prauè sentire, qui in malis sacerdotibus, hanc potestatem non esse contendunt. Quamuis autem absolutio sacerdotis, alieni beneficij sit dispensatio: tamen non est solum nudum ministerium, uel annunciandi Euangelium, uel declarandi remissa esse peccata: sed, ad instar actus iudicialis, quo ab ipso uelut à iudice, sententia pronunciatur. Atque ideo non debet pœnitens, adeò sibi de sua ipsius fide blandiri: ut etiam si multa illi adsit contritio: aut sacerdoti animus, seriò agendi, & uerè absoluendi, desit: putet tamen se, propter suam solam fidem, uerè, & coram deo, esse absolutum: nec enim fides, sine pœnitentia, remissionem ullam peccatorum præstaret: nec is esset, nisi salutis suæ negligentissimus: qui sacerdotem, ioco se absoluentem, cognosceret: & non alium, seriò agentem, sedulò requireret.

De casuum reservatione.

Cap. V 11.

Quoniam igitur natura, et ratio iudicij, illud exposcit: ut sententia, in subditos duntaxat, feratur: persuasum semper, in ecclesia Dei, fuit: & uerissimum esse, synodus hæc, confirmat: nullius momenti, absolutionem eam, esse debere, quam sacerdos in

*Nota ad Concilior.
Capitulum 31. Iulian
de Sacram. & Dispens.*
Mat. 18. 18. & 20. 1.

Ioan. 20

eum profert, in quem ordinariam, aut subdelegatā non habet iurisdictionem. Magnoperè uerò ad Christiani populi disciplinam pertinere, sanctissimis patribus nostris uisum est: ut atrociora quædā, et grauiora crimina, non à quibusuis, sed à summis dumtaxat sacerdotibus absoluerentur. Vnde meritò pōtiffices maximi: pro suprema potestate, sibi, in Ecclesia uniuersa, tradita: causas aliquas criminum grauiores, suo potuerunt peculiari iudicio reseruare. Neq; dubitandum est: quando omnia, quæ à Deo sunt, ordinata sunt: quin hoc idem episcopis omnibus, in sua cuiq; diœcesi, in ædificationem tamen, non in destructionem liceat: pro illis, in subditos, tradita, supra reliquos inferiores sacerdotes, auctoritate: præsertim quò ad illa, quibus excommunicationis censura annexa est. Hanc autem delictorum reseruatiōem, consonum est diuinæ auctoritati, non tantum in externa politia, sed etiam coram Deo, uim habere: ueruntamen, piè admodum, ne hac ipsa occasione, aliquis pereat, in eadem Ecclesia Dei custoditum semper fuit: ut nulla sit reseruatio, in articulo mortis: atq; ideo omnes sacerdotes, quoslibet pœnitentes, à quibusuis peccatis, & censuris absoluerè possint: extra quem articulum, sacerdotes: cum nihil possint, in casibus reseruatis, ad unum: pœnitentibus persuadere nitantur, ut ad superiores, & legitimos iudices, pro beneficio absolutionis, accedant.

De satisfactionis necessitate, & fructu. Cap. V III.

Denum quò ad satisfactionem, quæ ex omnibus pœnitentiæ partibus, quemadmodum à patribus nostris, Christiano populo, fuit perpetuo tempore commendata: ita una, maximè nostra ætate, summo pietatis prætextu, impugnatur, ab his, qui speciem pietatis habent, uirtutem autem eius abnegarunt. Sancta Synodus declarat, falsum omnino esse, & à uerbo dei alienum: culpam à Domino nunquam remitti, quin uniuersa etiam pœna condonetur. Perspicua enim, & illustra, in sacris literis, exempla reperiuntur: quibus, præter diuinam traditionem, hic error quàm manifestissimè reuincitur. Sanè & diuinæ iustitiæ ratio exigere uidetur: ut aliter ab eo in gratiam recipiantur, qui ante baptismum per ignorantiam deliquerint: aliter uerò, qui semel à peccati: & dæmonis seruitute liberati, & accepto Spiritus sancti dono, scientes, templum Dei uiolare, & Spiritum sanctum contrista

Gen. 3
2. Reg. 12
Num. 12
& 20

contristare, non formidauerint. Et diuinam clementiam decet: ne ita nobis, absq; ulla satisfactione, peccata dimittantur: ut, occasione accepta, peccata leuiores putantes, uelut iniurij, & contumeliosi spiritui sancto, in grauiora labamur: thesaurizantes nobis iram, in die iræ. Proculdubio enim magnoperè à peccato reuocant, & quasi freno quodam coërcent, hæ satisfactoriæ penæ: cautioresq; & uigilantiores, in futurum, pœnitentes efficiunt: medentur quoq; peccatorum reliquijs, & uitiosos habitus, malè uiuendo comparatos, contrarijs uirtutum actionibus, tollunt. Neq; uerò securior ulla uia, in Ecclesia Dei, unquam existimata fuit: ad amouendum, imminemtem à Domino pœnam: quàm ut hæc pœnitentiæ opera, homines, cum uerò animi dolore, frequentent. Accedit ad hæc, quòd, dum satisfaciendo, patimur pro peccatis: Christo Iesu, qui pro peccatis nostris satisfecit, ex quo omnis nostra sufficientia est, conformes effici-mur: certissimamq; inde arram habentes, quòd si compatimur, & conglorificabimur. Neq; uerò, ita nostra est satisfactio hæc, quam pro peccatis nostris exoluimus, ut non sit per Christum Iesum: nam quod ex nobis, tanquam ex nobis, nihil possumus, eo cooperante, qui nos confortat, omnia possumus: ita non habet homo unde gloriatur, sed omnis gloriatio nostra in Christo est: In quo uiuimus, in quo meremur, in quo satisfacimus: facientes fructus dignos pœnitentiæ: Qui ex illo uim habent: Ab illo offeruntur patri: & per illum acceptantur à patre. Debent ergo sacerdotes domini, quantum spiritus, & prudentia suggererit: pro qualitate criminum, & pœnitentium facultate: salutare, & conuenientes satisfactiones iniungere: ne, si fortè peccatis conuiueant, & indulgentius cum pœnitentibus agant, leuissima quædam opera pro grauissimis delictis iniungēdo, alienorum peccatorum participes efficiantur. Habeant autem præ oculis: ut satisfactio, quam imponunt, non sit tantum ad nouæ uitæ custodiam, & infirmitatis medicamentum: sed etiam ad præteritorum peccatorum uindictam, & castigationem: nam clauēs sacerdotum, non ad soluendum duntaxat, sed & ad ligandum concessas etiam, antiqui patres, & credunt, & docent. Nec propterea existimarunt: sacramentum pœnitentiæ, esse forum iræ, uel pœnarum: sicut nemo unquam catholicus sensit, ex huiusmodi nostris satisfactionibus, uim meriti, & satisfactio-

R

Ioan. 17

nis domini nostri Iesu Christi, uel obscurari, uel aliqua ex parte imminui: quod, dum Nouatores intelligere uolunt, ita aptissimam pœnitentiam, nouam uitam esse docent, ut omnem satisfactionis uim, & usum tollant.

De operibus satisfactionis. Cap. IX.

Docet præterea: tantam esse, diuinæ munificentiae, largitatem: ut non solum pœnis, sponte à nobis, pro uindicando peccato, susceptis: aut sacerdotis arbitrio, pro mensura delicti impositis: sed etiam (quod maximum amoris argumentum est) temporalibus flagellis à deo inflictis, & à nobis patienter toleratis, apud Deum patrem, per Christum Iesum, satisfacere ualeamus.

Doctrina de sacramento extremæ unctionis. Cap. I.

Visum est autem sanctæ Synodo, præcedenti doctrinæ de pœnitentia, adiungere ea, quæ sequuntur, de sacramento extremæ unctionis: quod non modò pœnitentiæ, sed etiam totius Christianiæ uitæ, quæ perpetua pœnitentia esse debet, consummatum existimatum est à patribus. Primum itaq; circa illius institutionem, declarat, & docet: quòd clementissimus redemptor noster, qui seruis suis, quouis tempore, uoluit de salutaribus remedijs, aduersus omnia omnium hostium tela, esse prospectum: quemadmodum auxilia maxima in sacramentis alijs præparauit, quibus Christiani conseruare se integros, dum uiuerent, ab omni grauiore spiritus incommodo possint: ita extremæ unctionis sacramento, finem uitæ, tanquàm firmissimo quodam præsidio, muniiuit. Nam, etsi aduersarius noster, occasiones per omnem uitam quærat, & captet, ut deuorare animas nostras quoquo modo possit: nullum tamen tempus est, quo uehementius ille omnes suæ uersutiæ neruos intendat, ad perdendos nos penitus: & à fiducia etiam, si possit, diuinæ misericordiæ, deturbandos: quàm, cum impendere nobis exitum uitæ, prospicit. Instituta est autem sacra hæc unctio infirmorum, tanquàm uerè, & propriè sacramentum, noui testamenti, à Christo domino nostro: apud Marcum quidem insinuatum: per Iacobum autem Apostolum, ac domini fratrem, fidelibus commendatum, ac promulgatum. Infirmatur (inquit) quis in uobis, inducat presbyteros Ecclesiæ, & orent supra eum, ungentes eum oleo, in nomine.

Iac. 6

Mar. 13

*Ungentibus oleo
multos aegrotos et
anabant.*

Domini: & oratio fidei saluabit infirmum, & alleuiabit eum Dominus, & si in peccatis sit dimittentur ei. Quibus uerbis, ut, ex Apostolica traditione, per manus accepta, Ecclesia didicit: docet, materiam, formam, proprium ministrum, & effectum huius salutaris sacramenti. Intellexit enim Ecclesia, materiam, esse oleum, ab Episcopo benedictum. Nam unctio, aptissime, Spiritus sancti gratiam, qua inuisibiliter anima aegrotantis inungitur, repræsentat: formam deinde, esse illa uerba: per istam unctionem. &c. Res porro, & effectus huius sacramenti, illis uerbis explicatur: Et oratio fidei saluabit infirmum, & alleuiabit eum Dominus: & si in peccatis sit, dimittentur ei: res etenim, gratia est Spiritus sancti: cuius unctio, delicta (si quæ sint adhuc expianda) ac peccati reliquias, abstergit: & ægroti animam alleuiat, & confirmat: magnam in eo, diuinæ misericordiæ, fiduciam excitando: qua infirmus subleuatus, & morbi incommoda, ac labores leuius fert: & temptationibus demonis, calcaneo insidiantis, facilius resistit: & sanitatem corporis, interdum, ubi saluti animæ expedierit, consequitur. Iam uerò, quod attinet ad perscriptionem eorum, qui, & suscipere, & ministrare hoc sacramentum debent: haud obscure fuit illud etiam in uerbis prædictis traditum: nam & ostenditur illic, proprios huius sacramenti ministros, esse Ecclesiæ presbyteros: quo nomine, eo loco, non ætate seniores, aut primores in populo, intelligendi ueniunt: sed aut Episcopi, aut sacerdotes, ab ipsis ritè ordinati, per impositionem manuum presbyteri. Declaratur etiam, esse hanc unctionem infirmis adhibendam: illis uerò præsertim, qui tam periculosè decumbunt, ut in exitu uitæ constituti uideantur: unde & sacramentum exeuntium, nuncupatur. Quòd si, infirmi, post susceptam hanc unctionem, conuauerint: iterum, huius sacramenti subsidio, iuuari poterunt, cum in aliud simile Ecclesiæ, uitæ discrimen, inciderint. Quare nulla ratione audiendi sunt: qui, contra tam apertam, & dilucidam Apostoli Iacobi sententiam, docent: hanc unctionem, uel figmentum esse humanum, uel ritum à patribus acceptum: nec mandatum Dei, nec promissionem gratiæ, habentem: & qui illam iam cessasse asserunt, quasi ad gratiam curationum, duntaxat in primitiua Ecclesia, referenda esset: & qui dicunt, ritum, & usum: quem sancta Romana Ecclesia, in huius sacramenti

R ii

administratione, obseruat: Iacobi Apostoli sententiæ repugnare: atq; ideo in alium commutandum esse: & deniq; , qui hanc extremam unctionem, à fidelibus, sine peccato, contemni posse, affirmant: hæc enim omnia manifestissimè pugnant, cum perspicuis, tanti Apostoli, uerbis. Nec profectò Ecclesia Romana, aliarum omnium mater, & magistra, aliud, in hac administranda unctione: quantum ad ea, quæ huius sacramenti substantiam perficiunt: obseruat: quàm quod beatus Iacobus perscripsit. Nec uerò tanti sacramenti contemptus, absq; ingenti scelere, & ipsius spiritus sancti iniuria, esse posset.

Hæc sunt, quæ de pœnitentiæ, & extremæ unctionis, sacramentis, hæc, sancta œcumenica Synodus profitetur, & docet: atq; omnibus Christi fidelibus credenda, & tenenda proponit. Sequentes autem canones, inuiolabiliter, seruandos esse, tradit: & , asserentes contrarium, perpetuò damnat, & anathematizat.

CANONES DE SACRAMENTIS
pœnitentiæ, & extremæ unctionis, publicati in sessione
Tridentina, habita xxv. Nouembris.

M. D. L. I.

Canon Primus.

Si quis dixerit: in catholica ecclesia, pœnitentiam non esse uerè, & propriè sacramentum, pro fidelibus, quoties post baptismum in peccata labuntur, ipsi deo reconciliandis, à Christo domino nostro institutum: anathema sit.

Canon. I I.

Si quis sacramenta confundens, ipsum baptismum, pœnitentiæ sacramentum esse dixerit: quasi, hæc duo sacramenta, distincta non sint: atque ideo pœnitentiam, non rectè, secundam post naufragium tabulam, appellari: anathema sit.

Canon. I I I.

Si quis dixerit: uerba illa Domini saluatoris: Accipite Spiritum sanctum, quorū remiseritis peccata remittuntur eis, et quorū retinueritis retenta sunt: non esse intelligenda, de potestate remittendi, & retinendi peccata in sacramento pœnitentiæ: sicut

ecclesia catholica, ab initio, semper intellexit: detorsit autem, contra institutionem huius sacramenti, ad auctoritatem prædicandi euangelium: anathema sit.

Canon. I I I I.

Si quis negauerit, ad integram, & perfectam peccatorum remissionem, requiri tres actus in pœnitente: quasi materiam sacramenti pœnitentiæ: uidelicet, contritionem, confessionem, et satisfactionem: quæ, tres pœnitentiæ partes, dicuntur: aut dixerit, duas tantum esse pœnitentiæ partes, terrores. s. incussos conscientia, agnito peccato: & fidem conceptam ex euangelio, uel absolutione, qua credit quis, sibi per Christum remissa peccata: anathema sit.

Canon. V.

Si quis dixerit: eam contritionem, quæ paratur per discussionem: collectionem, & detestationem peccatorum: qua quis recogitat annos suos, in amaritudine animæ suæ: ponderando peccatorum suorum grauitatem, multitudinem, sæditatem, amissionem æternæ beatitudinis, & æternæ damnationis incursum: cū proposito melioris uitæ: non esse uerum, & utilem dolorem, nec præparare ad gratiam: sed facere hominem hypocritam, & magis peccatorem: demum illam: esse dolorem coactum, & non liberum ac uoluntarium: anathema sit.

Esa. 38

Canon. V I.

Si quis negauerit, confessionem sacramentalem, uel institutã, uel ad salutem necessariam esse, iure diuino: aut dixerit, modum secretè confitendi, soli sacerdoti: quem ecclesia catholica ab initio semper obseruauit, & obseruat: alienum esse ab institutione, & mandato Christi, et inuentum esse humanum: anathema sit.

Canon. V I I.

Si quis dixerit: in sacramento pœnitentiæ, ad remissionem peccatorum, necessarium non esse, iure diuino, confiteri omnia, & singula peccata mortalia: quorum memoria, cū debita, & diligenti præmeditatione, habeatur: etiam occulta, & quæ sunt contra duo ultima decalogi præcepta, & circumstantias, quæ peccati speciem mutant: sed eam confessionem tantum esse utilem, ad erudiendum, & consolandum pœnitentem: & olim obserua-

tam fuisse tantum ad satisfactionem canonicam imponendam : aut dixerit , eos qui omnia peccata confiteri student , nihil relinquere uelle diuinæ misericordiæ ignoscendum : aut demum , non licere confiteri peccata uenialia : anathema sit.

Canon. V I I I.

Si quis dixerit : confessionem omnium peccatorum , qualem Ecclesia seruat , esse impossibilem : & traditionem humanam , à pijs abolendam : aut ad eam non teneri omnes , et singulos , utriusque sexus , Christi fideles : iuxta magni Concilij Lateranen. constitutionem , semel in anno : & ob id , suadendum esse Christi fidelibus , ut non confiteantur tēpore quadragesimæ : anathema sit.

Canon. I X.

Si quis dixerit : absolutionem sacramentalem sacerdotis , non esse actum iudiciale , sed nudum ministerium , pronunciandi , et declarandi remissa esse peccata confitenti : modò tantum credat , se esse absolutum : aut sacerdos , non serid , sed ioco absoluat : aut dixerit , non requiri confessionem pœnitentis , ut sacerdos eum absolueret possit : anathema sit.

Canon. X.

Si quis dixerit : sacerdotes , qui in peccato mortali sunt , potestatem ligandi , & soluendi non habere : aut non solos sacerdotes , esse ministros absolutionis : sed omnibus , & singulis Christi fidelibus esse dictum : Quæcunque ligaueritis super terram , erunt ligata & in cælo , & quæcunq; solueritis super terram , erunt soluta & in cælo : & quorum remisistis peccata remittuntur eis , et quorum retinueritis retenta sunt : quorum uerborum uirtute , quilibet absolvere possit peccata : publica quidem per correptionem duntaxat , si correptus acquieuerit : secreta uerò , per spontaneam confessionem : anathema sit.

Canon. X I.

Si quis dixerit : Episcopus non habere ius reseruandi sibi casus , nisi quò ad externam politiam : atq; ideo casuum reseruationem non prohibere : quò minùs sacerdos à reseruatis uerè absoluat : anathema sit.

Canon. XII.

Si quis dixerit: totam pœnam, simul cum culpa, remitti semper à Deo: satisfactionemq; pœnitentium, non esse aliam, quàm fidem, qua aprehendunt, Christũ pro eis satisfecisse: anathema sit.

Canon. XIII.

Si quis dixerit: pro peccatis, quò ad pœnam temporalem, minime Deo, per Christi merita, satisfieri pœnis, ab eo infligis, et patienter toleratis: uel à sacerdote iniungis: sed neq; sponte susceptis, ut ieiunijs, orationibus, eleemosinis, uel alijs etiam pietatis operibus: atque ideo optimam pœnitentiam, esse tantum nouam uitam: anathema sit.

Canon. XIII.

Si quis dixerit: satisfactiones, quibus pœnitentes per Christum Iesum peccata redimunt, non esse cultus Dei: sed traditiones hominum: doctrinam de gratia, & uerum Dei cultum, atq; ipsum beneficium mortis Christi, obseruantes: anathema sit.

Canon. XV.

Si quis dixerit: claus ecclesię esse datas tantum ad soluendũ, non etiam ad ligandum: & propterea sacerdotes, dum imponunt pœnas confitentibus, agere contra finem clauium, & contra institutionem Christi: & fictionem esse, quòd, uirtute clauium sublata, pœna aterna, & pœna temporalis, plerunq; exoluenda remaneat: anathema sit.

C A N O N E S D E S A C R A M E N T O
Extremæ unctionis.

Si quis dixerit: extremam unctionem, non esse uerè, & propriè sacramentum, à Christo domino nostro institutum, & à beato Iacobo apostolo promulgatum: sed ritum tantum acceptum à patribus: aut figmentum humanum: anathema sit.

Canon. II.

Si quis dixerit: sacram infirmorum unctionem, non conferre gratiam, nec remittere peccata, nec alleuiare infirmos: sed iam cessasse, quasi olim tantum fuerit gratia curationũ: anathema sit.

S E S S I O

Canon. I I I.

Si quis dixerit : extremae unctionis ritum, & usum, quem observat sancta Romana ecclesia, repugnare sententiae beati Iacobi apostoli: ideoque eum mutandum: posseque à Christianis, absque peccato, contemni: anathema sit.

Canon. I I I I.

Si quis dixerit : presbyteros Ecclesiae: quos beatus Iacobus, adducendos esse, ad infirmum ungendum, hortatur: non esse sacerdotes, ab Episcopo ordinatos: sed etate seniores, in quavis communitate: ob idque proprium extremae unctionis ministerium, non esse solum sacerdotem: anathema sit.

DECRETVM, DE REFORMATIONE,
publicatum in Sessione quarta, Concilij Tridentini, x x v. Nouembris. Anno.

M. D. L I.

Proëmium.

Cum propriè Episcoporum munus sit, subditorum omnium vitia redarguere: hoc illis præcipuè cauendum erit, ne clerici præsertim, ad animarum curam constituti, criminosi sint: nèue inhonestam uitam, ipsis conniuentibus, ducant. Nam, si eos, prauis, & corruptis moribus esse permittant: quo pacto laicos, de ipsorum vitijs, redarguent? qui, uno ab eis sermone conuinci possent, quòd clericos ipsis patiantur esse deteriores. Qua etiam libertate, laicos corripere poterunt sacerdotes: cum tacitè sibi ipsi respondeant, eadem se admisisse, quæ corripiunt? Monebunt propterea Episcopi suos clericos, in quocunque ordine fuerint: ut conuersatione, sermone, & scientia, commisso sibi Dei populo præeant: memores eius, quod scriptum est: Sancti estote, quia & ego sanctus sum. Et iuxta Apostoli uocem: Nemini dent ullam offensionem, ut non uituperetur ministerium eorum: sed in omnibus exhibeant se, sicut ministros Dei: ne, illud propheta dictum, impleatur in eis. Sacerdotes mei contaminant sancta, & reprobant legem. Vt autem ipsi Episcopi id liberius exequi, ac quoquam pretextu desuper impediri nequeant: eadem sacrosancta Tridentina Synodus: præsidentibus in ea, eisdem Apostolice

Leuit. 19.
& 20.
2. Cor. 6

stolicae sedis, legato, & nuntijs: hos, qui sequuntur, canones, statuendos, & decernendos duxit.

Canon Primus.

Cum honestius, ac tutius sit subiecto, debitam praepositis obedientiam impendendo, in inferiori ministerio deferuire: quam, cum praepositorum scandalo, graduum altiorum appetere dignitatem: ei, cui, ascensus ad sacros ordines, à suo praelato, ex quacunque causa, etiam ob occultum crimen: quomodolibet etiam extra iudicialiter fuerit interdictus: aut qui à suis ordinibus, seu gradibus, uel dignitatibus Ecclesiasticis, fuerit suspensus: nulla, contra ipsius praelati uoluntatem, concessa licentia, de se promoueri faciendo: aut ad priores ordines, gradus, & dignitates, siue honores, restitutio, suffragetur.

Canon. II.

Et quoniam nonnulli Episcopi Ecclesiarum, quæ in partibus infidelium consistunt, clero carentes, & populo Christiano: cum ferè uagabundi sint, & permanentem sedem non habeant: non quæ Iesu Christi, sed alienas oues, inscio proprio pastore quærentes: dum, per hanc sanctam Synodum, se pontificalia officia in alterius diœcesi (nisi de loci ordinarij expressa licentia, & in personas eidem ordinario subiectas tantum) exercere prohibitos uident: in legis fraudem, & contemptum, quasi Episcopalem cathedram, in loco nullius diœcesis, sua temeritate, eligunt: & quoscunq; ad se uenientes, etiam si suorum Episcoporum, seu praelatorum, literas commendatitias, non habeant, clericali caractere insignire, & ad sacros etiam presbyteratus ordines promouere præsumunt: quo plerunq; fit, ut minùs idonei, & rudes, ac ignari, & qui à suo Episcopo tanquam inhabiles, & indigni reiecti fuerunt: ordinati, nec diuina officia peragere, nec Ecclesiastica sacramenta rectè ualeant ministrare. Nemo Episcoporum, qui titulares uocantur: etiam si in loco nullius diœcesis etiam exempto, aut aliquo monasterio cuiusuis ordinis resederint, aut moram traxerint: uigore cuiusuis priuilegij, sibi de promouendo quoscunque ad se uenientes, pro tempore concessi: alterius subditum, etiam prætextu familiaritatis continuæ commensalitatissuæ, absq; sui proprij praelati expresso consensu, aut

literis dimissorijs, ad aliquos sacros, aut minores ordines, uel primam tonsuram promouere, seu ordinare ualeat: contra faciens, ab exercitio pontificalium, per annum: taliter uerò promotus, ab executione ordinum sic susceptorum, donec suo praelato uisum fuerit: ipso iure sint suspensi.

Canon. III.

Episcopus, quoscunq; suos clericos, præsertim in sacris constitutos, absq; suo præcedenti examine, & commendatitijs literis, quacunq; authoritate promotos: licet tanquam habiles ab eo, à quo ordinati sunt, probatos: quos tamen ad diuina officia celebranda, seu ecclesiastica sacramenta ministranda, minus idoneos, & capaces repperit: à susceptorum ordinum exercitio, ad tempus, de quo ei uidebitur, suspendere: & illis, ne in altari, aut aliquo ordine ministrent, interdicere, possit.

Canon. IIII.

Omnes ecclesiarum praelati: qui ad corrigendum subditorum excessus, diligenter intendere debent: & à quibus nullus clericus, per huius sanctæ Synodi statuta, cuiusuis priuilegij prætextu tutus censetur: quò minus iuxta canonicas sanctiones uisitari, puniri, et corrigi possit: si in ecclesijs suis resederint: quoscunq; seculares clericos: qualitercunq; exemptos: qui aliàs suæ iurisdictioni subessent: de eorum excessibus, criminibus, & delictis, quoties, & quando opus fuerit: etiam extra uisitationem tanquam ad hoc apostolicæ sedis delegati, corrigendi, & castigandi facultatem habeant: quibuscunq; exemptionibus, declarationibus, consuetudinibus, sententijs, iuramentis, concordijs: quæ tantum suos obligant autores: ipsis clericis, ac eorum consanguineis, capellanis, familiaribus, procuratoribus, & alijs quibuscunq; ipsorum exemptorum contemplatione, & intuitu minime suffragantibus.

Canon. V.

Insuper cum nonnulli: qui sub prætextu, quod super bonis, et rebus, ac iuribus suis, diuersæ eis iniuriæ, ac molestiæ inferantur, certos iudices per literas conseruatorias deputari obtinent: qui illos à molestijs: & iniurijs huiusmodi tueantur, ac defen-

dant: & in possessionem, seu quasi bonorum, rerum, ac iurium suorum, manuteneant, et conseruent: nec super illis eos molestari permittant: eiusmodi literas in plerisque, contra concedentis mentem, in reprobum sensum detorqueant: idcirco nemini omnino cuiuscunque dignitatis, & conditionis sit, etiam si capitulum fuerit, conseruatoria litera, cum quibuscunque clausulis, aut decretis, quorumcunque iudicum deputatione, quocunque etiam alio pretextu, aut colore concessa, suffragentur ad hoc: ut coram suo episcopo siue alio superiore ordinario, in criminalibus: aut mixtis causis, accusari, & conueniri, ac contra eum inquiri, & procedi non possit: aut quod minus si qua iura ei ex cessione competierint, super illis libere ualeat apud iudicem ordinarium conueniri. In ciuilibus etiam causis, si ipse actor extiterit, aliquem ei, apud suos conseruatores iudices, in iudicium trahere minimè liceat. Quod si, in his causis, in quibus ipse reus fuerit, contigerit, ut electus ab eo conseruator, ab actore suspectus esse dicatur: aut si qua inter ipsos iudices, conseruatorem, et ordinarium controuersa, super competentiam iurisdictionis orta fuerit: nequaquam in causa procedatur, donec per arbitros, in forma iuris electos, super suspitione, aut iurisdictionis competentia, fuerit iudicatum. Familiaribus uerò eius, qui huiusmodi literis conseruatorijs tueri solent, nihil illa præsint, præterquam duobus duntaxat: si tamen illi, proprijs eius sumptibus, uixerint. Nemo etiã similibus literarum beneficio, ultra quinquennium gaudere possit. Non liceat quoque conseruatoribus iudicibus, ullum habere tribunal erectum. In causis uerò mercedum, aut miserabilium personarum huius sanctæ synodi, super hoc decretum, in suo robore permaneat. Vniuersitates autem generales, ac collegia doctorum, seu scolarium, & regularia loca, necnon hospitalia, actu hospitalitatem seruantia: ac uniuersitatum, collegiorum, locorum, & hospitalium huiusmodi personæ: in præsentī canone minimè comprehensa, sed exempta omnino sint, et esse intelligantur.

Canon. VI.

Quia uerò, etsi habitus non facit monachum, oportet tamen clericos, uestes, proprio congruentes ordini, semper deferre: ut, per decentiam habitus extrinseci, morum honestatem intrinsecam ostendant: tanta autem hodie aliquorum innolet temeritas, re

S ii

ligionisq; contemptus, ut propriam dignitatem, & honorem clericalem paruipendentes, uestes etiam deferant publice laicales: pedes in diuersis ponentes, unum in diuinis, alterum in carnalibus: propterea omnes ecclesiasticae personae, quantumcunq; exemptae: quae aut in sacris fuerint, aut dignitates, personatus, officia, aut beneficia, qualiacunq; ecclesiastica obtinuerint: si, postquam ab episcopo suo, etiam per edictum publicum moniti fuerint, honestum habitum clericalem, illorum ordini, & dignitati congruentem, & iuxta ipsius episcopi ordinationem, & mandatum, non detulerint: per suspensionem ab ordinibus, ac officio, & beneficio, ac fructibus, redditibus, & prouentibus ipsorum beneficiorum: necnon si semel correpti, denuo in hoc deliquerint: etiam per priuationem officiorum, & beneficiorum huiusmodi, coerceri possint, & debeant: secundum constitutionem Clementis quinti, in Concilio Vienen. editam: quae incipit: Quoniam inuocando, & ampliando.

Canon. VI I.

Cum etiam qui per industriam occiderit proximum suum, & per insidias, ab altari auelli debeat, quia sua uoluntate homicidium perpetraverit: etiam si crimen id, nec ordine iudiciario priuatum, nec alia ratione publicum, sed occultum fuerit: nullo tempore, ad sacros ordines, promoueri possit: nec illi aliqua ecclesiastica beneficia, etiam si curam non habeant animarum, conferre liceat: sed omni ordine, ac beneficio, & officio ecclesiastico, perpetuo careat. Si uero homicidium, non ex proposito, sed casu: uel uim ui repellendo, ut quis se a morte defenderet: fuisse commissum narretur: quam ob causam, etiam ad sacrorum ordinum, & altaris ministerium, & beneficia quaecunque, ac dignitates, iure quodammodo dispensatio debeat: committatur loci ordinario: aut, ex causa, metropolitano, seu uiciniori episcopo: qui nisi causa cognita, & probatis processibus ac narratis: nec aliter, dispensare possit.

Canon. VIII.

Præterea, quia nonnulli, quorum etiam aliqui, ueri sunt pastores, ac proprias oues habent: alienis etiam ouibus præesse querunt: & ita alienis subditis quandoq; intendunt, ut suorum

curam negligent: quicunq; etiam episcopali præditus dignitate, qui alienos subditos puniendi privilegium habuerit: contra clericos sibi non subditos, præsertim in sacris constitutos: quorumcunq; etiam atrocium criminum reos: nisi cum proprij ipsorum clericorum Episcopi, si apud Ecclesiam resederit: aut personæ, ab ipso episcopo deputandæ, interuentu: nequaquam procedere debeat: aliàs processus, & inde sequuta quæcunq;, uiribus omnino careant.

Canon. IX.

Et quia iure optimo, distinctæ fuerunt diœceses, & parochiæ: ac, unicuiq; gregi, proprij attributi pastores, & inferiorum rectores, qui suarum quisq; ouium curam habeant: ut ordo ecclesiasticus non confundatur, aut una & eadem Ecclesia, duarum quodammodò diœcesum fiat, non sine graui eorum incommodo, qui illi subditi fuerint: beneficia unius diœcesis: etiam si parochiales Ecclesiæ, uicariæ perpetuæ, aut simplicia beneficia, seu præstimonialia, aut præstimonialia portiones fuerint: etiam ratione ad augendum cultum diuinum, aut numerum beneficiatorum, aut alia quacunq; de causa: alterius diœcesis beneficio, aut monasterio, seu collegio, uel loco etiam pio, perpetuò non uniantur: decretum huius sanctæ Synodi, super huiusmodi unionibus, in hoc declarando.

Canon. X.

Regularia beneficia: in titulum regularibus professis prouideri consueta, cum per obitum, aut resignationem, uel aliàs, illa in titulum obtinentis uacare contigerit: religiosis tantum illius ordinis, uel his, qui habitum omnino suscipere, & professionem emittere teneantur: & non alijs: ne uestem lino, lanaq; contextam induant: conferantur.

Canon. XI.

Quia uerò regulares, de uno ad alium ordinem translati, facile à suo superiore licentiam standi extra monasterium obtinere solent, ex quo uagandi, & apostatandi occasio tribuitur: nemo cuiuscunq; ordinis prælatus, uel superior, uigore cuiuscunq; facultatis, aliquem ad habitum, & professionem admittere possit:

S E S S I O

nisi, ut in ordine ipso, ad quem transfertur, sub sui superioris obedientia, in clauſtro perpetuò maneat, ac taliter traslatus, etiam si canonicorum regularium fuerit, ad beneficia secularia etiam curata, omnino incapax existat.

Canon. XII.

Nemo etiam, cuiusvis dignitatis ecclesiasticae, uel secularis, quacumque ratione: nisi ecclesiam, beneficium, aut capellam, de nouo fundauerit, & construxerit: seu iam erectae, quae tamen sine sufficienti dote fuerit, de suis proprijs, & patrimonialibus bonis, competenter dotauerit: ius patronatus impetrare, aut obtinere possit, aut debeat. In casu autem foundationis, aut dotationis, huiusmodi institutio, episcopo, & non alteri inferiori, reseruetur.

Canon. XIII.

Non licet praeterea patrono, cuiusvis priuilegij praetextu, aliquem ad beneficia sui iuris patronatus: nisi Episcopo loci ordinario, ad quem prouisio, seu institutio ipsius beneficii, cessante priuilegio, iure pertineret: quoquo modo praesentare: alias praesentatio, ac institutio, forsitan sequuntur, nullae sint, & esse censentur.

Declarat praeterea sancta Synodus, futurae Sessionis: quam ad xxv. diem Ianuarij, subsequenter anni M. D. LII. habendam esse, iam decreuit: una cum sacrificio missae, agendum, & tractandum esse, de sacramento ordinis: & prosequendam esse materiam, de reformatione.

Angelus Massarellus subscripsit, in fidem, & testimonium praemissorum.

Subscripserunt praelati iidem, qui in Sessione praecedenti.

SESSIO QUINTA

HABITA XXV. IANVARII,

REM DIVINAM FECIT EPISCOPVS
Catinenſis: Orationem autem habuit Episco-
pus Maioricensis.



*V*M ex eo quod proximis Sessionibus decre-
tum fuit, sancta hæc, & uniuersalis Synodus,
per hos dies accuratissime diligentissimeq; tra-
ctauerit, ea, quæ ad sanctissimum missæ sacri-
ficium, & ad sacramentum ordinis spectant:
ut hodierna Sessione, quemadmodum spiritus
sanctus suggestisset, decreta de his rebus: & quatuor præterea
articulos, ad sanctissimum eucharistiæ sacramentum pertinen-
tes, publicaret: atq; interim affuturos esse putauerit, ad hoc
sacrosanctum Concilium, eos, qui protestantes se uocant: quorum
causa, eorum publicationem articulorum distulerat: & ut li-
berè, sine cunctatione ulla, huc uenirent, fidem eis publicam,
sine saluum conductum, concesserat: tamen, cum illi nondum
uenerint: & eorum nomine, supplicatum huic sanctæ Synodo
fuerit: ut publicatio, quæ hodierno die facienda fuerat, in sequen-
tem Sessionem differatur: certa spe allata, affuturos eos esse om-
nino, multò ante illam Sessionem, saluo conductu amplioris for-
mæ interim accepto. Eadem sancta Synodus, in spiritu sancto le-
gitimè congregata: iisdem legato, & nuntijs Præsidentibus: ni-
hil magis optans, quàm, ex præstantissima natione Germanica,
omnes de religione dissensiones, & schismata tollere: ac eius quie-
ti, paci, ocioq; consulere: parata, ipsos, si uenerint, & humani-
ter excipere, & benignè audire: confidensq; eos, non fidei ca-
tholicæ pertinaciter oppugnandæ, sed ueritatis cognoscendæ stu-
dio, esse uenturos: & ut euangelicæ ueritatis studiosos decet,
sanctæ matris Ecclesiæ decretis, ac disciplinæ, ad extremum esse
acquieturos: sequentem Sessionem, ad adenda, & publicanda
ea, quæ supra commemorata sunt, in diem festum sancti Iose-
phi, qui erit die. xix. mensis Martij, distulit: ut satis illi tempo-
ris, & spatij habeant, non solum ad ueniendum, uerumetiam

S E S S I O

ad ea, quæ uoluerint, antequàm is dies ueniat, proponenda. Quibus, ut omnem cunctandi diutiùs causam adimat: fidem publicam, siue saluum conductum, eius, qui recitabitur, tenoris, & sententiæ, libenter dat, & concedit. Interea uerò de matrimonij sacramento agendum: & de eo, præter superiorum decretorum publicationem, diffiniendum esse, eadem Sessione statuit, & decernit: & prosequendam esse materiam reformationis.

S Y N O D I T R I D E N T I N Æ
protestatio, in congregatione generali. xxv. Ianuarij. M. D. LII. antea, quàm protestantes audirentur, acta.

Hæc Sacrosancta Synodus. &c. ne ob disceptationes, (quæ, tam de personis comparantibus, mandatisq; , & scripturis exhibendis: quàm de loco ad sedendum, personis assignando, oriri possent:) felix ipsius Concilij progressus retardetur: in hærens decreto, in secunda Sessione promulgato, atq; illud innouans, statuit, decernit, declarat: quòd, si fortè contigerit, aliquos, qui ex dispositione iuris, aut, ex approbatorum Conciliorum more, admittendi, aut recipiendi non essent: uel per seipsos, uel per interpositas personas, admitti, aut recipi: uel in loco non debito sedere: uel sententiam, etiam sub uerbo placet, proferre: uel congregationibus interesse: uel alios quoscunq; actus facere, Concilio durante: quodq; , si etiam contigerit, mandata, instrumenta, protestationes, & alia cuiusuis generis scripta quacunq; , quæ ipsius Concilij honorem, ius, ac potestatem quomodocunq; læderent, seu lædere possent, recipi, aut admitti: propterea non præiudicetur, neq; aliquo modo præiudicatum censeatur, uel intelligatur, præsentì Concilio, neq; Concilijs æcumenicis, ac generalibus in perpetuum celebrandis: cùm omnis intentio huius Concilij sit, & eò tendat, ut pax & concordia quacunq; ratione, licita tamen, & congruenti, in ecclesia reducantur.

Saluus

SALVVS CONDVCTVS, CONCESSVS
protestantibus. x x v. Ianuarij.

M. D. LII.

SACROSANCTA, OECUMENICA, ET
generalis, Tridentina synodus, in spiritu sancto legitime con-
gregata: praesidentibus in ea, eisdem, sedis apostolicae, Legato, &
nuntijs: inherendo saluo conductui, in penultima Sessione da-
to: & illum, qui in hunc sequitur modum, ampliando: tenore
praesentium, Vniuersis fidem facimus: quod omnibus, & singu-
lis, Sacerdotibus, Electoribus, Principibus, Ducibus, Mar-
chionibus, Comitibus, Baronibus, Nobilibus, Militaribus, Po-
pularibus, & alijs quibuscunq; uiris: cuiuscunque status, &
conditionis, aut qualitatis existant: Germaniae prouinciae, &
nationis, ciuitatibus, ac alijs locis eiusdem: & omnibus alijs
ecclesiasticis, et secularibus, praesertim Augustanae confessionis
personis: qui, aut quae, una cum ipsis, ad hoc generale Tridenti-
num Conciliū uenient, aut mittentur, ac profecturi sunt, aut hucusq;
uenerunt: quocunq; nomine censeantur, aut ualeant nuncupari:
tenore praesentium, publicam fidem, et plenissimam, uerissimamq;
securitatem, quam saluum conductum appellant, liberè ad
hanc Tridentinam ciuitatem ueniendi, ibidemq; manendi, stadi,
morandi, proponendi, loquendi, una cum ipsa Synodo, de quibus-
cunq; negotijs tractandi, examinandi, discutiendi: & omnia
quaecunq; ipsis libuerit, ac articulos quoslibet, tam scripto, quā
uerbo liberè offerendi, propalandi, eosq; scripturis sacris, &
beatorum patrum uerbis, sententijs, & rationibus declarandi,
astruendi, & persuadendi: &, si opus fuerit, etiam ad obiecta
concilij generalis respondendi, refellendi: et cū ijs, qui à concilio de-
lecti fuerint, disputandi christianè, aut charitatiuè, absq; omni im-
pedimēto cōferendi, opprobrijs, conuitijs, ac contumelijs penitus
femotis: et signanter, quod causae controuersae, secundum sacram
scripturam, & apostolorum traditiones, probata concilia, ca-
tholicae ecclesiae consensum, & sanctorum patrum auctoritates,
in praedicto concilio Tridentino tractentur: illo etiam addito, ut
religionis praetextu, aut delictorum circa eam commissorum,
aut committendorum minime puniantur: impartitur, ac omni-
no concedit: sic etiam, ut propter illorum praesentiam, neq; in

T

itinere, aut quocunq; locorum, eundo, manendo, aut redeundo,
 nec in ipsa ciuitate Tridentina, à diuinis officijs quouis modo ces-
 setur. Et, ut, his peractis, uel non peractis, quandocunq; ipsis
 libuerit, aut maiorum suorum mandato, & assensu, ad propria
 reuerti optabunt: aut aliquis eorum optabit: mox, absq; ulla
 renitentia, & occasione, aut mora, saluis rebus eorum, & suo-
 rum, pariter honore, et personis, uice uersa, possint iuxta bene-
 placitum liberè, & securè redire: de scientia tamen ab eadem Sy-
 nodo deputandorum: ut tunc opportunè eorum securitati, absque
 dolo, & fraude prouideatur. Vult etiam sancta synodus, in hac
 publica fide, saluoq; conductu, omnes quasunque clausulas in-
 cludi, ac contineri, ac pro inclusis haberi: quæ pro plena efficaci,
 & sufficienti securitate, in eundo, stando, & redeundo, necessa-
 riæ, & oportunæ fuerint. Illud etiam, ad maiorem securitatem,
 & pacis, ac conciliationis bonum, exprimens: quod, si quis-
 piam, aut illorum aliqui, siue in itinere Tridentum ueniendo, si-
 ue ibidem morando, aut redeundo, aliquod enorme (quod absit)
 egerint, aut commiserint, quo posset huius fidei publicæ, & asse-
 curationis beneficium, eis concessum, annullari aut cassari: uult,
 & concedit eadem sancta synodus, ut in huiusmodi facinore de-
 prehensi, ab ipsis duntaxat, & non ab alijs, condigna animadu-
 uersione, cum emenda sufficienti, per partem ipsius Synodi me-
 ritò approbanda, & laudanda, mox puniantur: illorum assecu-
 rationis forma, conditionibus, & modis omnino manentibus il-
 libatis. Pariformiter etiam uult, ut si quisquam, uel aliqui, ex
 ipsa Synodo, siue in itinere, aut manendo, aut redeundo, ali-
 quod enorme (quod absit) egerint, aut commiserint, quo posset
 huius fidei publicæ et assecurationis beneficium uiolari, aut quo-
 quomodo tolli; in huiusmodi facinore prehensi, ab ipsa synodo
 duntaxat, & non ab alijs, condigna, animaduersione, & emen-
 da sufficienti, per partem dominorum Germanorum Augustanæ
 confessionis, tunc hic præsentium meritò laudanda, & aproban-
 da, mox puniantur, præsentis assecurationis forma, conditioni-
 bus, & modis omnino manentibus illibatis. Vult præterea ip-
 sa Synodus: quod liceat ipsis ambasiatoribus, omnibus & sin-
 gulis, toties quotiescunque opportunum fuerit, seu necessarium,
 ad auram capiendam, exire de ciuitate Tridentina, & reuerti ad
 eandem: necnon nuntium, uel nuntios suos, ad quæcunq; loca,

pro suis necessarijs negotijs ordinandis, liberè mittere, seu destinare: ac ipsos missos, seu destinatos, seu missum, & destinatum suscipere, toties quoties eis uidebitur expedire. Ita quòd aliqui, uel aliquis per deputandos concilij, socientur: qui eorum securitati prouideant, uel prouideat. Qui quidem saluus conductus, & securitates, stare, ac durare debent, & à tempore: & per tempus, quo in ipsius synodi, & suorum tuitionis curam ipsos suscipi contigerit, & usq; ad Tridentum perducì, ac toto tempore mansionis eorum ibidem: & rursum, post sufficientem audientiam habitam, spatio uiginti dierum præmissò, cum ipsi petierint: aut concilium, habita huiusmodi audientia, ipsis recessum indixerit: à Tridento, usq; in quem quisq; elegerit sibi locum tutum, Deo fauente, restituet, dolo, & fraude prorsus exclusis. Quæ quidem omnia, pro uniuersis, & singulis Christifidelibus, pro omnibus principibus, tam ecclesiasticis, quàm secularibus quibuscunq;: atq; omnibus alijs ecclesiasticis, ac secularibus personis, cuiuscunq; status, & conditionis existant, aut quocunq; nomine censeantur: inuiolabiliter obseruanda esse promittit, & bona fide spondet.

Insuper, omni fraude, & dolo seclusis, uera, & bona fide promittit: ipsam Synodum, nullam uel manifestè, uel occultè, occasione quaesituram: aut aliqua autoritate, potentia, iure, uel statuto, priuilegio, legum, uel canonum, aut quorumcunque conciliorum, præsertim Constantiensis, & Senen. quacunq; forma uerborum expressa, in aliquod huius fidei publicæ, & plenissimæ asssecurationis, ac publicæ, & liberæ audientia, ipsis per ipsam synodum concessæ, præiudicium quouis modo usuram: aut quenquam uti permissuram: quibus, in hac parte, pro hac uice, derogat. Quòd si, sancta Synodus, aut aliquis ex ea, uel suis, cuiuscunq; conditionis, uel status, aut præeminentia existens, præscriptæ asssecurationis & salui conductus, formam & modum, in quocunq; puncto, uel clausula uiolauerit: (quod tamen dignetur auertere omnipotens) et sufficiens emenda nõ fuerit mox subsequuta, ipsorum arbitrio, meritò approbanda, & laudanda: habeant ipsam synodum, & habere poterunt, incidisse in omnes pœnas: quas iure diuino & humano, aut consuetudine, huiusmodi saluorum conductuum uiolatores, incurrere possunt, absq; omni excusatione, aut quauis, in hac parte, contradictione. Datum

T ii

S E S S I O

Tridenti, in sessione publica, die. xxv. Ianuarij. M. D. LII.

Ego Angelus Massarellus, sacri Concilij Secretarius, in fidem & testimonium præmissorum, manu propria subscripsi.

SUBSCRIPSERUNT HVIC SESSIONI

Patres, qui in præcedenti, & insuper
sequentes.

Episcopus Placentin.	Episcopus Zamorensis.
Episcopus Carthagin.	Episcopus Segobien.
Episcopus Pampilon.	Episcopus Cunitaten.
Episcopus Mondonien.	Episcopus Leriden.
Episcopus Elenen.	

SESSIO VLTIMA
CONCILII GENERALIS,
TRIDENTINI,

Sub Iulio Papa. III. XXVIII. Aprilis.
Anno. M. D. LII.

SESSIO SUSPENSIONIS OECUMENICI
Concilij Tridentini, ad biennium, celebrata apud. D. Vigilium,
Feria v. Aprilis. XXVIII. An. Domini. M. D. LII.



ACROSANCTA, œcumenica, & genera-
lis, Tridentina Synodus, in spiritu sancto legi-
time congregata: presidentibus in ea, Reueren-
dissimis dominis, Sebastiano, Archiepiscopo Si-
pontino, & Aloysio, episcopo Veronensi, Apo-
stolicis nuntijs: tam eorum proprio, quàm Re-
uerendissimi, & Illustrissimi domini Marcelli, tituli sancti Mar-
celli. S. R. E. Cardinalis, Crescentij Legati, ob aduersam eius gra-
uissimam ualeitudinem absentis, nomine: non dubitat, Christiani-
nis omnibus patere, hoc concilium œcumenicum, Tridentum,
primò à Paulo sœlicis recordationis conuocatum, & collectum
fuisse: deinde à sanctissimo Domino nostro Iulio. III. (esflagi-
tante Carolo quinto, Augustissimo Imperatore) ea præcipuè cau-
sa fuisse restitutum: ut religionem, in multis orbis partibus, &
præsertim in Germania, in diuersas opiniones, miserabiliter di-
stractam, in statum pristinum reuocaret: abusus, & mores chri-
stianorum corruptissimos emendaret: tumq; ad hoc agendū, quā-
plurimi patres (nulla, laborum suorum, periculorumq; habi-
ta ratione) è diuersis regionibus, alacriter confluxissent: resq;ue,
strenuè, magno fidelium concursu, sœliciterq; procederet: ac spes
esset non leuis, illos Germanos, qui eas nouitates excitant, in
concilium uenturos, sic animatos, ut ueris ecclesiæ rationibus,
unanimiter acquiescerent: lux deniq; quædam, rebus affulsisse ui-
deretur: caputq; attollere inciperet, profligata antea, & afflictæ,
respublica Christiana: hi repēte tumultus, ea bella (hostis generis
humani uersutia) exarserunt: ut concilium uelut hæere, ac, su-
um cursum interrompere, & satīs incommodè gereretur: spes-
que omnis ulterioris progressus, hoc in tempore tolleretur,

S E S S I O

Tantumq; aberat, ut sancta Synodus Christianorum malis, & incommodis mederetur: ut multorum mentes, præter sui animi sententiam irritaret potius, quam placaret. Cum igitur ipsa sancta Synodus, omnia, & præcipue Germaniam, armis ardere, & discordijs, uideret: omnes ferè Episcopos germanos, præsertim Principum, Electores, suis consultum ecclesijs è Concilio abiisse: Decreuit tantæ necessitati non reluctari, & ad meliora tempora reticere: ut patres, ex quo eis tunc hoc agere non liceat, suis ouibus prospectum, ad suas ecclesias regredi ualerent: ne diutius, utrobiq; inutili ocio, conterantur. Atq; ita, quoniam sic temporum cōditio tulit: huius œcumenici Concilij Tridentini progressum, per biennium suspendendum fore, decernit, prout præsentis decreto suspendit: ea tamen lege, ut si citius pacata res sit, ac tranquillitas pristina reuertatur, quod sperat, Dei Opt. Maxi. beneficio, non longo fore spatio in futurum, ipsius Concilij progressus: eodemmet tempore, suam nim, firmitatem, uigoremq; habere, censeatur. Sin autem (quod Deus auertat) peracto biennio, prædicta legitima impedimenta non fuerint submota, quamprimùm cessauerint, talis suspensio, eo ipso sublata esse intelligatur: ac suus uigor, & robur, Concilio sit restitutum, & esse intelligatur, sine alia noua Concilij conuocatione: accedente, ad hoc decretum, consensu, & autoritate sanctitatis suæ, & sanctæ sedis apostolicæ.

Interea tamen, eadem sancta Synodus, exhortatur omnes Principes Christianos, & omnes prælatos: ut obseruent: & respectiue, quatenus ad eos spectat, obseruare faciant, in suis regnis, dominijs, & Ecclesijs omnia, & singula: quæ, per hoc sacrum œcumenicum Concilium, fuerunt hætenus statuta, & decreta.

Angelus Massarellus, Secretarius Concilij
sacri, subscripsi.

PROTESTATIO PATRUM, IN FRA
 subscriptum, contra decretum suspensionis ad biennium
 generalis Concilij Tridentini, lecta in præfata
 Sessione, per R. Salvatorem, archie-
 piscopum Turritanum.

Cum hoc sacrum, œcumenicum Concilium, ante tot annos, à
 toto Christiano orbe desideratum, tantis laboribus procuratum,
 tandem Tridenti, ad extirpandas hæreses, tollenda schismata,
 reformandos mores, pacemq; inter Christianos Principes com-
 ponendam, fuerit conuocatum: neque post eius conuocationem
 fuerit adhuc satisfactum, nedum omnibus, sed nec plenè alicui
 ex causis, propter quas conuocatum est, præsertim reformatio-
 ni necessariæ abusu, unde mala omnia, quibus uexatur ec-
 clesia, & orta esse, & confoueri, apertum est. Nos infra scripti,
 Archiepiscopus, & Episcopi: nostrarum conscientiarum testi-
 monijs compulsi: huic decreto suspensionis Concilij, cum omni-
 bus in eo contentis circumstantijs, & conditionibus, tam quò
 ad substantiam eius, quàm quò ad formam, contradicere decre-
 uimus, prout de præfenti contradicimus, & repugnamus: tum
 quia causæ suspendendi, quæ in eo assignantur, bella scilicet, &
 germaniæ tumultus (quos breui sedatos iri, ac componi, uel in
 ipso decreto sperari dicitur) non usq; adeò uidentur urgere, ut sit
 propter eas ita à Concilij prosecutione cessandum, saltem in his
 quæ ad reformationem attinent, quinimò ad sedandas principum
 discordias, aptissima uisa est Concilij conuocatio, subindeq; pro-
 sequutio, & continuatio: Tum etiam quia dicta suspensio, ma-
 gis dissolutionis, quàm iustæ, moderatæ, aut necessariæ ~~speciei~~ *suspensionis.*
~~speciem~~ speciem præ se ferre uidetur. Neq; enim, etsi ceteræ
 difficultates deerint, quas timere nos docuit experientia tam ce-
 lebris: Prælatorum conuentus, ex tam diuersis remotisq; pro-
 uincijs, haberi facile poterit: nec deerunt impugnatoribus ca-
 tholicæ Ecclesiæ, occasiones, & rationes, ad ferenda, alendaq;
 bella, atq; discordias: quibus huius Concilij, cuius nomen apud
 eos est tam odiosum, reassumptionem impediunt, ac ludificentur:
 quod nunc eos conari, uarijsq; rationibus tentare, uidemus: si
 præsertim uiderint, conatus huiusmodi prosperè eis cedere: nosq;
 eò adegisse, ut, ab incepto opere, cessauerimus. Præterea deter-

ret nos, ingens scandalum, certaqué hæresum propè confirmatio, quam ex tali, & tam diuturna suspensione, nedum ipsis ecclesiæ aduersarijs, sed & catholicorum plerisque orituram esse, manifestum est: cum dominica castra, publicamque causam deferere, non alia ratione magis, quam persecutionum metu, laborum impatientia, & quod peius est, causæ ipsius, & diuini auxilij, desperatione, opinabuntur: cum tamen, in tuto loco, ab omni bellica iniuria remoto, sedisse nos uiderint: ubi aliàs, cum non minus periculosa bella gererentur, nihilominus ipsa Synodus fiducialiter, in diuino hoc opere, perseverauerit: quod profectò inficiari, nec nos ipsi, possumus. Cum itaque è manibus nostris, repetendæ erunt animæ: quæ peritura sunt, per subtractionem huius salubris, atque unici remedij: alijsque de causis conscientias nostras mouentibus, huic decreto non expresse contradicere non possumus: imò & contradicimus, & quantum possumus, absolute repugnamus. Ne tamen omni consilio, non consentiendi, rationem querere, uideamur: neue abhorre credamur à suauiterum dispositione: cum & nos difficultatis temporum, recessusque prælatorum Germanicæ nationis ferè omnium, rationem aliquam habendam esse, non improbemus: petimus, ut sequens uiam, quam hætenus tenuit, atque seruauit hæc sancta Synodus, Sessionem, ad proximas Calendas Maij indictam, ad moderatum aliquem terminum proroget: diemque declaret, qui ipse ita pro homine interpellat, ut alia conuocatio, declaratio, aut intimatio minimè sit expectanda: quod minùs, ad hunc locum Concilij, omnes prælati conuenire, & possint, & teneantur. Addentes nihilominus, quod, si infra dictum declarandum terminum, prædicta impedimenta cessauerint: curet sanctitas sua, prælatos omnes, ad prosecutionem Concilij, reuocare; quos interim ad proprias ecclesias remeare, si libeat, licebit. Ultima uerò decreti uerba: quibus commendatur decretorum huius sanctæ Synodi observatio, placerent utique, si absque his uerbis (quatenus ad eos de iure spectat) publicetur: quæ litium occasio esse uidentur, & seminarium: Quæquidem omnia, ita, & non aliter, fieri petimus, & protestamur: quod si secus fiat, nullum nobis, nec sanctæ Synodo præiudicium, fieri quouis tempore, tam propter huius decreti suspensionis publicationem, quam ob quemcunque alium actum, factum, uel faciendum, attentatum, uel attentandum, per

per quasq; personas, contra huius æcumenici Concilij auctoritatem, & potestatem, Conciliorumq; æcumenicorum omnium. Petimus insuper à Synodi huius notario: ut hanc nostram schedulam contradictionis, attestationis, ac protestationis, inter acta Synodi, unà cum hoc decreto inserat: indeq; ipse, uel alij, nobis unum, uel plura autentica instrumenta, exhibeant.

P R A E L A T I Q U I C O N T R A D I X E -
runt decreto suspensionis concilij. XXVIII. Aprilis M. D. LII. Fuerunt isti.

R. D. Saluator Alexius Sassarus, archiepisc. Turritan. Hispanus.
R. D. Ioannes Salazar, episc. Lancianen. Hispanus
R. D. Aluarns della quadra, episc. Venusin. Hispanus
R. D. Episcopus Tundensis.
R. D. Petrus Acuna & Auellaneda Episc. Astoricens. Hispanus.
R. D. Episcopus Ciuitaten.
R. D. Ioannes Fonseca Episcopus Castellimaris. Hispanus.
R. D. Franciscus de Nauara Episcopus Pacen. Hispanus.
R. D. Michael Puch. Episcopus Elnensis. Hispanus
R. D. Episcopus Gadixen.
R. D. Episcopus Pampilon.
R. D. Io. Bernardus Diaz, episc. Calagurritan. Hispanus. contradixit simpliciter suspensioni, nulla facta distinctione, inter suspensionem, uel prorogationem Concilij.

V

S. IN CHRISTO PATRIS,
ET DOMINI N. D. PII,
DIVINA PROVIDENTIA
PAPAE IIII.

BVLLA INDICATIONIS SACRI
Oecumenici Concilij Tridentini celebrandi.

PIVS PAPA QVARTVS
Ad perpetuam rei memoriam.



D ECCLESIAE Regimen, licet tanto oneri
impares, sola Dei dignatione uocati, statim cir-
cunferentes mentis oculos, per omnes Reipub-
licæ Christianæ partes: cernentesq; non sine
magno horrore, quàm longè, lateq; pestis hæ-
resum, & schismatis, peruasisset: & quanta,
Christiani populi mores, correctione indigerent: in eam curam,
& cogitationem, pro suscepti muneris officio, incumbere capi-
mus: quemadmodum ipsas hæreses extirpare: tantumq; & tam
perniciosum schisma tollere: moresq; adeò corruptos, & depra-
uatos, emendare possemus. Cùm autem intelligeremus, ad hæc
sananda mala, aptissimum esse remedium, quod sancta hæc Sedes,
adhibere consueuisset: œcumenici generalisq; Concilij eius con-
gregandi, & Deo iuuante celebrandi, consilium capimus. In-
dictum illud quidem antea fuit, à s. re. Paulo III. & eius suc-
cessore Iulio, prædecessoribus nostris: sed uarijs de causis, sæpi-
us impeditum, & interpellatum, perfici non potuit. Siquidem
Paulus, cùm id primò in urbem Mantuam, deinde Vicentiam
indixisset: quasdam ob causas, in literis eius expressas, id pri-
mò suspendit: postea Tridentum transtulit. Deinde cùm quibus-
dam de causis, ibi quoque, eius celebrandi tempus dilatum fuisset:
tandem, suspensione sublata, in eadem Ciuitate Tridentina,
inchoatum fuit. Verùm Sessionibus aliquot habitis, & nonnul-
lis decretis factis, ipsum se postea Concilium, aliquibus de cau-
sis, accedente etiam Sedis Apostolicæ authoritate, Bononiam
transtulit. Iulius autem, qui ei successit, in eandem Ciuitatem
Tridentinam, id reuocauit: quo quidem tempore, facta alia que.

dam decreta sunt. Sed cum noui, in propinquis Germaniæ locis, tumultus excitati fuissent: & bellum in Italia, & Gallia grauissimum exarsisset: rursus Concilium suspensum, & dilatum fuit: adnitente nimirum humani generis hoste, aliasq; ex alijs difficultates, & impedimenta obijciente: ut tantum Ecclesiæ commodum, quod prorsus auferre non poterat: saltem quàm diutissimè retardaret. Quantoperè uerò interea aucta fuerint, & multiplicata, ac propagata hæreses: quantoperè schisma creuerit: sine maximo animi dolore, nec meminisse possumus, nec referre. Sed tandem pius, & misericors, Dominus, qui nunquam ita irascitur, ut misericordiæ obliuiscatur: Regibus, & Principibus Christianis, pacem, & unanimitatem donare dignatus est. Qua nos occasione oblata, maximam in spem uenimus, ipsius misericordia freti, fore, ut his tantis quoq; Ecclesiæ malis, eadem Concilij uia finis imponatur. Nos itaq; ad schisma; hæresesq; tollendas: ad corrigendos, & reformandos mores: ad pacem inter Christianos Principes conseruandam: celebrationem eius non esse duximus diutius differendam. Habita igitur, cum Venerabilibus fratribus nostris S. R. E. Cardinalibus, deliberatione matura: factis etiam consilij nostri certioribus, Charissimis in Christo filiis nostris, Ferdinando Romanorum Imperatore Electo: & alijs Regibus, atq; Principibus: quos quidem (sicut de eorū summa pietate, & sapientia nobis pollicebamur) paratissimos, ad ipsius Concilij celebrationem adiuuandam inuenimus: ad Dei omnipotentis laudem, honorem, & gloriam, atque uniuersalis Ecclesiæ utilitatem, de eorundem fratrum nostrorum consilio, & assensu, Sacrum, & cūmenicum, & Generale Concilium ex autoritate eiusdem Dei, & beatorum Petri, & Pauli Apostolorum (qua nos quoque in terris fungimur) freti, & subnixi: in ciuitate Tridentina, ad sacratiss. diem resurrectionis Dominicæ proximè futurum indicimus: & ibi celebrandum, sublata suspensione quacunque, statuimus, atque decernimus. Quocirca, Venerabiles fratres nostros, omnibus ex locis, Patriarchas, Archiepiscopos, Episcopos, & dilectos filios Abbates, ceterosque, quibus in Concilio generali sedere, & sententiam dicere, iure communi, uel ex privilegio, uel ex antiqua consuetudine licet: uehementer in Domino hortamur, & monemus: atq; etiam districtè præcipiendo mandamus,

V ii

in uirtute sancta obedientia, in ui quoque iuramenti, quod praestiterunt: et sub poenis, quas in eos, qui ad Concilia generalia conuenire neglexerint, Sacris sciunt esse canonibus constitutas: ut ad Conciliū ibi celebrandum conueniant, intra eam diem: nisi forte impedimento fuerint legitimo praepediti: quod tamen impedimentum, per legitimos procuratores synodo probare debebunt. Monemus praeterea omnes, & singulos, quorum interest, interesse uel poterit, ut in Concilio adesse ne negligant. Charissimos uero in Christo filios nostros, Romanorum Imperatorem electum, ceterosque Reges, & Principes, quos optandum sanè esset Concilio interesse posse, hortamur, & rogamus: ut si ipsi interesse Concilio non potuerint: ut Oratores suos prudentes, graues, & pios uiros utique mittant: qui ipsorum nomine illi intersint: curentque diligenter, pro sua pietate: ut ex eorum regnis, atque dominijs, Praelati, sine recusatione, ac mora, tam necessario tempore, Deo, & Ecclesiae officium suum praestent: eosdem etiam curaturos esse minimè dubitantes: ut per ipsorum regna, & dominia, tutum, ac liberum iter, Praelatis, eorumque familiaribus, comitibus, & alijs omnibus ad Concilium euntibus, et ab illo redeuntibus pateat: benigneque, ac comiter, omnibus in locis recipiantur, atque tractentur: sicut, (quod ad nos attinet) ipsi quoque curabimus: qui nihil omnino praetermittere decreuimus, quod ad tam pium, & salutare opus perficiendum, à nobis, in hoc loco constitutis, praestari possit: nihil, ut Deus scit, quærentes aliud: nil propositum habentes in hoc Concilio celebrando: nisi honorem ipsius Dei: dispersarum ouium reductionem, ac salutem: & perpetuam Christianae Reipublicae tranquillitatem, ac quietem. Ut uero hæc litera, & quæ in eis continentur, ad omnium, quorum oportet, notitiam perueniant: nec quisquam ea excusatione uti possit: quod illa ignorauerit: praesertim cum non ad omnes, quos de his literis certiores fieri oporteret: tutus forsitan pateat aditus: uolumus, & mandamus, ut in Basilica Vaticana Principis Apostolorum, & in Ecclesia Lateranen. tunc, cum in eis populus, ut Missarum solennibus intersit, congregari solet: palam, clara uoce, à curiae nostrae cursoribus, seu Notarijs aliquibus publicis recitentur: et postquam recitatae fuerint, ad ualnas earum Ecclesiarum, itemque Cancellariae Apostolicae, & in loco solito campi Florae affigantur: ibique, quo legi, & omnibus innotescere possint, aliquandiu relinquantur. Cum autem, inde

amovebuntur: earum exempla, in ijsdem locis affixa remaneant. Nos enim, per recitationem hanc, publicationem, & affixionem: omnes, & singulos, qui his literis comprehenduntur: post duos menses, à die publicationis, & affixionis earum: uolumus perinde astrictos, & obligatos esse: ac si ipsismet, illæ corā editæ, & lectæ fuissent. Transumptis quoque earum, quæ manu publici alicuius Notarij scripta, subscriptæue, & sigillo, ac subscriptione alicuius personæ in dignitate ecclesiastica constitutæ, munita fuerint: ut sine dubitatione ulla, fides habeatur, mandamus, atq; decernimus. Nulli ergo omnino hominum liceat, hanc paginam nostræ Indictionis, statuti, decreti, præcepti, admonitionis, & adhortationis infringere: uel ei, ausu temerario contraire. Si quis autem hoc attentare præsumpserit: indignationem omnipotentis Dei, ac beatorum Petri, & Pauli Apostolorum eius, se noverit incursum. Dat. Romæ apud S. Petrum, Anno incarnationis Dominicæ. M. D. LX. III. Calen. Decembris. Pontificatus Nostri Anno Primo.

† Ego Pius Catholicæ Ecclesiæ Episcopus.

SI MEI NON FVERINT

IMMACVLATVS ERO.

.S. .S.	.P. .P.
.PI .PP.	VS. .IIII.

DOMINATI

ONAL

- | | |
|---|---|
| † Ego R. Cardinalis de Carpo,
Episcopus portuen. | † Ego Scipio, Card. Pisarum. |
| † Ego F. Card. Episcopus Tusculanus. | † Ego Io. Card. Romanus. |
| † Ego Fed. Cardinalis Cæsius,
Episcopus Prænestinus. | † Ego Io. Ant. Card. Capisuc-
cus. |
| † Ego Io. Card. Moronus, Epi-
scopus Albanen. | † Ego Thad. Card. Gaddus. |
| † | † Ego F. M. Card. Alexandri-
nus. |
| † | † Ego Clem. Card. Aræ cali. |
| † | † Ego Io. Card. Sabellus. |
| † Ego Christophorus Madru-
cius, Card. Tridentinus. | † Ego Io. Ant. Car. S. Georgij. |
| † Ego Otto Truches, Cardina-
lis Augustanus. | † Ego A. Card. Farnesius Vi-
cecancel. |
| † Ego B. de la Cueva, Cardina-
lis Sanctæ Crucis. | † Ego G. As. Cardin. Camera-
rius. |
| † Ego Tiberius, Card. Crispus. | † Ego Hyp. Card. Ferrarien. |
| † Ego Ioan. Mich. Cardin. Sa-
racenus. | † |
| † Ego Io. Card. S. Vitalis. | † Ego Iu. Card. Vrbini. |
| † Ego Io. And. Card. Messa-
nen. | † Ego Aloy. Card. Cornelius. |
| † Ego Iacobus, Card. Puteus. | † Ego Hier. Card. Simoncellus |
| † Ego Io. B. Cicada, Card. S. Cle-
mentis. | † Ego Vitellotius Card. Vitel-
lius. |
| † | † Ego Io. Card. de Medicis. |
| | † Ego Carolus, Ca. Borromeus |

Antonius Florebellus Lanellinus. Barengus.

Anno à Natiuitate Domini Millesimo Quingentesimo Sexagesimo: Indictione tertia: die uero secunda, mensis Decemb. Pontificatus Sanctissimi in Christo patris, & Domini nostri, Domini Pij, diuina prouidentia Papæ Quarti: Anno Pri. Retrors. literæ Apostoli. lectæ, affixæ, & publicatæ fuerunt, in locis supras. Iuxta earum seriem & tenorem, etiam ut moris est: & illis amotis, dimissis illarum copijs affixis per nos Bernardinum Andrentium, & Io. Andream Panizza Apostolicos Curs.

Petrus Valtrini Magister Cursorum.

B R E V E P I I , P A P A E I I I I .

*Super ordine sedendi in Concilio, non habita
ratione dignitatis primatialis.*



DI LECTI filij nostri salutem, & Apostolicam benedictionem. Sicut ea, quæ pacem & concordiam nutriunt, pura mente semper inquirimus: ita ex debito nostræ pastoralis sollicitudinis, tenemur illa submouere, quæ discordiam suscitare, & scandalum introducere posse videntur. Itaq; ad tollendam omnem controuersiam materierum quæ inter Prælatos, ad celebrationem sacri Oecumenici, & generalis Concilij, in ciuitate Tridentina, pro tempore congregatos, super eorum præcedentia, fortè iam sunt exortæ, & in dies oriri possunt: Volumus, ac uobis, per præsentis mandamus: ut omnes, & singulos.

Prælatos prædictos, uidelicet, uenerabiles fratres Patriarchas primò: secundò Archiepiscopos: tertio autem loco, Episcopos: in quibusuis actibus publicis, secundum gradum, & ordinem, suarum ad eorum Ecclesias promotionum (ita quòd, qui prius promotus ad eas fuerit, in suo quisq; ordine prior existat) incedere, sedere, ac locum habere (nulla habita ratione, ad ipsorum dignitates primatiales: siue ueræ siue prætensæ illæ fuerint) auctoritate nostra faciatis, studioseq; & diligenter curetis: atque pro uestra prudentia, ac pietate geratis: ut cuncta istic, concordibus animis, in uirtute spiritus Sancti, cum Dei omnipotentis honore, atq; timore, quietè feliciterq; procedere ualeant.

Non obstantibus præmissis, & quibusuis constitutionibus, & ordinationibus Apostolicis, cæterisq; contrarijs quibuscunq;.

Datum Romæ apud sanctum Petrum, sub annulo Piscatoris, die ultima Decembris. M. D. LXII. Pont. nostri, anno secundo.

DECLARATIO.

DECLARATIO FACTA PER
Illustrissimos D. D. Legatos, super Decreto Sanctis-
simi D. N. D. Pij P. P. Quarti.



VIA dubitari posset, an ex prædicto Decreto
sanctissimi D. N. aliquod præiudicium gene-
retur, Primatibus supradictis in proprietate,
seu possessione suarum primatiarum, siue vera-
rum, siue prætensarum: Nos Hercules tituli
sanctæ Mariæ nouæ de Mantua: Hieronymus
tituli sanctæ Susannæ Seripandus: Stanislaus tituli sancti Lau-
rentii in Palisperna, Varmiensis: ac Ludouicus tituli sancti Ci-
riaci in Thermis, Simonetta nuncupati S. R. E. Presbyteri Car-
dinales, sacri Oecumenici Concilij Tridentini Præsidentes, &
Apostolici de latere legati: declaramus quòd mens Sanctissimi
D. N. & nostra est: quòd per hoc decretum, nulli ius de nouo ac-
quiratur: nulliq; præiudicium generetur: nulliusq; ius, in pro-
prietate, uel possessione lædatur: Atq; demum, in omnibus, &
per omnia, unumquemq; Primatem, uerum uel prætensum, in
eodem statu, post hoc Concilium remanere, in quo antea perma-
nebat.

Sacri

SACRI GENERALIS

CONCILII TRIDENTINI.

SVB PIO QVARTO, PONTIFICE
Maximo, celebrati.SESSIO PRIMA, FACTA DIE
XVIII. Ianuarij. M. D. LXII.

Primum Decretum, pub. in hac prima Sess.



ILLVSTRISIMIS & Reuerendissimis D. D.
Reuerendiq; Patres. Placet ne uobis, ad lau-
dem, & gloriam, sanctæ, ac indiuiduæ Tri-
nitatis, Patris, & filij, & spiritus sancti: ad
incrementum & exaltationem fidei, & reli-
gionis Christianæ: sacrum, Oecumenicum, &
generale Concilium Tridentinum, in spiritu sancto legitime con-
gregatum, ab hodierno die, qui est decimus octauus, mensis Ia-
nuarij, anni à Natiuitate Domini, Millefimi quingentesimi
sexagesimi secundi, Cathedræ Romanæ, beati Petri Apostolo-
rum Principis, consecrato: sublata quacunq; suspensione, iuxta
formam, & tenorem literarum sanctissimi D. N. Pij iiii. Pont:
max: celebrari: quæ, proponentibus legatis ac præsidentibus,
ad horum temporum leuandas calamitates, sedandas de religione
controuersias, coërcendas linguas dolosas, deprauatorum morum
abusus corrigendos, Ecclesiæ ueram atq; Christianam pacem cõ-
ciliandam, apta & idonea ipsi sanctæ Synodo uidebuntur?

DECRETVM SECVNDVM,
publicatum in eadem prima Sessione.

Illustissimi & Reuerendissimi Domini, Reuerendiq; Patres.
Placet ne uobis, proximam futuram Sessionem habendam, &
celebrandam esse, feria quinta, post secundam Dominicam, in Qua-
dragesima, quæ erit dies uigesimus sextus, Mensis Februarij?

PROPOSITIO FACTA.

In prima præterita Sessione, declaratum est, & communi om-

X

num uoto approbatum, prætractandum esse de ijs, quæ necessaria uidebuntur, ad Catholicæ fidei doctrinam stabiliendam, atq; morum integritatem restituendam.

Vt autem hæc, Deo Duce, aggrediamur, uisum est magnoperè referre, ad doctrinam de fide in suam puritatem restituendam: ut libri, à uarijs Authoribus, post exortas hæreses scripti: atque etiam librorum censuræ, in diuersis locis, à catholicis æditæ examinentur. De quibus quicquid sancta Synodus statuèrit, tantquam sacrosanctum decretum, suo tempore publicabitur: ut ab omnibus, absq; ulla tergiuersatione custodiatur. Super quâ re, quicunq; pro eius faciliore expeditione, aliquid afferre uoluerint, libenter audientur.

Ad hæc ritè diiudicanda, ut nocentur omnes, ex decreto sanctæ Synodi, consentaneum fore existimauimus: ad quos istarum rerum aliqua pertinere, quoquo modo potest: ne deinceps, inauditos, se esse condemnatos censeri possint.

Non ab re quoq; putauimus esse, omnes, qui in hæreses quascunq; lapsi sunt, & adhuc irretiti sunt, ad penitentiam inuitare, cum salui conductus ampla concessione, ac promissione magnæ & singularis clementiæ, & benignitatis: modò redcant ad cor: & sanctæ Ecclesiæ Catholicæ potestatem agnoscant.

Tam super modo facilioris expeditionis examinis librorum et censurarum, quàm super alijs quæ sequuntur, Patres, postquàm huius scripti exemplum acceperint, & considerauerint, dicant sententias suas, in sequenti congregatione.

SECUNDA SESSIO.

DECRETUM PRIMUM, PUBLIATUM
in Sessione secunda sacri Concilij Tridentini, sub Pio

PP: IIII. die XXVI. mensis Februarij.

M. D. LXII.



ACROSANCTA, Oecumenica, & generalis, Tridentina Synodus, in spiritu sancto legitime cōgregata, præsidentibus in ea eisdem Apostolicæ sedis legatis: non humanis quidem viribus confisa: sed domini nostri Iesu Christi (qui os, & sapientiam, Ecclesiæ suæ daturum se promisit) ope & auxilio freta: illud præcipue cogitat: ut catholica fidei doctrinam, multorum inter se dissidentium opinionibus, pluribus locis inquinatam & obscuratam, in suam puritatem, & splendorem, aliquando restituat: & mores, qui à veteri instituto deflexerunt, ad meliorem vitæ rationem renouet: corq; patrum ad filios: & cor filiorum ad patres conuertat. Cum itaq; omnium primum animaduernerit, hoc tempore, suspectorum, ac perniciosorum librorum, quibus doctrina impura continetur, & longè lateq; diffunditur, numerum nimis excreuisse (Quod quidem, in causa fuit, ut multæ censuræ, in uarijs prouincijs, & præsertim in alma Vrbe Roma, pio quodam zelo editæ fuerint) neq; tamen huic tam magno, ac pernicioso morbo, salutare ullam profuisse medicinam: censuit, ut delecti ad hanc disquisitionem patres, de censuris, librisq; quid factum opus esset, diligenter considerarent: atq; etiam ad eandem sanctam Synodum, suo tempore referrent: quò facilius ipsa possit, uarias & peregrinas doctrinas, tanquam zizanias, à Christianæ ueritatis tritico separare: deq; his commodius deliberare, & statuere: quæ, ad scrupulum ex complurium animis eximendum: & tollendas multas querelæ causas, magis opportuna uidebuntur. Hæc autem omnia, ad notitiam quoruncunq; deducta esse uult: prout etiam præsentis decreto deducit: ut si quis, ad se pertinere, aliquo modo putauerit, quæ uel de hoc librorum, & censurarum negotio: uel de alijs, quæ in hoc generali Concilio tractanda prædixit: non dubitet à sancta Synodo se benigne auditum iri.

Luc. 21.

X ii

S E S S I O

Quoniam uerò, eadem sancta Synodus, ex corde optat, Deumq; enixè rogat, quæ ad pacem sunt Ecclesiæ: ut uniuersi communem matrem in terris agnoscentes (quæ, quos peperit, obliuisci non potest) unanimes, uno ore, glorificemus Deum, & patrem domini nostri Iesu Christi: per uiscera misericordiæ eiusdem Dei, & domini nostri, omnes qui nobiscum communionem non habent, ad concordiam & reconciliationem: & ut ad hanc sanctam Synodum ueniant: inuitat, atq; hortatur: utq; charitatem, quod est uinculum perfectionis, amplectantur: pacemq; Christi exultantem in cordibus suis præseferant: in quam uocati sunt, in uno corpore. Hanc ergo non humanam, sed spiritus sancti uocem audientes, ne obdurent corda sua: sed in suo sensu non ambulantes, neq; sibi placentes, ad tam piam, & salutarem matris suæ admonitionem, excitentur, & conuertantur. Omnibus enim charitatis officijs, sancta Synodus, eos, ut inuitat, ita amplectetur.

Insuper eadem sancta Synodus, decreuit, fidem publicam in congregatione generali concedi posse, & eandem uim habituram, eiusdemq; roboris & momenti futuram: ac si in publica sessione data, & decreta fuisset.

DECRETVM SECVNDVM PVBLICATVM
in eadem secunda Sessione

Eadem sacrosancta Synodus Tridentina, in spiritu sancto legitime congregata: presidentibus in ea, eisdem apostolicæ sedis legatis: statuit, & decreuit, proximam futuram sessionem, habendam & celebrandam esse, feria quinta, post sacratissimum festum ascensionis Domini: quæ erit xii. mensis Maij.

Patres delecti ad indicem librorum.

Antonius de Muglicio, Archiep. pragen: sacræ Cæ. M. Orator.
Ioannes Trimisianus, Patriarcha Venetiarum.
Sebastianus Leccauella, Archiepiscopus Naxien.
Ludonicus Beccatellus Archiepiscopus Ragusinus.
Iulius Pauesius, Archiepiscopus Surrhentinus.
Bartholomæus de Martyribus Archiepiscopus Bracharen.
Thomas Casselius, Episcopus Cauensis.

*¶ Praconius Messa
nensis. ord. min. conuen
tualiū.*

*Octavianus Episcopus Arrianensis: ac deinde Archieps. Paanen
mitanus.*

Aegidius Foscherarius, Episcopus Mutinensis.
 Hieronymus Vlaschus, Episcopus Ouetensis.
 Antonius Augustinus, Episcopus Ilerdensis.
 Dominicus Bolanus, Episcopus Brixienfis.
 Nicolaus Sfondratus, Episcopus Cremonensis.
 Hieronymus Triuisanus, Episcopus Veronensis.
 Urbanus Vegerius, Episcopus Senogallienfis.
 Abbas Casinensis, Eutitius.
 Generalis Minorum de obseruantia.
 Generalis sancti Augustini.

SACROSANCTA SYNODVS, ETC. FIDEM
 publicam, siue saluum conductum, dat omnibus, et singulis,
 Germanicæ nationis sub ea forma, quam aliàs
 ipsi petierunt, cuius tenor est, qui
 subsequitur.



SACROSANCTA, Oecumenica, & genera-
 lis, Tridentina Synodus, in spiritu sancto legi-
 timè congregata, præsidentibus in ea, eisdem
 Apostolicæ sedis legatis, uniuersis fidem facit;
 quod omnibus, & singulis Sacerdotibus, Ele-
 ctoribus, Principibus, Ducibus, Marchioni-
 bus, Comitibus, Baronibus, Nobilibus, Militaribus, Popula-
 ribus, & alijs quibuscunq; uiris, cuiuscunq; status, & conditio-
 nis, aut qualitatis existant, Germanicæ Prouinciæ, & Natio-
 nis, Ciuitatibus, & alijs locis eiusdem, & omnibus alijs Eccle-
 siast. et secularibus, præsertim Augustanæ confessionis personis:
 qui, aut quæ, unà cum ipsis, ad hoc generale Tridentinum Con-
 cilium uenient, aut mittentur, ac profecturi sunt, aut hucusq;
 uenerunt: quocunq; nomine censeantur, aut ualeant nuncupari:
 tenore præsentium, publicam fidem, et plenissimam, uerissimamq;
 securitatem, quam saluum conductum appellant, liberè ad
 hanc Tridentinam ciuitatem ueniendi, ibidemq; manendi, stadi-
 morandi, proponendi, loquendi, unà cum ipsa Synodo, de quibus-
 cunq; negotijs tractandi, examinandi, discutiendi: & omnia
 quæcunq; ipsis libuerit, ac articulos quoslibet, tam scripto, quàm
 uerbo, liberè offerendi, propalandi, eosq; scripturis sacris, &

addit. his snt per illu
 lictimos ac p. m. ad.
 Legatos, eorum congre-
 gationis gratia ante
 su; que in eos reiecit
 electione in paschali
 Pres die vi. septemb.
 M. D. L. xij.
 Archieps Lancianen-
 sis.
 Eps colimbricensis
 Eps. sacrista.
 Eps. Timinensis et
 Oratus. es.
 Innotis secretar
 Laines.

beatorum patrum uerbis, sententijs, & rationibus declarandi, astruendi, & persuadendi: & si opus fuerit, etiam ad obiecta concilij generalis respondendi: & cum ijs, qui à concilio delecti fuerint, disputandi, aut charitatiuè, absque omni impedimento conferendi, opprobrijs, conuitijs, ac contumelijs penitus semotis: & signanter, quòd causæ controuersia, secundum sacram scripturam, & apostolorum traditiones, probata concilia, et catholica ecclesiæ consensum, & sanctorum patrum auctoritates, in prædicto concilio Tridentino tractentur: illo etiam addito, ut religionis prætextu, aut delictorum circa eam commissorum, aut committendorum minimè puniantur: impertitur, ac omnino concedit: sic etiam, ut propter illorum præsentiam, neq; in itinere, aut quocunq; locorum, eundo, manendo, aut redeundo, nec in ipsa Ciuitate Tridētina, à diuinis officijs quouis modo cessentur, et ut his peractis, uel nō peractis, quandocunq; ipsis libuerit: aut maiorum suorum mandato, & assensu ad propria reuertī optabunt: aut aliquis eorum optabit, mox absq; ulla renitentia, & occasione, aut mora, saluis rebus eorum, & suorum pariter honore, et personis, uice uersa, possint iuxta beneplacitū, liberè et securè redire (de scientia tēmen ab eadem Synodo deputandorum) ut tunc opportunè, eorum securitati, absq; dolo & fraude, prouideatur. Vult etiam sancta synodus, in hac publica fide, saluoq; conductu, omnes, quasq; clausulas includi, & contineri, ac pro inclusis haberi, quæ pro plena, efficaci & sufficienti securitate, in eundo, stando, ac redeundo, necessaria & opportuna fuerint. Illud etiam ad maiorem securitatem, & pacis, ac conciliationis bonum exprimens, quòd si quispiam, aut illorum aliqui, siue in itinere Tridentum ueniendo, siue ibidem morando, aut redeundo, aliquod enorme (quod absit) egerint, aut commiserint: quo possit huius fidei publicæ, & asssecurationis beneficiū, eis concessum annullari, aut cassari, uult, & concedit, ut in huiusmodi facinore deprehensi, ab ipsis duntaxat, & non ab alijs, condigna animaduersione, cum emenda sufficienti, per partem ipsius Synodi meritò approbanda, et laudanda, mox puniantur: illorum asssecurationis forma, conditionibus, & modis, omnino manentibus illibatis: Pariformiter etiam uult, ut si quisq; uel aliquis, ex ipsa Synodo, siue in itinere, aut manendo, aut redeundo aliquod enorme (quod absit) egerint, aut commiserint, quo pos-

set huius fidei publicæ, & asssecurationis beneficium uiolari, aut quoquo modo tolli, in huiusmodi facinore deprehensi, ab ipsa Synodo duntaxat, & non ab alijs, condigna animaduersione, & emenda sufficienti, per partem Dominorum Germanorum, Augustanæ Confessionis, tunc hęc presentium meritò laudanda & approbanda, mox puniantur: presenti asssecurationis forma, conditionibus, & modis omnino manētibus illibatis. Vult præterea ipsa Synodus, quòd liceat ipsis Ambasiatoribus omnibus & singulis, toties, quotiescunq; opus fuerit, seu necessarium, ad aulam capiendam, exire de Ciuitate Tridentina, & reuerti ad eandem: nec non, Nuntium, uel nuntios suos, ad quacunq; loca, pro suis necessarijs negotijs ordinandis, liberè mittere, seu destinare: ac ipsos missos, seu destinatos, seu missum, & destinatum, suscipere, toties, quoties eis uidebitur expedire, ita quòd aliqui, uel aliquis, per deputandos Concilij societur: qui eorum securitati prouideant, uel prouideat. Qui quidem saluus conductus, & securitates, stare, ac durare debeant: & à tempore, & per tempus, quo in ipsius Synodi, & suorum tuitionis curam, ipsos suscipi contigerit, & usq; ad Tridentum perducatur: ac toto tempore mansionis eorum ibidem: & rursum, post sufficientem audientiam habitam, spatio uiginti dierum præmissa, cum ipsi petierint, aut Concilium, habita huiusmodi audientia, ipsis recessum indixerit à Tridento, usq; in quem quisq; elegerit sibi locum tutum, Deo fauente restituet: dolo & fraude prorsus exclusis. Quæ quidem omnia, pro uniuersis, & singulis Christi fidelibus, pro omnibus Principibus, tam Ecclesiasticis, quàm secularibus quibuscunq;: atq; omnibus alijs Ecclesiasticis & secularibus personis, cuiuscunq; status, & conditionis existant: aut quocunq; nomine censeantur, inuiolabiliter obseruanda esse promittit, & bona fide spondet. Insuper omni fraude & dolo exclusis, uera et bona fide promittit, ipsam Synodum, nullam, uel manifestè, uel occultè, occasionem quæsituram aut aliqua autoritate, potentia, iure, uel statuto, priuilegio legum, uel canonum, aut quorūcunq; Conciliorum, præsertim Constantien. & Senen. quacunque forma uerborū expressa, in aliquod huius fidei publicæ et plenissimæ asssecurationis, ac publicæ & liberæ audientię, ipsis per ipsam Synodum concessæ, præiudicium quouis modo usuram, aut quemquam uti permissuram: quibus in hac parte, pro hac ui-

ce derogat. Quod si, sancta Synodus, aut aliquis ex ea, uel suis, cuiuscunq; conditionis, uel status, aut præminentie existens, præscriptæ asssecurationis, & salui conductus formam, & modum, in quocunq; puncto, uel clausula uiolauerit, (quod tamen auertere dignetur omnipotens) & sufficiens emenda non fuerit mox subsecuta, & ipsorum arbitrio, meritò approbanda & laudanda: habeant ipsam Synodum, & habere poterunt, incidisse in omnes pœnas, quas iure diuino & humano, aut consuetudine huiusmodi saluorum conductuum uiolatores incurrere possunt, ni excusatione, aut quauis in hac parte contradictione

Extensio ad alias Nationes.

Eadem Sancta Synodus, omnibus, & singulis alijs, qui nobiscum, in ijs quæ sunt fidei, communionem non habent: ex quibuscunq; Regnis, Nationibus, Prouincijs, Ciuitatibus, ac locis, in quibus publicè, aut impunè prædicatur, uel docetur, siue creditur contrarium, eius, quod sancta Romana sentit Ecclesia: dat fidem publicam, siue saluum conductum, sub eadem forma, & eisdem uerbis, quibus datur Germanis. Quamuis autem in hac extensione, non uideantur omnes Nationes comprehendi (quod certis respectibus factum est.) Non propterea tamen, existimandum est, exclusos eos esse, qui ex quacunq; tandem natione respiscere, & ad Ecclesiæ gremium, (quod omnibus apertum esse cupit) redire uoluerint. Sed quoniam, qua forma: dandus sit illis saluus conductus, diligentioris ea res delibrationis indiget: uisum est, id, in tempus aliud reijcere: quo res accuratiùs considerari possit. Nunc satis existimatum est: si qui publicè (quemadmodum in extensionis formam lectum est) deseruerunt ecclesiæ doctrinam, illorum securitati, ea forma, quam legi audiistis, prospiceretur.

Tertia

TERTIA SESSIO.

DECRETUM PUBLICATUM IN SESSIONE

Tertia, sacri Concilij Tridentini, sub Pio PP. IIII.

Die. XIII. Maij. M. D. LXII.



ACROSANCTA, Oecumenica, & generalis, Tridentina Synodus, in spiritu sancto legitime cōgregata, presidentibus in ea eisdem Apostolicæ sedis legatis: Decreta ea, quæ hodie in præsentī Sessione statuenda, ac sancienda erant, iustis non nullis, ac honestis causis, in feriam quintā, post primam solennitatem corporis Christi (quæ erit pridie nonas Iunij) proroganda esse censuit, ac prorogat: dictaq; die, Sessionem habendam esse, ac celebrandam, omnibus indicit: Interea rogandus est Deus, & Pater D. N. Iesu Christi, author pacis, ut sanctificet corda omnium: quò adiuvante, Sancta Synodus, & nunc & semper, meditari, atq; peragere valeat, quæ ad eius laudem & gloriam pertineant.

QUARTA SESSIO.

DECRETUM PUBLICATUM IN SESSIONE

quarta, sacri Concilij Tridentini, sub S. D. N. Pio

PP. IIII. Die IIII. Iunij. M. D. LXII.



ACROSANCTA, Oecumenica, et generalis, Tridentina Synodus, in spiritu Sancto legitime congregata: presidentibus in ea eisdem Apostolicæ sedis legatis: Propter varias difficultates, ex diversis causis exortas: atq; etiam, ut congruentius, maioriq; cum deliberatione, omnia procedant, nempe ut dogmata, cum ijs, quæ ad reformationem spectant, simul tractentur: & sanciantur ea, quæ statuenda videbuntur, tam de reformatione, quàm de dogmatibus, in proxima sessione: quam omnibus indicit, in diem sextam decimam, subsequēntis mensis Iulij, diffinienda esse decrevit: Hoc tamen adiecto, quòd dictum terminum, ipsa sancta Synodus, pro eius arbitrio, & uoluntate, sicuti rebus Concilij putauerint expedire, etiam in generali congregatione, restringere & prorogare, liberè possit & valeat.

r

SESSIO QVINTA.

DOCTRINA DE COMMVNONE SVB
utraq; specie, & paruulorum, publicata in Sessione
quinta, sacri, œcumenici Concilij
Tridentini.

Sub S. D. N. Pio IIII. Pont. Max. die XVI. Iulij.

M. D. L X I I.

PRO OE M I V M.



ACROSANCTA, œcumenica, & generalis
Tridentina Synodus, in Spiritu sancto legiti-
mè congregata: præfidentibus in ea eisdẽ Apo-
stolica Sedis legatis (Cùm de tremendo, & san-
ctissimo Eucharistiæ sacramento, uaria diuer-
sis in locis errorum monstra, nequissimi Dæ-
monis artibus circumferantur: ob quæ, in nonnullis Prouincijs,
multi à Catholica Ecclesiæ fide, atq; obedientia, uideantur, di-
scessisse) censuit, ea, quæ ad communionem sub utraq; specie, &
paruulorum pertinent, hoc loco exponenda esse. Quapropter,
cunctis Christi fidelibus interdicit, ne posthac, de ijs, aliter uel
credere, uel docere, uel prædicare audeant, quàm est ijs Decre-
tis explicatum, atq; definitum.

LAICOS, ET CLERICOS NON
conficientes, non astringi iure diuino, ad commu-
nionem sub utraq; specie. Cap. I.

Esa. 11.

Itaq; sancta ipsa Synodus, à Spiritu sancto (qui spiritus est sa-
pientiæ, & intellectus, spiritus consilij, & pietatis) edocta, at-
que ipsius Ecclesiæ iudicium, & consuetudinem sequuta: decla-
rat, ac docet, nullo diuino præcepto, laicos, & clericos non con-
ficientes, obligari ad eucharistiæ sacramentum sub utraq; specie
sumendum: neq; ullo pacto (salua fide) dubitari posse, quin illis
alterius speciei communio ad salutem sufficiat. Nam, etsi Chri-
stus Dominus, in ultima cœna, uenerabile hoc sacramentum, in
panis, & uini speciebus instituit, & Apostolis tradidit: non ta-
men illa institutio, & traditio, eò tendunt, ut omnes Christi fi-
deles, statuto Domini, ad utranq; speciem accipiendam astring-

*Greci
Præfidentibus
1511
S. Synodus Tridentina
1511
1511*

Mat. 26.
Marc. 14.
Luc. 22.

gantur. Sed neque ex sermone illo, apud Ioannem sexto, rectè colligitur, utriusq; speciei communionem, à Domino præceptam esse. ^{etiam} prunq; iuxta uarias sanctorum patrum, et doctorum interpretationes intelligatur. Nanq; qui dixit: Nisi manducaueritis carnem filij hominis, & biberitis eius sanguinem, non habebitis uitam in uobis: Dixit quoque, si quis manducauerit ex hoc pane, uiuet in æternum. Et qui dixit: Qui manducat meam carnem, & bibit meum sanguinem, habet uitam æternam: Dixit etiam: Panis quem ego dabo, caro mea est, pro mundi uita. Et denique qui dixit: Qui manducat meam carnem, & bibit meum sanguinem, in me manet, & ego in illo: Dixit nihilominus: Qui manducat hunc panem, uiuet in æternum.

Ioan. 6.

Ecclesiæ potestas, circa dispensationem sacramenti
Eucharistiæ. Cap. I I.

Præterea, declarat hanc potestatem perpetuè in Ecclesia fuisse, ut in sacramentorum dispensatione, salua illorum substantia, ea statueret, uel mutaret: quæ suscipientium utilitati, seu ipsorum sacramentorum uenerationi, pro rerum, temporum, & locorum uarietate, magis expedire iudicaret. Id autem Apostolus, non obscure uisus est innuisse, cum ait: sic nos existimet homo, ut ministros Christi, & dispensatores mysteriorum Dei: atque ipsum quidem hac potestate usum esse satis constat, cum in multis alijs, tum in hoc ipso sacramento, cum ordinatis nonnullis circa eius usum: cætera, inquit, cum, uenero, disponam. Quare agnoscens sancta mater Ecclesia, hanc suam in administratione sacramentorum auctoritatem, licet ab initio Christianæ Religionis, non infrequens utriusq; speciei usus fuisset: tamen progressu temporis, latissime iam mutata illa consuetudine, grauius, & iustis causis adducta, hanc consuetudinem, sub altera specie communicandi approbavit: & pro lege habendam decreuit: quam reprobare, aut sine ipsius Ecclesiæ auctoritate, prohibito mutare non licet.

1 Cor. 4.

1 Cor. 11.

Totum & integrum Christum, ac uerum sacramentum,
sub qualibet specie sumi. Cap. I I I.

Insuper declarat, quamuis Redemptor noster (ut antea dictum est) in suprema illa cæna, hoc sacramentum, in duabus

1 Cor. 11

Y ii

speciebus instituerit: & Apostolis tradiderit: tamen fatendum esse, etiam sub altera tantum specie, totum, atq; integrum Christum, uerumq; sacramentum sumi. Ac propterea, quod ad fructum attinet, nulla gratia necessaria ad salutem, eos defraudari, qui unam speciem solam accipiunt.

Paruulos non obligari ad communionem sacramentalem. Cap. II II. *Contra Anabaptistas*

Et nota Ecclesia in primis
Denique eadem sancta Synodus, docet, paruulos usu rationis carentes, nulla obligari necessitate, ad sacramentalem Eucharistiae communionem. Siquidem per baptismi lauacrum regenerati, & Christo incorporati, adeptam iam filiorum Dei gratiam, in illa etate amittere non possunt. Neq; ideo tamen damanda est antiquitas, si eum morem in quibusdam locis aliquando seruauit. Vt enim sanctissimi illi patres, sui facti probabilem causam, pro illius temporis ratione habuerunt, ita certe eos nulla salutis necessitate, id fecisse, sine controuersia credendum est.

Quod in gloria eius ipse
ANONES DE COMMUNIONE
sub utraque specie, & Paruulorum.

Canon. I.

Hodie sacrilegium est et propter
Si quis dixerit, ex Dei praecepto, uel necessitate salutis, omnes, & singulos Christi fideles, utranq; speciem sanctissimi eucharistiae Sacramenti, sumere debere; Anathema sit.

Canon. I I.

Si quis negauerit, totum, & integrum Christum, omnium gratiarum fontem, & authorem, sub una panis specie sumi: quia (ut quidam falsò asserunt) non secundum ipsius Christi institutionem, sub utraq; specie sumatur: anathema sit.

Canon. I I I.

Si quis negauerit, totum, & integrum Christum, omnium gratiarum fontem, & authorem, sub una panis specie sumi: quia (ut quidam falsò asserunt) non secundum ipsius Christi institutionem, sub utraq; specie sumatur: anathema sit.

Canon. I I I I.

Siquis dixerit: paruulis, antequàm ad annos discretionis peruenierint, necessariã esse eucharistiæ cõmunionem: anathema sit.

*Duos uerò articulos, aliàs propositos, nondum tamen excus-
sos, uidelicet.*

*An rationes: quibus sancta catholica Ecclesia adducta fuit,
ut communicaret laicos, atq; etiam non celebrantes sacerdotes,
sub una tantum panis specie: ita sint retinendæ, ut nulla ratio-
ne Calicis usus, cuiquam sit permittendus. &*

*An, si honestis, & Christianæ charitati consentaneis ratio-
nibus, concedendus alicui, uel nationi, uel Regno, Calicis usus
uideatur: sub aliquibus conditionibus concedendus sit: & quæ-
nam sint illæ.*

*Eadem sancta Synodus, in aliud tempus, oblata sibi quampri-
mum occasione, examinandos, atq; definiendos, reseruat.*

DECRETVM DE REFORMATIONE,

publicatum in eadem Sessione quinta, sub S. D.

N. Pio I I I I. Pont. Max.

P R O O E M I V M.

*Eadem sacrosancta, œcumenica, & generalis, Tridentina Sy-
nodus, in Spiritu sancto legitime congregata: præsidentibus in
ea, eisdem Apostolicæ sedis legatis: Ad Dei omnipotentis lau-
dem, & sanctæ Ecclesiæ ornamentum, ea, quæ sequuntur, de
reformationis negocio, in præsentì statuenda esse censuit.*

Canon. I.

*Quoniam ab Ecclesiastico ordine, omnis auaritiæ suspicio, a-
besse debet: nihil, pro collatione quoruncunq; ordinum, etiam
clericalis tonsuræ, nec pro literis dimissorijs, aut testimonialibus,
nec pro sigillo, nec alia quacunq; de causa, etiam sponte oblatum,
Episcopi, & alij ordinum collatores, aut eorum ministri, quouis
prætextu, accipiant. Notarij uerò, in his tantum locis, in qui-
bus non uiget laudabilis consuetudo, nihil accipiendi: pro singu-
lis literis dimissorijs, aut testimonialibus, decimam tantum unius
aurei partem, accipere possint: dummodò eis, nullum salariū sit con-
stitutum, pro officio exercendo: nec episc. ex notarij cõmodis, aliquod*

S E S S I O

emolumentū, ex eisdem ordinum collationibus, directe, uel indirecte, prouenire possit, Tunc. n. gratis operā suam eos prestare omnino teneri decernit: contrarias taxas, ac statuta, & consuetudines, etiam immemorabiles, quorumcunq; locorum (quæ potius abusus, & corruptelæ, simoniacæ prauitati fauentes, nuncupari possunt) penitus cassando, & interdicendo: et qui secus fecerint tam dantes, quàm accipientes, ultra diuinam ultionem, pœnas à iure infligtas, ipso facto incurrant.

Canon I I.

Cùm non deceat, eos, qui diuino ministerio ascripti sunt, cum ordinis dedecore mendicare, aut sordidum aliquem quæstum exercere: compertumq; sit, quamplures, pleriq; in locis, ad sacros ordines, nullo ferè delectu admitti: qui uarijs artibus, ac fallacijs, confingunt, se beneficium Ecclesiasticum, aut etiam idoneas facultates obtinere: statuit Sancta Synodus, ne quis deinceps clericus secularis (quamuis aliàs sit idoneus, moribus, scientia, & ætate) ad sacros ordines promoueatur, nisi prius legitime constet, eum, beneficium Ecclesiasticum, quod sibi ad uitæ honestè sufficiat, pacificè possidere. Id uerò beneficium, resignare non possit: nisi facta mentione, quòd ad illius beneficii titulum sit promotus. Neq; ea resignatio admittatur, nisi constito, quòd aliunde uiuere commodè possit: & aliter facta resignatio nulla sit. Patrimonium uerò, uel pensionem obtinentes, ordinari posthac non possint: nisi illi, quos Episcopus iudicauerit assumendos, pro necessitate, uel commoditate Ecclesiarum suarum: eo quoq; prius perspecto, patrimonium illud, uel pensionem, uerè ab eis obtineri, taliaq; esse, quæ eis ad uitam sustentandam satis sint: atq; illa deinceps sine licentia Episcopi alienari, aut extinguì, uel remitti, nullatenus possint: donec beneficium Ecclesiasticum sufficiens sint adepti: uel aliunde habeant, unde uiuere possint: antiquorum Canonum pœnas, supra his innouando.

Canon I I I.

Cùm beneficia, ad diuinum cultum, atq; Ecclesiastica munia obeunda, sint constituta: ne qua in parte minuatur diuinus cultus, sed ei debitum omnibus in rebus obsequium præstetur: statuit Sancta Synodus, in Ecclesijs, tam cathedralibus, quàm colle-

giatis in quibus nullæ sunt distributiones quotidianæ (uel ita tennes, ut uerisimiliter negligantur) tertiam partem fructuum, et quorumcunq; prouentuum, & obuentionum, tam dignitatum, quam Canonicatum, personatum, portionum, & officiorum, separari debere: & in distributiones quotidianas conuerti: quæ inter dignitates obtinentes, & ceteros diuinis interessentes, proportionabiliter, iuxta diuisionem ab Episcopo, etiam tanquàm Apostolicæ sedis delegato, in ipsa prima fructuum deductione facienda, diuidantur: saluis tamen consuetudinibus earum Ecclesiarum, in quibus non residentes, seu non seruientes, nihil, uel minus tertia parte percipiunt: non obstantibus exemptionibus, ac alijs consuetudinibus, etiam immemorabilibus, & appellationibus quibuscunq;: Crescenteq; non seruientium contumacia, liceat contra eos procedere, iuxta iuris, ac sacrorum canonum dispositionem.

Canon I I I I.

Episcopi, etiam tanquàm Apostolicæ sedis delegati, in omnibus Ecclesijs parochialibus, uel baptisnalibus, in quibus populus ita numerosus sit, ut unus Rector, non possit sufficere Ecclesiasticis Sacramentis ministrandis, & cultui diuino peragendo: cogant rectores, uel alios, ad quos pertinet, sibi tot sacerdotes ad hoc munus adiungere, quot sufficiant ad sacramenta exhibenda, & cultum diuinum celebrandum. In ijs uerò, in quibus ob locorum distantiam, siue difficultatem, parochiam, sine magno incommodo, ad percipienda sacramenta, & diuina officia audienda, accedere non possunt: nouas parochias, etiam inuitis rectoribus, iuxta formam constitutionis Alex. iii. (quæ incipit, Ad audientiam) constituere possint. Illis autem sacerdotibus, qui de nouo erunt Ecclesijs nouiter erectis præficiendi, competens assignetur portio, arbitrio Episcopi, ex fructibus, ad Ecclesiam matricem quomodocunq; pertinentibus: & si necesse fuerit, compellere possit populum, ea subministrare, quæ sufficiant, ad uitam dictorum sacerdotum sustentandam: quacunq; reservatione generali, uel speciali, uel affectione, super dictis ecclesijs, non obstantibus. Neq; huiusmodi ordinationes: & erectiones, possint tolli, nec impediri, ex quibuscunq; prouisionibus, etiam uigore Resignationis, aut quibusuis alijs derogationibus, uel suspensionibus.

Canon V.

Vt etiam Ecclesiarum status, ubi sacra Deo officia ministrantur, ex dignitate conseruetur: possint Episcopi, etiam tanquam Apostolica sedis delegati, iuxta formam iuris, sine tamen prauidicio obtinentium, facere uniones perpetuas, quaruncunq; Ecclesiarum parochialium, & baptismalium, & aliorum beneficiorum curatorum, uel non curatorum, cum curatis, propter earum paupertatem: & in ceteris casibus à iure permissis: etiam si dictæ Ecclesiæ, uel beneficia essent, generaliter, uel specialiter reseruata, aut qualitercunq; affecta. Quæ uniones etiam non possint reuocari, nec quoquo modo infringi, uigore cuiuscunque prouisionis, etiam ex causa resignationis, aut derogationis, aut suspensionis.

Canon VI.

Quia illiterati, & imperiti, parochialium Ecclesiarum Rectores, sacris minus apti sunt officijs, & alij, propter eorum uitæ turpitudinem, potius destruunt, quam adificant: Episcopi, etiam tanquam Apostolica sedis delegati, eisdem illiteratis, & imperitis, si aliàs honestæ uitæ sint, coadiutores, aut Vicarios, pro tempore deputare: partemq; fructuum eisdem, pro sufficienti uictu assignare, uel aliter providere possint: quacunq; appellatione, & exemptione remota. Eos uerò, qui turpiter, & scandalosè uiuunt, postquam præmoniti fuerint, coërceant, ac castigant: Et, si adhuc incorrigibiles in sua nequitia perseuerent: eos beneficijs (iuxta sacrorum Canonum constitutiones) exemptione, & appellatione quacunq; remota, priuandi facultatē habeāt.

Canon VII.

Cum illud quoque, ualde curandum sit: ne ea, quæ sacris ministerijs dicata sunt, temporum Iniuria obsoleant, & ex hominum memoria excidant: Episcopi, etiam tanquam Apostolica sedis delegati, transferre possint beneficia simplicia (etiam iuris patronatus) ex Ecclesijs, quæ uetustate, uel aliàs collapsæ sint, & ob eorum inopiam, nequeant instaurari (uocatis ijs quorum interest) in matrices, aut alias Ecclesias locorum eorundem, seu uiciniorum, arbitrio suo: atq; in eisdem Ecclesijs, erigant altaria, uel capellas, sub eisdem inuocationibus: uel in iam erecta altaria, uel capellas, transferant, cum omnibus emolumentis, &

tis, & oneribus, prioribus Ecclesiis impositis. Parochiales uero Ecclesias (etiam si iuris patronatus sint) ita collapsas, refici, & instaurari procurent, ex fructibus, & prouentibus quibuscunq; ad easdem Ecclesias, quomodocunq; pertinentibus. Qui si non fuerint sufficientes, omnes patronos, & alios, qui fructus aliquos, ex dictis Ecclesiis prouenientes percipiunt: aut in illorum defectum, parochianos, omnibus remedijs opportunis, ad prædicta cogant: quacunq; appellatione, exemptione, & contradictione remota. Quòd si, nimia egestate, omnes laborent: ad matricas, seu uiciniores Ecclesias trasferantur: cum facultate, tam dictas parochiales, quàm alias Ecclesias dirutas, in prophanos usus, non sordidos (erecta tamen ibi Cruce) conuertendi.

Canon. V I I I.

Quæcunque in Diœcesi ad Lei cultum spectant, ab ordinario diligenter curari, atque ijs, ubi oportet, prouideri, æquum est. propterea commendata monasteria, etiam Abbatia, Prioratus, & præposituræ nuncupatæ, in quibus non uiget Regularis obseruantia: nec non beneficia, tam curata, quàm non curata, secularia, & regularia, qualitercunq; commendata, etiam exempta, ab Episcopis, etiam tãquàm Apostolica sedis delegatis, annis singulis uisitentur: curentq; iidem episcopi, congruentibus remedijs, etiam per sequestrationem fructuum, ut, quæ renouatione indigēt, aut restauratione, reficiantur: & cura animarum, si qua illis, uel eorum annexis immineat, aliaq; debita obsequia rectè exerceantur: appellationibus quibuscunque, priuilegijs, consuetudinibus, etiam immemorabili tempore præscriptis, conseruatorijs, iudicum deputationibus, & eorum inhibitionibus non obstantibus: & si in eis uigeret obseruantia regularis, prouideant episcopi, paternis admonitionibus: ut eorum Regularium superiores, iuxta eorum Regularia instituta, debitam uiuendi rationem obseruent: & obseruari faciant: & sibi subditos, in officio continent, ac moderentur. Quòd si, admoniti, intra sex menses, eos non uisitauerint, uel correxerint: tunc iidem episcopi, etiam ut delegati sedis Apostolicæ, eos uisitare possint, & corrigere, prout ipsi superiores possent, iuxta eorum instituta: quibuscunq; appellationibus, priuilegijs, & exemptionibus penitus remotis, & non obstantibus.

Cum multa à diuersis antea Concilijs, tam Lateranen. ac Lugdunen. quàm Viennen. aduersus prauos Eleemosinarum Quæstorum abusus, remedia tunc adhibita, posterioribus tēporibus redita fuerint inutilia: potiusq; eorum malitia, ita quotidie magni fidelium omnium scandalo, & querela, excrescere deprehendatur: ut de eorum emendatione, nulla spes amplius relicta uideatur: statuit, ut posthac, in quibuscunq; Christianæ Religionis locis, eorum nomen, atq; usus, penitus aboleatur: nec ad officium huiusmodi exercendum, ullatenus admittantur: non obstantibus priuilegijs, Ecclesijs, Monasterijs, Hospitalibus, pijs locis, & quibuscunq; cuiuscunque gradus, status, & dignitatis personis concessis, aut consuetudinibus etiam immemorabilibus. Indulgentias uerò, aut alias spirituales gratias, quibus non ideo Christi fideles decet priuari: deinceps, per ordinarios locorum, adhibitis duobus de capitulo, debitis temporibus, populo publicandas esse decernit. Quibus etiam, Eleemosinas, atque oblata sibi charitatis subsidia, nulla prorsus mercede accepta, fideliter colligendi facultas datur: Vt tandem, cælestes hos Ecclesiæ Thesauros, non ad quæstum, sed ad pietatem exerceri, omnes uerè intelligant.

DECRETVM INDICATIONIS FUTURÆ
Sessionis, publicatum in eadem Sessione quinta,
sub S. D. N. Pio III.

Eadem sacrosancta, æcumenica, & generalis, Tridentina Synodus, in spiritu sancto legitimè congregata: præsidentibus in ea, eisdem Apostolicæ sedis legatis: statuit & decreuit: proximam futuram Sessionem, habendam, & celebrandam esse, feria quinta, post octauam festi Natiuitatis Beatæ Mariæ Virginis: quæ erit decima septima, mensis Septembris, proximi futuri. Hoc tamen adiecto: quòd dictum terminum, ac cuicunq; Sessioni in posterum præfigendum, ipsa sancta Synodus, pro eius arbitrio, & uoluntate, sicuti rebus Concilij putauerit expedire, etiam in generali congregatione, restringere, & prorogare, liberè possit, & ualeat.

SESSIO SEXTA

VERA, ET CATHOLICA DOCTRINA,
quod in missa, uerum Sacrificium, & propitiatorium
offeratur: promulgata in Sessione Sexta
Concilij Tridentini.

Die XVII. Mensis Septembris M. D. LXII.
Sub Beatiss. Pio IIII.

P R O O E M I V M.



ACROSANCTA, Synodus &c. Ut uetus, ab-
soluta, atq; omni ex parte perfecta, de magno
Eucharistiae mysterio, in Sancta Catholica Ec-
clesia, fides, atq; doctrina retineatur: & in
sua puritate (propulsatis erroribus, atq; hèresi-
bus) conseruetur: de ea, quatenus uerum, &
singulare sacrificium est, spiritus sancti illustratione edocta, &
hæc, quæ sequuntur, docet, declarat, & fidelibus populis præ-
dicanda decernit.

Caput. I.

Quoniam sub priori testamento (teste Apostolo Paulo) pro-
pter leuitici sacerdotij imbecillitatem, consummatio non erat:
oportuit (Deo, patre misericordiarum, ita ordinante (sacerdo-
tem alium, secundum ordinem Melchisedech surgere, Dominum
nostrum Iesum Christum: qui posset, omnes, quotquot sanctifi-
candi essent, consummare, & ad perfectum adducere. Is igitur
Deus, & Dominus noster, etsi semel seipsum in ara crucis (mor-
te intercedente) Deo patri oblaturus erat, ut æternam illic re-
demptionem operaretur: quia tamen per mortem, sacerdotium
eius extinguendum non erat: in cœna nouissima, qua nocte tra-
debatur, ut dilectæ suæ sponsæ Ecclesiæ, uisibile (sicut hominum
natura exigit) relinqueret sacrificium, quo cruentum illud semel
in Cruce peragendum repræsentaretur: eiusq; memoria, in finem
usq; sæculi, permaneret: atq; illius salutaris uirtus, in remissio-
nem eorum, quæ à nobis quotidie committuntur, peccatorum, ap-
plicaretur: sacerdotem secundum ordinem Melchisedech, se in æter-

Z ii

*Explicatio uiri
abud fasp. p. 211
in Commen. Hinc
rio et Dogmati
sacrificij desin
Hebr. 7. & uider.
sacrif. quæ it. 1.
cap. 3.*

- num constitutum declarans, corpus, & sanguinem suum, sub speciebus panis & uini, Deo patri obtulit: ac sub earundem rerum symbolis, Apostolis (quos tunc noui testamenti sacerdotes constituebat) ut sumerent, tradidit: & eisdem, eorumq; in sacerdotio successoribus, ut offerrent, præcepit, per hæc uerba: Hoc facite in meam commemorationem: uti semper ecclesia Catholica intellexit, & docuit. Nam celebrato ueteri Pascha (quod in memoriâ exitus de Aegypto, multitudo filiorum Israel immolabat) nouum instituit Pascha: seipsum, ab Ecclesia, per sacerdotes, sub signis uisibilibus immolandum, in memoriâ transitus sui, ex hoc mundo, ad patrem: quando, per sui sanguinis effusionem, nos redemit: atq; eripuit de potestate tenebrarum, & in Regnum suum transtulit. Et hæc quidem illa munda oblatio est: quæ nulla indignitate, aut malitia offerentium, inquinari potest. quam etiam Dominus, per Malachiam nomini suo, quod magnum futurum esset in gentibus: in omni loco, mundam offerendam prædixit. & quam non obscure innuit Apostolus Paulus, Corinthijs scribens, cum dicit: non posse eos, qui participatione mensæ demoniorum polluti sunt, mensæ Domini participes fieri: per mensam, altare utrobique intelligens. Hæc denique illa est, quæ per uarias sacrificiorum, naturæ, et legis tempore, similitudines, figurabatur: utpote, quæ, bona omnia, per illa significata, uelut illorum omnium consummatio & perfectio, complectitur.

Caput. I I.

Et quoniam in diuino hoc sacrificio, quod in missa peragitur, idem ille Christus continetur, & incruentè immolatur, qui in ara Crucis semel seipsum cruentè obtulit: docet Sancta Synodus, sacrificium istud, uerè propitiatorium esse: per ipsumq; fieri: ut, si eum uero corde, et recta fide, cum metu, & reuerentia, contriti, ac pœnitentes, ad Deum accedamus: misericordiam consequamur, et gratiam inueniamus, in auxilio opportuno. Huius quippe oblatione placatus Dominus, gratiam, & donum pœnitentiæ concedens: crimina, & peccata, etiam ingentia, dimittit. Una enim eademq; est hostia, idemq; nunc offerens sacerdotum ministerio: qui seipsum tunc in cruce obtulit: sola offerendi ratione diuersa. Cuius quidem oblationis (cruentæ, inquàm) fructus, per hanc incruentam uberrimè percipiuntur: tantum abest, ut illi, per hæc

quouis modo derogetur. Quare, non solum, pro fidelium uiuorū peccatis, pœnis, satisfactionibus, & alijs necessitatibus: sed et pro defunctis in Christo, nondum ad plenum purgatis: ritè, iuxta Apostolorum traditionem, offertur.

Caput. I I I.

Et quamuis, in honorem, & memoriam sanctorum, nonnullas interdum missas, Ecclesia celebrare consueuerit, non tamen illis sacrificium offerri docet: sed Deo soli, qui illos coronauit. Unde nec sacerdos dicere solet, offero tibi sacrificium Petre, uel pauli: sed Deo, de illorum uictorijs gratias agens, eorum patrocinia implorat: ut ipsi pro nobis intercedere dignentur in cœlis, quorum memoriam facimus in terris.

Caput. I I I I.

Et cum sancta sanctè administrari conueniat, sitq; hoc omnium sanctissimum sacrificium: Ecclesia Catholica, ut dignè reuerenterq; offerretur, ac perciperetur, sacrum Canonem multis ante seculis instituit, ita ab omni errore purum: ut nihil in eo contineatur, quod non maximè sanctitatem, & pietatem quandam redeat, mentesq; offerentium in Deum erigat. Is enim constat, cum ex ipsis Domini uerbis, tum & Apostolorum traditionibus, ac sanctorum quoq; Pontificum, pijs institutionibus.

Caput. V.

Cumq; natura hominum ea sit, ut non facilè queat, sine ipsis adminiculis exterioribus, ad rerum diuinarum meditationem sustolli: propterea pia mater Ecclesia, ritus quosdam: ut scilicet quædam summissa uoce, alia uerò elatiore, in missa pronunciantur: instituit. Cæremonias item adhibuit, ut mysticas benedictiones, lumina Thimiamata, uestes, aliaq; id genus multa, ex Apostolica disciplina & traditione, quò & maiestas tanti sacrificij commendaretur: & mentes fidelium, per hæc uisibilia, religionis & pietatis signa, ad rerum altissimarum, quæ in hoc sacrificio latent, contemplationem, excitarentur.

Caput. V I.

Optaret quidem Sacrosancta Synodus, ut in singulis missis,

fideles adstantes, non solum spiritali affectu, sed sacramentali etiam Eucharistiæ perceptione communicarent: quod ad eos, huius sanctiss. sacrificij fructus uberior, proueniret: nec tamen si id non semper fiat, propterea missas illas, in quibus solus sacerdos sacramentaliter communicat, ut priuatas & illicitas damnat: sed probat, atq; aded commendat. Siquidem illæ quoq; missæ, uerè communes censeri debent: partim, quod in eis populus spiritaliter communicet: partim uerò, quod à publico Ecclesiæ ministro, non pro se tantum, sed pro omnibus fidelibus, qui ad corpus Christi pertinent, celebrentur.

Caput V I I.

v. Bellarm. contr.
6. 1. c. 4. 7. c. 10.
de sacram. lib. 1.
cap. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Monet deinde Sancta Synodus: præceptum esse ab Ecclesia sacerdotibus, ut aquam uino, in calice offerendo miscerent: tum quod Christum Dominum ita fecisse credatur, tum etiam, quia, è latere eius, aqua simul cum sanguine exierit: quod sacramentum, hac mixtione recolitur, & cum aqua in Apocalypsi Beati Ioannis, populi dicantur: ipsius populi fidelis, cum capite Christo, unio representatur.

Caput V I I I.

v. Bellarm. contr.
6. 1. c. 11. de missa.
cap. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Et si missa, magnam contineat populi fidelis eruditionem: non tamen expedire uisum est patribus, ut uulgari lingua passim celebraretur. Quamobrem, retento ubiq; cuiusq; Ecclesiæ antiquo & à Sancta Romana Ecclesia, omnium Ecclesiarum matre, & magistra probato ritu: ne oues Christi esuriant, neq; paruuli panem petant, & non sit qui frangat eis: mandat Sancta Synodus, Pastoribus, & singulis curam animarum gerentibus: ut frequenter inter missarum celebrationem, uel per se, uel per alios, quæ in missa leguntur, aliquid exponant: atque inter cætera, sanctissimi huius sacrificij mysterium aliquod declarèt, diebus præsertim Dominicis, & festis.

Caput I X.

Quia uerò aduersus ueterem hanc, in sacrosancto Euangelio, Apostolorum traditionibus, sanctorumq; patrum doctrina, fundatam fidem, hoc tempore, multi disseminati sunt errores, et multa à multis docentur, atque disputantur: Sacrosancta Synodus:

post multos, grauesq; , his de rebus, maturè habitos tractatus: unanimi patrum omnium consensu , quæ huic purissimæ fidei, sacreq; doctrinæ aduersantur , damnare , & à sancta Ecclesia eliminare, per subiectos hos canones constituit.

Canon Primus.

Si quis dixerit , in missa, non offerri Deo, uerum & proprium sacrificium: aut quòd offerri non sit aliud, quàm nobis Christum ad manducandum dari: Anathema sit.

Canon. I I.

Si quis dixerit, illis uerbis , hoc facite in meam commemorationem : Christum non instituisse Apostolos sacerdotes : aut non ordinasse, ut ipsi, aliq; sacerdotes offerrent corpus, & sanguinem suum: anathema sit.

Luc. 22

Canon. I I I.

Si quis dixerit, missæ sacrificium, tantum esse laudis , & gratiarum actionis : aut nudam commemorationem sacrificij in cruce peracti: non autem propitiatorium : uel soli prodesse sumenti: neq; pro uiuis , & defunctis , pro peccatis, pænis satisfactionibus, & alijs necessitatibus offerri debere: anathema sit.

Canon. I I I I.

Si quis dixerit , blasphemiam irrogari Sanctissimo Christi sacrificio, in cruce peracto, per missæ sacrificium: aut illi per hoc derogari : anathema sit.

Canon. V.

Si quis dixerit: imposturam esse, missas celebrare in honorem sanctorum, & pro illorum intercessione apud Deum obtinenda, sicut ecclesia intendit : anathema sit.

Canon. V I.

Si quis dixerit , canonem missæ, errores continere, ideoq; abrogandum: anathema sit.

Canon. V I I.

Si quis dixerit , cæremonias, uestes, & externa signa: quibus, in missarū celebratione, Ecclesia catholica utitur : irritabula impietatis esse, magis quàm officia pietatis : anathema sit.

Canon. V I I I.

Si quis dixerit, missas: in quibus solus sacerdos sacramentaliter communicat: illicitas esse, ideoq; abrogandas: anathema sit.

Canon. I X.

Si quis dixerit, Ecclesie Romanæ ritum, quo summissa uoce, pars canonis, & uerba consecrationis proferuntur, damnandum esse: aut lingua tantum uulgari, missam celebrari debere: aut aquam non miscendam uino, in calice offerendo, quod sit contra Christi institutionem: anathema sit.

DECRETUM DE REFORMATIONE,
publicatum in eadem sessione sexta.

Eadem sacrosancta Synodus, ut reformationis negotium prosequatur: hæc, in præsentì sessione, statuenda censuit.

Canon Primus.

Nihil est, quod alios magis ad pietatem, ac Dei cultum, assidue instruat: quam eorum uita, & exemplum, qui se diuino ministerio dedicarunt. Cum enim à rebus seculi, in altiore sublati locum conspiciantur: in eos, tanquam in speculum, reliqui, oculos coniiciunt: ex ijsq; sumunt quod imitentur. Quapropter, sic decet omnino clericos, in sortem Domini uocatos. uitam, moresq; suos omnes componere: ut habitu, gestu, incessu, sermone, alijsq; omnibus rebus, nil, nisi graue, moderatum, ac religione plenum, præ se ferant: leuia etiam delicta (quæ in ipsis maxima essent) effugiant: ut eorum actiones, cunctis afferant uenerationem. Cum igitur, quod maiore in Ecclesia Dei, & utilitate, & ornamento hæc sunt, ita etiam diligentius sunt obseruanda: Statuit sancta Synodus, ut quæ aliàs, à summis Pontificibus, & à sacris Concilijs, de clericorum uita, honestate, cultu, doctrinaq; retinenda: ac simul de luxu, comessationibus, choreis, aleis, lufibus, ac quibuscunq; criminibus, necnon secularibus negotijs fugiendis: copiose, ac salubriter sancita fuerunt: eadem in posterum, iisdem pœnis, uel maioribus, arbitrio ordinarij imponendis, obseruentur. nec appellatio, executionem hanc, quæ ad morum correctionem pertinet, suspendat. Si qua uerò iis, in desuetudinem

itudinem abuisse compererint: ea quamprimum in usum reuocari, & ab omnibus accuratè custodiri studeant: non obstantibus consuetudinibus quibuscunq;: ne subditorum neglectæ emendationis, ipsi, condignas, Deo iudice, pœnas persoluant.

Canon. I I.

Quicumq; posthac, ad Cathedralis Ecclesias erit assumendus, is, non solum natalibus, etate, moribus, & uita, ac aliis, quæ à sacris canonibus requiruntur, plenè sit præditus: uerum etiam in sacro ordine, anteq; saltem sex mensium spatio, constitutus. quarum rerum instructio, si eius notitia nulla, aut recens in Curia fuerit: à sedis Apostolicæ Legatis, seu nuntijs Prouinciarum, aut eius ordinario: eoq; deficiente, à uicinioribus ordinarijs, sumatur. Scientia uerò, præter hæc, huiusmodi polleat, ut muneris sibi iniungendi necessitati possit satisfacere. Ideoq; anteq; in uniuersitate studiorum, magister sine doctor, aut licentiatus in sacra Theologia, uel iure Canonico, meritò sit promotus aut publico alicuius Academiæ testimonio idoneus, ad alios docendos, ostendatur. Quod si regularis fuerit, à superioribus suæ religionis, similem fidem habeat. Prædicti autem omnes, unde instructio, seu testificatio erit sumenda, hæc fideliter et gratis referre teneantur: Alioquin, eorum conscientias, grauiter oneratas esse scient: & Deum, & superiores suos, habebunt ultores.

Canon. I I I.

Episcopi, etiam tanquam delegati Apostolici, ex fructibus, & prouentibus quibuscunq; omnium dignitatum, personatum, & officiorum, in Ecclesijs Cathedralibus, uel collegiatis existentium, tertiam partem, in distributiones, eorum arbitrio assignandas, diuidere possint: ut scilicet, qui eas obtinent, si personaliter competens sibi seruitium, iuxta formam ab eisdem Episcopis præscribendam, quolibet die statuto non implenerint: illius diei distributionem amittant: nec eius quoquo modo dominium acquirant: sed fabricæ Ecclesiæ, quatenus indigeat, aut alteri pio loco, arbitrio ordinarij applicetur. Crescente uerò contumacia, contra eos, iuxta Sacrorum Canonum constitutiones, procedant. Quod si, alicui ex prædictis dignitatibus, in Ecclesijs Cathedralibus, uel collegiatis, de iure, seu consuetudine, iurisdictio, ad

A A

ministratio, uel officium, non competat: sed extra ciuitatem, in diœcesi, cura animarum immineat: cui, is, qui dignitatem obtinet, incumbere uoluerit: tunc pro tempore, quo in curata Ecclesia resederit, ac ministrauerit, tanquàm præsens sit, ac diuinis intersit, in Ecclesiis Cathedralibus, ac collegiatis, habeatur. Hæc in his Ecclesiis tantum constituta intelligantur, in quibus, nulla est consuetudo, uel statutum, ut dictæ dignitates non seruientes aliquid amittant, quod ad tertiam dictorum fructuum, & prouentuum, partem ascendat: non obstantibus consuetudinibus, etiam immemorabilibus, & constitutionibus, etiam iuramento, & quauis authoritate firmatis.

Canon. I I I I.

Quicumque, in Cathedrali, uel collegiata, seculari, aut regulari Ecclesia, diuinis mancipatus officijs, in subdiaconatus ordine saltem constitutus non sit: uocem in huiusmodi Ecclesiis, in capitulo non habeat: etiam si hoc sibi ab alijs liberè fuerit concessum. Ii uerò, qui, dignitates, personatus, officia, præbendas, portiones, ac qualibet alia beneficia, in dictis Ecclesiis obtinent, aut in posterum obtinebunt: quibus onera uaria sunt annexa, uidelicet, ut alij missas, alij Euangelia, alij Epistolas dicant, & cantent: teneantur infra annum, iusto impedimento cessante, quocunque priuilegio, exemptione, prærogatiua, generis nobilitate sint insigniti, ordines suscipere requisitos: Alioquin pœnas incurrant, iuxta constitutionem Concilij Vienen. quæ incipit: *Vt ij, qui: Quam præsentis decreto innouat.* Cogantq; Episcopi, eos, diebus statutis, dictos ordines, per seipsos exercere: ac cætera omnia officia, quæ debent in cultu diuino præstare: sub eisdem, & alijs, etiam grauioribus pœnis, arbitrio eorum imponendis. Nec alijs in posterum fiat prouisio: nisi ijs, qui, iam ætatem, & cæteras habilitates integrè habere dignoscantur: aliter irrita sit prouisio.

Canon. V.

Dispensationes, quacunque authoritate concedendæ, si extra Romanam Curiam committendæ erunt: committantur ordinarijs illorum, qui eas impetrauerit. Eæ uerò quæ gratiosè concedentur, suum non sortiantur effectum: nisi prius, ab eisdem, tanquàm delegatis Apostolicis, summarie tantum, & extra, indi-

cialiter cognoscatur, expressas preces, subreptionis uel obreptionis uitio, non subiacere.

Canon. V I.

In commutationibus ultimarum uoluntatum: quæ, non nisi ex iusta, & necessaria causa, fieri, debent: Episcopi, etiam tanquàm delegati sedis Apostolicæ, summarie, & extra, iudicialiter cognoscant, nihil in precibus, tacita ueritate, uel suggesta falsitate, fuisse narratum: priusquàm commutationes prædictæ, executioni demandentur.

Canon. V I I.

Legati, & Nuntij Apostolici, Patriarchæ, Primates, & Metropolitani, in appellationibus ad eos interpositis, in quibusuis causis: tam in admittendis appellationibus, quàm in concedendis inhibitionibus, post appellationem: seruare teneantur formam & tenorem sacrarum constitutionum, & præsertim Innocentij quarti, quæ incipit: Romana: quacunq; consuetudine etiam immemorabili, aut stylo, uel priuilegio, in contrarium non obstantibus: aliàs inhibitiones, & Processus, & inde sequuta quacunq; sint ipso iure nulla.

Canon. V I I I.

Episcopi, etiam tanquàm sedis Apostolicæ delegati, in casibus à iure concessis, omnium piarum dispositionum, tam in ultima uoluntate, quàm inter uiuos, sint executores: habeant ius uisitandi hospitalia, collegia quacunq; ac confraternitates laicorum, etiam quas scholas, siue quocunq; alio nomine uocant: non tamen quæ sub regum immediata protectione sunt, sine eorum licentia: eleemosinas montis pietatis, siue charitatis: & pia loca omnia, quocunq; modo nuncupentur: etiam si prædictorum locorum cura, ad laicos pertineat, atq; eadem pia loca, exemptionis priuilegio sint munita: ac omnia, quæ ad Dei cultum, aut animarum salutem, & pauperes sustentandos instituta sunt, ipsi ex officio suo, iuxta sacrorum canonum statuta cognoscant, & exequantur: non obstantibus, quacunq; consuetudine, etiam immemorabili, priuilegio, aut statuto.

Canon. I X.

AA ii

Administratores, tam Ecclesiastici, quàm laici, fabricæ cuiusvis Ecclesiæ, etiam Cathedralis, hospitalis, confraternitatis, eleemosinæ, montis pietatis, & quorumcunq; piorum locorum, singulis annis teneantur. reddere rationem administrationis, ordinario: consuetudinibus & privilegijs quibuscunq; in contrarium sublati: nisi secus forte, in institutione, & ordinatione talis Ecclesiæ, seu fabricæ, expresse cautum esset. Quod si, ex consuetudine, aut privilegio, aut ex constitutione aliqua loci, alijs ad id deputatis ratio reddenda esset: tunc cum iis adhibeatur etiam ordinarius: aliter factæ liberationes, dictis administratoribus minime suffragentur.

Canon. X.

Cum ex notariorum imperitia, plurima damna, & multarum occasio Litium oriatur: possit Episcopus, quoscunq; Notarios, etiam si Apostolica, Imperiali, aut regia authoritate, creati fuerint: etiam tanquàm delegatus sedis Apostolicæ, examinatione adhibita, eorum sufficientiam scrutari: illisq; non idoneis repertis, aut quomodocunq; in officio delinquentibus: officij eius, in negotijs, litibus, & causis Ecclesiasticis, ac spiritualibus: exercendi, usum, perpetuò, aut ad tempus, prohibere. Nec appellatio eorum, interdictionem ordinarij suspendat.

Canon. X I.

Si quem clericorum, aut laicorum: quacunq; is dignitate, etiam Imperiali, aut Regali præfulgeat: tantum, malorum omnium radix cupiditas, occupauerit: ut alicuius Ecclesiæ, seu cuiusvis secularis, aut regularis beneficii, montium pietatis, aliorumq; piorum locorum iurisdictiones, bona, census, ac iura, etiam feudalia, & emphiteotica, fructus, emolumenta, seu quasunq; obventiones: quæ in ministrorum, ac pauperum necessitates conuerti debent: per se, uel per alios, ui, uel timore incusso, seu etiam per suppositas personas clericorum, aut laycorum, seu quacunq; arte, aut quocunq; quæsito colore in proprios usus conuertere, illosq; usurpare præsumperit: seu impedire, ne ab iis, ad quos iure pertinent, percipiantur: is, Anathemati tandiù subiaceat, quandiù iurisdictiones, bona, res, iura, fructus, & redditus, quos occupauerit: uel qui ad eum quomo-

docunq; , etiam ex donatione suppositæ personæ, peruenierint : Ecclesiæ, eiusq; administratori, siue beneficiato, integrè restituerit : ac deinde à Romano Pontifice absolutionem obtinuerit. Quòd si, eiusdem Ecclesiæ patronus fuerit : etiam iurispatronatus, ultra positas pœnas, eo ipso priuatus existat. Clericus uerò qui nefandæ fraudis, & usurpationis huiusmodi fabricator, seu consentiens fuerit, eisdem pœnis subiaceat : necnon quibuscunq; beneficiis priuatus sit, & ad quæcunq; alia beneficia, inhabilis efficiatur : & à suorum ordinum executione : etiam post integram satisfactionem, & absolutionem : arbitrio sui ordinarii, suspendatur.

DECRETUM DE OBSERVANDIS, VEL
evitandis, in celebratione Missæ, promulgatum
in eadem Sessione Sexta.

Quanta cura adhibenda sit, ut sacrosanctum Missæ sacrificiū, omni religionis cultu, ac ueneratione celebretur : cuius facilè estimare poterit : qui cogitarit, maledictum in sacris literis eum uocari, qui opus Dei facit negligenter. Quòd si necessario fatemur, nullum aliud opus, adeò sanctum, ac diuinum, à Christi fidelibus tractari posse, quàm hoc ipsum tremendum mysterium : quo, uiuifica illa hostia, qua Deo patri reconciliati sumus, in altari, per Sacerdotes quotidie immolatur : sat̃s etiam apparet, omnem operā, & diligentiam, in eo ponendam esse : ut quanta maxima fieri potest interiori cordis munditia, & puritate, atq; exteriori deuotionis, ac pietatis specie, peragatur. Cùm igitur multa iam, siue temporum uitio, siue hominum incuria, & improbitate, irrepsisse uideantur, quæ à tanti sacrificij dignitate aliena sunt, ut ei debitus honor, & cultus, ad Dei gloriam, & fidelis populi ædificationem, restituatur : decernit Sancta Synodus : ut ordinarij locorū Episcopi, ea omnia prohibere, atq; è medio tollere sedulo curent, ac teneantur : quæ, uel auaritia, idolorum seruitus : uel irreuerentia, quæ ab impietate uix seiuncta esse potest : uel superstitio, uere pietatis falsa imitatrix, induxit.

Atq; ut multa paucis comprehendantur : in primis, quod ad auaritiam pertinet, cuiusuis generis mercedum, conditiones, pæctæ, conuentiones, & quicquid pro Missis nobis celebrandis da-

Hier. 42

tur: nec non importunas, atq; illiberales eleemosinarum exactio-
nes, potius quam postulationes: aliaq; huiusmodi: quæ à Simonia-
ca labe: uel certè à turpi quæstu non longè absunt: omnino probi-
beant.

Deinde ut irreuerentia uitetur: singuli in suis diœcesibus inter-
dicat: ne cui uago, et ignoto sacerdote, Missas celebrare liceat. Ne
minem prætered: qui publicè, & notoriè criminofus sit: aut San-
cto altari ministrare: aut sacris interesse permittant: nè uic patiā-
tur: priuatis in domibus: atque omnino extra Ecclesiam, & ad di-
uinum tantum cultum dedicata oratoria, ab eisdem ordinarijs de-
signanda, & uisitanda, sanctum hoc sacrificium, à secularibus,
aut regularibus quibuscunq; peragi: ac nisi prius intersint decen-
ter: composito corporis habitu, declarauerint, se, mente etiam, ac
denoto cordis affectu, non solum corpore adesse. Ab Ecclesijs uerò
musicas eas: ubi siue organo: siue cantu, lasciuum, aut impurum
aliquid miscetur, item seculares omnes actiones, uana, atq; adeo
profana colloquia, deambulationes, strepitus, clamores arceant:
ut domus Dei, uerè domus orationis esse uideatur, & dici possit.

Postremò, ne superstitioni locus aliquis detur: edito, & pœnis
propositis, caueant, ne sacerdotes, alijs, quàm debitis horis, cele-
brent, nè ritus alios, aut alias cœremonias, & preces, in Mis-
sarum celebratione adhibeant, præter eas, quæ ab Ecclesia proba-
tæ, ac frequenti, & laudabili usu receptæ fuerint. Quarundam
uerò Missarum, & candelarum, certum numerum, qui magis à
superstitioso cultu, quàm à uera religione inuentus est, omnino ab
Ecclesia remoueant: Doceantq; populum, quis sit, & à quo potissi-
mum proueniat, huius sanctissimi sacrificij, tam preciosus, ac pro-
pè cœlestis fructus. Moneant etiam eundem populum: ut frequen-
ter ad suas parochias, saltem diebus dominicis, & maioribus fe-
stis, accedant. Hæc igitur omnia, quæ summatim enumerata sunt,
omnibus locorum ordinarijs ita proponuntur: ut, non solum ea ip-
sa, sed quæcunque alia, huc pertinere uisa fuerint: ipsi, pro data si-
bi à Sancta Synodo potestate, ac etiam ut delegati Sedis Aposto-
licæ, prohibeant, mandent, corrigant, statuunt: atque ad ea in-
uiolatè seruanda, censuris Ecclesiasticis, alijsq; pœnis, quæ illo-
rum arbitrio constituent, fidelem populum compellant: non ob-
stantibus, priuilegijs, exemptionibus, appellationibus, ac con-
suetudinibus quibuscunq;.

DECRETVM SVPER PETITIONE CON-
cessionis calicis, publicatum in eadem

Sessione. VI.

Insuper, cum eadem Sancta Synodus, superiori Sessione, duos articulos, alias propositos, & nondum discussos, uidelicet: *An rationes: quibus sancta Catholica Ecclesia adducta fuit, ut communicaret laicos, atque etiam non celebrantes sacerdotes, sub una tantum panis specie: ita sint retinendæ, ut nulla ratione, calicis usus, cuiquam sit permittendus. & An si honestis, et Christiane charitati cõsentaneis rationibus, concedendus alicui, uel nationi, uel Regno, calicis usus uideatur: sub aliquibus conditionibus sit concedendus, & quænam sint illæ in aliud tempus, oblata sibi occasione, examinandos, atque definiendos reseruauerit: nunc eorũ pro quibus petitur, saluti optimè consultum uolens, decernit, integrum negotium ad S. D. N. esse referendum: prout præsentis decreto refert: qui pro sua singulari prudentia id efficiat, quod utile Reipub. Christianæ, & salutare, petentibus usum calicis, fore iudicauerit.*

DECRETVM INDICATIONIS,
futuræ Sessionis.

Insuper eadem sacrosancta Synodus, diem futuræ Sessionis, ad feriam quintam, post octauam festiuitatis omnium sanctorum: qui erit dies X I I. Nouembris, indicit: & in ea decernetur de Sacramento ordinis: & de Sacramento Matrimonij. &c.

SESSIO SEPTIMA.

VERA, ET CATHOLICA DOCTRINA,

De Sacramento Ordinis, ad condemnandos errores
nostri temporis; à sancta Synodo Triden-
tina decreta, & publicata in
Sessione septima.

Die XV. Mensis Iulij. M. D. LXIII.

Sub Beatiss. Pio IIII.

CAPVT PRIMVM.



SACRIFICIVM, & sacerdotium, ita, Dei ordinatione coniuncta sunt: ut utrunque in omni lege extiterit. Cum igitur in nouo testamento, sanctum Eucharistię sacrificium uisibile, ex Domini institutione, catholica Ecclesia acceperit: fateri etiam oportet, in ea nouum esse uisibile, & externum sacerdotium: in quod, uetus translatus est. Hoc autem, ab eodem Domino Saluatore nostro institutum esse, atque Apostolis, eorumq; successoribus, in sacerdotio, potestatem traditam consecrandi, offerendi, & ministrandi corpus, & sanguinem eius, nec non & peccata dimittendi, & retinendi, sacrae literę ostendunt: et catholicę Ecclesię traditio, semper docuit,

Caput. I I.

Cum autem diuina res sit, tam sancti sacerdotij ministerium consentaneum fuit, (quod dignius, et maiori cum ueneratione exerceri posset) ut in ecclesię ordinatissima dispositione, plures, & diuersi essent ministrorum ordines, qui sacerdotio ex officio deseruirent: & ita distributi, ut, qui iam clericali tonsura insigniti essent: per minores ad maiores ascenderent. Nam non solum de sacerdotibus, sed et de diaconis, sacrae literę apertam mentionem faciunt: & quę maximè in illorum ordinatione attendenda sunt, grauissimis uerbis docent: & ab ipso ecclesię initio, sequentium ordinum nomina, atq; uniuscuiusq; eorum propria ministeria, subdiaconi scilicet, Acolyti, exorcistę, lectoris, et ostiarij, in usu fuisse cogno

cognoscuntur: quamvis non pari gradu. Nam subdiaconatus, ad maiores ordines, à Patribus, & Sacris Concilijs refertur: in quibus, & de alijs inferioribus, frequentissime legimus.

Caput. I I I.

Cum scriptura testimonio, Apostolica traditione, & patrum unanimi consensu, perspicuum sit: per sacram ordinationem (quæ uerbis, & signis exterioribus perficitur) gratiam conferri: dubitare nemo debet: ordinem, esse uerè, & propriè, unum ex septem Sanctæ Ecclesiæ Sacramentis. Inquit. n. Apostolus: Admoneo te, ut resuscites gratiam Dei: quæ est in te, per impositionem manuum mearum. Non enim dedit nobis deus, spiritum timoris: sed uirtutis, & dilectionis, & sobrietatis.

2 Timot. 1

Caput. I I I I.

Quoniam uerò in sacramento ordinis, sicut & in Baptismo, & confirmatione, character imprimitur: qui nec deleri, nec auferri potest: meritò sancta Synodus, damnat eorum sententiam, qui asserunt noui testamenti sacerdotes, temporariam tantummodò potestatem habere: ac semel ritè ordinatos, iterum Laicos effici posse: si uerbi dei ministerium non exerceant. Quòd si quis, omnes christianos promiscuè noui testamenti sacerdotes. esse, aut oēs pari inter se potestate spiritali præditos affirmet: nihil aliud facere uidetur: quàm Ecclesiasticā Hierarchiam (quæ est, ut castrorū acies ordinata) confundere: perinde, ac si contra beati Pauli doctrinam, omnes Apostoli: omnes Prophetæ: omnes Euangelistæ: oēs Pastores: omnes sint Doctores. Proinde sacrosancta Synodus declarat: præter ceteros Ecclesiasticos gradus: Episcopos, (qui in Apostolorū locum successerunt) ad hunc Hierarchicum ordinem præcipuè pertinere: & positos (sicut idē Apostolus ait) à spiritu sancto, regere Ecclesiam Dei: eosq; Presbyteris superiores esse: ac sacramentum confirmationis conferre: ministros Ecclesiæ ordinare: atq; alia pleraq; peragere ipsos posse: quarum functionum potestatem, reliqui inferioris ordinis nullam habent. Docet insuper sacrosancta Synodus: in ordinatione Episcoporum, sacerdotum, & ceterorum ordinum, nec populi, nec cuiusuis secularis potestatis, & magistratus consensum, siue uocationem, siue auctoritatem, ita requiri: ut sine ea, irrita sit ordinatio: quin potius decernit: eos, qui tantummodò à populo, aut seculari potestate, ac magistratu uocati, & instituti, ad hæc ministeria excen-

1 Cor. 12
Eph. 4.

Act. 20.

B B

da ascendunt : & qui ea, propria temeritate sibi sumunt : omnes, non Ecclesie ministros : sed fures, & latrones, per ostium non ingressos, habendos esse. Hæc sunt, quæ generatim, sacra Synodo uisum est, Christi fideles, de sacramento ordinis docere. His autem contraria, certis, & propriis Canonibus, in hunc, qui sequitur modum, dannare constituit : ut omnes, adiuuante Christo, fidei regula utentes : in tot errorum tenebris, Catholicam ueritatem, facilius agnoscere, & tenere possint.

Canon. I.

Si quis dixerit, non esse in nouo testamento sacerdotium uisibile, & externum : uel non esse potestatem aliquam, consecrandi & offerendi uerum corpus, & sanguinem Domini : & peccata remittendi, & retinendi : sed officium tantum, & nudum ministerium, prædicandi Euangelium : uel eos, qui non prædicant, prorsus non esse sacerdotes : Anathema sit.

Canon. I I.

Si quis dixerit, præter sacerdotium, non esse in Ecclesia Catholica alios ordines, & maiores, & minores : per quos, uelut per gradus quosdam, in sacerdotium tendatur : Anathema sit.

Canon. I I I.

Si quis dixerit, ordinem, siue sacram ordinationem, non esse uerè & propriè sacramentum, à Christo Domino institutum : uel esse figmentum quoddam humanum, excogitatum à uiris rerum Ecclesiasticarum imperitis : aut esse tantum ritum quendam, eligendi ministros uerbi dei, & sacramentorum : Anathema sit.

Canon. I I I I.

Si quis dixerit, per sacram ordinationem, non dari spiritum sanctum : ac proinde, frustra Episcopos dicere : Accipe spiritum sanctum : aut per eam, non imprimi characterem : uel eum, qui sacerdos semel fuit, laicum rursus fieri posse : Anathema sit.

Canon. V.

Si quis dixerit, sacram unctionem, qua Eccl. in sancta ordinatione utitur : non tantum non requiri, sed contemnendam &

perniciosa esse: similiter, & alias ordinis cæremonias: *Anat. sit.*

Canon. V I.

Si quis dixerit, in Ecclesia Catholica, non esse Hierarchiam diuina ordinatione institutam, quæ constat ex Episcopis, Presbyteris, & ministris: Anathema sit.

Canon V I I.

Si quis dixerit, Episcopos non esse Presbyteris superiores: uel non habere potestatem confirmandi, & ordinandi: uel eam, quam habent, illis esse cum Presbyteris communem: uel ordines ab ipsis collatos, sine populi, uel Potestatis secularis consensu, aut uocatione, irritos esse: aut eos, qui nec ab Ecclesiastica & Canonica potestate ritè ordinati, nec missi sunt, sed aliunde ueniunt, legitimos esse uerbi & sacramentorum ministros: Anathema sit.

Canon. V I I I.

Si quis dixerit, Episcopos, qui authoritate Rom. Pontificis assumuntur: non esse legitimos, ac ueros Episcopos, sed figmentum humanum: Anathema sit.

De Residentia.

E A D E M S A C R O S A N C T A T R I D E N T I -
na Synodus, reformationis materiam prosequens, hæc, quæ sequuntur, in præsentì decernenda esse statuit, & decernit.

Cùm præcepto diuino mandatum sit, omnibus, quibus animarum cura commissæ est, oues suas agnoscere: pro his sacrificiū offerre: uerbiq; diuini prædicatione: sacramentorum administratione: ac bonorum omnium operū exemplo pascere: pauperū, aliarumq; miserabilium personarum curam paternam gerere: & in cætera munia pastoralia incumbere: quæ omnia, nequaquàm ab his præstari, & impleri possunt, qui gregi suo non inuigilant, neq; assistent, sed mercenariorum more deserunt: sacrosancta Synodus eos admonet, & hortatur: ut diuinorum præceptorum memores, factiq; forma gregis: in iudicio, & ueritate pascant, & regant. Ne uerò, ea, quæ de residentia, sanctè & utiliter, iam antè, sub fæl. re. Paulo iij. sancita fuerunt, in sensus à Sacrosanctæ Synodi mente alienos trahantur: ac si uigore illius decreti, quinq; mensibus continuis abesse liceat: illis inhærendo, declarat sacrosancta

B B ii

Synodus, omnes, Patriarchalibus, Primatialibus, Metropolitanis, ac cathedralibus Ecclesiis quibuscunq; quocunq; nomine, & titulo praefectos, etiam si S. R. E. Card, sint: obligari ad personalem, in sua Ecclesia uel diœcesi residentiam: ubi iniuncto sibi officio desungi teneantur: neq; abesse posse, nisi ex causis, & modis infra scriptis. Nam cum christiana charitas, urgens necessitas, debita obedientia, ac euident Eccl. uel reipublicae utilitas: aliquos nonnunquam abesse postulent, & exigant: decernit eadem Sancta Synodus: has legitimae absentiae causas, à Beatissimo Ro. Pont. aut à Metropolitano: uel eo absente, suffraganeo Episcopo antiquiori residente: qui idem Metropolitanus absentiam probare debeat: in scriptis esse approbandas: nisi cum absentia inciderit, propter aliquod munus, & Reip. officium, Episcopatibus adiunctum: cuius quoniam causae sunt notoriae, & interdum repentinae: ne eas quidem, significari metropolitano, necesse erit: Ad eundem tamen, cum Concilio prouinciali, spectabit, iudicare de licentijs à se, uel à suffraganeo datis: & uidere, ne quis, eo iure abutatur: et ut pœnis canonicis errantes puniantur. Interea, meminerint discessuri: ita ouibus suis prouidendum: ut (quantum fieri poterit) ex ipsorum absentia, nullum damnum accipiant. Quoniam autem, qui aliquantis per tantum absunt: ex ueterum canonum sententiae non uidentur abesse: quia statim reuersuri sunt: Sacrosancta Synodus, uult illud absentiae spatium, singulis annis, siue cōtinuum, siue interruptum, extra praedictas causas, nullo pacto debere, duos, aut ad summum tres menses excedere: & haberi rationem, ut id aqua ex causa fiat: & absq; ullo gregis detrimento: quod an ita sit, abscedentium conscientiae relinquit: quam sperat religiosam, & timoratam fore, cum Deo corda pateant: cuius opus, non fraudulentè agere, suo periculo tenentur: Eosdem interim admonet, & in Domino hortatur, ne per illius temporis spatium: dominici aduentus, quadragesimae, Natiuitatis, Resurrectionis Domini, Pentecostes item, & corporis Christi diebus, (quibus refici maxime, & in domino gaudere, Pastoris praesentia ones debeant) ipsi ab Eccl. sua cothedrali, ullo pacto absint: nisi episcopalia munia, in sua diœcesi, eos aliò uocent.

Si quis autem (quod utinam nunquam eueniat) cōtra huius decreti dispositionem absuerit, statuit Sacrosancta Synodus: praeter alias pœnas, aduersus nō residentes, sub Paulo III. impostas

Et in nouitas: ac mortalis peccati reatum, quem incurrit: eum, pro rata temporis absentia, fructus suos non facere: nec tuta conscientia (alia etiam declaratione non secuta) illos sibi detinere posse: sed teneri, aut (ipso cessante) per superiorem ecclesiasticum, illos fabricæ eccle. aut pauperibus loci erogare: prohibita quacunque conuentione, uel compositione, quæ pro fructibus malè perceptis appellatur: ex qua etiam prædicti fructus, in totum, aut pro parte, ei remitterentur: non obstantibus quibuscunque priuilegijs, cuicunque collegio, aut fabricæ concessis.

Eadem omnino (etiam quò ad culpam & amissionem fructuum, & pœnas) de curatis inferioribus, et alijs quibuscunque, qui beneficium aliquod ecclesiasticum, curam animarum habens, obtinent, Sacrosancta Synodus declarat, & decernit: Ita tamen, ut quandocunq; eos, causa prius per Episcopum cognita, et probata, abesse contigerit: Vicariũ idoneũ, ab ipso ordinario approbandũ, cum debita mercedis assignatione relinquunt. Discedendi autem licentiam, in scriptis gratisq; concedendam, ultra bimestre tẽpus, (nisi ex graui causa) non obtineant. Quòd si, per edictum citati (etiam non personaliter) contumaces fuerint: liberum esse uult ordinarijs: per censuras Ecclesiasticas, et sequestrationem, & subtractionem fructuum, aliaq; iuris remedia: etiam usq; ad priuationem, compellere: Nec executionẽ hanc, quolibet priuilegio, licentia, familiaritate, exemptione: etiã ratione cuiuscunque beneficij, pactione, statuto: etiam iuramento, uel quacunque auctoritate confirmato: consuetudine etiam immemorabili (quæ potius corruptela censenda est) siue appellatione, aut inhibitione: etiam in Rom. Curia: uel rigore Eugenianæ constitutionis, suspendi posse.

Postremò, tam decretum illud, sub Paulo III. quàm hoc ipsum, in Concilijs prouincialibus, & episcopalibus publicari, Sancta Synodus præcipit. Cupit enim, quæ aded ex Pastorum munere, animarumque salute, sunt: frequenter omnium auribus, mentibusq; infigi: ut in posterum, (deo iuuante) nulla temporum iniuria, aut hominum obliuione, aut desuetudine, aboleantur.

EADDEM SACROSANCTA TRIDENTINA Synodus, reformationis materiam prosequens, hæc, quæ sequuntur, in præsentì decernenda esse statuit, & decernit.

I *Ecclesijs cathedral. seu superioribus, quocunque nomine, ac ti-*

tulo præfetti: etiam si S. R. E. Cardinales sint: si munus consecrationis, intra tres menses, non susceperint: ad fructuum perceptorum restitutionem, teneantur. Si intra totidem menses, postea id facere neglexerint: Ecclesiis, ipso iure, sint priuati. Consecratio uerò, si extra Curiam Romanam fiat: in Ecclesia, ad quā promoti fuerint: aut in prouincia, si commodè fieri poterit, celebretur.

2 Episcopi, per semetipsos, ordines conferant. Quòd si aegritudine fuerint impediti: subditos suos, non aliter, quàm iam probatos, & examinatos, ad alium episcopum ordinandos dimittant.

3 Prima Tonsura non initientur, qui Sacramentum confirmationis non susceperint: & fidei rudimenta edocti non fuerint: quiq; legere, & scribere, nesciant: & de quibus, probabilis coniectura non sit: eos, non secularis iudicij fugiendi fraude: sed, ut deo fidelem cultum præstent, hoc uitæ genus elegisse.

4 Ad minores ordines promouendi, bonum à Parocho, & à magistro scholæ, in qua educantur, testimonium habeant. Hi uerò, qui ad singulos maiores erunt assumendi: per mensem, ante ordinationem, episcopum adeant: qui Parocho, aut alteri, cui magis expedire uidebitur, committat: ut nominibus, ac desiderio eorum, qui uolent promoueri, publicè in Ecclesia propositis: de ipsorum ordinandorum natalibus, ætate, moribus & uita, à fide dignis diligenter inquirat: & literas testimoniales, ipsam inquisitionem factam continentes, ad ipsum episcopum, quamprimum transmittat.

5 Nullus prima tonsura initiatus: aut etiam in minoribus ordinibus constitutus: ante decimum quartum annum, beneficium possit obtinere. Is etiam, fori priuilegio non gaudeat: nisi beneficium Ecclesiasticum habeat: aut clericalem habitum, & tonsuram deferens, alicui Ecclesiæ ex mandato episcopi inseruiat: uel in seminario clericorum, aut in aliqua schola, uel uniuersitate, de licentia episcopi, quasi in uia ad maiores ordines suscipiendos uersetur. In clericis uerò coniugatis, seruetur constitutio Bonif. VI II I. quæ incipit: Clerici, qui cum unicis: modò hi clerici alicuius Eccle. seruitio, uel ministerio ab Episcopo deputati, eidem Eccle. seruiant, uel ministrent: & clericali habitu, & tonsura utantur: nemini, quòd ad hoc, priuilegio, uel consuetudine, etiam immemorabili, suffragante.

6 * Sacrosancta Synodus, antiquorum Canonum uestigijs inha-

l. Caccini. Stor. Conc. j. h. c. c. 256.

l. Caccini. Stor. Conc. j. h. c. c. 256.

rendo, decernit: ut quando Episcopus ordinationem facere disposuerit: omnes, qui ad sacrum ministerium accedere uoluerint: feria quarta, ante ipsam ordinationem. uel quādo Episcopo uidebitur: ad ciuitatem euocetur. Episcopus autē (sacerdotibus, & alijs prudentibus uiris, peritis diuinæ legis, ac in ecclesiasticis sanctionibus exercitatis, sibi ascitis) ordinandorum genus, personam, ætatem, institutionem, mores doctrinam, & fidem, diligenter inuestiget, & examinet.

7 Ordinationes sacrorum ordinum, statutis à iure temporibus, ac in Cathedrali Ecclesia uocatis, presentibus ad id, Ecclesiæ Canonicis, publicè celebrentur. Si autem in alio diœcesis loco: presente clero loci, dignior (quantum fieri poterit) Ecclesia, semper adeatur. Vnusquisque autem, à proprio Episcopo ordinetur. Quod si, quis, ab alio promoueri petat: nullatenus id ei, etiam cuiusuis generalis, aut specialis rescripti, uel priuilegij prætextu, etiam statutis temporibus permittatur: nisi eius probitas, ac mores, ordinarij sui testimonio commendentur. Si secus fiat: ordinans, à collatione ordinum, per annum: & ordinatus, à susceptorum ordinum executione, quandiu proprio ordinario uidebitur expedire, sit suspensus.

8 Episcopus, familiarem suum non subditum, ordinare non possit, nisi per triennium secum fuerit commoratus: & beneficium, quacunque fraude cessante, statim re ipsa illi conferat: consuetudine quacunque, etiam immemorabili, in contrarium non obstante.

9 Abbatibus, ac alijs quibuscunque: quantumuis exemptis, nō liceat in posterum, intra fines alicuius diœcesis consistentibus, etiam si nullius diœcesis, uel exempta esse dicantur, cuiquam, qui regularis subditus sibi non sit, tonsuram, uel minores ordines cōferre: nec ipsi Abbates, & alij exempti, aut collegia, uel capitula quacunque: etiam Ecclesiarum Cathedralium, literas dimissorias, aliquibus clericis secularibus, ut ab alijs ordinentur, concedant. Sed horum omnium ordinatio, seruatis omnibus, quæ in huius Sacrosanctæ Synodi decretis continentur, ad Episcopos, intra quorum Diœcesis fines existant, pertineat: non obstantibus quibuscunque priuilegijs, præscriptionibus, aut consuetudinibus etiam immemorabilibus. Pœnam quoq; impositam his, qui contra huius Sanctæ Synodi, sub Paulo III. decretum, à ca

pitulo Episcopali, sede uacante, literas dimissorias impetrant: ad illos, qui easdem literas non à capitulo, sed ab alijs quibusuis, in iurisdictione Episcopi, loco capituli, sede uacante, succedentibus, obtinerent, mandat extendi. Concedentes autem dimissorias, contra formam decreti, ab officio & beneficio, per annum, sint ipso iure suspensi.

I 0 Minores ordines, his, qui saltem latinam linguam intelligant, per temporum interstitia (nisi aliud Episcopo expedire magis uideretur) conferantur: ut eò accuratiùs, quantum sit huius discipline pondus, possint edoceri: ac in unoquoque munere, iuxta præscriptum Episcopi, se exerceant: idq; in ea, cui adscripti erunt, Ecclesia: nisi fortè ex causa studiorum absint: atq; ita de gradu in gradum ascendant: ut in eis, cum ætate, uita meritum, & doctrina maior, accrescat. Quod, & bonorum morum exemplum, & assiduum in Ecclesia ministerium: atq; maior erga presbyteros, & superiores ordines reuerentia: & crebrior, quàm antea, corporis Christi communio, maximè comprobabunt. Cumq; hinc, ad altiores gradus, & sacratissima mysteria sit ingressus: nemo ijs initiatur, quem non scientiæ spes, maioribus ordinibus dignum ostendat. Hi uerò, non nisi post annum à susceptione potestatis gradus minorum ordinum, ad sacros ordines promoueantur: nisi necessitas, aut Eccl. utilitas, iudicio Episcopi, aliud exposcat.

I 1 Nullus in posterum, ad subdiaconatus ordinem, ante uigesimum secundum: Ad Diaconatus, ante uigesimum tertium: Ad presbyteratus, ante uigesimum quintum ætatis suæ annum, promoueatur. Sciant tamen Episcopi, non singulos in ea ætate constitutos, debere ad hos ordines assumi: sed dignos duntaxat, & quorum probata uita, senectus sit. Regulares quoq; nec in minori ætate, nec sine diligenti Episcopi examine, ordinentur: priuilegijs quibuscunq; quod ad hoc, penitus exclusis.

I 2 Subdiaconi & Diaconi ordinentur, habentes bonum testimonium: & in minoribus ordinibus iam probati, ac literis, & his, quæ ad ordinem exercendum pertinent, instructi: qui sperant (deo auctore) se continere posse: Ecclesijs, quibus ascribentur, inserviunt: sciantq; maximè decere, si saltem diebus dominicis, & solennibus, cum altari ministrauerint, sacram communionem perceperint. Promoti ad sacrum subdiaconatus ordinem, si per annum

annum saltem, in eo non sint uersati, ad altiore gradum (nisi aliud Episcopo uideatur) ascendere non permittantur. Duo sacri ordines, non eodem die, etiam regularibus, cōferantur: priuilegijs, ac indultis quibusuis concessis non obstantibus quibuscunq;

13 Qui piē & fideliter in ministerijs antea actis se gesserint, & ad presbyteratus ordinem assumuntur: bonum habeant testimonium. Et hi sint, qui non modò in diaconatu, ad minùs annum integrum, (nisi ob Ecclesiæ utilitatem, ac necessitatem aliud Episcopo uideretur) ministrauerint: sed etiam ad populum docēdum ea, quæ scire omnibus necessarium est, ad salutem: ac ministrandi sacramenta, diligenti examine præcedente, comprobentur. Atque ita, pietate, ac castis moribus conspicui: ut præclarum bonorum operum exemplum, & uitæ monita, ab eis possint expectari. Curet Episcopus, ut ij, saltem diebus dominicis, ac festis solennibus (si autem curam habuerint animarum, tam frequenter, ut suo muneri satisfaciant) missas celebrent. Cùm promoti per saltum (si non ministrauerint) Episcopus, ex legitima causa possit dispensare.

14 Quauis Presbyteri, in sua ordinatione, à peccatis absoluen di potestatem accipiant, decernit tamen sacrosancta Synodus, nullum (etiam regularem) posse confessiones secularium, etiam sacerdotum audire: nec ad id idoneum reputari: nisi aut parochiale beneficium: aut ab Episcopis, per examen (si illis uidebitur, esse necessarium) aut aliàs idoneus iudicetur: & approbationem, quæ gratis detur, obtineat: priuilegijs, consuetudine quacunq; etiam immemorabili, non obstante.

15 Cùm nullus debeat ordinari, qui iudicio sui Episcopi non sit utilis, aut necessarius suis Ecclesijs: sancta Synodus, uestigijs sexti Canonis, Concilij Calcedonen. inhærendo, statuit: ut nullus in posterum ordinetur, qui illi Ecclesiæ, aut piò loco, pro cuius necessitate, aut utilitate assumitur, non ascribatur: ubi suis fungatur muneribus: nec incertis uagetur sedibus. Quòd si, locum inconsulto Episcopo deseruerit: ei sacrorum exercitium interdicitur. Nullus præterea clericus peregrinus: sine commendatitijs sui ordinarij literis, ab ullo Episcopo, ad diuina celebranda, & sacramenta administranda, admittatur.

16 Vt sanctorum ordinum, à Diaconatu, ad ostiariatum functiones, ab Apostolorum temporibus, in Ecclesia laudabiliter

C C

recepta, & pluribus in locis, aliquandiu intermissa, in usum, iuxta sacros Canones reuocentur: nec ab hæreticis, tanquam otiosa traducantur: illius pristini moris restituendi, desiderio flagrans, sancta Synodus, decernit: ut in posterum, huiusmodi ministeria, non nisi per constitutos in dictis ordinibus exerceantur: omnesq; & singulos prælatos ecclesiarum, in Domino hortatur: & illis præcipit, ut (quantum fieri commodè poterit) in Ecclesiis Cathedralibus, collegiatis, & parochialibus sue diocesis (si populus frequens, & Ecclesiæ prouentus, id ferre queant) huiusmodi functiones curent restituendas, & ex aliqua parte reddituum, aliquorum simplicium beneficiorum, uel fabricæ Ecclesiæ, si prouentus suppetant: aut utriusque illorum eas functiones exercentibus, stipendia assignent: quibus si negligentes fuerint, ordinarij iudicio, aut ex parte mulctari, aut in totum priuari possint. Quod si, ministerijs quatuor minorum ordinum exercendis, clerici calibes præstare non erunt, suffici possint, etiam coniugati, uitæ probatæ (dummodò non bigami) ad ea munia obeunda idonei: & qui tonsuram, & habitum clericalem, in Ecclesia gestent.

17

Cum Adolescentium ætas, nisi rectè instituatur, prona sit ad mundi uoluptates sequendas: & nisi à teneris annis, ad pietatem & religionem informetur, antequàm uitiorum habitus, totos homines possideat: nunquam perfectè, ac sine maximo, ac singulari propemodum dei omnipotentis auxilio, in disciplina ecclesiastica perseuerat: sacrosancta Synodus, statuit: ut singula cathedralia, Metropolitana, atq; his maiores Ecclesiæ (pro modo facultatum, & diocesis amplitudine) certum puerorum ipsius ciuitatis, & diocesis, uel eius prouinciæ, si ibi non reperiuntur, numerum: in collegio, ad hoc, propè ipsas Ecclesias, uel alio in loco conuenienti, ab Episcopo eligendo: alere, ac religiosè educare, & in ecclesiasticis disciplinis instituere, teneantur. In hoc uerò collegio recipiantur, qui ad minimum duodecim annos, ex legitimo matrimonio, nati sint: ac legere, & scribere competenter nouerint: & quorum indoles, & uoluntas, spem afferat, eos, ecclesiasticis ministerijs perpetuò inseruituros. Pauperum autem filios, præcipuè eligi uult: nec tamen ditiorum excludit: modò suo sumptu alantur, & Studium præferant, Deo, & ecclesiæ inseruiendi. Hos pueros Episcopus in tot classes, quot ei uidebi-

*tur, diuifos, iuxta eorum numerum, etatem, ac in disciplina ec-
 cleſiaſtica progreſſum, partim cum ei opportunum uidebitur, ec-
 cleſiarum miniſterio addicet: partim in collegio erudiendos reti-
 nebit: aliosq; in locum eduſtorum ſufficiet: ita ut hoc collegium,
 dei miniſtrorum, perpetuum ſeminarium ſit. Vt uerò in eadem
 diſciplina Eccleſiaſtica, commodius inſtituantur: tonſura ſtatim,
 atq; habitu clericali, ſemper utentur. Grammatices, Cantus, Com-
 puti Eccleſiaſtici, aliarumq; bonarum artium diſciplinam di-
 ſcent: ſacram ſcripturam, libros Eccleſiaſticos, homilias ſancto-
 rum, atq; ſacramentorum tradendorum, (maximè quæ ad con-
 feſſiones audiendas uidebuntur opportuna) & rituum, ac cære-
 moniarum formas ediſcent. Curet Episcopuſ: ut ſingulis diebus
 miſſæ ſacrificio interſint: ac ſaltem ſingulis menſibus confitean-
 tur peccata: et iuxta confeſſoris iudicium, ſumant corpus domini
 noſtri Ieſu Chriſti: cathedrali, & alijs loci Eccleſiis, diebus feſtis
 inſeruiant. Quæ omnia, atq; alia, ad hanc rem opportuna, & ne-
 ceſſaria, Episcopuſ ſinguli, cum conſilio duorum Canonicorum ſe-
 niorum, & grauiorum, quos ipſi elegerint, prout ſpiritus ſanctus
 ſuggeſſerit, conſtituent: eaque, ut ſemper obſeruentur, ſæpius ui-
 ſitando operam dabunt. Diſcolos, & incorrigibiles, ac malorum
 morum ſeminatores, acriter punient: eos etiam, ſi opus fuerit,
 expellendo: omniaque impedimenta auferentes, quæcunque ad
 conſeruandum, & augendum, tam pium, & ſanctum inſtitutum,
 pertinere uidebuntur, diligenter curabunt. Et quia ad collegij
 fabricam inſtituendam, & ad mercedem præceptoribus & mi-
 niſtris ſoluendam, & alendam iuuentutem, & ad alios ſum-
 ptus, certi redditus erunt neceſſarij: ultra ea, quæ ad inſti-
 tuendos alendosue pueros, ſunt in aliquibus Eccleſiis, & locis,
 deſtinata: quæ eo ipſo, huic, ſeminarium, ſub eadem Episcopuſ cu-
 ra, applicata cenſeantur: Idem Episcopuſ, cum conſilio duo-
 rum à capitulo: quorum alter ab Episcopuſ, alter ab ipſo capi-
 tulo eligatur: Itemq; duorum de clero ciuitatis: quorum quidem
 alterius electio, ſimiliter ad Episcopuſ, alterius uerò ad clerum
 pertineat: ex fructibus integris menſæ episcopalis, & capituli,
 & quarumcunque dignitatum, perſonatum, officiorum,
 præbendarum, portionum, Abbatiarum, & prioratum, cu-
 iuſcunque ordinis, etiam regularis, aut qualitatis, uel condi-
 tionis fuerint, & hoſpitalium, quæ dantur in titulum, uel ad-*

ministracionem: iuxta constitutionem Concilij uiennensis, quæ
 incipit, quia contingit: & beneficiorum quorumcunque, etiam
 regularium, etiam si iuris patronatus cuiuscunque fuerint, etiã
 si exempta, etiam si nullius Diœcesis, uel alijs Ecclesijs, monaste-
 rijs, & hospitalibus, & alijs quibusuis locis pijs etiam exemptis
 annexa, & ex fabricis ecclesiarum, & aliorum locorum, etiam
 ex quibuscunque alijs Ecclesiasticis redditibus, seu prouentibus,
 etiam aliorum collegiorum: in quibus tamen seminaria discen-
 tium uel docentium ad commune Ecclesiæ bonum promouendum
 actu non habentur: Hac enim exempta esse uoluit: præterquam
 ratione reddituum, qui superflui essent, ultra conuenientem ip-
 sorum seminariorum sustentationem, seu corporum, uel contra-
 ternitatum (quæ in nonnullis locis scholæ appellantur) et omniũ
 monasteriorum (non tamen mendicantium) etiã ex decimis qua-
 cunque ratione ad laycos, ex quibus subsidia Ecclesiastica solui
 solent, & milites cuiuscunque militiæ, aut ordinis pertinenti-
 bus (fratribus sancti Ioannis Hierosolymitani duntaxat exce-
 ptis) partem aliquam, uel portionem detrahent: Et eam portio-
 nem sic detractam: nec nõ beneficia aliquot simplicia, cuiuscunq;
 qualitatibus, & dignitatis fuerint, uel etiam præstimonialia, uel
 præstimonialia portiones, etiam ante uacationem nuncupatæ,
 sine cultus diuini, & illa obtinentium præiudicio, huic collegio
 applicabunt, et incorporabunt: Quod locum habeat, etiam si be-
 neficia sint reseruata, uel affecta: nec per resignationem ipsorum
 beneficiorum, uniones & applicationes suspendi, uel ullo modo
 impediri possint: sed omnino quacunque uacatione, etiam si in
 curia effectum suum sortiantur, quacunque constitutione non ob-
 stante. Ad hanc autem portionem soluendam: beneficiorum, digni-
 tatum, personatum, & omnium, & singulorum supra com-
 memoratorum possessores, non modo pro se, sed pro pensionibus,
 quas alijs forsan ex dictis fructibus soluerent, retinendo ta-
 men pro rata, quicquid pro dictis pensionibus, illis erit solu-
 dum ab episcopo loci, per censuras ecclesiasticas, ac alia iuris
 remedia compellantur: etiam uocato ad hoc (si uidebitur) au-
 xilio brachij secularis: quibusuis, quod ad omnia & singula
 superscripta, priuilegijs, exemptionibus, etiam si specialem
 derogationem requirerent, consuetudine etiam immemorabili,
 quauis appellatione, inhibitione, & allegatione, quæ exe-

cutionem impediat, non obstantibus. Succedente uerò casu, quo per uniones effectum suum sortientes, uel aliter seminarium ipsum in totum, uel in partem dotatum reperitur: tunc portio ex singulis beneficijs, ut supra detracta, & incorporata ab Episcopo, prout res ipsa exegerit, in totum uel pro parte remittatur. Quòd si, cathedralium, & aliarum maiorum ecclesiarum Prælati, in hac seminarij erectione, eiusq; conseruatione, negligentes fuerint: ac suam portionem soluere detrectauerint: Episcopum, Archiepiscopum: Archiepiscopum & superiores, Synodus prouincialis, acriter corripere, eosq; ad omnia supradicta cogere debeat: & ut quamprimum hoc sanctum, & tam pium opus, ubicunque fieri poterit promoneatur, studiose curabit. Rationes autem reddituum huius seminarij, Episcopus singulis annis accipiat, presentibus duobus à capitulo, & totidem à clero ciuitatis deputatis.

Deinde, ut cum minori impensa, huiusmodi scholis instituentis provideatur: statuit sancta Synodus: ut Episcopi, Archiepiscopi, primates, & alij locorum ordinarij, scholasterias obtinentes, & alios quibus est lectiois, uel doctrinæ munus annexum, ad docendum in ipsis scholis instituendos, per seipsos si idonei fuerint, alioquin per idoneos substitutos, ab eisdem scholasticis eligendos, & ab ordinarijs approbandos, per subtractionem fructuum, cogant, & compellant. Quòd si, iudicio Episcopi, digni non fuerint: alium, qui dignus sit, nominet: omni appellatione remota. Quòd si neglexerit, Episcopus ipse deputet. Docebunt autem prædicti, quæ uidebuntur Episcopo expedire. De cætero uerò, officia, uel dignitates illæ, quæ scholasticæ dicuntur, non nisi doctores, & magistris, aut licentiatis in sacra pagina, aut in iure Canonico, & alijs personis idoneis, & qui per seipsos id munus explere possint, conferantur: & aliter facta prouisio, nulla sit, & inualida: non obstantibus quibusuis priuilegijs, & consuetudinibus, etiam immemorabilibus.


Si uerò in aliqua prouincia, ecclesiæ tanta paupertate laborent, ut collegium in aliquibus erigi non possit: Synodus prouincialis, uel Metropolitana, cum duobus antiquioribus suffraganeis, in ecclesiâ Metropolitana, uel alia prouinciæ Ecclesiâ commodiori, unum aut plura collegia, prout, opportunum iudicabit, ex fructibus duarum, aut plurium ecclesiarum, in quibus

singulis collegium commodè institui non potest, erigendum curabit: ubi pueri illarum ecclesiarum educentur.

In Ecclesiis autem, amplas Diœceses habentibus, possit Episcopus, unum, uel plura, in Diœcesi, prout sibi opportunum uidebitur, habere seminaria: quæ tamen ab illo uno, quod in ciuitate erectum, & constitutum fuerit, in omnibus dependeant.

Postremò si uel pro unionibus, seu proportionum taxatione, uel assignatione, & incorporatione, aut qualibet alia ratione, difficultatem aliquam oriri contigerit: ob, quam huius seminarij institutio, uel conseruatio impediretur, aut perturbaretur: episcopus, cum supra deputatis: uel Synodus prouincialis, pro regionis more, pro ecclesiarum & beneficiorum qualitate, etiam superscripta, si opus fuerit, moderando aut augendo, omnia, & singula, quæ ad huius seminarij profectum, necessaria, & opportuna uidebuntur: decernere, ac prouidere ualeat.

Insuper, eadem sacrosancta Tridentina Synodus, proximam futuram Sessionem, in diem decimam sextam, Mensis Septembris indicit: in qua agatur de Sacramento matrimonij: & de alijs, si qua erunt ad doctrinam fidei pertinentia, quæ expediri possint. Item de prouisionibus Episcopatum, dignitatum, aliorumq; beneficiorum ecclesiasticorum, ac de diuersis reformationis articulis.



DECRETA
DE SACRAMENTO
MATRIMONII,

ET DE REFORMATIONE,
PUBLICATA IN SESSIONE OCTAVA,
SACRI CONCILII
TRIDENTINI,

SVB BEATISS. N. PIO IIII.
PONT. MAX.

Die XI. Nouemb. M. D. LXIII.



BRIXIAE: Ad instantiam Io: Baptista Bozola.
M. D. LXIII.

DECRETUM
DE REFORMATIONE
MAGISTRORUM

IN SENATU
MAGISTRORUM
MAGISTRORUM
MAGISTRORUM
MAGISTRORUM

IN SENATU
MAGISTRORUM
MAGISTRORUM
MAGISTRORUM
MAGISTRORUM



IN SENATU
MAGISTRORUM
MAGISTRORUM
MAGISTRORUM
MAGISTRORUM

DOCTRINA, ET CANONES,
CVM ALIIS CONCERNENTIBVS
Sacramentum Matrimonij.



MATRIMONII perpetuum, indissolubilemq; nexum, primus humani generis Parens, diuini spiritus instinctu pronunciauit, cum dixit: hoc nunc os, ex ossibus meis, et caro de carne mea. Quamobrem relinquet homo patrem suum, & matrem, et adhaerebit uxori suae, et erunt duo in carne una.

Hoc autem uinculo, duos tantummodo copulari, & coniungi, Christus Dominus apertius docuit, cum postrema illa uerba, tanquam à Deo prolata referens dixit: itaq; iam non sunt duo, sed una caro: statimq; eiusdem nexus firmitatem, ab Adamo tanto ante pronunciatam, his uerbis confirmauit: Quod ergo Deus coniunxit, homo non separet.

Gratiam uerò, quae naturalem illum amorem perficeret, & indissolubilem unitatem confirmaret, coniugesq; sanctificaret, ipse Christus uenerabilium sacramentorum institutor, atq; perfector, sua nobis passione promeruit. Quod Paulus Apostolus innuit, dicens: Viri diligite uxores uestras, sicut Christus dilexit Ecclesiam, & se ipsum tradidit pro ea: mox subiungens; sacramentum hoc magnum est: ego autem dico in Christo, & in Ecclesia.

Cum igitur Matrimonium, in lege Euangelica, ueteribus conu-
bijs, per Christum gratiam praestet: meritò inter nouae legis sacra-
menta annumerandum, Sancti Patres nostri, Concilia, & uni-
uersalis Ecclesiae traditio, semper docuerunt: Aduersus quam, im-
pji homines huius seculi insanientes, non solum perperam de hoc
uenerabili sacramento senserunt: sed de more suo, praetextu Euan-
gelij, libertatem carnis introducentes, multa ab Ecclesiae Catholi-
cae sensu, & ab Apostolorum temporibus probata, consuetudine
aliena, scripto, & uerbo asseruerunt: non sine magna Christi fi-
delium iactura: Quorum temeritati sancta, & uniuersalis Syno-
dus cupiens occurrere: insigniores praefatorum schismaticorum ha-
ereses, & errores, ne plures ad se trahat perniciofa eorum contagio,
exterminandos duxit: hos in ipsos haeticos, eorumq; errores, de-
cernens Anathematismos.

A ii

contra str-
menor et Ca-
pau?

CANONES DE SACRAMENTO

MATRIMONII.

- contra dnm* ¹ Si quis dixerit, Matrimonium, non esse uerè, & propriè unum
menor, et su-
medium. ex septem legis Euangelicæ sacramentis, à Christo Domino institu-
tum, sed ab hominibus in Ecclesiam inuectum: neq; gratiam con-
ferre: Anathema sit.
- contra dnm* ² Si quis dixerit, licere Christianis, plures simul habere uxores,
inianos & hoc nulla lege diuina esse prohibitum: Anathema sit.
- ³ Si quis dixerit, eos tantum consanguinitatis, & affinitatis gra-
dus, qui leuitico exprimuntur, posse impedire Matrimonium con-
trahendum, & dirimere contractum: nec posse Ecclesiam, in non-
nullis illorum dispensare, aut constituere, ut plures impediunt, &
dirimant: Anathema sit.
- ⁴ Si quis dixerit, Ecclesiam non potuisse constituere impedimen-
ta Matrimonium dirimentia, uel in ijs constituendis errasse: Ana-
thema sit.
- ⁵ Si quis dixerit, propter hæresim, aut molestam cohabitationem,
aut affectatam absentiam à coniuge, dissolui posse Matrimonij uin-
culum: Anathema sit.
- ⁶ Si quis dixerit, Matrimonium ratum, non consummatum, per
solennem religionis professionem, alterius coniugum non dirimi:
Anathema sit.
- ⁷ Si quis dixerit, Ecclesiam errare, cum docuit, & docet (iuxta
Euangelicam, & Apostolicam doctrinam) propter adulterium
alterius coniugum, Matrimonij uinculum non posse dissolui, &
utrunq; uel etiam innocentem, qui causam adulterio non dedit,
non posse altero coniuge uiuente, aliud Matrimonium contrahere:
machariq; eum, qui dimissa adultera, aliam duxerit, & eam, quæ
dimisso adultero, alij nupsit: Anathema sit.
- ⁸ Si quis dixerit, Ecclesiam errare, cum ob multas causas, sepa-
rationem inter coniuges, quod ad thorum, seu quod ad cohabitationem,
a l certum, in certumue tempus, fieri posse decernit: Ana-
thema sit.
- ⁹ Si quis dixerit, clericos in sacris ordinibus constitutos, uel re-
gulares, castitatem solenniter professos, posse matrimonium contra-

here, contractumq; ualidum esse, non obstante lege Ecclesiastica, uel uoto: & oppositum nil aliud esse, quàm damnare matrimonium: posseq; omnes contrahere matrimonium, qui non sentiunt se castitatis (etiam si eam uouerint) habere donum: Anathema sit: cum Deus id rectè petentibus non deneget, nec patiatur, nos, supra id, quod possumus, tentari.

- I 0 Si quis dixerit, statum coniugalem, anteponendum esse, statui uirginitatis, uel calibatus: & non esse melius, ac beatius, manere in uirginitate, aut calibatu, quàm iungi matrimonio: Anathema sit.
- I 1 Si quis dixerit, prohibitionem solennitatis nuptiarum, certis anni temporibus, superstitionem esse tyrannicam, ab ethnicorum superstitione profectam: aut benedictiones, & alias ceremonias, quibus Ecclesia in illis utitur, damnauerit: Anathema sit.
- I 2 Si quis dixerit, causas matrimoniales, non spectare ad Iudices Ecclesiasticos: Anathema sit.

DECRETA DE REFORMATIONE
MATRIMONII.

I TAMETSI DVBITANDVM NON EST,
clandestina Matrimonia, libero contrahentium consensu facta,
rata, & uera esse Matrimonia, quandiu Ecclesia, ea irrita non fe-
cit: & proinde iure damnandi sint illi, ut eos sancta Synodus ana-
themate damnat, qui ea, uera, ac rata esse negant, quiq; falso af-
firmant; Matrimonia, à filijs familias, sine consensu Parentum con-
tracta, irrita esse, & Parentes, ea, rata, uel irrita facere posse: ni-
hilominus sancta Dei Ecclesia, ex iustissimis causis, illa semper de-
testata est, atq; prohibuit. Verùm cùm sancta Synodus, animad-
uertat, prohibitiones illas, propter hominum inobedientiam, iam nō
prodesse: & grauius peccata perpendat, quæ ex eisdem clandesti-
nis coniugijs ortum habent: præsertim uerò eorum, qui in statu
damnationis permanent, dum priore uxore cum qua clām contra-
xerant relictā, cum alia palām contrahunt, & cum ea in perpe-
tuo adulterio uiuunt. Cui malo, cùm ab Ecclesia, quæ de occultis nō
iudicat, succurri non possit, nisi efficacius aliquod remedium adhi-
beatur: Idcirco sacri Lateranensis Concilij, sub Innocentio Tertio
celebrati, uestigijs inhaerendo, præcipit, ut in posterum, antequam
Matrimonium contrahatur, ter à proprio contrahentium Parocho,
tribus continuis diebus festiuis, in Ecclesia, inter missarum solēnia,
publicè denunciatur, inter quos matrimonium sit contrahendum:
quibus denunciationibus factis, si nullum legitimum opponatur
impedimentum, ad celebrationem matrimonij in facie Ecclesiæ pro-
cedatur: ubi Parochus, uiro, & muliere interrogatis, & eorum mu-
tuo consensu intellecto, uel dicat, ego uos in matrimonium coniun-
go, in nomine patris, & filij, & spiritus sancti: uel alijs utatur
uerbis, iuxta receptum uniuscuiusq; Prouinciæ ritum. Quod si
aliquando probabilis fuerit suspicio, matrimonium malitiosè im-
pediri posse, si tot præcesserint denunciationes, tunc uel una tan-
tū denuntiatio fiat, uel saltem Parocho, & duobus, uel tribus te-
stibus præsentibus, matrimonium celebretur. Deinde ante illius
consummationem, denunciationes in Ecclesia fiant: ut si aliqua sub-
sunt impedimenta, facilius detegantur: nisi ordinarius ipse expedire
iudicauerit, ut prædictæ denunciationes remittantur: quod illi-
us prudentiæ, & iudicio, Sancta Synodus relinquit: qui aliter,

*Ego coniungo uos
in nomine patris
in lib. 2. de iur.
con. 2. pag. 40. n.
7. tit. 1. de iur. con.*

*et in nomine
spiritus sancti
in lib. 2. de iur.
con. 2. pag. 40. n.
7. tit. 1. de iur. con.*

251.
quàm præsente Parocho, uel alio sacerdote: de ipsius Parochi, seu Ordinarij licentia, & duobus, uel tribus matrimonium contrahere attentabunt: eos sancta Synodus ad sic contrahendum omnino inhabiles reddit: & huiusmodi contractus, irritos, et nullos esse decernit, prout eos præsenti decreto irritos facit, & annullat. Insuper Parochum, uel alium sacerdotem, qui cum minore testium numero, & testes, qui sine Parocho, uel sacerdote huiusmodi contractui interfuerint, nec non ipsos contrahentes, grauiter arbitrio ordinarij puniri præcipit. Præterea eadē sancta Synodus hortatur, ut coniuges, ante benedictionem sacerdotalem, in templo suscipiendam, in eadem domo non cohabitent: statuitq; benedictionem à proprio Parocho fieri: neq; à quoquam, nisi ab ipso Parocho, uel ab ordinario, licentiam ad prædictā benedictionē faciendā, alij sacerdoti cōcedi posse, quacumq; consuetudine, etiā immemorabili, quæ potius corruptela dicenda est, uel priuilegio, non obstan. Quod si quis Parochus, uel alius sacerdos siue regularis, siue secularis sit, etiam si id sibi ex priuilegio, uel immemorabili consuetudine, licere contendat, alterius Parochiæ spon-
sos, sine illorum Parochi licentia, matrimonio coniungere, ut benedicere ausus fuerit, ipso iure tamdiū suspensus maneat, quamdiū ab ordinario eius Parochi, qui matrimonio interesse debebat, seu à quo benedictio suscipienda erat, absoluator. Habeat Parochus librum, in quo coniugum, & testium nomina, diemq; & locum contracti matrimonij describat, quem diligenter apud se custodiat.

Postremò Sancta Synodus, coniuges hortatur, ut antequā contrahant, uel saltem triduo ante matrimonij consummationem, sua peccata diligenter confiteantur: & ad sanctissimum Eucharistiæ sacramētū piè accedant. Si quæ Prouinciæ, alijs (ultra prædictas) laudabilibus consuetudinibus, & caeremonijs hac in re utuntur: eas omnino retineri sancta Synodus uehementer optat. Ne uerò hæc tam salubria præcepta quemquam lateant: ordinarijs omnibus præcipit, ut quamprimum poterint, curent, hoc decretum populo publicari, ac explicari in singulis suarū Diœcesum Parochialibus Ecclesijs: Idq; in primo anno quàmsepissimè fiat: Deinde uerò quoties expedire uiderint.

Decernit insuper, ut huiusmodi decretum, in unaquaq; Parochia, suum robur, post triginta dies, habere incipiat, à die primæ publicationis, in eadem Parochia factæ numerandos.

2 Docet experientia, propter multitudinem prohibitionum, multo-

ties in casibus prohibitis, ignoranter contrahi matrimonia, in quibus, uel non sine magno peccato perseveratur: uel ea, non sine magno scandalo dirimuntur. Volens itaq; sancta Synodus, huic incommodo providere, et à cognationis spiritualis impedimento incipiens, statuit, ut unus tantum, siue uir, siue mulier, iuxta sacrorum canonum instituta, uel ad summum unus, & una, baptizatum de baptismo suscipiant, inter quos, ac baptizatum ipsum, & illius patrem, et matrem, necnon inter baptizantem, & baptizatum, baptizatiq; patrem, ac matrem, tantum spiritualis cognatio contrahatur. Parochus, antequàm ad baptismum conferendum accedat: diligenter, ab ijs, ad quos spectabit, scisciterur, quem uel quos elegerint, ut baptizatum de sacro fonte suscipiant, et eum, uel eos tantum, ad illum suscipiendum admittat, et in libro, eorum nomina describat: doceatq; eos quàm cognationem contraxerint, ne ignorantia ulla excusari ualeant: Quòd si alij, ultra designatos, baptizatum tetigerint: cognationem spiritualem, nullo pacto contrahant: constitutionibus in contrarium facientibus, non obstantibus: si Parochi culpa, uel negligentia secus factum fuerit, arbitrio ordinarij puniatur. Ea quoque cognatio, quæ ex confirmatione contrahitur, confirmantem, & confirmatum, illiusq; patrem, & matrem, ac tenentem, non egrediantur: omnibus, inter alias personas, huius spiritualis cognationis, impedimentis omnino sublati. *Decretum de Sacram. de iur. 37. n. 17.*

Iustitiæ publicæ honestatis impedimentum, ubi sponsalia quacunque ratione ualida non erunt, sancta Synodus prorsus tollit: ubi autem ualida fuerint, primum gradum non excedant: quoniam in ulterioribus gradibus, iam non potest huiusmodi prohibitio, absq; dispendio obseruari.

4 Præterea sancta Synodus, eisdem, & alijs grauissimis de causis adducta, impedimentum, quod propter affinitatem, ex fornicatione contractum inducitur: & matrimonium postea factum dirimit: ad eos tantum, qui in primo, & secundo gradu coniunguntur, restringit: In ulterioribus uero gradibus, statuit huiusmodi affinitatem, matrimonium postea contractum non dirimere.

5 Si quis intra gradus prohibitos, scienter, matrimonium contrahere præsumpserit: separetur, & spe dispensationis consequenda careat: idq; in eo, multo magis locum habeat, qui non tantum matrimonium contrahere, sed etiam consummare ausus fuerit. Quòd si ignoranter id fecerit: siquidem solennitates requisitas, in contrahendo matrimonio

trimonio neglexerit, eisdem subiiciatur pœnis. Non enim dignus est, qui Ecclesiæ benignitatem, facile experiatur, cuius salubria præcepta, temerè contempsit. Si uerò solennitatibus adhibitis, impedimentum aliquod postea subesse cognoscatur, cuius ille probabilem ignorantiam habuit: tunc facilius cum eo, & gratis dispensari poterit. In contrahendis matrimonijs, uel nulla omnino detur dispensatio, uel rarò, idq; ex causa, & gratis concedatur: In secundo gradu nunquam dispensetur: nisi inter magnos Principes, & ob publicam causam.

- 6 Decernit Sancta Synodus, inter raptorem, & raptam, quamdiu ipsa, in potestate raptoris manserit, nullum posse consistere matrimonium. Quod si rapta, à raptore separata, & in loco tuto, & libero constituta, illum in uirum habere consenserit: eam raptor in uxorem habeat: & nihilominus raptor ipse, ac omnes illi, consilium, auxilium, & fauorem præbentes, sint ipso iure excommunicati, ac perpetuò infames, omniumq; dignitatum incapaces. Et si clerici fuerint: de proprio gradu decident. Teneatur præterea, raptor, mulierem raptam, siue eam in uxorem duxerit, siue non duxerit: decenter arbitrio Iudicis dotare.
- 7 Multi sunt, qui uagantur, & incertas habent sedes, & ut improbi sunt ingenij, prima uxore relicta, aliam, & plerunque plures, illa uiuente, diuersis in locis ducunt: cui morbo cupiens Sancta Synodus occurrere: omnes, ad quos spectat, paternè monet, ne hoc genus hominum uagantium, ad matrimonium facile recipiant: magistratus etiam seculares hortatur, ut eos seuerè coërceant. Pa- rochis autem præcipit, ne illorum matrimonijs intersint, nisi prius, diligentem inquisitionem, fecerint, & re ad ordinarium delata, ab eo licentiam, id faciendi, obtinuerint.
- 8 Graue peccatum est, homines solutos, concubinas habere: grauissimum uerò, & in huius magni sacramenti singularem contemptum admissum: uxoratos quoq; in hoc damnationis statu uiuere, ac audere eas quandoq; domi, etiam cum uxoribus alere, et retinere. Quare ut huic tanto malo, Sancta Synodus, opportunis remedijs prouideat: Statuit huiusmodi concubinarios, tam solutos, quam uxoratos, cuiuscunque status, dignitatis, & conditionis existant, si postquam ab ordinario, etiam ex officio ter admoniti, ea de re fuerint, concubinas non eiecerint, seq; ab earum consuetudine non seiunxerint, excommunicatione feriendos esse: à qua non absoluantur,

B

donec re ipsa admonitioni factæ paruerint. Quod si, in concubinato per annum, censuris neglectis, permanserit: contra eos, ab ordinario seuerè pro qualitate criminis procedatur. Mulieres, siue coniugatæ, siue solutæ, quæ cum adulteris, seu concubinarijs, publicè uiuunt, si ter admonitæ non paruerint: ab ordinarijs locorum, nullo etiam requirente, ex officio, grauiter, pro modo culpæ puniantur: & extra oppidum, uel diocesim (si id eisdem ordinarijs uidebitur) inuocato, si opus fuerit, brachio seculari eijciantur: Alijs pœnis contra adulteros, & concubenarios infligendis, in suo robore permanentibus.

9 Ita plerunque temporalium Dominorum, ac Magistratum, mentis oculos, terreni affectus, atq; cupiditates excæcant, ut uiros, & mulieres, sub eorum iurisdictione degentes, maximè diuites, uel spem magnæ hereditatis habentes, minis, & pœnis adigant, cum ijs matrimonium inuitos contrahere, quos ipsi Domini, uel Magistratus illis præscripserint. Quare cum maximè nefarium sit, matrimonij libertatem uiolare, & ab eis iniurias nasci, à quibus iura expectantur: præcipit Sancta Synodus, omnibus cuiuscunque gradus, dignitatis, & conditionis existant, sub Anathematis pœna, quam ipso facto incurrant, ne quouis modo directè, uel indirectè, subditos suos, uel quoscunque alios cogant, quo minus liberè matrimonia contrahant.

10 Ab aduentu Domini Nostri Iesu Christi, usque in dicem Epiphaniæ, & à feria quarta Cinerum, usque in Octauam Paschatis inclusiue, antiquas solennium nuptiarum prohibitiones, diligenter ab omnibus obseruari, Sancta Synodus præcipit: in alijs uerò temporibus, nuptias solenniter celebrari permittit, quas episcopi, ut ea, quæ decet, modestia, & honestate fiant, curabunt. Sancta enim res est Matrimonium, & sanctè tractandum.

XV.
DECRETA DE REFORMA-
TIONE GENERALI.



*A*DEM Sacrosancta Synodus, Reformationis materiam prosequens, hac in praesenti Sessione statuenda decreuit.

Si in quibuslibet Ecclesiae gradibus providen-
ter, scienterq; curandum est, ut in Domini domo
nihil sit inordinatum, nihilq; praeposterum, multo magis elabo-
randum est, ut in electione eius, qui supra omnes gradus consti-
tuitur, non erretur. Nam totius familiae Domini status, & ordo
nutabit, si quod requiritur in corpore, non inueniatur in capite.
Vnde & si aliàs sancta Synodus, de promouendis ad cathedrales, &
superiores Ecclesias, nonnulla utiliter decreuit: hoc tamen munus
huiusmodi esse censet, ut si pro rei magnitudine expendatur, nun-
quam satis cautum de eo uideri possit. Itaq; statuit, ut cum primum
Ecclesia uacauerit, supplicationes, ac preces, publicè, priuatimq;
habeantur: atq; à capitulo, per ciuitatem, & diocesim indican-
tur: quibus clerus, populusq; bonum à Deo Pastorem ualeat im-
petrare. Omnes uerò, & singulos, qui ad promotionem praefici-
endorum, quodcunq; ius & quacunq; ratione, à sede apostolica
habent, aut alioquin operam suam praestant, nihil in his, pro prae-
senti temporum ratione innouando, hortatur, & monet: ut in pri-
mis meminerint, nihil se ad Dei gloriam, & populorum salutem,
utilius posse facere, quàm si bonos Pastores, & Ecclesiae gubernan-
dæ idoneos, promoueri studeant: eosq; alienis peccatis communi-
cantes, mortaliter peccare: nisi quos digniores, & Ecclesiae ma-
gis utiles ipsi iudicauerint (non quidem precibus, uel humano af-
fectu, aut ambientium suggestionibus, sed eorum exigentibus me-
ritis) praefici diligenter curauerint: & quos ex legitimo matrimo-
nio natos, & uita, etate, doctrina, atq; alijs omnibus qualita-
tibus praeditos sciant, quæ iuxta sacros canones, & Tridentinae
huius Synodi decreta requiruntur. Quoniam uerò, in sumendo de
praeditis omnibus qualitatibus, graui, idoneoq; bonorum, & do-
ctorum uirorum testimonio, non uniformis ubiq; ex nationum,
populorum, ac morum uarietate, regula potest adhiberi: mandat

B ii

sancta Synodus, ut in prouinciali Synodo, per Metropolitanum habenda, præscribatur quibusq; locis, & Prouincijs, propria examinis, seu inquisitionis, aut instructionis faciendæ forma, Sanctissimi Romani Pontificis arbitrio approbanda: quæ magis eisdem locis, utilis, atq; opportuna esse uidebitur: Ita tamen, ut cum deinde, hoc examen, seu inquisitio, de persona promouenda perfectæ fuerit: ea in instrumentum publicum redacta, cum toto testimonio, ac professione fidei ab eo facta, quàmprimùm ad sanctissimum Rom: Pont: omnino transmittatur: ut ipse summus Pontifex, plena totius negocij, ac personarum notitia habita, pro gregis Domini commodo, de illis, si idonei per examen, seu inquisitionem factam, reperti fuerint, Ecclesijs possit utilius prouidere. Omnes uerò inquisitiones, informationes, testimonia, ac probationes quæcunq; de promouendi qualitatibus, & Ecclesiæ statu, à quibuscunq; etiam in Romana curia habitæ: per Cardinalem, qui relationem facturus erit in concistorio, & alios tres Cardinales, diligenter examinentur: ac relatio ipsa, Cardinalis relatoris, & trium Cardinalium subscriptione roboretur: in qua, ipsi singuli quatuor Cardinales affirment, se, adhibita accurata diligentia, inuenisse promouendos, qualitatibus à iure, & ab hac sancta Synodo requisitis, præditos: ac certò existimare, sub periculo salutis eternæ, idoneos esse, qui Ecclesijs præficiantur: ita ut relatione in uno concistorio facta, quò maturius interea de ipsa inquisitione cognosci possit, in aliud concistorium, iudicium differatur: nisi aliud Beatissimo Pontifici uidebitur expedire. Ea uerò omnia, & singula, quæ de Episcoporum præficiendorum uita, ætate, doctrina, & cæteris qualitatibus, aliàs in eadem Synodo constituta sunt, Decernit eadem, etiam in creatione sanctæ Romanæ Ecclesiæ Cardinalium, etiam si Diaconi sint, exigenda: quos sanctissimus Romanus Pontifex, ex omnibus Christianitatis nationibus, quantum commodè fieri poterit, prout idoneos repererit, assumet. Postremò, eadem sancta Synodus, tot grauissimis Ecclesiæ incommodis commota, non potest non commemorare, nihil magis Ecclesiæ Dei esse necessarium, quàm, ut Beatissimus Romanus Pontifex, quam sollicitudinem uniuersæ Ecclesiæ, ex numeris sui officio debet, eam hîc potissimùm impendat: ut lectissimos tantùm sibi Cardinales adsciscat; & bonos maximè, atque idoneos Pastores, singulis Ecclesijs præficiat: Idq; eò magis, quòd onium Christi sanguinem, quæ ex malo, negligentium, & sui

*H.
De Cardinalibus.*

officij immemorum Pastorum regimine peribunt, Dominus Noster Iesus Christus, de manibus eius, sit requisiturus.

2 Prouincialia Concilia, sicubi ommissa sunt, pro moderandis moribus, corrigendis excessibus, controuersis componendis, alijsq; ex sacris canonibus permissis renouentur. Quare Metropolitani, per se ipsos: seu, illis legitime impeditis, coepiscopus antiquior, intra annum ad minus, a fine presentis Concilij: & deinde quolibet saltem triennio, post octauam Paschæ Resurrectionis Domini Nostri Iesu Christi: seu alio commodiori tempore, pro more Prouinciæ, non prætermittat Synodum in Prouincia sua cogere: quod, Episcopi omnes & alij, qui de iure, uel consuetudine interesse debent, (exceptis his, quibus cum imminente periculo transfretandum esset) conuenire omnino teneantur. Nec Episcopi comprouinciales, prætextu cuiuslibet consuetudinis, ad Metropolitanam Ecclesiam in posterum accedere inuiti compellantur. Itidem Episcopi, qui nulli Archiepiscopo subijciuntur, aliquem uicinum Metropolitanum semel eligant: in cuius Synodo Prouinciali cum alijs interesse debeant: & quæ ibi ordinata fuerint, obseruent, ac obseruari faciant: In reliquis omnibus, eorum exemptio, & Priuilegia, salua, atque integra maneant. Synodi quoq; diæcesanæ, quotannis celebrentur: ad quas, exempti etiam omnes, qui aliàs cessante exemptione interesse deberent, nec Capitulis generalibus subduntur, accedere teneantur, ratione tamen Parochialium, aut aliarum secularium Ecclesiarum, etiam annexarum, debeant hi, qui illarum curam gerunt, quicunq; illi sint, Synodo interesse. Quod si, in his: tam Metropolitani, quam Episcopi, & alij suprascripti, negligentes fuerint: pœnas, sacris canonibus sancitas incurrant.

3 Patriarchæ, Primates, Metropolitani, et Episcopi, propriam Diæcesim, per se ipsos: aut si legitime impediti fuerint, per suum generalem Vicarium, aut Visitatorem: si quot annis totam, propter eius latitudinem uisitare non poterint, saltem maiorem eius partem: ita tamen, ut tota biennio, per se, uel uisitatores suos compleatur: uisitare non prætermittant. ~~Atque~~ Metropolitani, etiam post plenè uisitatam propriam Diæcesim, non uisitentur cathedrales Ecclesiæ, neque Diæceses suorum comprouincialium, nisi causa cognita & probata in Concilio prouinciali. Archidiaconi autem, Decani, & alij inferiores, in his Ecclesijs, ubi hætenus uisitationem exercere legitime consueuerunt, debeant quidem, assumpto

1010

notario, de consensu Episcopi, deinceps per se ipsos tantum, ibidem uisitare. Visitatores etiam à Capitulo deputandi, ubi capitulum ius uisitandi habet, prius ab Episcopo approbentur: sed non ideo Episcopus, uel eo impedito, eius uisitor, easdem ecclesias, seorsum ab his uisitare prohibeatur: cui ipsi Archidiaconi, uel alij inferiores, uisitationis factæ, infra mensem rationem reddere, & depositiones testium, ac integra acta, ei exhibere teneantur: Non obstan. quacunque consuetudine, etiam immemorabili, atque exemptionibus, & priuilegijs quibuscunq; Visitationum autem omnium istarum, præcipuus sit scopus: sanam, orthodoxamq; doctrinam, expulsis hæresibus, inducere: bonos mores tueri, prauos corrigere: populum, cohortationibus, & admonitionibus, ad religionem, pacem, innocentiamque accendere: cætera, prout locus, tempus, & occasio feret, ex uisitantium prudentia, ad fidelium fructum constituere. Quæ ut facilius, sæliciusque succedant, monentur prædicti omnes, & singuli, ad quos uisitatio spectat: ut paterna charitate, Christianoq; zelo, omnes amplectantur: ideoq; modesto contenti equitatu, famulatuq; studeant, quam celerrimè (debita tamen cum reuerentia) uisitationem ipsam absoluere. Interimq; caueant, ne inutilibus sumptibus cuiquam graues, onerosiue sint: neque ipsi, aut quisquam suorum, quicquam, procurationis causa, pro uisitatione, etiam testamentorum ad pios usus, præter id, quod ex relictis pijs iure debetur, aut alio quouis nomine, nec pecuniâ, nec munus, quodcunque sit, etiâ qualitercunque offeratur, accipiant: Non obstante quacunque consuetudine, etiam immemorabili: exceptis tamen uictualibus, quæ sibi, ac suis, frugaliter, moderateq; pro temporis tamen necessitate, & non ultra erunt ministranda: Sit tamen in optione eorum, qui uisitantur, si malint soluere id quod erat ab ipsis antea solui, certa pecunia taxata, consuetum: an uerò prædicta uictualia subministrare: saluo item iure conuentuum antiquarum, cū Monasterijs, alijsue pijs locis, aut Ecclesijs non parochialibus inito: quod illæsum permaneat. In his uerò locis, seu Prouincijs, ubi consuetudo est, ut nec uictualia, nec pecunia, nec quicquam aliud, à Visitatoribus accipiantur, sed omnia gratis fiant: ibi id obseruetur. Quod si quisquam (quod absit) aliquid amplius in supradictis omnibus casibus, accipere præsumpserit: is, præter dupli restitutionem, intra mensem faciendam, alijs etiam pænis, iuxta constit. Concilij generalis Lugdunen. quæ incipit, Exigit: nec non & alijs pænis, in Synodo Prouinciali,

arbitrio Synodi, absq; ulla spe ueniae, mulctetur. Patroni uero, in his, quæ ad sacramentorum administrationem spectant, nullatenus se præsumant ingerere: neq; uisitationi ornamentorum Ecclesiae, aut bonorum stabilium, seu fabricarum prouentibus immisceant: nisi quatenus id eis ex institutione ac fundatione competat: sed Episcopi ipsi, hæc faciant, & fabricarum redditus, in usus Ecclesiae necessarios, & utiles, prout sibi expedire magis uisum fuerit, expendi curent.

4 Prædicationis munus, quod Episcoporum præcipuum est, cupiens sancta Synodus, quò frequentius possit ad fidelium salutem exerceri: Canones aliàs super hoc editos, sub fæ: re: Paulo III. aptius præsentium temporum usui accomodando: mandat, ut in Ecclesia sua, ipsi per se: aut si legitime impediti fuerint, per eos, quos ad prædicationis munus assument: In alijs autem Ecclesijs, per Parochos: siue ipsi impediti, per alios, ab Episcopo, impensis eorum, qui id præstare, uel tenentur, uel solent, deputandos: in ciuitate, aut in quacunq; parte diocesis censebunt expedire: saltem omnibus Dominicis, & solennibus diebus festis: Tempore autem Ieiuniorum, Quadragesimæ, & Aduentus Domini, quotidiè: uel saltem tribus in hebdomada diebus, si ita oportere duxerint, sacras scripturas, diuinamq; legem annuncient: & alias quotiescunq; id opportunè fieri posse iudicauerint. Moneatq; Episcopus populum diligenter, teneri unumquemq;, Parochiæ suæ interesse, ubi commodè id fieri potest, ad audiendum uerbum Dei. Nullus autem secularis, siue regularis, etiam in Ecclesijs suorum ordinum, contradicente Episcopo, prædicare præsumat. Idem etiam Episcopi, saltem Dominicis, & alijs festiuis diebus, pueros, in singulis Parochijs, fidei rudimenta, & obedientiam erga Deum, & parentes, diligenter ab his, ad quos spectabit, doceri curabunt: & si opus sit, etiam per censuras Ecclesiasticas compellent: Non obstantibus priuilegijs, & consuetudinibus. In reliquis, ea, quæ de prædicationis munere, sub eodem Paulo III. decreta fuerunt, suum robur obtineant.

Et de Consecratione

5 Causæ criminales grauiores, contra Episcopos, etiam hæresis (quod absit) quæ depositione, aut priuatione dignæ sunt: ab ipso tantum summo Romano Pontifice cognoscantur, & terminentur. Quodd si eiusmodi sit causa, quæ necessario extra Romanam curiam sit committenda: nemini prorsus ea committatur, nisi Metropoli-

Sessio.

tanis, aut Episcopis à Beatissimo Papa eligendis. Hæc uerò commissio, & specialis sit: & manu ipsius Sanctissimi Pontificis signata: nec unquam plus his tribuat, quàm ut solam facti instrumentationem sumant, processumq; conficiant: quem statim ad Romanum Pontificem transmittant: reseruata eidem sanctissimo sententia diffinitiva. Cætera, aliàs sub fæ: re: Iulio III. super his decreta: nec non & constitutio sub Innocentio III. in Concilio Generali, quæ incipit, Qualiter & quando, quam Sancta Synodus in præsentem innouat: ab omnibus obseruetur. Minores uerò criminales causæ, ^{causæ} in Concilio prouinciali uel à deputandis per Concilium prouinciale, ^{et terminentur}

Episcoporum

v. c. l. i. c. a. n. d. p. o. i. n. i. t. d. i. u. i. t.
q. d. n. s. c. c. c. a.
6 Liceat Episcopis, in irregularitatibus omnibus, & suspensionibus, ex delicto occulto prouenientibus, excepta ea, quæ oritur ex homicidio uoluntario, & exceptis alijs deductis ad forum contentiosum, dispensare: & in quibuscunq; casibus occultis, etiam sedi Apostolicæ reseruatis, delinquentes quoscunq; sibi subditos, in diœcesi sua, per se ipsos, aut Vicarium ad id specialiter deputandum, in foro conscientie gratis absolvere, imposita penitentia saluari. Idem & in hæresis crimine, in eodem foro conscientie, eis tantum, non eorum Vicarijs, sit permissum.

7 Vt fidelis populus, ad suscipienda sacramenta, maiori cum reuerentia, atq; animi deuotione accedat: præcipit sancta Synodus, Episcopis omnibus: ut non solum cum hæc per se ipsos erunt populo administranda, prius illorum uim, & usum, pro suscipientium captu explicent: sed etiam idem à singulis Parochis, pie, prudenterq; etiam lingua uernacula, si opus sit, & commodè fieri poterit, seruari studeant, iuxta formam, à sancta Synodo, in cathedesi, singulis sacramentis præscribendam: quam Episcopi in uulgarem linguam fideliter uerti, atq; à Parochis omnibus populo exponi curabunt: nec non ut inter missarum solennia, aut diuinorum celebrationem, sacra eloquia, & salutis monita, eadem uernacula lingua, singulis diebus festis, uel solennibus explanent: eademq; in omnium cordibus, postpositis inutilibus quæstionibus, inserere: atq; eos, in lege Domini erudire, studeant.

8 Apostolus monet, publicè peccantes, palàm esse corripiendos: Quando igitur ab aliquo, publicè, & in multorum conspectu, crimen commissum fuerit, unde alios scandalo offensos, commotosq; fuisse,

fuisse, non sit dubitandum: huic condignam, pro modo culpæ, pænitentiam, publicè iniungi oportet: ut quos, exemplo suo, ad malos mores prouocauit: suæ emendationis testimonio, ad rectam reuocet uitam. Episcopus tamen, publicæ hoc pænitiæ genus, in aliud secretum poterit commutare, quando ita magis iudicauerit expedire. In omnibus etiam cathedralibus Ecclesiis (ubi id commodè fieri poterit) Pænitentiarius aliquis, cum unione præbendæ proximè uacaturæ, ab Episcopo instituatur: qui Magister sit, uel Doctor, aut licentiatus in Theologia, uel iure canonico, & annorum quadraginta, seu aliàs qui aptior pro loci qualitate reperiatur: qui dum confessiones in Ecclesia audiet, interim præsens in choro censeatur.

9 Quæ aliàs sub sæ: re: Paulo III. & nuper sub Beatissimo N. Pio IIII. in hoc eodem Concilio, de adhibenda ab ordinarijs diligentia, in beneficiorum etiam exemptorum uisitatione, constituta sunt, eadem etiam in ijs Ecclesiis secularibus obseruentur, quæ in nullius diocesi esse dicuntur: ut ab Episcopo, cuius cathedralis Ecclesia est proximior, si id possit, alioquin ab eo, qui semel in Concilio prouinciali, à Prælato loci illius electus fuerit, tanquàm sedis Apostolicæ delegato, uisitentur: Non obstantibus priuilegijs, & consuetudinibus quibuscunq; etiam immemorabilibus.

10 Episcopi (ut aptius, quem regunt populum, possint in officio, atq; obedientia continere) in omnibus his, quæ ad uisitationem, ac morum correctionem subditorum suorum spectant, ius & potestatem habeant, etiam tanquàm sedis Apostolicæ delegati, ea ordinandi, moderandi, puniendi, & exequendi, iuxta canonum sanctiones, quæ illis ex prudentia sua, pro subditorum emendatione, ac diocesis suæ utilitate, necessaria uidebuntur. Nec in his, ubi de uisitatione, aut morum correctione agitur, exemptio, aut ulla inhibitio, appellatio, seu querela, etiam ad sedem Apostolicam interposita, executionem eorum, quæ ab his mandata, decreta, aut indicata fuerint, quoquo modo impediat, aut suspendat.

11 Quoniàm priuilegia, et exemptiones, quæ uarijs titulis plerisq; conceduntur, hodie perturbationem in Episcoporum iurisdictione excitare, & exemptis occasionem laxioris uitæ præbere dignoscuntur: Decernit Sancta Synodus, ut si quando, iustis, grauib; & ferè necessarijs suadentibus causis, aliquos, honorarijs titulis Prothonotariatus, Accolytatus, Comitibus Palatini, Capellani Regij, aut

alijs huiusmodi, in Romana curia, uel extra, insignibus decorandos esse placuerit: nec non alios, cuicunque monasterio oblatos, uel quomocunque addictos, aut sub nomine seruientium militijs, seu monasterijs, Hospitalibus, Collegijs, aut quocunque alio titulo assumi: nihil, ex his priuilegijs, detractum esse ordinarijs intelligatur: quominus ij quibus ea iam concessa sunt, uel in posterum concedi contigerit, ipsis ordinarijs, tanquam sedis Apostolicæ delegatis, plenè in omnibus, & quo ad capellanos regios, iuxta constitutionem Innocentij. I I I. quæ incipit, Cùm capellæ, subiecti existant. exceptis tamen ijs, qui prædictis locis, aut militijs actu seruiunt, & intra eorum septa, ac domos resident, subq; eorum obedientia uiuunt: siue ijs, qui legitime, & secundum regulam, earundem militiarum, professionem fecerint: de qua Ordinario constare debeat: Non obstantibus priuilegijs quibuscunque: etiam religionis sancti Ioannis Hierosolymitani, & aliarum militiarum. Quæ uerò priuilegia, residentibus in curia Romana, uigore Eugenianæ constitutionis, aut familiaritatis Cardinalium, competere solent: ea, in his, qui beneficia Ecclesiastica obtinent, ratione prædictorum beneficiorum, minimè intelligantur: sed ordinarij iurisdictioni, subiecti permaneant: Non obstantibus quibuscunque inhibitionibus.

12 Cùm dignitates, in Ecclesijs præsertim cathedralibus, ad conseruandam augendamq; Ecclesiasticam disciplinam, fuerint institutæ: ut qui eas obtinerent, pietate præcellerent, alijsq; exemplo essent, atque Episcopos, opera, et officio iuuarent: meritò qui ad eas uocantur, tales esse debent, qui suo muneri respondere possint. Nemo igitur deinceps, ad dignitates quascunque, quibus animarum cura subest, promoueatur: nisi qui saltem. XXV. suæ ætatis annum attigerit, & in clericali ordine uersatus, doctrina ad suum munus exequendum necessaria, ac morum integritate commendetur, iuxta constitutionem Alexandri. III. in Concilio Lateranen. promulgatam, quæ incipit, Cùm in cunctis. Archidiaconi etiam, qui oculi dicuntur Episcopi, sint in omnibus Ecclesijs, ubi fieri poterit, Magistri in Theologia, seu Doctores, aut licentiati in iure canonico. Ad cæteras autem dignitates, uel personatus, quibus animarum cura nulla subest, clerici alioquin idonei, & XXXI. annis non minores, asciscantur. Patroni etiam, de beneficijs quibuscunque, curam animarum habentibus, teneantur à die adeptæ possessionis, ad minus intra duos menses, in manibus ipsius Episcopi, uel eo impedito, co-

ram generali eius Vicario, seu officiali, orthodoxæ suæ fidei publicam facere professionem: & in Romanæ Ecclesiæ obedientia, se permansuros, spondeant, ac iurent. Prouisi autem de Canonicatibus, & dignitatibus, in Ecclesiis Cathedralibus, non solum coram Episcopo, seu eius officiali, sed etiam in capitulo, idem facere teneantur: alioquin prædicti omnes prouisi, ut supra, fructus non faciant suos: nec illis possessio suffragetur. Neminem etiam deinceps, ad dignitatem, Canonicatum, aut portionem recipiant, nisi qui eo ordine sacro, aut sit initiatus, quem illa dignitas, præbenda, aut portio requirit: aut in tali ætate, ut infra tempus, à iure, & ab hac Sancta Synodo statutum, initiari ualeat. In omnibus uerò Ecclesiis Cathedralibus, omnes canonicatus, ac portiones, habeant annexum ordinem præbiterij, diaconatus, uel subdiaconatus. Episcopus autem, cum consilio Capituli, designet, ac distribuatur, prout uiderit expedire, quibus, quisque ordo ex sacris, annexus, in posterum esse debeat: Ita tamen, ut dimidia saltem pars, præbyteri sint: ceteri uerò Diaconi, aut subdiaconi: ubi uerò consuetudo laudabilior, habet, ut plures, uel omnes, sint præbyteri, omnino obseruetur. Hortatur etiam Sancta Synodus, ut in Prouincijs (ubi id commodè fieri potest) dignitates omnes, & saltem dimidia pars canonicatum, in Cathedralibus Ecclesiis, & collegiatis insignibus, conferatur tantum magistris, uel doctoribus, aut etiam licentiatis in Theologia, uel iure canonico. Præterea obtinentibus, in eisdem Cathedralibus, aut collegiatis, dignitates, canonicatus, præbendas, aut portiones; non liceat, uigore cuiuslibet statuti, aut consuetudinis, ultra tres menses, ab eisdem Ecclesiis, quolibet anno abesse: saluis nihilominus earum Ecclesiarum constitutionibus, quæ longius seruitij tempus requirunt: alioquin primo anno, priuetur unusquisque, dimidia parte fructuum, quos ratione etiam præbendæ, ac residentie fecit suos. Quod si iterum, eadem fuerit usus negligentia: priuetur omnibus fructibus, quos eodem anno lucratus fuerit. Crescente uerò contumacia: contra eos, iuxta sacrorum canonum constitutiones, procedatur. Distributiones uerò, qui statis horis interfuerint, recipiant: Reliqui, quauis collusione, aut remissione exclusi, his careant: iuxta Bonifacij VIII. decretum: quod incipit, consuetudinem: quod sancta Synodus in usum renocat: non obstantibus quibuscunq; statutis, & consuetudinibus.

Omnes uerò, diuina, per se, & non per substitutos, compellan-

C ii

tur obire officia: & Episcopo celebranti, aut alia pontificalia exercenti, adstare, & inseruire: atq; in choro ad psallendum instituto, hymnis, & canticis, Dei nomen, reuerenter, distinctè, deuoteq; laudare. Vestitu insuper decenti, tam in Ecclesia, quàm extra, assiduò utantur: ab illicitisq; uenationibus, aucupijs, choreis, tabernis, lusibusq; abstineant: atq; ea morum integritate polleant, ut meritò Ecclesiæ Senatus dici possit. Cætera, quæ ad debitum in diuinis, officijs regimen spectant: deq; congrua in his canendi, seu modulandi ratione: de certa lege in choro conueniendi, & permanendi: simulq; de omnibus Ecclesiæ ministris, quæ necessaria erunt, & si qua huiusmodi: Synodus prouincialis, pro cuiusq; Prouinciæ utilitate, & moribus, certam cuiq; formulam præscribet. Interea uerò Episcopus, non minus quàm cum duobus canonicis, quorum unus, ab Episcopo, alter à capitulo eligatur: in his, quæ expedire uidebuntur, poterit prouidere.

13 Quoniam plerèq; cathedrales Ecclesiæ, tam tenuis redditus sunt, & angustæ, ut episcopali dignitati, nullo modo respondeant, neq; Ecclesiarum necessitati sufficiunt: examinet Concilium prouinciale, uocatis his, quorum interest, & diligenter expendat, quas propter angustias, tenuitatemq; uicinis unire, uel nouis prouentibus augere expediat: confecta q; de præmissis instrumenta, ad summum Romanum Pontificem mittat. Quibus instructus summus Pontifex, ex prudentia sua, prout expedire iudicauerit: aut tennes inuicem uniat: aut aliqua accessione ex fructibus augeat. Interim uerò, donec prædicta effectum sortiantur: huiusmodi Episcopis, qui fructuum subuentione, pro diœcesis suæ tenuitate indigent, poterit de beneficijs aliquibus (dum tamen curata non sint, nec dignitates, seu canonicatus & præbendæ, nec monasteria, in quibus uiget regularis obseruantia, uel quæ capitulis generalibus, & certis uisitoribus subduntur) à summo Pontifice prouideri. In parochialibus etiam Ecclesiis, quarum fructus æquè adedò exigui sunt, ut debitis nequeant oneribus satisfacere: curabit Episcopus: si per beneficiorum unionem, non tamen regularium, id fieri non possit: ut primitiarum, uel decimarum assignatione, aut per Parochorum symbola, ac collectas, aut qua commodiori ei uidebitur ratione, tantum redigatur, quod pro Rectoris, ac Parochiæ necessitate, decenter sufficiat. In unionibus uerò quibuslibet, seu ex supradictis, seu alijs causis faciendis, Ecclesiæ Parochiales, monaste-

rijs quibuscunq; , aut Abbatijs , seu dignitatibus , siue præbendis Ecclesiæ cathedralis , uel collegiatæ , siue alijs beneficijs simplicibus , aut hospitalibus , militijs siue , non uniantur : & quæ unitæ sunt , reuideantur ab ordinarijs , iuxta aliàs decretum in eadem Synodo , sub sæ : re : Paulo III. quod etiam in unitis ab eo tēpore citrà , æquè obseruetur : Non obstantibus in ijs , quibuscunq; uerborum formis , quæ hîc pro sufficienter expressis habeantur. *Ad hæc , in posterum , N.*
omnes hæ cathedrales Ecclesiæ , quarum redditus , summam ducatorum mille : & parochiales , quæ summam ducatorum centum , secundum uerum annum ualorem , non excedunt : nullis pensionibus , aut reservationibus fructuum , grauentur. In his quoq; ciuitatibus , ac locis , ubi parochiales Ecclesiæ , certos non habent fines , nec earum Rectores , proprium populum quem regant , sed promiscuè petentibus sacramenta administrant : Mandat sancta Synodus Episcopis , pro tutiori animarum eis commissarum salute : ut distincto populo , in certas , propriasq; Parochias , unicuiq; , suum perpetuum , peculiaremq; Parochum assignent : qui eas cognoscere ualeat : & à quo solo , licitè sacramenta suscipiant : aut alio utiliori modo , prout loci qualitas exegerit , provideant. Idemq; , in his ciuitatibus ac locis , ubi nullæ sunt Parochiales , quamprimum fieri curent : Nō obstantibus quibuscunq; priuilegijs , & consuetudinibus , etiam immemorabilibus.

- 14 In pluribus Ecclesijs , tam cathedralibus , quàm collegiatis , & parochialibus , ex earum constitutionibus , aut ex praua consuetudine , obseruari intelligitur : ut in electione , præsentatione , nominatione , institutione , confirmatione , collatione , uel alia prouisione , siue admissione ad possessionem alicuius cathedralis Ecclesiæ , uel beneficij , canonicatum , aut præbendarum , uel partem prouentuum : seu ad distributiones quotidianas , certæ conditiones , seu deductiones ex fructibus , solutiones , promissiones , compensationes siue illicitæ , aut etiam , quæ in aliquibus ecclesijs dicuntur turnorum lucra , interponantur : Hæc , cū sancta Synodus detestetur : mandat episcopis , ut quæcunq; huiusmodi in usus pios non conuertuntur , atq; ingressus eos , qui simoniacæ labis , aut sordidæ auaritiæ suspensionem habent , fieri non permittant : ipsiq; diligenter , de eorum constitutionibus , siue consuetudinibus super prædictis cognoscant , & illis tantum , quas ut laudabiles probauerint , exceptis : reliquas , ut prauas , ac scandalosas reijciant , & aboleant. Eos uero , qui ad-

uersus hæc in presenti decreto comprehensa, quauis ratione commiserint, pœnis contra simoniacos editis, sacris canonibus, & uarijs summorum Pontificum constitutionibus, quas omnes innouat, teneri decernit: Non obstantibus quibuscunq; statutis, constitutionibus, & consuetudinibus, etiam immemorabilibus: etiam apostolica auctoritate confirmatis: de quarum subreptione, obreptione, & intentionis defectu, Episcopus, tanquàm Apostolica sedis delegatus, cognoscere possit.

15 In Ecclesijs cathedralibus, et collegiatis insignibus, ubi frequentes, adeoq; tenues sunt præbendæ, simul cum distributionibus quotidianis, ut sustinendo decenti canonicorum gradui, pro loci, & personarum qualitate, non sufficiant: liceat Episcopis, cum consensu capituli, uel aliquot simplicia beneficia, non tamen regularia, ijs unire: uel si hac ratione prouideri non possit, aliquibus ex ijs suppressis, cum patronorum consensu, si de iure patronatus laicorum sint, quarum fructus, & proventus reliquarum præbendarum distributionibus quotidianis applicentur, eas ad pauciorum numerum reducere: ita tamen, ut tot supersint, quæ diuino cultui celebrando, ac dignitati Ecclesiasticæ commodè ualeant respondere: Non obstantibus quibuscunque constitutionibus, & privilegijs, aut quacunque reservatione generali, uel speciali, aut affectione: Neque prædictæ uniones, aut suppressiones tolli, seu impediri possint, ex quibuscunque prouisionibus, etiam uigore resignationis, aut quibusuis alijs derogationibus, uel suspensionibus.

16 Capitulum, sede uacante, ubi fructuum percipiendorum, ei munus incumbit, Oeconomum unum, uel plures fideles, ac diligentes decernat: qui rerum Ecclesiasticarum, & prouentuum, curam gerant: quorum rationem, ei ad quem pertinebit, sint reddituri. Item officialem, seu Vicarium, infra octo dies, post mortem episcopi, constituere, uel existentem confirmare, omnino teneatur: qui, saltem in iure canonico sit Doctor, uel licentiatus, uel aliàs (quantum fieri poterit) idoneus. Si secus factum fuerit, ad Metropolitanum deputatio huiusmodi deuoluatur. Et si Ecclesia ipsa, Metropolitana fuerit, aut exempta, capitulumq; ut præfertur, negligens fuerit. tunc antiquior Episcopus ex suffraganeis, in Metropolitana: & propinquior Episcopus in exempta: Oeconomum, & Vicarium idoneos, possit constituere. Episcopus uerò, ad eandem Ecclesiam uacan-

rem promotus, ex his, quæ ad eum spectant, ab eisdem, Oeconomo, Vicario, & alijs quibuscunq; officialibus, & administratoribus, qui sede uacante fuerunt, à capitulo, uel ab alijs, in eius locum constituti: etiam si fuerint ex eodem capitulo: rationem exigant officiorum, Iurisdictionis, administrationis, aut cuiuscunq; eorum muneris: possitq; eos punire, qui in eorum officio, seu administratione deliquerint: etiam si prædicti officiales, redditis rationibus à capitulo, uel à Deputatis ab eodem, absolutionem, aut liberationem obtinuerint. Eidem quoq; Episcopo, teneatur capitulum, de scripturis ad Ecclesiam pertinentibus, si quæ ad capitulum peruennerunt, rationem reddere.

- 17 Cum Ecclesiasticus ordo peruertatur, quando unus, plurium officia occupat clericorum: sanctè, sacris canonibus cautum fuit: neminem oportere, in duabus ecclesijs conscribi. Verùm, quoniam multi, improbæ cupiditatis affectu, se ipsos, non Deum decipientes, ea, quæ bene constituta sunt, uarijs artibus eludere, & plura simul beneficia obtinere non erubescunt: sancta Synodus, debitam, regendis ecclesijs, disciplinam, restituere cupiens: præsentì decreto, quod in quibuscunq; personis, quocunq; titulo, etiam si Cardinalatus honore fulgeant, mandat obseruari: statuit, ut in posterum, unum tantum beneficium ecclesiasticum, singulis conferatur. Quod quidem, si ad uitam eius, cui confertur, honestè sustentandam, non sufficiat: liceat nihilominus, aliud simplex sufficiens, dummodò utrunq; personalem residentiam non requirat, eidem conferri. Hæcq; non modò ad cathedrales ecclesias, sed etiam ad alia omnia beneficia, tam secularia, quàm regularia quæcunq; etiam commendata pertineant, cuiuscunq; tituli, ac qualitatis existant. Illi uerò, qui in præsentì, plures parochiales ecclesias, aut unam cathedralem, & aliam parochialem obtinent: cogantur omnino, quibuscunq; dispensationibus, ac unionibus, ad uitam non obstantibus: una tantum parochiali, uel sola cathedrali retenta, alias parochiales, infra spatium sex mensium, dimittere: alioquin tam parochiales, quàm beneficia omnia, quæ obtinet, ipso iure uacare censeantur: ac tantum uacantia, liberè alijs idoneis conferantur: nec ipsi antea illa obtinentes, tuta conscientia, fructus post dictum tempus retineant. Optat autem sancta Synodus, ut resignantium necessitatibus, commoda aliqua ratione, prout summo Pontifici uidebitur, provideatur.

Settim.

18 *Expedi maxime animarum saluti, à dignis, atque idoneis Parochis gubernari. Id ut diligentius, ac rectius perficiatur: statuit Sancta Synodus, ut cum parochialis Ecclesiae uacatio, etiam si cura Ecclesiae, uel Episcopo incumbere dicatur, & per unum, uel plures administretur, etiam in Ecclesiis patrimonialibus, seu receptiuis nuncupatis, in quibus consuevit Episcopus, uni, uel pluribus, curam animarum dare, quos omnes ad infra scriptum examen teneri mandat, per obitum, uel resignationem, etiam in curia, seu aliter quomodocunque contigerit, etiam si ipsa Parochialis Ecclesia reſeruata, uel affecta fuerit generaliter, uel specialiter, etiam uigore indulti, seu priuilegij, in fauorem sanctae Romanae Ecclesiae Cardinalium, seu Abbatum, uel capitulorum: debeat Episcopus, statim habita notitia uacationis Ecclesiae, si opus fuerit, idoneum in ea Vicarium, cum congrua, eius arbitrio, fructuum portionis assignatione, constituere: qui onera ipsius Ecclesiae sustineat: donec ei de Rectore provideatur. Porro Episcopus, & qui Ius patronatus habent, intra decem dies, uel aliud tempus, ab Episcopo praescribendum, idoneos aliquot clericos, ad regendam Ecclesiam, coram deputandis examinadoribus nominet. Liberum sit tamen etiam alijs, qui aliquos ad id aptos nouerint, eorum nomina deferre: ut possit postea, de cuiuslibet aetate, moribus, et sufficientia, fieri diligens inquisitio. Et si Episcopo, aut Synodo prouinciali, pro regionis more, uidebitur magis expedire: per edictum etiam publicum uocentur, qui uolent examinari. Transacto constituto tempore, omnes qui descripti fuerint, examinentur ab Episcopo: siue eo impedito, ab eius Vicario generali: atque ab alijs, examinadoribus, non paucioribus, quam tribus: quorum uotis, si pares, aut singulares fuerint, accedere possit Episcopus, uel Vicarius, quibus magis uidebitur. Examinatores autem, singulis annis, in dioecetana Synodo, ab Episcopo, uel eius Vicario, ad minus sex proponantur: qui Synodo satisfaciant, & ab ea probentur. Aduenienteque uacatione cuiuslibet Ecclesiae, tres ex illis eligat Episcopus, qui cum eo examen perficiant: indeque, succedente alia uacatione, aut eosdem, aut alios tres, quos maluerit, ex praedictis illis sex eligat. Sint uero hi examinatores, Magistri, seu doctores, aut licentiati in Theologia, aut iure canonico, uel alij clerici, seu regulares, etiam ex ordine mendicantiu, aut etiam seculares, qui ad id uidebuntur magis idonei: iurentque omnes ad sancta Dei Euangelia se, qua*

XXV

se, quacunque humana affectione postposita, fideliter munus executuros. Caneantq; ne quicquam prorsus, occasione huius examinationis, nec ante, nec post, accipiant: alioqui simonia uitium, tam ipsi, quam alij dantes, incurrant: A qua absolui nequeant, nisi demissis beneficijs, quæ quomodocunque, etiam antea obtinebant: & ad alia, in posterum, inhabiles reddantur. Et de his omnibus, non solum coram Deo, sed etiam in Synodo prouinciali, si opus erit, rationem reddere teneantur. A qua, si quid, contra officium, eos fecisse compertum fuerit: grauitur, eius arbitrio, puniri possint. Peracto deinde examine renuncientur, quotcunque ab his idonei iudicati fuerint atate, moribus, doctrina, prudentia, et alijs rebus, ad uacantem Ecclesiam gubernandam opportunis. Ex hisque Episcopus eum eligat, quem ceteris magis idoneum iudicauerit: atque illi, & non alteri, collatio Ecclesiæ, ab eo fiat, ad quem spectabit eam conferre. Si uero Iurispatronatus Ecclesiastici erit, ac institutio ad Episcopum, & non alium pertineat, is, quem patronus digniorem, inter probatos ab examinadoribus iudicabit, Episcopo presentare teneatur: ut ab eo instituat. Cum uero institutio, ab alio, quam ab Episcopo erit facienda: tunc Episcopus solus, ex dignis, eligat digniorem: quem Patronus ei presentet, ad quem institutio spectat. Quod si, iurispatronatus laicorum fuerit: debeat qui à Patrono presentatus erit, ab eisdem deputatis, ut supra, examinari: & non nisi idoneus repertus fuerit, admitti. In omnibusque supradictis casibus, non cuiquam alteri, quam uni ex predictis examinatis, & ab examinadoribus approbatis, iuxta supradictam regulam, de Ecclesia prouideatur: nec predictorum examinadorum relationem, quod minus executionem habeat, ulla deuolutio, aut appellatio, etiam ad sedem apostolicam, siue eiusdem sedis legatos, aut uicelegatos, aut Nuncios, seu Episcopos, aut Metropolitanos Primates, uel Patriarchas, interposita, impediatur, aut suspendatur: alioquin Vicarius, quem Ecclesiæ uacanti, antea Episcopus, arbitrio suo, ad tempus deputauit, uel forsan postea deputabit: ab eius Ecclesiæ custodia, et administratione, non amoveatur: donec aut eisdem, aut alteri, qui probatus et electus fuerit, ut supra, sit prouisum: Alias, prouisiones omnes, seu institutiones, præter supradictam formam factæ, subreptitiæ esse censeantur: Non obstantibus huic decreto, exemptionibus, indultis, priuilegijs, præuentionibus, affectionibus, nonis prouisionibus, indultis, concessis quibuscunque uniuersi-

D

tatibus, etiam ad certam summam, & alijs impedimentis quibuscunque. Si tamen adeo exigui redditus, dictæ parochialis fuerint, ut totius huius examinationis, operam non ferant: aut nemo sit, qui se examini quærat subijcere: aut ob apertas factiones, seu dissidia, quæ in aliquibus locis reperiuntur, facile grauiores rixæ, ac tumultus possint excitari: poterit ordinarius, si pro sua conscientia, cum deputatorum consilio, ita expedire arbitrabitur, hac forma omissa, priuatum aliud examen (cæteris tamen ut supra seruatis) adhibere. Licetbit etiam Synodo prouinciali, si qua in supradictis, circa examinationis formam, addenda, remittendaue esse consueverit, prouidere.

19 Decernit Sancta Synodus, Mandata de prouidendo, & gratias, quæ expectatiuæ dicuntur, memini amplius, etiam collegijs, universitatibus, senatibus, & alijs singularibus personis, etiam sub nomine indulti, aut ad certam summam, uel alio quouis colore concedi: nec hactenus concessis, cuiquam uti licere. Sed nec reservationes mentales, nec aliæ quæcunque gratiæ, ad uacatura, nec indulta ad alienas Ecclesias, uel monasteria: alicui, etiam ex sanctæ Romanæ ecclesiæ Cardinalibus, concedantur: & hactenus concessa, abrogata esse censeantur.

20 Causæ omnes, ad forum ecclesiasticum quomodolibet pertinentes, etiam si beneficiales sint, in prima instantia, coram ordinarijs locorum duntaxat, cognoscantur: atque omnino, saltem infra biennium, à die motæ litis, terminentur: alioquin post id spacium, liberum sit partibus, uel alteri illarum, iudices superiores, aliàs tamen competentes adire: qui causam, in eo statu, quo fuerit, assumant: & quamprimum terminari curent: nec antea alijs committantur, nec auocentur: nec appellationes ab eisdem interpositæ, per superiores quoscunque recipiantur: eorumque commissio, aut inhibiti fiat, nisi à diffinitiuâ, uel à diffinitiuâ uim habente: & cuius grauamen, per appellationem, à diffinitiuâ reparari nequeat. Ab his excipiantur causæ, quæ iuxta canonicas sanctiones, apud sedem Apostolicam, sunt tractandæ: uel quas, ex urgenti, rationabiliq; causa, iudicauerit summus Romanus Pontifex, per speciale rescriptum signaturæ sanctitatis suæ, manu propria subscribendum, committere, aut auocare. Ad hæc, causæ matrimoniales, & criminales, non Decani, Archidiaconi, aut aliorum inferiorum iudicio, etiam uisitando, sed Episcopi tantum examini, & iurisdictioni relin-

quantur: etiam si in presenti, inter Episcopum, & Decanum, seu Archidiaconum, aut alios inferiores, super causarum istarum cognitione, lis aliqua, in quacunq; instantia, pendeat: coram quo, si pars uerè paupertatem probauerit: non cogatur extra Prouinciam, nec in secunda, nec in tertia instantia, in eadem causa matrimoniali litigare: nisi pars altera, & alimenta, & expensas litis, uelit subministrare. Legati quoq; etiam de latere, Nuncij, gubernatores Ecclesiastici, aut alij, quarumcunq; facultatum uigore, non solum Episcopos, in prædictis causis impedire, aut aliquo modo, eorum iurisdictionem, ijs præripere, aut turbare, nõ præsumant: sed nec etiam, contra clericos, aliasue personas ecclesiasticas, nisi Episcopo prius requisito: eoq; negligente procedant: aliàs, eorum processus, ordinationesue, nullius momenti sint: atq; ad damni satisfactionem partibus illati, teneantur. Præterea, si quis, in casibus à iure permissis, appellauerit: aut de aliquo grauamine conquestus fuerit: seu aliàs ob lapsum biennij, de quo supra, ad alium Iudicem recurrerit: teneatur, acta omnia, coram Episcopo gesta, ad Iudicem appellationis, expensis suis transferre: eodem tamen episcopo, prius admonito: ut si quid ei, pro causæ instructione, uidebitur, possit Iudici appellationis, significare. Quod si, appellatus compareat: cogatur tunc is quoq; actorum quæ translata sunt, expensas, pro portione sua, si illis uti uoluerit, subire: nisi aliter ex loci consuetudine seruetur: ut scilicet ad appellantem, integrum hoc onus pertineat. Porro ipsam actorum copiam, teneatur Notarius, congrua mercede accepta, appellanti, quanto citius, & ad minus intra mensem exhibere. Qui Notarius, si in differenda exhibitione, fraudem fecerit, ab officij administratione, arbitrio ordinarij suspendatur: & ad dupli pœnam, quanti ea lis fuerit, inter appellantem, & pauperes loci distribuendam, compellatur. Iudex uerò, si & ipse impedimenti huius conscius, particepsue fuerit, aliterue obstiterit: ne appellanti, integrè acta, intra tempus traderentur: ad eandem dupli pœnam, prout supra teneatur: Non obstantibus, quò ad omnia supradicta, priuilegijs, indultis, concordijs: quæ suos tantum teneant authores: & alijs quibuscunque consuetudinibus.

Cupiens Sancta Synodus, ut ex decretis ab ea editis, nulla unquam futuris temporibus, dubitandi occasio oriatur: uerba illa, posita in decreto, publicato Sessione prima, sub Beatissimo D. N. Pio Quarto, Videlicet. Quæ proponentibus legatis, ac Præsiden

„ tibus, ad horum temporum leuandas calamitates, sedandas de re-
 „ ligione controuersias, coërcendas linguas dolosas, deprauatorum mo-
 „ rum abusus corrigendos, Ecclesiæ ueram, & Christianam pacem
 „ conciliandam, apta & idonea, ipsi sanctæ Synodo uidebuntur. Ex-
 plicando declarat, mentis suæ non fuisse, ut ex prædictis uerbis, so-
 lita ratio tractandi negocia, in generalibus concilijs, ulla ex parte
 immutaretur: neque noui quidquam, præter id, quod à sacris cano-
 nibus, uel generalium Synodorum forma, hætenus statutum est,
 eniquam adderetur, uel detraberetur.

DECRETVM INDICATIONIS,
 futura Sessionis.

Insuper, eadem Sacrosancta Synodus, proximam futuram Sessio-
 nem, feria Quinta, post conceptionem Beatæ Mariæ Virginis, quæ
 erit dies Nona Mensis Decembris, proximè uenturi, habendam esse
 statuit, & decernit, cum potestate etiam abbreviandi. In qua Sessio-
 ne, tractabitur de sexto nunc in eam dilato capite: & de reliquis re-
 formationis capitibus, iam exhibitis: deq; alijs, ad eam pertinenti-
 bus. Si uerò opportunum uidebitur, et tempus patietur: poterit etiam
 de nonnullis dogmatibus, tractari: prout suo tempore, in congrega-
 tionibus proponentur.

F I N I S.

B R I X I AE apud Ludouicum Sabiensem.

Vt archetypo, ad unguem, omnia respondeant:

Corrigas prudens lector, duo hæc errata, quæ, in impresione
 prima, huius octauæ Sessionis, contigerunt.

Primum, capite tertio reformationis generalis, Vbi impressum est:

Ab eisdem uerò Metropolitanis: Legas sic,

A Metropolitanis uerò.

Secundum, in fine quinti capitis, eiusdem reformationis genera-
 lis, Vbi impressum reperies:

Minores uerò criminales causæ, non à Metropolitano, sed in
 Concilio prouinciali, uel à deputandis per Concilium prouin-
 ciale, cognoscantur, & terminentur: Legas sic,

Minores uerò criminales causæ Episcoporum, in Concilio tan-
 tum prouinciali cognoscantur, & terminentur: uel à depu-
 tandis per Concilium prouinciale.

VERA, ET
CATHOLICA
DOCTRINA,


PUBLICATA IN SESSIONE NONA
ET VLTIMA, SACRI CONCILII
TRIDENTINI,

SVB SANCTISS. D. N. PIO IIII^{mo} PONT. MAX.
Diebus III. & IIII. Decemb. M D LXIII.



1205

PATAVII, Apud Christophorum Gryphum,
M D L X I I I I.



DECRETA, PUBLICATA

DIE PRIMA, SESSIONIS IX. ET VLTIMAE

SACRI CONCILII TRIDENTINI,

Sub Sanctissimo D.N. Pio PP. IIII. Die III. Decemb.

M D L X I I I.

DECRETVM DE PURGATORIO,

publicatum prima die Sessionis nonae & ultimae Tridentinae:

Sub Sanctissimo D. N. Pio IIII. Pont. Max.

Die III. Decemb. M D L X I I I.



V M Catholica Ecclesia, spiritus sancto edocta, ex sacris literis, & antiqua Patrum traditione, in sacris Concilijs, & nouissime in hac oecumenica Synodo, docuerit, Purgatorium esse: animasq; ibi detentas, fidelium suffragijs, potissimum uero, acceptabili-
ris sacrificio iuari: praecipit sancta Synodus Episcopis, ut sanam de Purgatorio doctrinam, à sanctis Patribus, & sacris Concilijs traditam: à Christi

fidelibus credi, teneri, doceri, & ubique praedicari, diligenter studeant. Apud rudem uero plebem, difficiliore, ac subtiliores quaestiones, quaq; ad edificationem non faciunt, & ex quibus plerumque nulla sit pietatis accessio: à popularibus concionibus secludantur. Incerta item, uel quae specie falsi laborant, euulgari, & tractari non permittant. Ea uero, quae ad curiositatem quandam, aut superstitionem spectant, uel turpe lucrum sapiunt: tanquam scandala, & fidelium offendicula prohibeant. Curent autem Episcopi, ut fidelium uiuorum suffragia, missarum scilicet sacrificia, orationes, elemosinae, aliaq; pietatis opera, quae à fidelibus, pro aliis fidelibus defunctis fieri consueuerunt: secundum Ecclesiae instituta, pie, & deuote fiant: & quae pro illis, ex testatorum foundationibus, uel alia ratione debentur: non perfunctorie, sed à sacerdotibus, & Ecclesiae ministris, & aliis, qui hoc praestare tenentur, diligenter, & accurate persoluantur.

A ii

DE INVOCATIONE, VENERATIONE,
& reliquiis sanctorum, & sacris imaginibus, publicatum eadem
die prima Sessionis nonæ, & ultimæ Tridentinæ.

2 Mandat Sancta Synodus omnibus Episcopis, & ceteris, docendi munus; curamq; sustinentibus; ut iuxta catholicæ, & Apostolicæ Ecclesiæ usum, à primævis Christianæ religionis temporibus receptum, sanctorumq; Patriū consensionem, & sacrorum Conciliorum decreta: in primis de sanctorum intercessionem, inuocationem, reliquiarum honore, & legitimo Imaginum usu, fideles diligenter instruant; docētes eos, Sanctos unā cum Christo regnantes, orationes suas, pro hominibus deo offerre: bonum, atq; utile esse, suppliciter eos inuocare: & ob beneficia impetranda à Deo, per filium eius Iesum Christum, Dominum nostrum, qui solus noster Redemptor & Saluator est, ad eorum orationes, opem, auxiliumq; confugere. Illos uerò, qui negant, Sanctos æterna felicitate in cælo fruētes, inuocandos esse: aut qui asserunt, uel illos pro hominibus non orare: uel eorum, ut pro nobis etiam singulis orent, inuocationem esse Idolatriam, uel pugnare cum uerbo Dei: aduersariq; honori unius mediatoris Dei, & hominum Iesu Christi: uel stultum esse, in cælo regnantibus, uoce, uel mente supplicare: impiè sentire.

Sanctorum quoq; martyrum, & aliorum cum Christo uiuentium, sancta corpora, quæ uiua membra fuerunt Christi, & templum spiritus sancti: ab ipso ad æternam uitam suscitanda, & glorificanda: à fidelibus ueneranda esse: per quæ, multa beneficia à Deo, hominibus præstantur. Ita ut affirmantes, sanctorum reliquiis, uenerationem atq; honorem non deberi: uel eas, aliq; sacra monumenta, à fidelibus inutiliter honorari: atq; eorum opis impetrandæ causâ, sanctorum memorias frustra frequentari: omnino damnandos esse: prout iam pridem, eos damnauit, & nunc etiam damnat Ecclesia:

Imagines porrò Christi, Deiparæ uirginis, & aliorum sanctorum, in templis præsertim, habendas, & retinendas: eisq; debitum honorem, & uenerationem impertiendam: non quòd credatur inesse aliqua in ijs diuinitas, uel uirtus, propter quam sint colendæ: uel quòd ab eis sit aliquid petendum: uel quòd fiducia in imaginibus sit figenda: ueluti olim fiebat à gentibus: quæ in Idolis spem suam collocabant: sed quoniam honos, qui eis exhibetur, refertur ad prototypa, quæ illæ representant. Ita ut per imagines, quas osculamur, & coram quibus caput aperimus, & procumbimus, Christum adoremus: & sanctos, quorum illæ similitudinem gerunt, ueneremur. Id quod, Conciliorum, præsertim uerò, secundæ Nicenæ Synodi decretis, contra Imaginum oppugnatores, est sancitum.

Illud uerò diligenter doceant Episcopi, per historias mysteriorum nostræ redemptionis, picturis uel aliis similitudinibus expressas: erudiri, &

confirmari populum, in articulis fidei commemorandis, & assidue recolendis: Tum uero, ex omnibus sacris imaginibus, magnum fructum percipi: non solum quia admonetur populus beneficiorum & munerum, quæ à Christo sibi collata sunt: sed etiam, quia Dei per sanctos miracula, & salutaria exempla, oculis fidelium subiiciuntur: ut pro ijs Deo gratias agant, ad sanctorumque imitationem, uitam, moresque suos componant: excitenturque ad adorandum, ac diligendum Deum, & ad pietatem colendam. Si quis autem his decretis contraria docuerit, aut senserit: Anathema sit.

In has autem sanctas & salutes obseruationes, si qui abusus irrepserint: eos prorsus aboleri. sancta Synodus uehementer cupit. Ita ut, nullæ falsi dogmatis imagines, & rudibus, periculosi erroris occasionem præbentes, statuatur. Quod si aliquando historias, & narrationes sacræ scripturæ, cum id indoctæ plebi expediet, exprimi & figurari contigerit: doceatur populus, non propterea diuinitatem figurari, quasi corporeis oculis conspici, uel coloribus aut figuris exprimi possit. Omnis porro superstitio, in sanctorum inuocatione, reliquiarum ueneratione, & imaginum sacro usu, tollatur: omnis turpis quæstus eliminetur: omnis denique lasciuia uitetur: ita ut procaci uenustate imagines non pingantur, nec ornentur: & sanctorum celebratione ac reliquiarum uisitatione, homines, ad commensationes atque ebrietates, non abutantur: quasi festi dies, in honorem sanctorum, per luxum ac lasciuiam agantur. Postremo, tanta circa hæc diligentia & cura, ab Episcopis adhibeatur: ut nihil inordinatum, aut præposterè & tumultuariè accommodatum: nihil prophanum, nihilque inhonestum appareat: cum domum Dei deceat sanctitudo.

Hæc ut fidelius obseruentur: statuit sancta Synodus, nemini licere, ullo in loco, uel Ecclesia, etiam quomodolibet exempta, ullam insolitam ponere, uel ponendam curare Imaginem, nisi ab Episcopo approbata fuerit: nulla etiam admittenda esse noua miracula, nec nouas reliquias recipiendas, nisi eodem recognoscente & approbante Episcopo. Qui simulatque de iis aliquid compertum habuerit, adhibitis in consilium Theologis, & alijs pijs uiris: ea faciat, quæ ueritati & pietati consentanea iudicauerit. Quod si aliquis, dubius, aut difficilis abusus, sit extirpandus: uel omnino aliqua de ijs rebus grauior quæstio incidat: Episcopus, antequam controuersiam dirimat, Metropolitanus, & comprouincialium Episcoporum, in Concilio prouinciali, sententiam expectet: Ita tamen, ut nihil inconsulto Sanctissimo Ro. Pontifici, nouum: aut in Ecclesia hactenus inusitatum, decernatur.

DECRETVM DE REGVLARIBVS, ET MO-
nialibus, publicatum eadem die prima Sessionis nonæ, & ultimæ

Triden. sub sanctissimo D.N. Pio Quarto, Pont. Max.

Die 3. Decemb. M D L X I I I.

3 Eadem sacrosancta Synodus, Reformationem prosequens, ea, quæ sequun-
tur, statuenda esse censuit, de Regularibus.

Canon I.

Quoniam non ignorat sancta Synodus, quantum ex monasterijs piè insti-
tutis, & rectè administratis, in Ecclesia Dei, splendoris, atque utilitatis,
oriatur: necessarium esse censuit (quò faciliùs, ac maturiùs, ubi collapsa
est, uetus, & regularis disciplina instauretur: & constantiùs, ubi conser-
uata est, perseueret) præcipere, prout hoc Decreto præcipit: ut omnes re-
gulares, tam uiri, quàm mulieres: ad regulæ, quàm professi sunt, præscri-
ptum, uitam instituunt, & componant. Atque in primis, quæ ad suæ pro-
fessionis perfectionem: ut obedientiæ, paupertatis, & castitatis: ac si quæ
alia sunt, alicuius regulæ, & ordinis peculiaria uota, & præcepta, ad eorū
respectiue essentiam, necnon ad communem uitam, uictum, & uestitum con-
seruanda, pertinentia: fideliter obseruent. Omnisq; cura, & diligentia, à su-
perioribus adhibeatur: tam in capitulis generalibus, & prouincialibus:
quàm in eorum uisitationibus (quæ suis temporibus facere non prætermi-
tant) ut ab illis non recedatur. Cum compertum sit, ab eis nō posse, ea, quæ
ad substantiam regularis uitæ pertinent, relaxare. Si enim illa, quæ bases
sunt, & fundamenta, totius regularis disciplinæ, exacte non fuerint conser-
uata: totum corruat ædificium necesse est: Canon II.

Nemini igitur Regularium, tam uirorum, quàm mulierum, liceat, bona
immobilia, uel mobilia, cuiuscunq; qualitatis fuerint, etiam quouis modo ab
eis acquisita, tanquàm propria, aut etiam nomine conuentus possidere, uel te-
nere: sed statim ea superiori tradantur, conuentuiq; incorporentur. Nec de-
inceps liceat superioribus, bona stabilia, alicui regulari concedere, etiam ad
usumfructum, uel usum, administrationem, aut commendam. Administratio
autem bonorum, Monasteriorum, seu conuentuum: ad solos officiales eorun-
dē, ad nutum superiorum amouibiles, pertineat. Mobilium uerò usum, ita su-
periores permittant, ut eorum suppellex, statui paupertatis, quam professi
sunt, conueniat: nihilq; superflui in ea sit: nihil etiam, quod sit necessarium,
eis denegetur. Quòd si quis aliter, quicquam tenere, deprehensus, aut conui-
ctus fuerit: is, biennio, actiua, & passiva uoce, priuatus sit: atq; etiam, iuxta
suæ regulæ, & ordinis constitutiones, puniatur.

Canon III.

Concedit Sancta Synodus, omnibus Monasterijs, & Domibus, tam uirorū,

quàm mulierum, & Mendicantium (exceptis domibus fratrum Sancti Francisci Cappuccinorum: & eorum, qui minorum de obseruantia uocantur) etiam quibus, aut ex constitutionibus suis erat prohibitum: aut ex priuilegio Apostolico, non erat concessum: ut deinceps, bona immobilia, eis possidere liceat. Quòd si aliqua loca ex prædictis, quibus authoritate Apostolica, similia bona possidere permissum erat, eis spoliata sint: eadem omnia, illis restituenda esse decernit. In prædictis autem Monasterijs, & domibus, tam uirorum quàm Mulierum, bona immobilia possidentibus, uel non possidentibus: is tantum numerus constituatur, ac in posterum conseruetur: qui, uel ex redditibus proprijs monasteriorum, uel ex consuetis elemosynis, commodè possit sustentari: Nec de cætero, similia loca erigantur, sine Episcopi, in cuius Diocesi erigenda sunt, licentia prius obtenta.

Canon IIII.

Prohibet sancta Synodus, ne quis regularis, sine sui superioris licentia, prædicationis, uel lectionis, aut cuiusuis pij operis prætextu, subijciat se obsequio alicuius prælati, principis, uel uniuersitatis, uel communitalis, aut alterius cuiuscunq; personæ, seu loci: neq; ei aliquod priuilegium, aut facultas, ab alijs, super ijs obtenta, suffragetur. Quòd si contraxerit: tanquàm inobediens, arbitrio superioris puniatur. Nec liceat regularibus, à suis conuentibus recedere: etiam prætextu ad superiores suos accedendi: nisi ab eisdem missi, aut uocati fuerint. Qui uerò, sine prædicto mandato, in scriptis obtento, repertus fuerit; ab ordinarijs locorum, tanquàm desertor sui instituti, puniatur. Illi autem, qui studiorum causa, ad uniuersitates mittuntur: in conuentibus tantum habitent: alioquin ab ordinarijs contra eos procedatur.

Canon V.

Bonifacij Octauj constitutionem, quæ incipit, periculoso, renouans sancta Synodus: uniuersis Episcopis, sub obtestatione diuini iudicij, & interminatione maledictionis æternæ, præcipit: ut in omnibus monasterijs sibi subiectis, ordinaria; in alijs uerò, sedis Apostolicæ authoritate: clausuram sanctimonialium, ubi uiolata fuerit, diligenter restitui: & ubi inuiolata est, cõseruari, maxime procurent: Inobedientes, atque contradictores, per censuras ecclesiasticas, aliasq; pœnas, quacunq; appellatione postposita, compescētes: inuocato etiam ad hoc, si opus fuerit, auxilio brachij secularis. Quod auxilium, ut præbeatur, omnes Christianos Principes hortatur sancta Synodus: & sub excommunicationis pœna, ipso facto incurrenda, omnibus magistratibus secularibus iniungit. Nemini autem sanctimonialium liceat, post professionem exire à Monasterio: etiam ad breue tempus, quocunq; prætextu: nisi ex aliqua legitima causa, ab Episcopo approbata: Indultis quibuscunq; & priuilegijs non obstantibus. Ingressi autem intra septa Mo=

naſterij, nemini liceat, cuiuſcunq; generis, aut conditionis, ſexus, uel etat & fuerit: ſine Epiſcopi, uel ſuperioris licentia, in ſcriptis obtenta: ſub excommunicationis pœna, ipſo facto incurrenda. Dare autem tantum Epiſcopus, uel ſuperior, licentiam debet, in caſibus neceſſarijs: neq; alijs, ullo modo poſſit: etiam uigore cuiuſcunq; facultatis, uel indulti hætenus conceſſi, uel in poſterum concedendi. Et quia monaſteria ſanctimonialium, extra mœnia urbis, uel oppidi conſtituta: malorum hominum prædæ, & alijs facinoribus, ſine ulla ſæpe custodia ſunt expoſita: curent Epiſcopi, & alij ſuperiores (ſi ita uidebitur expedire) ut ſanctimoniales, ex eis ad noua, uel antiqua Monaſteria, intra urbes, uel oppida frequentia reducantur: inuocato etiam auxilio, ſi opus fuerit, brachij ſecularis. impediētes uerò, uel non obediētes, per cenſuras eccleſiaſticas parere compellant. Canon V I.

In electione ſuperiorum quoruncunq;, Abbatum temporalium, & aliorum officialium, ac Generalium, & Abbatiffarum: atque aliarum præpoſitarum (quò omnia rectè, & ſine ulla fraude fiant) in primis ſancta Synodus, diſtinctè præcipit, omnes ſupradictos eligi debere, per uota ſecreta: ita ut ſingulorum eligentium nomina, nunquam publicentur. Nec in poſterum liceat, Prouinciales, aut Abbates, Priores, aut alios quoscunq; titulares, ad effectum electionis faciendæ, conſtituere: aut uoces, & ſuffragia abſentium ſuplere. Si uerò contra huius decreti conſtitutionem, aliquis electus fuerit: electio irrita ſit: & is, qui ad hunc effectum, ſe in Prouincialem, Abbatem, aut Priorem creari permiferit: deinceps, ad omnia officia in religione obtinenda, inhabilis exiſtat: facultatesq; ſuperbis conceſſæ, eo ipſo abrogate cenſeantur: & ſi in poſterum aliæ cōcedantur, tanq̃ ſubreptitiæ habeantur.

Canon V I. II.

Abbatiffa, & Prioriffa, & quocunq; alio nomine præſecta, uel præpoſita appelletur: eligatur non minor annis quadraginta: & quæ octo annis, poſt expreſſam profeſſionem, laudabiliter uixerit, Quòd ſi, his qualitatibus non reperiatur in eodem monaſterio: ex alio, eiufdem ordinis, eligi poſſit. Si hoc etiam incommodum, ſuperiori, qui electioni præeſt, uideatur: ex ijs, quæ in eodem monaſterio, annum trigeſimum exceſſerint, & quinque ſaltem annis poſt profeſſionem, rectè uixerint, Epiſcopo, uel alio ſuperiore conſentiente, eligatur. Duobus uerò Monaſteriis nulla præficiatur. Et ſi quæ, duo, uel plura, quocunq; modo obtinent: cogantur, uno excepto, intra ſex menſes, cætera reſignare. Poſt id uerò tempus, niſi reſignauerit: omnia ipſo iure uacent. Is uerò, qui electioni præeſt, Epiſcopus, ſiue alius ſuperior, clauſtra monaſterij non ingrediatur ſed ante Cancellorum ſeneſtellam, uota ſingulorum audiat, uel accipiat. In reliquis, ſeruentur ſingulorum ordinum, uel Monaſteriorum conſtitutiones.

Canon

Monasteria omnia, quæ generalibus Capitulis, aut Episcopis non subsunt nec suos habent ordinarios regulares uisitatores, sed sub immediata sedis Apostolicæ protectione, ac directione regi consueuerunt: teneantur infra annum, à fine presentis Concilij, & deinde quolibet triennio, se se in congregationes redigere: iuxta formam constitutionis Innocentij tertij, in Concilio generali, quæ incipit: In singulis ibiq; certas regulares personas deputare, quæ de modo, & ordine, de prædictis congregationibus erigendis, ac statutis in eis exequendis, deliberent, & statuunt. Quod si, in his negligentes fuerint: liceat Metropolitano in cuius Prouincia præfata monasteria sunt, tanquam sedis Apostolicæ Delegato, eos pro prædictis causis conuocare. Quod si, infra limites unius Prouinciæ, non sit sufficiens talium monasteriorum numerus, ad erigendam Congregationem: possint, duarum, uel trium Prouinciarum Monasteria, unam facere congregationem. Ipsis autem cōgregationibus constitutis: illarum generalia Capitula, & ab illis electi Præsides, uel uisitatores: eandem habeant auctoritatem, in suæ congregationis Monasteria: ac Regulares in eis commorantes: quam alij Præsides, uel uisitatores, in cæteris habent ordinibus. Teneaturq; suæ congregationis Monasteria frequenter uisitare: & illorum reformationi incumbere: & ea obseruare, quæ in sacris Canonibus, & in hoc sacro Concilio sunt decreta. Quod si, etiam Metropolitano instante, prædicta exequi non curauerint: Episcopis, in quorum Diocesium, loco prædicta sita sunt: tanquam sedis Apostolicæ delegatis subdantur.

Canon IX.

Monasteria Sanctimonialium, Sanctæ sedi Apostolicæ immediate subiecta: etiam sub nomine Capitulorum sancti Petri, uel sancti Ioannis, uel aliàs quomodocunque nuncupentur: ab Episcopis, tanquam dictæ sedis delegatis, gubernentur: non obstantibus quibuscunque. Quæ uero, à deputatis in capitulis generalibus, uel ab alijs regularibus reguntur: sub eorum cura, & custodia, relinquantur.

Canon X.

Attendant diligenter Episcopi, & cæteri superiores Monasteriorum sanctimonialium, ut in constitutionibus earum admoneantur sanctimoniales, ut saltem semel, singulis mensibus, confessionem peccatorum faciant: & sacro sanctam Eucharistiam suscipiant: ut eo se salutari præsidio muniant, ad omnes oppugnationes Demonis fortiter superandas. Præter ordinarium autem confessorum: alius extraordinarius, ab Episcopo, & alijs superioribus, bis, aut ter, in anno, offeratur: qui omnium confessiones audire debeat. Quod uero sanctissimum Christi Corpus, intra chorum, uel septa Monasterij, & non in publica Ecclesia conseruetur, prohibet Sancta Synodus: non obstante quocunque indulto, aut priuilegio.

Canon X I.

In Monasteriis, seu domibus uirorum, seu mulierum, quibus imminet animarum cura: personarum secularium, præter eas, quæ sunt de illorum monasteriorum, seu locorum familia personarum: tam regulares, quàm seculares, huiusmodi curam exercentes: subsint immediate, in iis, quæ ad dictam curam, & sacramentorum administrationem pertinent, Iurisdictioni, Visitationi, et correctioni Episcopi, in cuius Diocesi sunt sita. Nec ibi aliqui, etiam ad nutum amouibiles deputentur: nisi de eiusdem consensu, ac previo examine, per eum, aut eius Vicarium faciendo, excepto Monasterio Cluniacen. cum suis limitibus: & exceptis etiam ijs monasteriis, seu locis, in quibus Abbates, generales, aut capita ordinum, sedem ordinariam principalem habent: atque aliis monasteriis, seu Domibus, in quibus Abbates, aut alii regularium superiores, iurisdictionem Episcopalem, & temporalem, in parochos, & parochianos exercent: saluo tamen eorum Episcoporum iure, qui maiorem in prædicta loca, uel personas, iurisdictionem exercent.

Canon X I I.

Censuræ, & interdicta, nedum à Sede Apostolica emanata, sed etiam ab ordinariis promulgata, mandante Episcopo, à regularibus, in eorum Ecclesiis publicentur atque seruentur. Dies etiam festi, quos in Diocesi sua seruandos, idem Episcopus præceperit: ab exceptis omnibus, etiam regularibus, seruentur.

Canon X I I I.

Controuersias omnes de præcedentia, quæ persæpe, maximo cum scandalo, oriuntur, inter Ecclesiasticas personas, tam seculares, quàm regulares: cum in processionibus publicis: tum in his, quæ fiunt in tumultandis defunctorum corporibus: & in deferenda Umbella: & aliis similibus: Episcopus, amota omni appellatione, & non obstantibus quibuscunque, componat. Exempti autem omnes, tam clerici seculares, quàm regulares: quicunque etiam Monachi: ad publicas processionis uocati, accedere compellantur: iis tantum exceptis, qui in strictiori clausura perpetuo uiuunt.

Canon X I I I I.

Regularis, non subditus Episcopo, qui intra claustra monasterii degit, et extra ea, ita notorie deliquerit, ut populo scandalo sit: Episcopo instante, à suo superiore, intra tempus ab Episcopo præfigendum, seuere puniatur: ac de punitione, Episcopum certiciorem faciat: sin minus, à suo superiore, officio priuetur: & delinquens, ab Episcopo puniri possit.

Canon X V.

In quacunque Religione, tam uirorum, quàm mulierum, professio non fiat ante decimum sextum annum expletum: nec qui in minore tempore, quàm per annum, post susceptum habitum, in probatione steterit: ad professionem ad-

mittatur. Professio autem antea facta, sit nulla: nullamq; inducat obligationem, ad alicuius regule, uel religionis, uel ordinis obseruationem: aut ad alios quosunque effectus.

Canon X V I.

Nulla quoq; renuntiatio, aut obligatio, antea facta, etiam cum iuramento, uel in fauorem cuiuscunq; cause pie, ualeat, nisi cum licentia Episcopi, siue eius Vicarii, fiat, intra duos menses proximos, ante professionem: ac non alias intelligatur effectum suum sortiri, nisi sequuta professione: Aliter uero facta, etiam si, cum huius fauoris expressa renuntiatione, etiam iurata, sit irrita, & nullius effectus. Finito tempore nouitatus, superiores, nouitios, quos habiles inuenerint, ad profitendum admittant: aut e monasterio eos eiciant. Per hæc autem, sancta Synodus, non intendit aliquid innouare: aut prohibere, quin religio clericorum, societatis Iesu, iuxta pium eorum institutum, à sancta sede Apostolica approbatum, Domino, & eius Ecclesie inseruire possint: sed neque ante professionem (excepto uictu, et uestitu) nouitii, uel nouitiæ, illius temporis, quo in probatione est, quocunq; pretextu, à parentibus, uel propinquis, aut curatoribus eius, monasterio aliquid ex bonis eiusdem tribuatur: ne hac occasione discedere nequeat, quod totum, uel maiorem partem substantiæ suæ, monasterium possideat: nec facile si discesserit, id recuperare possit: Quin potius præcipit sancta Synodus, sub anathematis poena, dantibus, & recipientibus, ne hoc, ullo modo fiat: & ut abeuntibus ante professionem, omnia restituantur, quæ sua erant. Quod ut rectè fiat, Episcopus, etiam per censuras Ecclesiasticas, si opus fuerit, compellat.

Canon X V I I.

Libertati professionis, Virginum Deo dicandarum, prospiciens sancta Synodus, statuit, atq; decernit: ut si puella, quæ habitum regularem suscipere uoluerit, maior duodecim annis sit: non ante, eum suscipiat, nec postea ipsa, uel alia, professionem emittat, quàm explorauerit Episcopus: uel eo absente, uel impedito, eius Vicarius: aut aliquis, eorum sumptibus, ab eis deputatus: Virginis uoluntatem diligenter: an coacta, an seducta sit: an sciat quid agat. Et si uoluntas eius, pia, ac libera cognita fuerit: habueritq; conditiones requisitas, iuxta monasterii illius, & ordinis regulam: necnon monasterium fuerit idoneum: liberè ei profiteri liceat. Cuius professionis tempus, ne Episcopus ignoret, teneatur præfecta monasterio, eum, ante mensẽ, certiorẽ facere. Quod si, præfecta, certiorẽ Episcopum non fecerit: quandiu Episcopo uidebitur, ab officio suspensa sit.

Canon X V I I I.

Anathemati sancta Synodus subiicit, omnes, & singulas personas, cuiuscunq; qualitatis, uel conditionis fuerint, tã clericos, quàm laicos, seculares,

uel regulares, atq; etiam qualibet dignitate fungentes: si quomodocunq; coe-
gerint aliquam uirginem, uel uiduam, aut aliam quamcunq; mulierem inuitā
(præterquam in casibus in iure expressis) ad ingrediendum monasteria, uel
suscipiendum habitum, cuiuscunque religionis: uel ad emittendum professio-
nem: quiq; consilium, auxilium, uel fauorem dederint: quiq; scientes eam non
sponte ingredi monasterium, aut habitum suscipere, aut professionem emit-
tere: quoquo modo, eidem actui, uel præsentiam, uel consensum, uel auctori-
tatem interposuerint. Simili quoq; anathemati subijcit eos, qui sanctam Virgi-
num, uel aliarum mulierum uoluntatem, uel accipiendi, uel uoti emittendi,
quoquo modo, sine iusta causa, impedierint. Ea q; omnia, & singula, quæ ante
professionem, uel in ipsa professione, fieri oportet, seruentur: non, solum in
monasterijs subiectis Episcopo: sed & in alijs quibuscunque. Ab his tamen
excipiuntur mulieres, quæ pœnitentes, aut conuertitæ appellantur: in qui-
bus constitutiones earum seruentur.

Canon XIX.

Quicumque regularis prætendat, se, per uim, & metum, ingressum esse re-
ligionem: aut etiam dicat, ante ætatem debitam, professum fuisse: aut quid si-
mile: uelitq; habitum dimittere, quacunque de causa: aut etiam cum habitu
recedere, sine licentia superiorum: non audiatur: nisi intra quinquennium tan-
tum, à die professionis: & tunc non aliter, nisi causas, quas prætenderit, de-
duxerit coram superiore suo, & ordinario. Quod si, ante, habitum sponte di-
miserit: nullatenus ad allegandum quamcunq; causam admittatur: sed ad mona-
sterium redire cogatur: & tanquam apostata puniatur. Interim uerò, nullo
priuilegio suæ religionis iuuetur. Nemo etiam regularis, cuiuscunque facul-
tatis uigore, transferatur ad laxiorem religionem: nec detur licentia cui-
quam regulari, occultè ferendi habitum suæ religionis.

Canon XX.

Abbates, qui sunt ordinum capita, ac cæteri prædictorum ordinum supe-
riores, Episcopis non subiecti: quibus est in alia inferiora monasteria, prio-
ratusue, legitima iurisdictio: eadem illa sibi subdita monasteria, & priora-
tus, suo quisq; loco, atq; ordine, ex officio uisitent: etiam si commendata exi-
stant. Quæ, cum ordinum suorum capitibus subsint: declarat sancta Synodus
in ijs, quæ aliàs de uisitatione monasteriorum commendatarum definita sunt
non esse comprehensa: teneanturq; quicumque prædictorum ordinum mona-
sterijs præsent, prædictos uisitatores recipere: & illorum ordinationes exe-
qui. Ipsa quoque monasteria, quæ sunt ordinum capita: iuxta sanctæ sedis
Apostolicæ, & cuiusq; ordinis constitutiones, uisitentur. Et quandiu dura-
bunt huiusmodi commenda: Priores claustrales, aut in prioratibus conuen-
tibus habentibus, superiores, qui correctiones, & spirituale regimen exer-

cent: à capitulis generalibus, uel ipsorum ordinum uisitoribus, institu-
tur. In cæteris omnibus, præfatorum ordinum priuilegia, et facultates, quæ
in ipsorum personas, loca, et iura concernunt, firma sint, et illæsa.

Canon XXI.

Cum pleraq; monasteria, etiam Abbatiæ, prioratus, et præposituræ, ex
mala eorum, quibus commissæ fuerunt, administratione, non leuia passa fue-
rint, tam in spiritualibus, quam in temporalibus detrimenta: cupit sancta Sy-
nodus, ea, ad congruam monasticæ uitæ disciplinam, omnino reuocare. Ve-
rum adeo dura, difficilisq; est, præsentium temporum conditio: ut nec sta-
tim omnibus, nec commune ubiq; (quod optaret) remedium possit adhiberi:
Ut tamen nihil prætermittat, unde prædictis salubriter aliquando provide-
ri possit: Primum quidem confidit, sanctissimum Romanum pontificem,
pro sua pietate, et prudentia, curaturum (quantum hæc tempora ferre pos-
se uiderit) ut his, quæ nunc commendata reperiuntur: et quæ suos conuen-
tus habent, regulares persone, eiusdem ordinis expressè professæ, et quæ
gregi præire, et præesse possint, præficiantur. Quæ uerò in posterum uacæ-
bunt: non nisi regularibus spectatæ uirtutis, et sanctitatis conferantur. Quo
ad uerò, ea monasteria, quæ capita sunt, ac primates ordinum, siue Abbatiæ,
siue Prioratus, filia illorum capitum nuncupantur: teneantur illi, qui in præ-
sentia in commendâ obtinent (nisi sit eis de regulari successore prouisum)
infra sex menses, religionem illorum ordinum propriam, solenniter profite-
ri: aut ijs cedere: alias commendæ prædictæ, ipso iure, uacare censeantur.
Ne autem in prædictis omnibus, et singulis, fraus aliqua, adhiberi possit: man-
dat Sancta Synodus, ut in prouisionibus dictorum monasteriorum, qualitas
singulorum, nominatim exprimatur: aliterq; facta prouisio, subreptitia esse
censeatur: nullaq; subsequenti possessione, etiam triennali adiunetur.

Canon XXI.

Hæc omnia, et singula, in superioribus Decretis contenta, obseruari
Sancta Synodus præcipit, in omnibus cœnobiis, ac monasteriis, collegiis, ac
domibus quorumcunque monachorum, ac regularium: necnon quarumcunq;
sanctimonialium uirginum, ac Viduarum: etiam si illæ, sub gubernio militia-
rum, etiam Hierosolymitanæ, uiuant: et quocunq; nomine appellentur: sub
quacunq; regula, uel constitutionibus, et sub custodia, uel gubernatione, uel
quauis subiectione, aut annexione, uel dependentia cuiuscunq; ordinis, mendi-
cantium, uel non medicantium: uel aliorum regularium monachorum, aut ca-
nonicorum quorumcunq; non obstantibus eorum omnium, et singulorū pri-
uilegiis, sub quibuscunq; formulis uerborum conceptis: ac mare magnum,
appellatis: etiam in fundatione obtentis, necnon constitutionibus, et regulis
etiam iuratis, atque etiam consuetudinibus, uel præscriptionibus, etiam im-

memorabilibus. Si qui uerò regulares, tam uiri quam mulieres sunt: qui sub aetiori regula, uel statutis, uiuunt (excepta facultate habendi bona stabilia in communi) eos, ab eorum instituto, & obseruatiâ, Sancta Synodus mouere non intendit. Et quia Sancta Synodus desiderat, ut omnia & singula supradicta, euâprimùm executioni demandentur: præcipit omnibus Episcopis, in Monasterijs sibi subiectis, & in omnibus alijs, ipsis in superioribus Decretis specialiter commissis, atque omnibus Abbatibus, & generalibus, & alijs superioribus, ordinum supradictorum: ut statim prædicta exequantur. Et siquid executioni mandatum non sit, Episcoporum negligentia: Concilia Prouincialia suppleant & coerceant. Regularium uerò Capitula Prouincialia, & Generalia: & in defectum Capitulorum Generalium, Concilia Prouincialia per deputationem aliquorum eiusdem ordinis provideant. Hortatur etiam Sancta Synodus, omnes Reges, Principes, Respublicas, & Magistratus: & in uirtute sanctæ obedientiæ præcipit: ut uelint prædictis Episcopis, Abbatibus, ac Generalibus, & cæteris præfectis, in superius contentæ reformationis executione, suum auxilium, & auctoritatem interponere, quoties fuerint requisiti: ut sine ullo impedimento, præmissa rectè exequantur: ad laudem Dei omnipotentis.

DECRETVM SVPER REFORMATIONE GENERALI, publicatum eadem die prima, Sessionis Nonæ: & ultimæ,
Triden. sub S. D. N. Pio IIII. Pont. Maximo.

Canon I.

Optandum est, ut ij, qui episcopale ministerium suscipiunt, quæ suæ sint partes agnoscant: ac se, non ad propria commoda, non ad diuitias, aut luxum, sed ad labores, & sollicitudines, pro Dei gloria uocatos esse intelligant. Nec enim dubitandum est: & fideles reliquos, ad religionem, innocentiamq;, facilius inflammandos: si præpositos suos uiderint, non ea, quæ mundi sunt, sed animarum salutem, ac cælestem patriam cogitantes. Hæc, cum ad restituendam ecclesiasticam disciplinam, præcipua esse: Sancta Synodus animaduertat: admonet episcopos omnes: ut secum, ea sæpe meditantes: factis etiam ipsis, ac uitæ actionibus, quod est ueluti perpetuum quoddam prædicandi genus: se muneri suo conformes ostendant. In primis uerò, ita mores suos omnes componant: ut reliqui, ab eis, frugalitatis, modestiæ, continentiæ, ac quæ nos tantoperè commendat Deo S. humilitatis exempla, petere possint. Quapropter, exemplo Patrum nostrorum, in Concilio Carthaginensi, non solum iubet, ut Episcopi, modesta suppellectili, & mensa, ac frugali uictu contenti sint: uerum etiam in reliquo uitæ genere, ac tota eius domo caueant: ne quid appareat,

quod à sancto hoc instituto, sit alienum: quodq; non simplicitatem, Dei zelū ac uanitatum contemptū, præ se ferat: Omnino uerò, eis interdicat, ne ex redditibus Ecclesiæ, consanguineos, familiaresue suos augere studeant: cum & Apostolorum Canones prohibeant, ne res Ecclesiasticas, quæ Dei sunt, consanguineis donent: sed si pauperes sint, ijs, ut pauperibus distribuunt: eas autē non distrabant: nec dissipent illorum causa: imò quàm maxime potest, eos. S. Synodus monet, ut omnem humanū hunc, erga fratres, nepotes, propinquosq; carnis affectum, unde multorum malorum in Ecclesia seminarium extat, penitus deponant. Quæ uerò, de Episcopis dicta sunt, eadem non solum in quibuscunque, beneficia Ecclesiastica, tam secularia, quàm regularia obtinentibus, pro gradus sui conditione obseruari: sed & ad S. Rom. Ecclesiæ Cardinales, pertinere decernit: quorum consilio, apud sanctiss. Ro. Pont. cum uniuersalis ecclesiæ administratio nitatur, nefas uideri potest, non ijs etiam uirtutum insignibus, ac uiuendi disciplina eos fulgere, quæ merito omnium in se oculos conuertant.

Canon I I.

Cogit temporum calamitas: & inualescentium hæresum malitia: ut nihil sit præmittendum, quod ad populorum ædificationem, & catholicæ fidei præsidium, uideatur posse pertinere. Præcipit igitur Sancta Synodus, Patriarchis, Primatibus, Archiep. Episc. & omnibus alijs, qui de iure, uel consuetudine, in Concilio Prouinciali interesse debent: ut in ipsa prima Synodo Prouinciali, post finem præsentis Concilij habenda: ea omnia, & singula, quæ ab hac Sancta Synodo diffinita, & statuta sunt, palam recipiant: nec non ueram obedientiam, summo Rom. Pont. spondeant, & profiteantur: simulq; hæreses omnes, à sacris Canonibus, et generalibus Concilijs: præsertimq; ab hac eadem Synodo damnatas, publicè detestentur, & anathematizent: Idēq; in posterum, quicumq; in Patriarchas Primates, Archiep. episcoposq; promouendi: in prima Synodo Prouinciali, in qua, ipsi interfuerint, omnino obseruent. Quod si quis, ex supradietis omnibus (quod absit) renuerit: Episcopi Comprouinciales, statim summum Rom. Pontificem admonere, sub pœna diuinæ indignationis, teneantur: interimq; ab eiusdē communionē abstineant. Ceteri omnes, siue in præsentī, siue in futurū, beneficia ecclesiastica habituri, & qui in Synodo diocesana conuenire debent: idem ut suprā, in ea Synodo, quæ primò quoq; tempore celebrabitur, faciant, & obseruent: aliàs secundum formam sacrorum canonum puniantur. Ad hæc, omnes ij, ad quos, uniuersitatum, & studiorum generalium cura, uisitatio, & reformatio pertinet, diligenter curent, ut ab eisdem uniuersitatibus, Canones, & Decreta huius sanctæ Synodi, integrè recipiantur: ad eorumq; normā, magistri, Doctores, & alij in eisdem uniuersitatibus, ea, quæ catholica fidei sunt, doceant, & interpretentur:

seque ad hoc institutum, initio cuiuslibet anni, solenni iuramento obstringat. Sed et si aliqua alia in predictis uniuersitatibus correctione, et reformatione digna fuerint, ab eisdem, ad quos spectat, pro Religionis, et discipline ecclesiasticae augmento emendentur, et statuuntur. Quae uero uniuersitates, immediate summi Romani Pontificis protectioni, et uisitationi sunt subiectae, has sua Beatitudo, per eius delegatos, eadem qua supra ratione, et prout ei utilius uisum fuerit, salubriter uisitari, et reformari curabit.

Canon III.

Quamuis excommunicationis gladius, neruus sit Ecclesiasticae disciplinae: et ad continendos in officio populos, ualde salutaris: sobrie tamen, magnaque circumspectione exercendus est: cum experientia doceat, si temere, aut leuibus ex rebus incutiat, magis contemni, quam formidari: et perniciem potius parere, quam salutem. Quapropter, excommunicationes ille, quas, monitionibus praemis, ad finem reuelationis (ut aiunt) aut pro deperditis, seu subtractis rebus, ferri solent: a nemine prorsus, praeterquam ab Episcopo decernantur: et tunc, non alias, quam ex re non uulgari, causaque diligenter, ac magna maturitate, per Episcopum examinata: quae eius animum moueat: nec ad eas concedendas, cuiusuis secularis, etiam Magistratus auctoritate adducatur: sed totum hoc, in eius arbitrio, et conscientia sit positum: quando ipse, pro re, loco, persona, aut tempore, eas decernendas esse iudicauerit. In causis uero iudicialibus, mandatur omnibus iudicibus Ecclesiasticis, cuiuscunque dignitatis existant, ut quandocumque, executio realis, uel personalis, in qualibet parte iudicii, propria auctoritate, ab ipsis fieri poterit: abstineant se, tam in procedendo, quam diffiniendo, a censuris Ecclesiasticis, seu interdicto: sed liceat eis (si expedire uidebitur) in causis civilibus, ad forum Ecclesiasticum quomodolibet pertinentibus, contra quoscunque, etiam laicos, per multas pecuniarias, quae locis piis, ibi existentibus, eo ipso, quod exactae fuerint, assignentur: seu per captionem pignorum, personarumque, distractionem, per suos proprios, aut alienos executores faciendam: siue etiam per priuationem beneficiorum, aliaque iuris remedia procedere, et causas diffinire. Quod si executio realis, uel personalis, aduersus reos, hac ratione fieri non poterit: sitque erga iudicem contumacia: tunc eos, etiam anathematis mucrone, arbitrio suo, praeter alias poenas, ferire poterit. In causis quoque criminalibus, ubi executio realis, uel personalis, ut supra fieri poterit: erit a censuris abstinendum: sed si dictae executioni facile locus esse non possit: licebit iudici, hoc spiritali gladio, in delinquentes uti: si tamen delicti qualitas, praecedente bina saltem monitione: etiam per edictum, id postulet. Ne fas autem sit, seculari cuilibet magistratui, prohibere, Ecclesiastico iudici, ne quem excommunicet: aut mandare, ut latam excommunicationem reuocet

cet

XXV.

et: sub prætextu, quòd contenta in præsentì Decreto, non sint obseruata: cum non ad sæculares, sed ad ecclesiasticos, hæc cognitio pertineat, Excommunicatus uerò quicumq; si post legitimas monitiones non resipuerit: non solum ad sacramenta, & communionem fidelium, ac familiaritatem non recipiatur: sed si obdurato animo, censuris annexus, in illis per annum insorduerit: etiam contra eum, tanquàm de hæresi suspectum, procedi possit.

Canon IIII.

Contigit sæpe, in quibusdam Ecclesiis, uel tam magnum Missarum celebrandarum numerum, ex uarijs defunctorum relictis, impositum esse: ut illis, pro singulis diebus, à testatoribus præscriptis, nequeat satisfieri: uel elemosinam huiusmodi, pro illis celebrandis, adeò tenuem esse: ut non facillè inueniatur, qui uelit, huic se muneri subijcere: unde depereunt piæ testantium uoluntates: & eorum conscientias, ad quos prædicta spectant, onerandi occasio datur: sancta Synodus, cupiens hæc, ad pios usus relictis (quò plenius, & utilius potest impleri) facultatem dat Episcopis, ut in Synodo Diocesana, itemq; Abbatibus, & Generalibus ordinum, ut in suis Capitulis generalibus, re diligenter perspecta, possint pro sua conscientia, in prædictis Ecclesiis, quas hac prouisione indigere cognouerint, statuere circa hæc, quicquid magis ad Dei honorem, & cultum, atque ecclesiarum utilitatem uiderint expedire: Ita tamen, ut eorum semper defunctorum, commemoratio fiat, qui pro suarum animarum salute, legata ea, ad pios usus reliquerunt.

Canon V.

Ratio postulat, ut illis, quæ bene constituta sunt, contrarijs ordinationibus non detrahatur, quando igitur, ex beneficiorum quorumcunque erectione, seu fundatione, aut alijs constitutionibus, qualitates aliquæ requiruntur: seu certa illis onera sunt iniuncta: in beneficiorum collatione, seu in quacunque alia dispositione: eis non derogetur. Idem in præbendis Theologalibus, Magistralibus, Doctoralibus, aut Presbyteralibus, Diaconalibus, ac subdiaconalibus, quandocunque ita constituta fuerint, obseruetur: ut eorum qualitatibus, uel ordinibus, nihil in ulla prouisione detrahatur: & aliter facta prouisio, surreptitia censeatur.

Canon VI.

statuit sancta Synodus, ut in omnibus Ecclesiis cathedralibus, & collegiatis: Decretum, sub fere: re: Paulo III. (quod incipit, capitula cathedralium) obseruetur: non solum, quando Episcopus uisitauerit: sed & quoties ex officio, uel ad petitionem alicuius, contra aliquem, ex contentis in dicto Decreto, procedat: Ita tamen, ut cum extra uisitationem processerit, infra scripta omnia locum habeant: Videlicet, ut capitulum, initio cuiuslibet anni, eligat ex capitulo duos: de quorum consilio, et assensu, Episcopus, uel eius Vicarius,

C

Solus

tam informando processum, quàm in cæteris omnibus actibus, usque ad finem cause inclusiue, coram Notario tamen ipsius Episcopi, & in eius domo, aut consueto tribunali, procedere teneatur. Vnum autem tantum sit, utriusque uotum: possitq; alter, Episcopo accedere. Quod si ambo, ab Episcopo discordes, in aliquo actu, seu interlocutoria, uel diffinitiuâ sententia, fuerint: tunc intra sex dierum spatium, cum Episcopo tertium eligent. Et si, in electione tertii etiam discordent: ad uiciniorum Episcopum, electio deuoluatur: & iuxta eam partem, cum qua, tertius cõueniet: articulus, in quo erat discordia, terminetur: aliâs, processus, & inde secuta, nulla sint: nullosq; producant interis effectus. In criminibus tamen, ex incontinentia prouenientibus (de qua, in Decreto de Concubinariis) & in atrocioribus delictis, depositionem, aut degradationem, requirentibus: ubi de fuga timetur: ne iudicium eludatur: & idèò, opus sit personali detentione: possit initio solus Episcopus, ad summariam informationem, & necessariam detentionem procedere: seruatò tamen in reliquis, ordine præmissò. In omnibus autem casibus, ea ratio habeatur: ut iuxta qualitatem delicti, ac personarum: delinquentes ipsi, in loco decenti custodiatur. Episcopis præterea, ubiq; is honor tribuatur, qui eorum dignitati par est: eisq; in Choro, & in Capitulo, in processionibus, & aliis actibus publicis, sit prima sedes, & locus, quem ipsi elegerint: & præcipua, omnium rerum agendarum, auctoritas. Qui, si aliquid Canonice ad deliberandum proponant: nec de re, ad suum, uel suorum commodum spectante, agatur: Episcopi ipsi, Capitulum conuocent: uota exquirant: & iuxta ea concludant. Absente uerò Episcopo, omnino hoc, ab iis de Capitulo, ad quos hoc de iure, uel consuetudine spectat, perficiatur: nec ad id, Vicarius Episcopi admittatur. Cæteris autem in rebus, Capituli iurisdictio, & potestas (si qua eis competit) & bonorum administratio: salua, & intacta omnino relinquatur. Qui uerò non obtinent dignitates, nec sunt de Capitulo: hi omnes, in causis ecclesiasticis, Episcopo subiiciantur: non obstantibus, quo ad supraddicta, priuilegiis, etiam ex fundatione competentibus, nec non consuetudinibus, etiam immemorabilibus. sententiis, iuramentis, concordis, quæ tantum suos obligent authores. Saluis tamen in omnibus, priuilegiis, quæ uniuersitatibus studiorum generalium, seu earum personis, sunt concessa. Hæc autem omnia, & singula, in iis ecclesiis locum non habeant, in quibus Episcopi, aut eorum Vicarii, ex constitutionibus, uel priuilegiis, aut consuetudinibus, siue concordis, seu quocunque alio iure, maiorem habent potestatem, auctoritatem, ac iurisditionem, quàm præsentis Decreto sit comprehensum: quibus sancta Synodus derogare non intendit.

Canon V I I.

Cum in beneficiis ecclesiasticis, ea, quæ hereditariæ successionis imagi-

XXVI.

nem referunt, sacris constitutionibus sint odiosa: & Patrum Decretis contraria: nemini in posterum, accessus, aut regressus, etiam de consensu ad beneficium ecclesiasticum cuiuscunque qualitatē concedatur: nec hactenus concessi, suspendantur, extendantur, aut transferantur. Hocq; Decretum, in quibuscunq; beneficijs ecclesiasticis, ac etiam cathedralibus ecclesijs: ac in quibuscunq; personis, etiam Cardinalatus honore fulgentibus, locum habeat. In coadiutorijs quoque, cum futura successione, idem posthac obseruetur: ut nemini, in quibuscunq; beneficijs ecclesiasticis permittantur. Quod si quando, ecclesiæ Cathedralis, aut monasterijurgens necessitas, aut euidentis utilitas postulet, Prælato dari coadiutorem: non aliàs cum futura successione detur, quàm hæc causa, prius diligenter à sanctissimo Romano Pontifice sit cognita: & qualitates omnes, in ille concurrere: certum sit, quæ à iure, & Decretis huius sanctæ Synodi, in episcopis, & Prælatīs requiruntur: aliàs, conuersiones super his factæ: subreptitiæ esse censeantur.

Canon VII.

Admonet sancta Synodus quoscunq; ecclesiastica beneficia, secularia, seu regularia obtinentes: ut hospitalitatis officium, à sanctis patribus frequenter commendatū (quantum per eorum prouentus licebit) promptè, benigneq; exercere, assuescant: memores, eos, qui hospitalitatem amant, Christum in hospitibus recipere. Illis uerò, qui hospitalia uulgò nuncupata, seu alia pia loca, ad peregrinorum, infirmorum, senum, pauperumue usum, præcipue instituta: in commendam, administrationem, aut quemcunque titulum, aut etiam ecclesijs suis unita, obtinent: uel si ecclesiæ Parochiales, hospitalibus fortè unitæ, aut in hospitalia erectæ, earumq; Patronis, in administrationem concessæ sint: præcipit omnino, ut impositum illis onus, officiumue, administrent: atque hospitalitatem, quam debent, ex fructibus ad id deputatis, actu exerceant: iuxta constitutionem Concilij Viennensis; aliàs in hac eadem Synodo subferre: Paulo III. Innouatam: quæ incipit, quia contingit. Quod si hospitalia hæc, ad certum peregrinorum, aut infirmorum, aut aliarum personarum genus suscipiendum, fuerint instituta: nec in loco, ubi sunt dicta hospitalia, similes personæ, aut perpaucae reperiuntur: mandat adhuc, ut fructus illorum, in alium pium usum, qui eorum institutioni proximior sit, ac pro loco, & tempore utilior, conuertantur: prout ordinario, cum duobus de capitulo, qui rerum usu peritiores sint, per ipsum deligendis, magis expedire uisum fuerit: nisi aliter fortè, etiam in hunc euentum, in eorum fundatione, aut institutione fuerit expressum: Quo casu, quod ordinatum fuit, obseruari curet episcopus: aut si id non possit, ipse, prout supra, utiliter provideat. Itaque, si prædicti omnes, & singuli, cuiuscunque ordinis, & Religionis, & dignitatis (etiam si laici fuerint) qui administrationem hospitaliū habent.

C ij

(non tamen regularibus subiecti, ubi uiget regularis obseruantia) ab ordinario moniti, hospitalitatis munus, adhibitis omnibus, ad quæ tenentur necessarii, re ipsa obire cessauerint: non solum per ecclesiasticas censuras, & alia iuris remedia, ad id compelli possint: sed etiam hospitalis ipsius administratio, curæ, perpetuo priuari possint: alijq; eorum loco, ab his, ad quos spectabit, substituantur. Et prædicti nihilominus, etiam ad fructuum restitutionem, quos contra ipsorum hospitalium institutionem perceperunt (quæ: nulla eis remissione, aut compositione indulgeatur) in foro conscientie teneantur: Nec administratio, seu gubernatio, huiusmodi locorum, uni, & eidem personæ: ultra triennium, deinceps committatur: nisi aliter in fundatione cautum reperiatur. Non obstante, quo ad omnia supradicta, quacumq; unionis, exemptionis, & consuetudinis in contrarium, etiam immemorabili, seu priuilegijs, aut indultis quibuscumque.

Canon. IX.

Sicuti legitima patronatum iura tollere, pijsq; fidelium uoluntates, in eorum institutione uiolare, æquum non est: sic etiam ut hoc colore, beneficia ecclesiastica in seruitutem (quod à multis impudenter fit) redigantur, non est permittendum. Ut igitur debita in omnibus ratio obseruetur: decernit Sancta Synodus, ut titulus iurispatronatus, sit ex fundatione, uel dotatione: qui ex autentico documento, & alijs iure requisitis ostendatur: siue etiam ex multiplicatis præsentationibus, per antiquissimum temporis cursum, qui hominum memoriam excedat: aliasue, secundum iuris dispositionem. In ijs uerò personis, seu uniuersitatibus, in quibus, id ius, plerumque, ex usurpatione potius quæsitum, præsumi solet: plenior, & exactior probatio, ad docendum uerum titulum, requiratur. Nec immemorabilis temporis probatio, aliter eis suffragetur: quàm si, præter reliqua ad eam necessaria, præsentationes, etiam continuatæ, non minori saltim, quàm quinquaginta annorum spatio, quæ omnes, effectum sortitæ sint authenticis scripturis probentur. Reliqui patronatus omnes in beneficijs, tam secularibus, quàm regularibus, seu parochialibus, uel dignitatibus, aut quibuscumque alijs beneficijs, in Cathedrali, uel Collegiata Ecclesia: seu facultates, & priuilegia concessa, tam in uim patronatus, quàm alio quocumque iure nominandi, eligendi, præsentandi ad ea, cum uacant (exceptis patronatibus, super Cathedralibus Ecclesijs competentibus: & exceptis alijs, quæ ad Imperatorem, & Reges, seu Regna possidentes, aliosq; sublimes, ac supremos Principes, iura Imperij, in Dominijs suis habentes pertinent: & quæ in fauorem studiorum generalium concessa sunt) in totum prorsus abrogata, & irrita, cum quasi possessione inde sequuta, intelligantur. Beneficiaq; huiusmodi, tanquàm libera, à suis collatoribus conferantur: ac prouisiones huiusmodi plenum effectum consequantur.

Adhuc liceat Episcopo, presentatos à patronis (si idonei non fuerint) repellere. Quod si ad inferiores, institutio pertineat: ab Episcopo tamen, iuxta alias statuta ab hac Sancta Synodo, examinentur: alioquin, institutio ab inferioribus facta, irrita sit, & inanis. Patroni autem beneficiorum, cuiuscunque ordinis, & dignitatis, etiam si Communitates, uniueritates, Collegia quaecunque, Clericorum, uel Laicorum existant: in perceptione fructuum, prouentuum, obuentuum quorumcunque beneficiorum: etiam si uerè, de iure patronatus ipsorum, ex fundatione, & dotatione essent: nullatenus, nullaue causa, uel occasione, se ingerant: sed illos liberè Rectori, seu beneficiato: non obstante etiam quacunque consuetudine: distribuendos dimittant. Nec dictum ius patronatus, uenditionis, aut alio quocunque titulo, in alios, contra canonicas sanctiones, transferre præsumant. si secus fecerint: ex communicationis, & Interdicti pœnis subiiciantur: & dicto iure patronatus, ipso iure, priuati existant.

Insuper occasiones per uiam unionis factæ; de beneficiis liberis, ad Ecclesias iuris patronatus, etiam laicorum, subiectas, tam parochiales, quàm ad alia quaecunque beneficia: etiam simplicia, seu dignitates, uel hospitalia, ita ut prædicta beneficia libera, eiusdem naturæ cum iis, quibuscum uniuntur, efficiantur: atque sub iure patronatus constituantur. Hæc, si nondum plenarium sortitæ sunt effectum: uel deinceps, ad cuiusuis instantiam fient, quaecunque auctoritate, etiam Apostolica concessa fuerint: simul cum unionibus ipsis, per subreptionem obtentæ intelligantur: Non obstante quacunque in iis uerborum forma, seu derogatione, quæ habeatur pro expressa: nec executioni amplius demandentur: sed beneficia ipsa unita, cum uacauerint: liberè, ut antea conferantur. Quæ uerò, à Quadraginta annis citrà factæ, effectum, & plenam incorporationem sunt consecutæ: hæc nihilominus, ab ordinariis, tanquàm à se de Apostolica delegatis, reuideantur, & examinentur: ac quæ, per subreptionem, uel obreptionem obtentæ fuerint: simul cum unionibus, irritæ declarentur: ac beneficia ipsa separentur, & aliis conferantur. Similiter quoque patronatus quicunque in Ecclesiis, & quibuscunque aliis beneficiis, etiam dignitatibus antea liberis, acquisiti à quadraginta annis citrà, & in futurum acquirendi, seu augmento dotis, seu ex noua constructione, uel alia simili causa etiam auctoritate sedis Apostolicæ, ab iisdem ordinariis, uti delegatis ut supra (qui nullius, in his, facultatibus, aut priuilegiis impediuntur) diligenter cognoscantur, Et quos non reppererint, ob maximè euidentem Ecclesiæ, uel beneficii, seu dignitatis necessitatem, legitime constitutos esse: in totum reuocent: atque beneficia huiusmodi, sine damno illa possidentium, & restituito patronis eo quod ab eis idcirco datum est: in pristinum libertatis statum reducant, non obstantibus priuilegiis, constitutionibus, & consuetudinibus, etiam immemorabilibus.

Canon. X.

Quoniam ob malitiosam potentium suggestionem, et quandoque ob locorum longinquitatem, personarum notitia, quibus cause mādantur, usque adeo haberi non potest: hincq; interdum iudicibus, non undequaque idoneis, cause in partibus delegantur: statuit. S. Synodus, in singulis Concilijs Prouincialibus, aut Diocesanis, aliquot personas, quæ qualitates habeant, iuxta constitutionem Bonifacij Octauj, quæ incipit, Statutum: et alioquin ad id apta designari, ut præter ordinarios locorum, ijs etiam posthac cause ecclesiasticæ, ac spirituales, et ad forum ecclesiasticum pertinentes, in partibus delegandæ committantur. Et si aliquem interim ex designatis, mori contigerit substituat ordinarius loci, cum consilio capituli, alium in eius locum, usque ad futuram Prouincialem, aut Diocesanam Synodum: Ita ut habeat quæque Diocesis, quatuor saltem, aut etiam plures probatas personas, ac ut supra qualificatas: quibus, huiusmodi cause, à quolibet legato, uel Nuntio, etiam à sede Apostolica committantur: alioquin, post designationem factam (quam statim Episcopi, ad summum Romanum Pontificem transmittant) delegationes quæcunque aliorum Iudicum, alijs, quàm his factæ, surreptitiæ censeantur. Admonet de hinc sancta Synodus, tam ordinarios, quàm alios quoscunque Iudices: ut terminandis, quanta fieri poterit breuitate studeant: ac litigatorum artibus, seu in litis contestatione, seu alia parte iudicij differenda, modis omnibus, aut termini præfixione, aut competenti alia ratione occurrant.

Canon. XI.

Magnam, Ecclesiis perniciem afferre solet: cum earum bona, representata pecunia, in successorum præiudicium, alijs locantur. omnes igitur hæ locationes, si anticipatis solutionibus fient: nullatenus, in præiudicium successorum ualidæ intelligantur: quocunque indulto, aut priuilegio non obstante. Nec huiusmodi locationes, in Romana Curia, uel extra eam, confirmantur. Non liceat etiam, Iurisdictiones Ecclesiasticas, seu facultates nominandi, aut deputandi Vicarios in spiritualibus, locare: nec conductoribus, per se, aut alios, ea exercere: aliterq; concessiones, etiam à sede Apostolica factæ, surreptitiæ censeantur. Locationes uero rerum Ecclesiasticarum, etiam auctoritate Apostolica confirmatas, Sancta Synodus irritans: decernit, quas à triginta annis citrà, ad longum tempus: seu, ut in nonnullis partibus, à uiginti nouem, seu bis uiginti nouem annos, uocant factas: Synodus Prouincialis, uel deputandi ab ea: in damnum Ecclesiæ, et contra Canonicas sanctiones contractas fuisse: iudicabunt.

Canon. XII.

Non sunt ferendi, qui uarijs artibus, Decimas, Ecclesiis obuenientes, subtrahere moliuntur: aut qui ab alijs soluendas, temere occupant, et in

rem suam uertunt : cum Decimarum solutio, debita sit Deo : Et qui eas dare noluerint, aut dantes impediunt : res alienas inuadunt. Præcipit igitur, Sancta Synodus, omnibus, cuiuscunque gradus, & conditionis sint : ad quos, Decimarum solutio spectat : ut eas (ad quas de Iure tenentur) in posterum, Cathedrali, aut quibuscunque aliis ecclesiis, uel personis ; quibus legitime debentur integre persoluant . Qui uero eas, aut subtrahunt, aut impediunt : excommunicentur, nec ab hoc crimine, nisi plena restitutione secuta absoluantur . Hortatur de hinc omnes, & singulos, pro christiana charitate, debitoq; erga pastores suos munere : ut de bonis sibi à Deo collatis, episcopis, & Parochis, qui tenuioribus præsunt ecclesiis, largè subuenire, ad Dei laudem, atque ad Pastorum suorum, qui pro eis inuigilant, dignitatem tuendam, non grauentur .

Canon. XIII.

Decernit Sancta Synodus, ut quibuscunque in locis, iam ante annos Quædraginta, Quarta (quæ funeralium dicitur) Cathedrali, aut parochiali ecclesie solita esset persolui, ac postea fuerit ex quocunque priuilegio, alijs monasterijs, hospitalibus, aut quibuscunque locis pijs concessa : eadem posthac, integro Iure, & eadem portione, quæ antea solebat, Cathedrali, seu parochiali ecclesie persoluantur : Non obstantibus concessionibus, gratijs, priuilegijs, etiam mari magno nuncupatis : aut alijs quibuscunque.

Canon. XIII.

Quam turpe : ac Clericorum nomine, qui se diuino cultui addixerunt, sit indignum : in impudicitie sordibus, immundoq; Concubinato uersari : satis res ipsa, communi fidelium omnium offensione, summoq; Clericalis militie dedecore, testatur . Ut igitur, ad eam, quam decet continentiam, ac uitæ integritatem, ministri ecclesie reuocentur : populusq; hinc, eos magis discat reuereri, quò illos uita honestiores cognouerit : prohibet S. Synodus, quibuscunque clericis, ne concubinas, aut alias mulieres, de quibus possit haberi suspicio : in domo, uel extra detinere : aut cum iis, ullam consuetudinem habere audeant . Alioquin, poenis, à sacris canonibus, uel statutis ecclesiarum puniuntur . Quòd si, à superioribus moniti, ab iis, se non abstinerint : tertia parte fructuum, obuentuum, ac prouentuum, beneficiorum suorum quorumcunque, & pensionum, ipso facto sint priuati : quæ, fabricæ ecclesie aut alteri pio loco, arbitrio Episcopi applicetur . Sin uero in delicto eodem, cum eadem, uel alia foemina, perseverantes : secundæ monitioni, adhuc non paruenerint : non tantum fructus omnes, ac prouentus suorum beneficiorum, & pensiones, eò ipso amittant : qui prædictis locis applicentur : sed etiam, à beneficiorum ipsorum administratione (quoad ordinarius, etiã uti sedis Apostolicæ delegatus, arbitrabitur) suspendantur . & si ita suspensi, nihilominus eas non

expellant: aut cum ijs etiam uersentur: tunc, beneficijs, portionibus, ac officijs, & pensionibus quibuscunque ecclesiasticis, perpetuo priuentur: atque inhabiles, ac indigni quibuscunque honoribus, dignitatibus, beneficijs, ac officijs, in posterum reddantur: donec post manifestam uitæ emendationem, ab eorum superioribus, cum ijs, ex causa, uisum fuerit dispensandum. sed si, postquam eas semel dimiserint, intermissum consortium repetere, aut alias huiusmodi scandalosas mulieres, sibi adiungere, ausi fuerint: præter prædictas penas, excommunicationis gladio plectantur. Nec quæuis appellatio, aut exemptio, prædictam executionem impediat, aut suspendat: supradictorumque omnium cognitio, non ad Archidiaconos, nec Decanos, aut alios inferiores, sed ad Episcopos ipsos pertineat: qui, sine strepitu, & figura iudicij, & sola facti ueritate inspecta, procedere possint. Clerici uero, beneficia ecclesiastica, aut pensiones non habentes: iuxta delicti, & contumaciæ perseuerantiam, & qualitatem: ab ipso Episcopo, carceris poena, suspensione ab ordine, ac inhabilitate ad beneficia obtinenda, alijsue modis, iuxta sacros canones, puniantur. Episcopi quoque (quod absit) si ab huiusmodi crimine non abstinerint: & à synodo provinciali admoniti, se non emendauerint: ipso facto sint suspensi. Et si perseuerent: etiam ad sanctissimum Romanum Pontificem, ab eodem synodo deferantur: qui pro qualitate culpæ, etiam per priuationem (si opus erit) in eos animaduertat.

Canon XV.

Vt paternæ incontinentiæ memoria, à locis Deo consecratis (quos maxime puritas, sanctitasque decet) longissime arecatur: Non liceat filiis clericorum, qui non ex legitimo nati sunt matrimonio: in ecclesijs, ubi eorum Patres, beneficium aliquod ecclesiasticum habent, aut habuerunt: quodcunque (etiam dissimile) beneficium obtinere: nec in dictis ecclesijs, quoquo modo ministrare: nec pensiones, super fructibus beneficiorum, quæ parentes eorum obtinent, uel aliàs obtinuerunt, habere: Quod si in præsentem, pater, & filius, in eadem ecclesia, beneficia obtinere reperiatur: cogatur filius, suum beneficium resignare: aut cum alio permutare, extra ecclesiam, intra trium mensium spatium: aliàs, ipso iure, eo priuatus existat, & super ijs, quæcunque dispensatio, surreptitia censetur. Ad hæc, reciprocarum resignationes, si quæ post hæc, à parentibus Clericis, in fauorem filiorum fient, ut alter, alterius beneficium consequatur: in fraudem huius Decreti, & Canonicarum sanctionum factæ, omnino censeantur. Nec collationes sequutæ, uigore huiusmodi resignationum, seu aliarum quarumcunque, quæ in fraudem factæ fuerint, ipsis Clericorum filijs suffragentur.

Canon XVI.

Statuit Sancta Synodus, ut Ecclesiastica beneficia secularia: quocunque nomine

mine appellentur: quæ curam animarum, ex primæua eorum institutione, aut aliter quomodocunque retinent: illa deinceps, in simplex beneficium, etiam assignata Vicario perpetuo, congrua portione, non conuertantur: Non obstantibus quibuscunque gratis, quæ suum plerarium effectum, non sunt consecutæ. In ijs uerò, in quibus, contra earum institutionem, seu foundationem, cura animarum, in Vicarium perpetuum translata est: etiam si in hoc statu, ab immemorabili tempore reperiuntur: si congrua portio fructuum, Vicario ecclesie (quocunque nomine is appelletur) non fuerit assignata: ea quam primum, et ad minus intra annum, à fine præsentis Concilij, arbitrio ordinarii, iuxta formam Decreti, sub se: re: Paulo III. assignetur. Quod si, id commodè fieri non possit: aut intra dictum terminum, factum non erit: cum primum, per cessum, uel decessum Vicarii, seu Rectoris, aut quomodolibet aliter eorum uacauerit beneficium: curam animarum recipiat: ac uicarie nomen cesset: et in antiquum statum restituatur.

Canon XVII.

Non potest Sancta Synodus, non grauiter dolere, audiens Episcopos aliquos, sui status oblitos, Pontificiam dignitatem non leuiter dehonestare: qui cum Regum ministris, regulis, et baronibus, in ecclesia et extra, indecenti quadam demissione se gerunt: et ueluti inferiores ministri Altaris: nimis indigne, non solum loco cedunt: sed etiam personaliter illis inferuiunt. Quare, hæc, et similia detestans, Sancta Synodus: sacros Canones omnes, Conciliaque generalia, atque alias apostolicas sanctiones, ad dignitatis episcopalis decorum, et grauitatem pertinentes, renouando, præcipit: ut ab huiusmodi in posterum, episcopi se abstinant: mandans eisdem, ut tam in ecclesia, quam foris, suum gradum, et ordinem, præ oculis habentes, ubique se Patres, et pastores esse meminerint: reliquis uerò, tam Principibus, quam cæteris omnibus, ut eos paterno honore, ac debita reuerentia prosequantur.

Canon XVIII.

Sicuti publicè expedit, legis uinculum quandoque relaxare, ut plenius, euidentibus casibus, et necessitatibus, pro communi utilitate satisfiat: sic frequentius legem soluere, exemploque potius, quam certo personarum, rerumque delectu, petentibus indulgere: nil aliud est, quam unicuique ad leges transgrediendas, aditum aperire. Quapropter sciant uniuersi, sacratissimos Canones, exactè ab omnibus, et quoad eius fieri poterit, indistinctè obseruandos. Quod si, urgens, iustaque ratio, et maior quandoque utilitas, postulauerit, cum aliquibus dispensandum esse: id, causa cognita, ad summa maturitate, atque gratis, à quibuscunque, ad quos dispensatio pertinebit, erit præstandum: aliterque facta dispensatio, surreptitia censeatur.

D

*N. de duellis
et de illis qui
alio modo eis
interfuit.*

Detestabilis duellorum usus, fabricante Diabolo introductus, ut cruenta corporum morte, animarum etiam perniciem lucretur: ex Christiano orbe, penitus exterminetur, Imperator, Reges, Duces, Principes, Marchiones, Comites, & quocunque alio nomine, Domini temporales, qui, locum ad Monachiam, in Terris suis, inter Christianos, concesserint: eò ipso, sint excommunicati: ac Iurisdictione, & Dominio Ciuitatis, Castri, aut loci, in quo, uel apud quem, duellum fieri permiserint, quod ab Ecclesia obtinent, priuati intelligantur: & si feudalia sint: directis Dominis, statim acquirantur. Qui uerò pugnam commiserint: & qui eorum patrini uocantur: excommunicationis, ac omnium bonorum suorum proscriptionis, ac perpetue infamie poenā, incurrant: & ut homicide, iuxta sacros Canones, puniri debeant. Et si, in ipso conflictu decesserint: perpetuò careant ecclesiastica sepultura. Illi etiam qui consilium in causa duelli, tam in Iure, quàm facto dederint: aut alia quacunque ratione, ad id, quengquam suaserint: nec non spectatores: excommunicationis, ac perpetue maledictionis uinculo teneantur: Non obstante quocunque privilegio seu praua consuetudine, etiam immemorabili.

*N.
de ecc. libertate.*

Cupiens sancta Synodus, ecclesiasticam disciplinam, in Christiano populo, non solum restitui, sed etiam perpetuò sanctam tectam à quibuscunque impedimentis, conseruari: præter ea, quæ de ecclesiasticis personis constituit: seculares quoque Principes, officij sui admonendos esse censuit: confidens, eos, ut Catholicos (quos Deus, sanctæ fidei, ecclesiæq; protectores esse uoluit) ius suum, Ecclesiæ restitui, non tantum esse concessuros: sed etiam subditos suos omnes, ad debitam erga clerum, Parochos, & superiores ordines, reuerentiam, reuocatuos: nec permissuros, ut officiales, aut inferiores magistratus, ecclesiæ & personarum ecclesiasticarum immunitatem, Dei ordinatione, & Canonis sanctionibus constitutam, aliquo cupiditatis studio, seu inconsideratione aliqua, uiolent: sed unà cum ipsis Principibus, debitam, sacris sumorum Pontificum, & Conciliorum constitutionibus, obseruantiam, præstent. Decernit itaque, & præcipit, sacros Canones, & Concilia generalia omnia, nec non alias Apostolicas sanctiones, in fauorem ecclesiasticarum personarum, libertatis ecclesiasticæ, & contra eius uiolatores editas (quæ omnia, præsentis etiam Decreto, innouat) exactè ab omnibus obseruari debere. Prætereaq; admonet Imperatorem, Reges, Respublicas, Principes, & omnes, & singulos, cuiuscunque status, et dignitatis extiterint: ut quò largius, bonis temporalibus, atque in alios potestate, sunt ornati: eò sanctius, quæ ecclesiastici Iuris sunt, tanquàm Dei præcipua, eiusq; patrocinio tecta uenerentur: Nec ab ullis Baronibus, Domicellis, Rectoribus, alijsue Dominis tem

221.

poralibus, seu Magistratibus, maximeq; ministris ipsorum Principum, ledi
 patiantur: sed seuerè in eos, qui illius libertatem, immunitatem, atque Iuris-
 dictionem impediunt, animaduertant: Quibus etiam ipsimet, exemplo, ad pie-
 tatem, religionem, ecclesiarumq; protectionem existant: imitantes antero-
 res optimos, religiosissimosq; Principes: qui res ecclesiæ, sua in primis au-
 thoritate, ac munificentia auxerunt: nedum ab aliorum iniuria vindicarunt:
 Adeoq; ea in re, quisque officium suum sedulò præstet: quò cultus diuinus,
 deuotè exerceri, & Prælati, ceteriq; clerici, in residentijs, & officijs suis,
 quieti, & sine impedimentis, cum fructu, & ædificatione populi, per-
 manere ualeant.

Canon. XXI.

Postremò sancta Synodus, omnia, & singula, sub quibuscunque clausulis,
 & uerbis, quæ de morum reformatione, atque ecclesiastica disciplina, tam
 sub fe: re: Paulo. III. ac Iulio. III. quàm sub Beatissimo Pio Quarto,
 Pontificibus Maximis, in hoc sacro Concilio statuta sunt: Declarat, ita de-
 creta fuisse, ut in his, salua semper, sedis Apostolicæ auctoritas, & sit
 & esse intelligatur.

D E C R E T U M V L T I M U M, P R I M A E
 dici, Sessionis. IX. & ultime Tridentin.

Cùm ea omnia, quæ in præsentì Sessione tractanda erant, quia hora tar-
 da est, commodè expediri non possint: propterea, iuxta id, quod in generali
 Congregatione, à Patribus statutum fuit, ea, quæ supersunt, in diem crasti-
 nam, hanc eandem Sessionem continuando, differuntur.

D 2

DECRETA PVBLICATA

DIE SECVNDA, SESSIONIS IX. ET

ultima, Tridentin. sub S. D. N. Pio PP. IIII.

Die Quarta Decembris.

M. D. LXIII.

DECRETVM DE INDVLGENTIIS,

publicatum die secunda, Sessionis ultima Triden. sub sanctiss.

mo D. N. Pio IIII. Pont. Max. die 4. Decembris

M. D. LXIII.



V M potestas conferendi Indulgentias, à Christo, Ecclesiæ concessa sit: atque huiusmodi potestate, diuinitus sibi tradita, antiquissimis etiam temporibus, illa usa fuerit: sacrosancta Synodus, Indulgentiarum usum, Christiano populo maximè salutarem, et sacrorum Conciliorum auctoritate probatum, in ecclesia retinendum esse docet, et præcipit: eosq; anathemate damnat, qui, aut inutiles esse asserunt: uel eas

concedendi, in ecclesia potestatem esse negant. In his tamen concedendis, moderationem, iuxta ueterem, et probatam in ecclesia consuetudinem, adhiberi cupit: ne, nimia facilitate, ecclesiastica disciplina eneruetur. Abusus uerò, qui in his irrepsit: et quorum occasione, insigne hoc Indulgentiarum nomē, ab hæreticis blasphematur: emendatos, et correptos cupiens: præsentis Decreto generaliter statuit: prauos quæstus omnes, pro his consequendis (unde plurima, in Christiano populo, abusu causa fluxit) omnino abolendos esse. Ceteros uerò, qui ex superstitione, ignorantia, irreuerentia, aut aliunde, quomodocumque prouenerunt: cum ob multiplices, locorum, et Prouinciarum, apud quas hi committuntur, corruptelas, commodè nequeant, specialiter prohiberi: Mandat omnibus Episcopis, ut diligenter quisque, huiusmodi abusus Ecclesiæ suæ colligat: eosq; in prima synodo Prouinciali referat: ut aliorum quoque Episcoporum sententia, cogniti: statim ad summum Romanum Pontificem, deferantur: cuius auctoritate, et prudentia, quod uniuersali Eccle-

si expediet, statuatur: ut ita, sanctarum Indulgentiarum munus, piè, sanctè,
& incorruptè, omnibus fidelibus dispensetur.

2 DECRETVM, DE DELECTV CIBORVM, IE-
iuniis, & diebus festis, publicatum eadem die secunda Sessionis

IX. & ultimæ Triden.

Insuper hortatur Sancta Synodus, & per sanctissimum Domini Nostri,
atque Saluatoris aduentum, Pastores omnes obtestatur: ut tanquàm boni mi-
lites, illa omnia, quæ sancta Romana Ecclesia, omnium Ecclesiarum mater, &
& magistra, statuit: necnon ea, quæ, tam in hoc Concilio, quàm in aliis Oecu-
menicis, statuta sunt: quibuscunque fidelibus, sedulò commendent: omniq; di-
ligentia utantur, ut illis omnibus: & iis præcipuè: sint obsequentes, quæ ad
mortificandam carnem, conducunt: ut ciborum delectus, & ieiunia: uel etiã,
quæ faciunt ad pietatem augendam: ut dierum festorum, deuota, & religiosa
celebratio: admonentes populos crebrò, obedire propositis suis: Quos qui
audiunt, Deum remuneratorem audient: qui uero contemnunt, Deum ipsum
ultorem sentient.

3 DECRETVM, SVPER INDICE,
Catechismo, Breuiario, & Missali, publicatum eodem die. 2.

Sessionis ultimæ Tridentinæ.

Sacro sancta Synodus, in secunda Sessione, sub sanctissimo Domino No-
stro Pio Quarto celebrata, delectis quibusdam Patribus, commisit, ut de ua-
riis censuris, ac libris, uel suspectis, uel perniciosis, quid facto opus esset,
considerarent: atq; ad ipsam sanctam Synodum referrent: audiens nunc, huic
operi, ab eis extremam manum impositam esse: nec tamen, ob librorum uarie-
tates, & multitudinem, distinctè, & commodè possit à Sancta Synodo di-
iudicari: præcipit, ut quicquid ab illis præstitum est, sanctissimo Romano
Pontifici exhibeatur: ut eius iudicio, atque auctoritate terminetur, & euul-
getur. Idemq; de catechismo, à Patribus, quibus illud mandatum fue-
rat, & de missali, & breuiario, fieri mandat.

4 DECRETVM, SVPER LOCO ORATORVM;
publicatum eadem die secunda, sessionis ultimæ Triden.

Declarat sancta Synodus, ex loco assignato Oratoribus, tam ecclesiasti-
cis, quàm secularibus, in sedendo, incedendo, aut quibuscunque aliis actibus,
nullum cuiquam eorum factum fuisse præiudicium: sed omnia illorum, &
Imperatoris, Regum, rerum publicarum, ac Principum suorum iura, &

Sessio.

prærogatiuas, illæsas, & saluas esse, in eodemq; statu permanere, prout antea præsens Concilium reperiiebantur.

DECRETVM, SVPER OBSERVANTIA DECRETORVM Concilij, publicatum eadem die secunda Sessiois Vlt. Triden.

Tanta fuit horum temporum calamitas, & hereticorum inueterata malitia: ut nihil tam clarum, in fide nostra asserenda, unquam fuerit, aut tam certò statutum: quod non humani generis hoste suadente, illi, errore aliquo non contaminauerint. Ea propter, Sancta Synodus, id potissimum curauit, ut præcipuos hereticorum nostri temporis errores, damnet, & anathematizaret: ueramq; & catholicam doctrinam traderet, & doceret: prout damnauit, anathematizauit, & diffiniuit. Cumq; tam diu, tot episcopi, ex uarijs Christiani orbis Prouincijs, euocati: sine magna gregis sibi commissi iactura, & uniuersali periculo, ab Ecclesijs abesse non possint: nec ulla spes restet, hereticos, toties, fide etiam publica, quam desiderarunt, inuitatos: & tam diu expectatos, huc amplius aduenturos: Ideò tandem, huic sacro Concilio finem imponere, necesse sit: superest nunc, ut principes omnes (quod facit) in Domino moneat, ad operam suam ita præstadam: ut quæ, ab ea decreta sunt: ab hereticis deprauari, aut uiolari non permittant: sed ab his, & omnibus, deuotè recipiantur, & fideliter obseruentur. Quòd si, in his recipiendis, aliqua difficultas oriatur, aut aliqua inciderint, quæ declarationem (quod non credit) aut diffinitionem postulent: præter alia remedia, in hoc Concilio instituta, confidit Sancta Synodus, ~~quod~~ Romanum Pont. curaturum, ut, uel euocatis, ex illis præsertim prouincijs, unde difficultas orta fuerit, his, quos eidem negotio tractan. uiderit expedire: uel etiam Concilii generalis celebratione (si necessarium iudicauerit) uel commodiore, quacunque ratione, ei uisum fuerit: prouinciarum necessitatibus, pro Dei gloria, & Ecclesiæ tranquillitate consulatur.

Beatis. mu

DECRETVM SVPER LEGENDIS DECRETIS,
sub Paulo III. & Iulio III. publicatum eadem die secunda,
Sessiois ultimæ Tridentinæ.

Quoniam diuersis temporibus, tam sub se: re: Paulo III. quam Iulio III. multa in hoc sacro Concilio, quò ad dogmata, ac morum reformationem, statuta, & diffinita sunt: Vult sancta Synodus, ut illa nunc recitentur, & legantur.

Et successiue; Decreta ipsa, lecta fuerunt.

LXVI.
DECRETVM SVPER FINE CONCILII
I M P O N E N D O :

Et confirmatione petenda à Sanctiss. D. N. publicatum eadem die secunda, Sessionis ultimæ Tridentinæ.

Illustrissimi Domini, Reuerendisimiq; Patres, Placet ne uobis, ut ad laudem Dei omnipotētis, huic Sacræ Oecumenicæ Synodo, finis imponatur? & omnium, & singulorum, quæ tam sub se: re: Paulo III. & Iulio III. quàm sub Sanctiss. D. N. Pio Quarto, Romanis Pontificibus, in ea decreta, & diffinita sunt, confirmatio, nomine sanctæ huius synodi, per Apost. sedis Legatos, & Præsidentes, à Beatiss. Rom. Pont. petatur?

Omnes responderunt, Placet.

ACCLAMATIONES IN FINE SACRI CONCILII: recitate ab Illustrissimo, & Reuerendissimo Cardinale à Lotharingia, respondente toto Concilio.

IIII die Decembris.

Cardinalis.



B A T I S S. Pio Papæ, & domino nostro, sanctæ & uniuersalis Ecclesiæ Pontifici, multi anni, & æterna memoria.

Responsio Patrum.

Domine Deus, sanctissimum patrem, diutissimè ecclesiæ tuæ, conserua, multos annos.

C. Beatissimorum summorum Pontificum animabus, Pauli Tertii, & Iulii tertii: quorum autoritate, hoc sacrum generale Concilium inchoatum est: pax à domino, & æterna gloria, atq; foelicitas, in luce sanctorum.

R. Memoria in benedictione sit.

C. Caroli quinti Imperatoris, & Serenissimorum Regum, qui hoc uniuersale Concilium promouerunt, & protexerunt, pax à Domino, & æterna gloria, atque foelicitas, in luce sanctorum.

R. Memoria in benedictione sit, Amen.

C. sereniss. Imperatori Ferdinãdo, semper Augusto, orthodoxo, & pacifico: Et omnibus Regibus, Rebus publicis, & Principibus nostris, multi anni.

R. Pium, & Christianum Imperatorem, Domine conserua. Imperator
coelestis, terrenos Reges, rectæ fidei conseruatores, custodi,

C. Apostolicæ Romanæ sedis Legatis, & in hac Synodo præsidentibus, cum
multis annis, magnæ gratiæ.

R. Magnas gratias, dominus retribuat.

C. Reuerendiß. Cardinalibus, & Illustribus Oratoribus.

R. Magnas gratias, multos annos.

C. Sanctiß. Episc. uita, & scælix ad Ecclesias suas reditus.

R. Præconibus ueritatis, perpetua memoria: orthodoxo Senatui, mul-
tos annos.

C. Sacrosancta, Oecumenica, Tridentina Synodus, eius fidem confiteamur:
eius decreta semper seruemus.

R. Semper confiteamur, semper seruemus.

C. Omnes ita credimus, omnes id ipsum sentimus, omnes consentientes, & am-
plectentes subscribimus, hæc est fides Petri, & Apostolorum, hæc est
fides Patrum, hæc est fides orthodoxorum:

R. Ita credimus, ita sentimus, ita subscribimus.

C. His Decretis inherentes, digni reddamur misericordijs, & gratia, primit,
& magni supremi sacerdotis Iesu Christi Dei, intercedente, simul, in-
uiolata Domina nostra Sancta Deipara, & omnibus Sanctis.

R. Fiat, fiat, Amen, Amen.

C. Anathema cunctis hæreticis.

R. Anathema, Anathema.

Mandatur omnibus Patribus: ut subscribant Decretis Concilij.

Illustriß. Domini, Reuerendiß. Patres, Præcipitur uobis, sub pœna exco-
municationis, ne quisquam uestrum, ab hac Ciuitate Tridentina discedere:
antequam, ijs, quæ in hac sacra Synodo decreta fuere, propria manu subscri-
bat: aut per publicum instrumentum approbet.

Patauij ad instantiam Petrum Antonium Alciatum.

CATALOGVS

LEGATORVM, PATRV M,
Oratorum, & Theologorum
omnium,

Qui ad Sacrosanctam Oecumenicam Tridentinam
Synodum conuenerunt:

Quorum Nomina, Cognomina, Patria, & Digni-
tates, hic simul explicantur.

CARDINALES LEGATI
ET PRAESIDENTES.



ERCVLES Gonzaga S. R. E. Presb. Card.
tituli S. Mariae nouae Mantuanus, obiit Tri-
denti, die secunda Martij 1563. & sepul-
tus Mantuae.

Hieronymus Seripandus S. R. E. presb. Card.
tituli s. Susannae Neapolitanus, obiit Tri-
denti, die 17 Martij 1563. & ibi sepultus in Ecclesia s. Mar-
ci ordinis fratrum Eremitarum s. Augustini, quorum olim
fuerat Generalis.

- + Ioannes Moronus S. R. E. Card. Episcopus Praenestinus, Medio- *Obiit Romae 30. die Martij*
lanensis in demortui Card. de Mantua locum missus. *Obiit an. 1560.*
- + Stanislaus Hosius S. R. E. presb. Card. tit. s. Laurentij in Pa- *Obiit anno 1579.*
lisperna Polonus Varmiensis.
- + Ludouicus Simoneta S. R. E. presb. Card. tit. s. Cyriaci in Ter-
mis Mediolanensis. *mortuus est Romae.*
- + Marcus Sitticus S. R. E. Diaconus Card. Basilica duodecim Apo- *Obiit Romae die Februarii*
stolorum de Altaemps Germanus. *1594.*
- + Bernardus Nauagerius S. R. E. presb. Card. tit. s. Nicolai inter
Imagines Venetus, in demortui Card. Seripandi locum missus. *Mortuus est Venedi, cuius Ce-*
lestis erat Episcopus.

CARDINALES NON LEGATI

- + Carolus à Lotharingia S. R. E. presb. Card. tit. s. Apollinaris *Mortuus est anno 1574.*
Princeps, & Archiepiscopus Rhemensis. *Lotheringus. Obiit 2. decembris.*
- + *Mortuus* Ludouicus Madrucius S. R. E. Diaconus Card. electus Episcopus *Obiit Romae*
Tridentinus, Germanus. *Obiit 19. mensis Aprilis 1600.*

a a

C A T A L O G V S

ORATORES, QUORVM NOMINA HIC

describuntur iuxta eorum aduentum in Ciui-
tatem Tridentinam.

*Georgius istius Archiepiscopus
episcopus colonicus, Cardinalis à S. V. Pot. Max. est renuciatus die xviij. mensis Decem-
bris, anno 1585.*

*Georgius Drascouicinus Croattus, Orator Cas. pro Regno Hunga-
riae Episcopus Quinquæcclesiens. Eps. Zagabienensis deinde creatus.*

Antonius de Muglitio Morauus, Orator Cas. Archiepiscopus
Pragensis.

Ferdinādus Martineus Mazcarenius Orator sereniss. Regis Por-
tugalliae.

Andreas Duditijs Sbardelatus episc. Canadiensis Orator pro
Prelatis & Clero Hungariae. *Eps. quinquæcclesiensis postea creatus.*

+ Sigismondus à Tunn. Orator Casareus. *et hunc in eis et apud Regem Poloniae pro
Franciscus Ferdinandus de Aualos Marchio Piscaria Orator ut dicitur.*
Regis Catholici.

+ Ioannes Strozzius Florentin. Orator excellentiss. Ducis Floren-
tia, & Senarum.

*Guidonis filius saecularis Melchior Lussi eques auratus, Orator septem cantonum, Helue-
tiorum.*

*Augustinus Paungartner I. V. D. de Monachio, Orator Illu-
strissimi. Alber. Ducis Bauariae.*

Nicolaus de Ponte, doctor & eques. + *Oratores D. Venetorum. hic 1588.*

Et Matthaeus Dandulus eques. + *Matthaeus Dandulus postea creatus.*

Ludouicus de Lansac,
Renaldus Ferrerius Praesidens in par
lamento Parisien.

Et Guido Faber Index maior Tolosae.

+ *Valentinus Herbutus, Polonus episc. Praemissensis. Orator se-
reniss. Regis Poloniae.*

*Marcus Antonius Bobba Casalensis epis. Augusten. in Pede-
montio Orator sereniss. Ducis Sabaudiae.*

*Claudius Fernandez quignonii comes Lunensis Orator Regis Ca-
tholici. mortuus est Indente scilicet postea creatus.*

+ *Hieronymus de Gaddis Florentinus episcopus Cortonen. Orator
excellentiss. Ducis Florentiae missus in locum Ioannis Strozzi.*

*Frater Martinus Rojas Portarubens Orator Illustrissimi ac
Reuerendissimi D. Magni magistri, ac totius ordinis sancti
Ioannis Hierosolymitani, eiusdem ordinis procancellarius.*

C A T A L O G V S
ARCHIEPISCOPI PII
Q V A R T I.

*Car. lis. +
quarto die xij. mar. +
M. 2. L. xuy. more flor.
Mortuus Rome an. 1597.
die. Mar. -*

obijt Rome an. 1573. +

*Car. lis. Creatus à Pio V.
die 17. May. 1570. -*

Philippus Mocenicus Venetus Regni cipri primas,
& legatus natus archiepif. Nicosien.
Guilielmus de Auanson Gallus archiepif. Ebredunensis.
Antonius Cauchus Venetus archiepif. Corcirenfis. *et Cormes.*
Germanicus Bordinus Senen. electus archiep. Senarum. *et Cormes.*
Marcus antonius Columna Romanus. archiep. Tarentinus.
Gaspar de Fosso Cosentinus ord. Sancti Francisci de Paula
archiepiscopus. Reginus.
Antonius de Muglitio Morauus ora. Cef. arch. Pragen.
Maximus de Maximis Romanus. archiepif. Amalphitanus.
Gaspar Ceruantes de Gaeta Hispanus archiepif. Messanenfis.
Leonardus marinus Genuen. ord. præ. archiepif. Lancianensis.
Octavianus Præconius Messanenfis ordi. Mino.
Conuentualium Sancti Francisci archiepif. Panormitanus.
Nicolaus de Pelue Gallus archiepif. Senonensis.
Antonius Iustinianus Chienfis ordinis Prædica-
torum archiepif. Naxiensis.
Antonius Puteus Nicien. archiepif. Barenfis.

E P I S C. LEONIS X.

Vincentius Nicosantius de Fano Episc. Arbensis.
Ioannes Franciscus de flisco Ianuen. episc. Andriensis.
Io. Thomas de Sancto Felicio Neapol. episc. Cauensis senior.

E P I S C. ADRIANI XI.

Quintius de Rusticis Romanus episcopus. Milleten.

E P I S C. CLEMENTIS VII.

*Car. lis. Creatus à Pio V.
quarto die xij. mar. +
M. 2. L. xuy. more flor.*

Lucas Bizanthius de Catharo episc. Catharen.
Aloysius Pisanus Venetus episc. Patauinus. +
Alexander Piccolhominus Senen. episc. Pientin.
Dionysius Græcus ord. minorum Sancti Franci- +

sci de obseruan.episc.
Gabriel le Veneur Gallus episc.
Guilielmus de Montbas Gallus episc.

Milopotā. senio.
Ebroicensis.
Lefforensis.

EPISC. PAVLI III.

<i>Antonis à Camara Sabudus episc.</i>	<i>Bellicensis.</i>
+ <i>Nicolaus Maria Caracciolus Neapol.episc.</i>	<i>Cataniensis.</i>
<i>Berardus bon Ioannes Romanus episc.</i>	<i>Camerinensis.</i>
<i>Fabius Mirtus Neapol.episc.</i>	<i>Caiacen.</i>
<i>Scipio Bongallus Romanus episc.</i>	<i>Ciuitatis Castel.</i>
<i>Georgius Cornelius Venetus episc.</i>	<i>Taruisinus.</i>
<i>Vincentius Durantius Brixien.episc.</i>	<i>Termularum</i>
<i>Mauritius de Petra papiensis episc.</i>	<i>Viglenensis.</i>
<i>Martius de Martijs Medices episc.</i>	<i>Marsicen.</i>
<i>Ioannes Vincentius Michaelius Barolitanus.</i>	
<i>Episcopus.</i>	<i>Minerbinen.</i>
<i>Gabriel de Bouucri Gallus episc.</i>	<i>Andegauen.</i>
<i>Leonardus Haller Germanus episc.</i>	<i>Philadelphiensis.</i>
<i>Ludouicus Vaninus de Theodolis. Forliuien.</i>	
+ <i>Mortuus est Tridenti, episc.</i>	<i>Britonorien.</i>
<i>Egidius Falcetta Cingulanus episc.</i>	<i>Britonorien.</i>
<i>Iulius contarenus Venetus episc.</i>	<i>Ciuit. Bellunen.</i>
<i>Thomas Casellus Rossanen.ord.præ.episc.</i>	<i>Cauenfis Iunior</i>
<i>Hippolytus Ariuabenus Mantuanus episc.</i>	<i>Hierapetren.</i>
<i>Hieronymus Macchabeus Romanus episc.</i>	<i>Castrensis.</i>
<i>Petrus Augustinus Hispanus episc.</i>	<i>Oscensis et Iacensis</i>
+ <i>Iacobus Naclantus Florentin.ord.præd.episc.</i>	<i>Clodiensis.</i>
<i>Bartholomæus Sirigo Creten.episc.</i>	<i>Castellaneten.</i>
+ <i>Thomas Stella Venetus ord.præd.episc.</i>	<i>Iustinopolitan.</i>
<i>Petrus du Val Gallus episc.</i>	<i>Sagiensis.</i>
+ <i>Ioannes Antonius Pantusa Consentinus obiit</i>	
<i>Tridenti die 27 Octobris 1562.episc.</i>	<i>Literanensis.</i>
<i>Ioannes Baptista de Grossis Mantuanus.episc.</i>	<i>Regiensis.</i>
<i>Ioannes Xuarez Lusitanus ord.s. Augustini.epi.</i>	<i>Coymbricen.</i>
<i>Philippus Riccabella Raccanaten.episc.</i>	<i>Raccanaten.</i>
<i>Io. Iacobus Barba Neapol.ord.s. Augustin. episc.</i>	<i>Iteranen.</i>
<i>Michael à Torre Vtinen.episc.</i>	<i>Ceneten.</i>

Carlo's Crea
fu à Gregorio XIV. die 24. Decembris 1683. +

Hic Placidus est summi
Pont. Greg. II. apud Galloni
Regem.

C A T A L O G V S

+ Pompeius Zambecarius Bonien. episc.	Sulmonen.
Ioannes Beroaldus Panormitanus episc.	Sanctæ Agatæ
Antonius Scarampus Aquensis. episc.	Nolanus.
Antonius de Comitibus Genuen. ord. præd. episc.	Brugnacen.
Cæsar foggia rossanensis episc.	Umbriaticen.
Cæsar comes à Gambara Brixien. episc.	Tortonensis
Io. Baptista de Bernardis Lucensis episc.	Adiacensis.
Martinus Perezius de Ayala Hispanus episc.	Segobienfis.
Nicolaus Tpsaulme Gallus ord. s. Bene. episc.	Verdunensis.
Alfonsus Rosetus Ferrarien. episc.	Comaclen.
Iulius Parisianus de Tolentino episc.	Ariminenfis.
+ Bartholomeus Sebastianus Hispanus episc.	Pactensis.
Franciscus Lambertus Sabaudus episc.	Nicienfis.
Maximilianus Doria Genuen. episc.	Naulensis.
+ Eustachius Du bellay Gallus episc.	Parisiensis.
Bartholomeus de Capranica Romanus episc.	Carinensis.
Ennius Massarius de Narnia episc.	Feretranus.
Achilles Brancia Neapolitanus episc.	Bouensis.
Io. Franciscus Verdura Messanen. episc.	Chironen.
Albertus Duimius de Gliricis ordinis præd. episcopus.	Veglenfis.
Io. Antolinez de Bricianos de la Ribera Hisp. episc.	Iuuenacen.
Tristanus de Bizet Gallus episc.	Xantonen.

E P I S C O P I I V L I I I I I.

+ Ascanius Gherardinus de Amelia episc.	Cattacenfis
Marcus Gonzaga Mantuanus episc.	Aasorenfis.
Baldouinus de Baldouinis Pisanus episc.	Auersanus.
Petrus Franciscus Palauicinus Genuen. episc.	Alerien.
+ Aegidius Fuscararius Bononien. ord. præd. episc.	Mutinen.
Timotheus Iustiniānus de Chio. ord. præd. episc.	Calamonen.
Didacus de Almansa Hispanus episc.	Cauriensis
+ Lactantius Rouerella Ferrarien. episc.	Asculanus.
Ambrosius Moticula Lunēsis Sarzanēsis episc.	Segninus.
+ Sebastianus Gualterius Viterbiensis episc.	Viterbien.
Honoratus Fascitellus monachus ord. s. Benedicti.	Insulanus.
Neapolitanus episc.	

P A T R V M.

+ Petrus Camoianus Aretinus epis.	Fesularum
Horatius Græcus Troianensis Appulus epis.	Lefinensis.
Bernardinus de cuppis Romanus epis.	Auximanus.
Gaspar de Casal Lusitanus ord.s. Augusti. epis.	Leirien.
Ioannes de Moruillier Gallus epis.	Aurelianen.
Fabius Cupallata Placentinus epis.	Lachedonen.
Iulius Gentilius Tortonenfis epis.	Vulturarien.
Adrianus Fusconius Romanus epis.	Aquinus.
Antonius de s. Michaelis Hiss. ord.s. Francisci de obseruantia epis.	Montis marani
Hieronymus Melchiorius Racanaten. epis.	Maceratensis
Petrus de Petris de Monte Aretinus, epis.	Lucerinus.
Iulius Gritus Venetus epis.	Parentinus.
Iacobus Siluerius Piccolhomineus de Celano epi.	Aprutinus.
Ludouicus de Bresze Gallus epis.	Meldensis.
1576 de + Iacobus Mignanellus Senensis epis.	Grossetanus.
mensi Augusti. Io: Andreas Crucius de Tibure epis.	Tiburtin.
Carolus Cicada Genuen. epis.	Albinganen.
Franciscus Maria Piccolhomineus Senēsis epis. Ilcinen.	
Ascisclus Moya de Contreras Hispanus epis.	Vicen.
+ Galeatius Roscius de Interanna mortuus est Tri- denti xvi. Octobris 1563. epis.	Assisicnsis.
Franciscus Richardotus Burgundus epis.	Atrebaten.
Iaco. Maria Sala Bononiē. Italus in Gallia, epis.	Viuariensis.
Gabriel de monte s. Sabini epis.	Hesinus
Marianus Sabellus Romanus episc.	Eugubinus.
Agapitus Belhomo Romanus, epis.	Casertanus.
Iulius Cananus Ferrariensis. epis.	Adriensis.
+ Iulius Gallettus Pisanus, epis.	Alessanensis
Hieronymus Burgenfis Gallus, epis.	Cathalaunensis.

*Sic nunc est. et hanc
nunc creaturam a Pio. Pont.
obijt anno 1579. Alce*

*Nunius semi 16^o Eoc
gory Euy. apud noshu
Magni Ehuic Ducem
of. 1573.*

*Car. Gualterij Euy. in
Decembris 1583.*

E P I S C O P I P A V L I I I I I.

Scipio Aestenfis Ferrariensis. epis.	Cassalensis
Didacus Sarmiete de sotto maior Hispanus, epis.	Astoricen.
Thomas Goduelus Anglus, epis.	Assaphensis
Faustus Caffarellus Romanus episc.	Fundanus.
Bellisarius Balduinus Neapolitanus, epis.	Larinensis.
+ Vrbannus Vigerius de Ruere Genuen. epis.	Senogalliensis

C A T A L O G V S

Iacobus Surretus Græcus episc.	Milopotam. In
✠ Io: Baptista Ofius Romanus obiit Spoleti dñ redi-	(nior
ret ad eccl. suam die 12 Nouemb. 1562 episc.	Rheatinus.
Marcus Laureus Tropiensis ord. præd. episc.	Campanien.
Franciscus de Beauquere Gallus episc.	Metensis.
Hercules Rettinger Germanus epis.	Lauantinus.
* Ioannes Franciscus commendonus episc.	Hyacinthenfis
Iulius de Rubeis Polin. episc.	Sancti Leonis.
Carolus de Grassis Bononiens. episc.	Montis falisci.
Arrias Gallego Hispanus epis.	Gerunden.
Hieronymus Gallego Hispanus episcopus	Ouitensis.
Ioannes de Munnatones hispanus ord. s. August.	
episcopus.	Segorbicen.
Franciscus Blanco hispanus episc.	Aurienfis.
Vincentius de Luchis Bononien. epis.	Anconitanus.
+ Pompeius Piccolhomineus de Aragonia epis.	Tropiensis
Petrus Barbadicus Venetus episc.	Curzolen.
Franciscus Bachodius Sabaudien. epis.	Gebennen.
Carolus d' Angennes Gallus epis.	Cenomanensis.
Hieronymus de Nichisola Veronen. ord. præd. episc.	Theanen.
+ Marcus antonius Bobba Casalensis, Orator Serenif.	
Ducis Sabaudia, episcopus Augustensis in Pede-	
montio. <i>(Cardinalis 1563)</i>	
Iacobus Lomellinus Messanensis epis.	Mazarien.
Donatus de Laurentijs de Asculo Appulia. epis.	Arianen.
✠ Petrus. Contarenus Venetus mortuus est Patani	
in Mense Maij 1563. epis.	Paphensis
Petrus Danesiñs Gallus episc.	Vaurenfis.
Hieronymus Sauorgnanus Forouilien. epis.	Sibinicen.
Carolus de Rouey Gallus epis.	Suesfionen.
Philippus Du Bec Gallus episc.	Veneten.
Georgius Draconicius Croattus orator Cas. pro	
Regno Hungariae episc.	Quinquecclesien.
Franciscus de Aguirre Hispanus episc.	Cotronen.
Andreas de Cuesta hispanus epis.	Legionen:
Antonius Gorriñero epis.	Almerien.
Antonius Augustinus hispanus episc.	Ilerdensis
+ Angelus Massarellus Septendanus episc.	Thelesinus.
	Antonius

*Car. creatus à Pio
quarto, die 29. martij
1564. morte Plon.
Carolus ipse Cardinalis
creatus est à Pio 5.
1570.*

*Carolus 15. +
creatus.*

C A T A L O G V S

Ioannes Andreas Bellonius Messanen. episc.	Masselubren.
Georgius Zischouid Vngarus ordinis minorum sancti Francisci de obseruantia episc.	Segniensis
Stephanus Boucher Gallus episc.	Corisopitensis.
Ioannes Paulus Amannius Crensen. episc.	Anglonen.
Federicus Cornelius Venetus episc.	Bergomensis.
Alexander Sfortia de s. Flora episc.	Parmen.
Antonius le Cirier Gallus episc.	Abtincensis
Andreas Mozanicus Venetus episc.	Nimosien.
Benedictus Saluinus Firmanus episc.	Verulanus
Guilielmus Cassador Hispanus episc.	Barchinonen.
Petrus Gonzalez de Mendoza Hispanus epis.	Salmantinus
Martinus de Corduba de Mendoza Hiss. ordi- nis præd. episc.	Dertusen.
Iulius Magnanus Placentinus ord. minor. con- uentualium s. Francisci episc.	Caluen.
Valentinus Herbutus Polonus orator Sereniß. Regis Poloniae episc.	Præmiffien.
Simon Aleottus Foroliuië. electus Foroliuië. mor- tuus est Tridenti die 20 August. 1562 episc.	Foroliuiensis
Petrus de Xaque Hiss. ord. præd. episc.	Nioquen.
Prosper Rebiba Messanen. episc.	Troianus.
Melchior Auosmediano hispanus epis.	Guadixen.
Hippolitus de Rubeis Parmensis electus episc.	Papiensis.
Didacus de Leon hispanus ord. carmel. episc.	Colombrien.
Annibal Saracenus Neapol. episc.	Liciensis
Paulus Iouius Comen. episc.	Nucerinus
Hieronymus Triuisanus Venetus ord. præd. mor- tuus est Tridenti die 9 Septemb. 1562 episc.	Veronensis.
Hieronymus Ragazzonus Venetus episc.	Famagustan. et Moritici.
Romulus de Valentibus de Trebia episc.	Conuersanus et Rome.
Lucius Maranta Venusin. episc.	Cauellen. Bergomensis.
Simon de Nigris Genuen. episc.	Sarazanensis. ann. 1592.
Theophilus Gallupus Tiopiensis episc.	Oppiden.
Iulius Simonetta Mediolanensis episc.	Pisaure.
Petrus Allebret Nauarrus episc.	Cumenensis
Iacobus Guidius Volateranus epis.	Pennë. adrië. q.
Didacus Ramijrez hispanus episc.	Pampilonen.

Car. Creatus à Pio
quarto die xij. martij
M. D. Lxviij. more flor.

Aug. Sic à Sixto v.
Poc. Mox. Cardinalis
Creatus die 18. Decem
Eis. 1565. obijt de Moxe
April. 1565. Romæ

Car. Creatus à Pio
quarto die xij. martij
M. D. Lxviij. more flor.

Franciscus del Gado hispanus episc.
Ioannes Clauffe Gallus episc.
Iacobus Gibertus de Noguerras Hispanus episc.
Antonius maria de Saluiatis Romanus in Gal-
lia episc.
Matthaeus Priulus Venetus episc.
Thomas Lilius Bononiensis episc.
Fabius Pignatellus Neapolitan. episc.
Hieronymus Guerrinus Feretranus episc.
Carolus de Vicecomitibus Mediolanen. episc.
Thomas Oyerllaithe Hibernus episc.
Franciscus Valet Callus episc.
+ Ioannes Colosuarinus Hungarus ord. praed. obiit
Tridenti die 24 Nouembr. anno 1562 episc.
Andreas Duditus Sbardellatus Hunga. nuc ep.
Spinellus Bencius Politian. episc.
Franciscus Abondius Castillioneus episc.
Stanislaus Faleschi Polonus episc.
Eugenius Ohairt Hibernus ord. praed. episc.
Donaldus Magongial Hibernus episc.
Guido Ferrerius Pedemontanus episc.
+ Io: Baptista Sighicellius Bononien. episc.
Sebastianus Vantius de Arimino episc.
Io: baptista Lomellinus Messanen. episc.
+ Io: baptista Milaneseus Florentinus episc.
Augustinus Mollignatus Vercellensis episc.
Carolus Grimaldus Genuensis episc.
Fabricius Landrianus Mediolanen. episc.
Bartholomeus Ferratinus Amerin. episc.
Petrus Fragus Hispanus episc.
+ Hieronymus de Gaddis Florentinus orator Ducis
Florentiae electus episc.
Franciscus Contarenus Venetus episc.
Ioannes Delphinus Venetus episc.
Alexander Molus Comensis episc.

Lucensis.
Senecen.
Aliphanus
Sancti Pauli.
Aemonien.
Soranus.
Monopolitan.
Imolensis.
Vintimiliensis
Rossen.
Vabren.
Canadiensis
Cenadiensis
Motis politiani
Bobien.
Theodosien. uel Chafensis
Achaden.
Rapoten.
Vercellensis
Fauentinus
Vrbuetanus
Gardien.
Marficanus
Triuicanen.
Sagonen.
Sancti Marci
Amerinus
Vsellensis
Cortonensis
Paphensis
Torcellanus
Minorensis

Car. creatus a
Pio quarto die 29.
mar. 1562. more flo.
deinde Ovingne de
creatus ab
Car. creatus ab
eodem die.
Car. creatus ab eode
eodem die.
hic Nicolaus est summi Pont.
Gregorius 15us de p. Max.
in hanc cesarem.
nunc id est anno 1560.
Episcopus est Bruxien
+ obiit de anno 1564.

REVERENDI ABBATES.

Ludonicus de Baissey Gallus Cisterciens. Abbas & Generalis
bb ii

Car. creatus a
Pio quarto die 29.
mar. 1562. more flo.
deinde Ovingne de
creatus ab
Car. creatus ab
eodem die.
Car. creatus ab eode
eodem die.
hic Nicolaus est summi Pont.
Gregorius 15us de p. Max.
in hanc cesarem.
nunc id est anno 1560.
Episcopus est Bruxien
+ obiit de anno 1564.

C A T A L O G V S

Car. creatus à Pio V. + Hieronymus de la Souchiere Gallus Abbas Clareuallen.
 Stephanus de Nauaria Abbas s. Mariæ gratiarum, prope Placentiam.
 Augustinus Loschus Hispanus Abbas Cassinensis Sancti Benedicti de Feraria.
 Euthitius de Cordes Antuerpiensis Abbas pro titulo.

G E N E R A L E S O R D I N V M.

Car. creatus à Pio V. 1570. obiit 1572. + Vincentius Iustinianus Genuen. Generalis ordinis prædicatorum.
 + Franciscus Zamora Hispanus. Generalis s. Francisci de obseruantia
 + Antonius Sapiens Augustanus Generalis s. Francisci Conuent.
 + Christophorus Patauinus Generalis s. Augustini
 Stephanus Fazzinus Cremonen. Prouincialis Lombardiæ pro Generali ord. Carmelitarum.
 + Ioannes Baptista Milliaucca Astensis Generalis Sernorum.
 + Iacobus Laynez Generalis societatis Iesu.

D O C T O R E S L E G I S P R O S A C R O
C O N C I L I O.

Car. creatus à Pio quarto die 24. martij 1568. obiit 1597. + Gabriel Palcottus Bononiensis Auditor Rotæ
 Scipio Lancilottus Romanus Aduocatus Consistorialis
 Ioannes Baptista Castellus Bononiensis promotor.
 Michael Thomasius Maioricen. doct. decretorum.
Nunc Auditor Rotæ. Martij. 1568. Car. creatus à Greg. die 12. Decembris 1583.

T H E O L O G I A S V M M O P O N T I -
F I C E M I S S I.

+ Alphonsus Salmaron Hispanus ordinis Iesuitarum
 Frater Petrus de Sotto ordinis prædicatorum Hispanus obiit Tridenti.
 + Franciscus Torenensis doct. Theologus Hispanus.
 Antonius Solisius doct. Theologus hispanus.
 + Frater Camillus Campegius papien. Inquisitor Ferrariæ ordinis prædicatorum.
 Frater Hieronymus Brano hispanus ordi. prædi.

Docto

P A T R V M.

DOCTORES THEOLOGIAE FACULTATIS

Parisiensis, missi à Carolo nono, Galliarum

Rege Christianissimo.

Nicolaus Maitlard Decanus facultatis parisiensis.

Ioannes Peletier.

Antonius Demochares

Nicolaus de Bris.

Iacobus Hugonis Franciscanus, idem etiam procurator Reueren-
dissimi Ioannis Vrsini Episcopi Trecorensis.

Simon Vigor

Richardus Du Pre

Nat̃alis Paillet obiit Tridenti V 11. calend. December. 1562.



Robertus Fournier

Antonius Coquier

Lazarus Broychot.

Claudius de Saintes Canonicus regularis.

THEOLOGI MISSI A PHILIPPO

REGE CATHOLICO.

Cosmas Damianus Hortolanus electus Abbas Villabertrandi.

Ferdinandus Tritius doct̃or Theologus Canonicus Caurien.

Ferdinandus Vellofillus doct̃or. Theologus Canonicus Segontinus

Thomas Dassio I. V. D. Canonicus Valentinus.

Licentia Antonius couarruias auditor Granaten.

Ferdinandus Minchaca Decretorum doct̃or.

Frater Ioannes Ramirez hispan. minister prouin. diui Iacobi

Frater Alphonsus Contreras Commissarius ordinis in curia Re-
gis hispaniæ.

Frater Michael de Medina, sacræ Theologiæ doct̃or

Frater Ioannes Lobera Hisp. sacræ Theologiæ lect̃or Salamanticę
missus in societatem ministri prouincialis diui Iacobi sup. me-
morati.

Frater Ioannes Gallo hispanus ord. præd.

Frater Petrus Fernandez hispanus ord. præd. in societate magi-
stri Gallo.

Frater Desiderius de S. Martini panormi. ord. Carmelita.

Michael Bains ab Atho sacræ Theologiæ doct̃or.

bb iii

C A T A L O G V S

Ioannes Hessel Louanio sacræ Theologiæ doct̃or.
Cornelius Iansonius Hulstensis sacræ Theologiæ doct̃or.

T H E O L O G I M I S S I A R E G E
 P O R T V G A L L I A E.

Frater Franciscus Foriero ordinis prædicatorum.
D. ~~Diego~~ à Payua de Andrade Lusitanus doct̃or Theologus.
D. Melchior Cornelius Decretorum doct̃or senator Regis Portu-
gallia.

A B E X C E L L E N T I S S . D V C E B A V A R I Æ

Ioannes Canillonius Flander, ex societate Ihesuitarum.

P R O C V R A T O R E S E P I S C O P O R V M
 A B S E N T I V M.

Merchantus doct̃or Theologus pro Illustriss. Cardinale de Men-
doza episcopo Burgen.
Io: Gothardus Cler. sec. Germanus pro Reuerendiss. episcopo Ra-
tisbonen.
Georgius Hochenuarter Cleri. secu. doct̃or Theologus, suffragane-
us pro Reuerendiss. episcopo Basiliensi.
Frater Felicianus Ninguarda de Morbinio ordi. predi. pro Illu-
strissimo Domino Salezburgen. Orator.
Petrus Cumel Doct̃or Theologus Canonicus Malacitanus pro Re-
uerendissimo Malacitano.
Ioannes Delgadus, doct̃or Theologus, Canonicus Tydensis pro
D. Ioanne de s. Aemiliano Reuerendiss. episc. Tudenst.
Gaspar Cardillus Villalpandens Segobr. doct̃or theologus pro Re-
uerendiss. episc. Abulen.
Frater Ioannes de Ludenna doct̃or Theologus ord. præd. pro Reue-
rendiss. episc. Seguntino.
Frater Franciscus Orantes, lect̃or Valisoletti ord. minorum pro
Reuerendiss. episc. Palentino.
Cæsar Ferrantius Sueffanus doct̃or theologus pro Reuerendissimo
episcopo. Sueffano apud Reuerendissimum Ilerdensen.

P A T R V M.
POCVRATORES ORDINVM.

Ioannes Contignon doct. Gallus. Prior, & Procurator ord. Cluniacensis.
Nicolaus Boucherat Gallus Prior Monasterij de Recluso procurator Generalis ordinis Cisterciensis.

THEOLOGI SECVLARES ET DOCTORES
I V R I S C A N O N I C I

Georgius Girard. Gallus doct. theologus cum Reuerendiß. Andegauensi.
 + *Gentianus Hernetus Gallus cum Illustriß. & Reuerendiß. Cardinale à Lotharingia.*
Franciscus Sancius Decanus, facultatis theologiæ, & Canonicus Salmanticens. cum Reuerendiß. Salmaticen.
Mattheus Guerra Consentinus Calabr. præsb. secularis cum Reuerendiß. episc. s. Marci.
Federicus Pendasius cum Illustriß. Card. de Mantua legato s. Concilij.
Io. Franciscus Lombardus cum Illustriß. Card. Saripando legato Sacri Concilij.
Petrus Mercatus theologus cum Reuerendiß. Vicensi.
Trigillus doct. theologus Canonicus Legionen. cum Reuerendiß. Legionen.
Sobannus doct. theologus cum Reuerendiß. Legionen.
Antonius Leitonius doct. theologus, cum Reuerendiß. Conymbricensi.
Petrus Fontidonius doct. theologus, cum Reuerendissimo Salmantino.
Ioannes Villetta doct. theologus, cum Reuerendiß. Barchinonē.
Ioannes Fonseca doct. theologus, cum Reuerendiß. Archiepisc. Granaten.
Michael Oroncuspe doct. theologus, cum Reuerendiß. episcopo Pampilonen.
Alfonsus Fernandez dela Guerra Hisp. doct. theologus, cum Reuerendiß. Guadixien.
Cosmus Palma Fonteyus, sacre Theologiæ doct. Hispanus, Hor-

C A T A L O G V S

tolani Abbatis, Discipulus, & Comes.
 Michael Ytero D.V. l. cum Reuerendiss. episc. Pampilonen.
 Iosephus Puebla doct̃or theologus, cū Reuerendiss. ep. Cinitaten.
 Ioanes Chacon doct̃or Iuris Canonici, cum Reuerendiss. episcopo
 Almerien.
 Antonius Garfias doct̃or theologus, cū Reuerendiss. episc. Oueten.
 Benedictus Arias Mantoanus ord. s. Iacobi doct̃or theologus, cū
 Reuerendiss. Segobienfi.
 Ioannes Barcelona theologus, cum Reuerendiss. episc. Vscellen.

DOCTORES GALLI ORDINIS S. BENEDICTI.

Ioannes Carthougne doct̃or Theologus.
 Ioannes de Verdun Gallus, doct̃or Theologus.

THEOLOGI ORDINIS FRATRVM P R A E D I C A T O R V M.

+ Angelus Ciofus Florentinus cum Illustrissimo Card. Mantuano
 Legato.

*Hic Magr' est Generalis
 l'is totius ordinis.* + Saraphinus de Caballis de Brixia, Prouincialis terræ sanctæ,
 cum Reuerendissimo suo Generali. *Ordinis predicatorum Generalis est factus
 post cardinale
 Iustinianum.*
 Helisæus Capys Venetus theologus. Archiepiscopi Pragen.
 Petrus Aridiensis Gallus cum Reuerendissimo D. Cenomanen.
 Bernardus Bernardi Gallus Inquisitor Auinioni Vicarius Con-
 grega. Franciæ, cum Reuerendiss. D. Nemansensi.
 Ioannes Matthæus Valdina, cum Reuerendissimo D. Tarentino.
 Petrus Martyr Coma Hisp. cum Reuerendiss. D. Gerundensi.
 Petrus Zatores Hispanus, cum Reuerendissimo D. Dertusensi
 Antonius de Grosupto cum Reuerendissimo D. Vigliuanensi
 Aurelius de Chio cum Reuerendiss. D. Spalatren.
 Adrianus Valenticus Venetus, cum Reuerendiss. D. Nicosiens.
 Marcus Medices Veronensis, cum Reuerendissimo D. Ceneten.
 Benedictus Herba Mantuanus, cum Reuerendissimo D. Brixienfi
 Michael d' Ast Genuensis Prior sancti Laurentij.
 Constantinus Coccianus Isorella cum R. D. Monte Pulciano.
 Henricus de s. Hieronymo cum Reuerendissimo D. Braccarenfi.
 Ludouicus de sotto mayor. cum Reuerendiss. D. Georgio de Tayde.
 Baptista

P A T R V M.

Baptista de Lugo cum Reuerendiſſ.D. Veronenſi.
Hieronymus Barolus Papien.

NOMINA FRATRVM THEOLOGORVM

beati Franciſci de obſeruatiã cum ſuo Generali.

Aloſius de Burgo nouo, Italus ſacræ Theologiæ leſtor Bono-
nien. Commiſſarius generalis. *ſic Iohis ordinis 2. Franciſci eſt electus poſt Franciſci Zamor-
ram ſignand.*
Thomas de Sogliano Italus Prouin. Bononia, Miniſter
Antonius de Padua Luſitanus ordinis Secretarius.
Bonifacius Raſuſeus Apoſt. prædicator Terræ S. Gubernator.
Angelus de Petriolo Italus leſtor ſacræ Theologiæ Peruſii
Angelus Iuſtinianus Italus leſtor ſacræ Theologiæ Ianuæ. *ſic Epicoſpus eſt Ca-
neuenſis.*
Vincentius de Meſſina Italus ſacræ Theologiæ Leſtor Neapoli.
Iulius Orſeanus Italus ſacræ Theologiæ Leſtor Borgomi.
Iacobus Alani Gallus Theologus cum Reuerendiſſ. epif. Veneten.

NOMINA OMNIVM THEOLOGORVM

ordinis Fratrum Minorum Conuentualium exiſtentium in
Sacro Concilio cum Reuerendiſſ. patre generali.

Marcus Antonius Gambaronus à Lugho ſocius Religionis.
Bartholomeus Golphus de Pergula.
Ioannes Tertius Bergomenſis leſtor Theologiæ publicus in Gim-
naſio Papienſi.
Clemens Thomasinus de Florentia regens in Conuentu Sanctæ
Crucis de Florentia.
Auguſtinus Balbus à lugo.
Iohannes Baptiſta Gbiſulphus ordinis ſcriba.
Antonius de Grignano regens s. Antonij de patauio.
Lucius Anguſiola Placentinus regens s. Franciſci Bononia.
Maximianus Benianus Cremeniſis orator pro Religione et inqui-
ſitor Paduæ.
Oſtauianus charus de Neapoli regens s. Laurentij de Neapoli
Antonius Poſius de monte Ilcino regens in conuentu duodecim
Apoſtolorum Romæ.
Bonauentura Meldulenſis regens in conuentu Parmæ.
Martialis Peregrinus Calaber regens in Conuentu Ferrariæ.

Antonius à Cubalo Felternsis.

*Andreas Schynopius de Amandula cum Reuerendiß. D. Cathar-
zario.*

Baldasár Cryspus Neapolitanus cum Reuerendiß. D. Tropienfi.

THEOLOGI ORDINIS FRATRVM ERE-
mitarum Sancti Augustini.

*Sic Magr^{us} et Generalis
huius Augustiniani
ordinis factus est.*

Thadeus Perusinus cum Reuerendiß. D. Saluiati.

*Ioannes Paulus Recinetensis cum Reuerendiß. D. Quinq; Eccle-
sien. Orator pro Regno Hungariæ.*

+ Simon florentinus cum Illustriß. Card. Serypando Legato.

Cherubinus Lauosius de Cassia cum Reuerendiß. D. Vercellen.

Ambrosius Veronensis dicti conuentus s. Marci.

Ioannes Baptista Burgus Valentinus Hispanus.

*Antonius Mondulphensis, qui est cum Reuerendiß. D. Pragen.
Oratore.*

Egidius Volateranus cum Reuerendiß. epis. Thininien.

*Eugenius Pisaurensis in præterita Quadragesima Concilij Præ-
dicator.*

Adamantius Florentinus qui est cum Illustriß. C. Madrutio.

Aurelius Corinaltensis cum D. Oratore Heluetiorum.

Balthazar Massanus cum Reuerendiß. epis. Catanien.

Sebastianus Fanensis eiusdem ordinis scriba.

Christophorus de Sanctotis Borgenfis Hispanus.

Simon de Brazzolatris Patavinus.

THEOLOGI ORDINIS FRATRVM
CARMELITAN.

*Stephanus Locumtenens generalis ordinis Carmelitanus, &
Prouincialis Lombardiæ Cremonen.*

Theodorus Mafius cum Reuerendiß. D. Cremonensi Mantuanus.

Siluester, confessor Illustriß. Card. Mantuani.

Lucretius Asolanus cum Reuerendiß. D. Patriarcha Venetiari.

Nicolaus Gallus cum Reuerendiß. patre generali.

Eraldus Gallus cum Reuerendiß. patre generali.

Laurentius Venetus cum Reuerendiß. patre generali.

P A T R V M.
THEOLOGI ORDINIS FRATRVM
SERVORVM

Stephanus Bonu~~is~~^{is} Aretinns.
Amans pro cōgregatione seruorum cū Reuerendiß.D. Sibinicen.

OFFICIALES SACRI CONCILII
TRIDENTINI.

Episcopus Cauensis Commissarius.

Episcopus Thelesinus secretarius.

+ Ludonicus Magister Caremoniarum. *Hic Romę ante sumū Pont. Sixtū
v. in Aula Regia, mane diei sancti*

CANTORES SACRI CONCILII

Simon Bertolinus Perofinus.

Ioannes Aloysius de Episcopis Neapolitanus.

Bartholomeus Conte Gallus.

Mathias Albo de Fulignus.

Franciscus Bustamante Hispanus.

Ioannes Antonius Latinus Beneuentan.

Franciscus Druda Vrbini.

Lucas Longinquus Gisonen.

Petrus Scorteccio Aretinus.

*petri concilio perē
moribus, partibz post
vicam finit, Anno
1587.*

N O T A R I I

Marcus Antonius Peregrinus Comensis &

Cynthyus Panphilus de s. Seucrino.

Hieronymus Gamber Brixienfis Forrenfis.

Antonius Manellus depositarius.

CURSORES SANCTISS. D. N. ET
SACRI CONCILII

Nicolaus de Matheis & Iacobus Carra Alobrages.

Finis Catalogi omnium Legat. Patr. Orat. & Theologor. qui ad
Trident. Synod. conuenerunt, sub D. N.

Pio IIII.

BRIXIAE apud Ludonicum Sabiensem.

M. D. LXIII.

4861480A

THEOLOGICAL ORDINATIONS

THEOLOGICAL ORDINATIONS

OFFICIALS OF THE CONCILII

OFFICIALS OF THE CONCILII

OFFICIALS OF THE CONCILII

OFFICIALS OF THE CONCILII

NOTES

NOTES


CARDS OF THE CONCILII

CARDS OF THE CONCILII

CARDS OF THE CONCILII

CARDS OF THE CONCILII

481111



480

1511

